

ზ. ავალიუზილი.

# საქართველთა დამტკიცებლთა

1918-1921 წლების

საერთაშორისო პოლიტიკაში.

მოგონებანი. ნაკვეთები.

პარიზი 1925 წ.

თ ა რ გ მ ა ნ ი.

~~გამომცემი~~ წინასიტყვაობით

ტფილისი

1925

საქართველოსთვის აღსრულებულთა  
ხსოვნას

ახალთ საიმედოდ

MORTUIS PRO GEORGIA  
IN MEMORIAM

JUNIORIBUS  
IN SPEM

## POST-SCRIPTUM

# წინასიტყვაობის ნახვლად

„ჩემი სურვილი არის, საქართველო ისეთივე ძლიერი იყოს, როგორც წინად იყო; რომ არავითარი დახმარება უცხოელთა არ სჭირდებოდეს მშვიდობიანობისა და ომის დროს.

მაგრამ რაკი დროთა ბრუნვისა, ანუ დაუდგრომლობის მიზეზით, ანუ, შესაძლოა, ამ ორსავე მიზეზით ერთად, ისეთ დაუძლურებამდის მივედით, რომ სხვებს უნდა დავემორჩილოთ, მე უფრო გონივრულათ მიმაჩნია, იმათგან ვიყოთ დამოკიდებული, ვინც უფრო ზომიერი და მართლის მოყვარეა და ვინც მეგობრობას თავის მოკაეშირეებთან უფრო მტკიცეთ ინახავს“...

ეს სიტყვები გუშინ არ არის ნათქვამი, მაგრამ მათი თქმა შეიძლებოდა ჩვენს დროშიაც; ასი წლის წინათაც; და საერთოდ ყოველთვის, როცა კი საქართველო იძულებული ხდებოდა ხალხთა ბედის გადამწყვეტ მეზობელ იმპერიებში აერჩია ერთ-ერთი პოლიტიკური დამოკიდებულების შესაკრავათ.

მოყვანილი გრძელი ტირადა ამოღებულია იმ სიტყვიდან, რომელსაც ათქმევინებს ძველი, ბიზანტიელი ისტორიკოსი ჰაიეტს „დიდებულს... ყოველივე რომაულის მოძულეს, სპარსელების მუდმივ მომხრეს“. წარმოთქმული კი იყო სიტყვა (რომელშიაც საქართველოს მაგიერ ნახმარია ლაზიკა-კოლხი და; უფრო ზედმიწევნით: სახელმწიფო ანუ რესპუბლიკა კოლხთა) 554 წ. ქ. დ. შ. სადღაც, მთის მივარდნილ ხევში სახალხო, საიდუმლო ყრილობის წინაშე, რომელიც თათბირობდა დღიურ პოლიტიკურ კითხვებზე; მაშინდელ ამიერ-კავკასიისთვის ეს იყო ერთ-ერთი დრამატიზმით გაჟღენთილი ისტორიული წამი, როცა მათ

მიწაზე და მათ გამო წარმოებდა ბრძოლა სპარსელთა და რომაელთა, ე. ი. ბიზანტიელთა შორის; ადგილობრივი ხალხებიც არ იდგენ გულხელდაკრეფილი. ჰაიეტის სიტყვებში საკვირველი სინათლით და მოკლეთ გამოთქმულია დასაბუთება იმისი, რასაც ეხლა უძახიან პოლიტიკურ ორიენტაციას საქართველოსას, ანუ, რომელიც უნდა იყოს, ეგრედ წოდებულ მცირე ერისას და რომელიც, ასეთსავე პირობებში, — ძლიერ იმპერიათა ბრძოლის დროს — იცავს თავის დამოუკიდებლობას\*).

კავკასიის ერებს მე-VI საუკუნის შუაში, აღმოსავლეთ რომის იმპერიის ძალმომრეობასა და ირანის სასანიდთა წინააღმდეგობის შორის, ერთ-ერთი რამ უნდა აერჩიათ, მაგრამ იმ დროის მოღვაწეებს, უკან რომ მიიხედავდნენ, შეეძლოთ, მოეგონებიათ არა ერთი წარსული ორიენტაციის შეცვლა. სხვა რა იყო, თუ არა შესაფერად არჩეული მიმართულება ძლევა-მოსილ, კეთილად-განწყობილ, შორეულ რომთან კავშირის დაჭერა, რომლის შესახებ ხსოვნა, უეჭველია, ჯერ კიდევ ცოცხალი იყო და რომლის შესახებ, მცხეთაში ვესპასიანის ცნობილ წარწერებზედაც რომ არაფერი ვთქვათ, ანგორის შესანიშნავ ძეგლზე (Monumentum Ancyranum) ავგუსტოსის მოღვაწეობის მოკლე ცნობები დღემდეა შენახული (Index rerum gestarum divi Augusti: თავისი ელჩების პირით იბერთა, ალბანთა მეფეებმა... სთხოვეს რომის ხალხს მეგობრობა).

წინა საუკუნეში, პომპეებისა და ლუკულლების დროს, რესპუბლიკისა და მიტრიდატ ევპატორ პონტიელის შორის ბრძოლაში, განა კავკასიას არ უმტყუნა კამათელმა და არ წააგო თავისი საქმე შემცდარი „ორიენტაციის“ გამო? შორს, საუკუნეთა სიღრმეში, შეეძლო მე-VI საუკუნის კოლხეთ-ლაზიკის ანუ იბერიის მამულიშვილს გადაეხედნა და ბევრი რამ მეხსიერებაში აღედგინა. მაგრამ მან არ იცოდა, თუ რა მზადდებოდა და რა მოჰქონდა მომა-

---

\*) შეადარე, ჰაიეტის საკუთარი სიტყვები, რომელთაც მიაკუთვნებს მას: *Agathiae Historiarum III: 9. გვ. 156* გამოც. 1828 წ. *Corpus scriptorum historiae byzantinae*. რუსული თარგმანი ტექსტში ამოღებულია კრებულიდან: ლაზიკა და იბერია *K. Ган. Известия древних писателей о Кавказе. Ч. II. Тифлис 1890 г.*, და ოდნავ ჩემ მიერ არის შეკეთებული. განს ბერძნული დედნის კოლხიკე პოლიტეია უკანონოდ აქვს გადათარგმნილი — „კოლხთა სამეფო“.

ვალს: არც საუკუნეებით გაწამებული მდგომარეობა კავკასიისა, მეომარ ისლამსა და იმდენადვე შეურთებელ ქრისტიანობას შორის; არც ბედი ამ ქვეყნებისა, რომელნიც მუდმივ შემოსევათა უროს გრდემლათ გახდებოდნენ; არც შემდეგი საუკუნეების ცვალებადობა, რომელსაც მიჰყავდა საქართველო ხალიფების ბალდადიდან და ძოწეულმოსილ იმპერატორთა კონსტანტინეპოლიდან—სპარსეთის აღორძინების ისპაჰანშიაც, ამურატების სტამბოლშიაც, და „უწყნარესი“ მეფეების მოსკოვშიაც; არ იცოდენ, რო ჩვენს დროში, რომანოვების პეტერბურგის იმპერიასთან ერთი საუკუნის კავშირის შემდეგ, ისტორიის მსვლელობა გაგზავნის საქართველოს 1918 წელს ბერლინისაკენ, 1919 წ.—ლონდონისაკენ და 1921 წელს ისევ მიიყვანს მოსკოვის, ეხლა კი უკვე ლენინის მოსკოვის ხელისუფლებამდე.

მაშინ, მე-VI საუკუნეში, არ შეეძლოთ წინათ განსჭვრეტა, რომ უნდა ასრულებულიყო საქართველოს სრული დამოუკიდებლობის ოცნებაც;—რაც ასე იზიდავდა ჰაიეტეს წარსულში. მართლაც, დადგა წუთი, როცა ხალხის, შრომით, მმართველთა გონიერებით და ეროვნული ენერჯის დაძაბვრით გამაგრებული საქართველო აღარ საჭიროებდა „ორიენტაცია“ აერჩია, არამედ ლალად ცხოვრობდა ბრძოლასა და შრომაში (ამას ხელს უწყობდა აწონ-დაწონილი და ხერხიანათ გამოყენებული გარეშე პირობები): დავით აღმაშენებლიდან თამარ მეფემდე (XI-XIII საუკ.), (აახლოვებით იბნ-მისანის მიერ სახელმწიფოთა აყვავებისათვის დადებულ დროის განმავლობაში, საქართველომაც გაატარა სიხარულისა და კეთილისმყოფელი დუღილის დიდი ხანა.

მიგდებულსა და კინალამ დავიწყებულს წარსულის ფურცლებს მეცნიერთა და მწერალთა ახალმა თაობებმა მზრუნველის ხელით თან და თან გადასწმინდეს ფერფლი, და ეს წარსული ახლად თვალახელილათვის, იწყებს ელვარებას ათასი პატიოსანი ფერადებით, ვით მკყვარტლ-გადაწმენდილი ფრესკი. აღდგენილ იქმნა ძველი ზნე-ჩვეულება, რომელიც მუდამ იყო კულტურული და კაცთმოყვარე.

წარსულთან ასეთის კავშირისა და წარსულის ასე გათვალისწინების შემდეგ, უნაყოფო და ამაო იქნებოდა, საქართველოს და კავკასიის სხვა ერების დღევანდელ პოლიტიკურ მოძრაობაში ვხედვიდეთ გარეშე გარემოებათა, ინტრიგებისა და პატივმოყვარეობის შემთხვევით ნაყოფს. იგი, უეჭველად, ფესვებით ღრმად ნიადაგში ჩასული ძველი ხის ახალი ყლორტია.

როცა ავტორი ფესვებს იხსენიებს და მოგიწოდებთ ერთი თვალი გადაავლოთ წარსულს, იგი სრულიად არ აპირებს მკითხველის ყურადღება დააშოროს ჩვენი დროის პოლიტიკურ კითხვებს. ეს წიგნი ცდილობს მეხსიერებაში აღბეჭდოს მხოლოდ რამდენიმე ძაფი ცხოვრების განწყობილებათა უსაზღვრო რთულ ქსოვილისა, რომელსაც ისტორია, ეს მარადიული ფეიქარი, თვალწინ გვიშლის. თუ სასარგებლოა მოთხრობას, რომელიც შეიცავს 1918-1921 წლების ამბებსა და შთაბეჭდილებებს, წარუძღვაროთ რამდენიმე სიტყვა შორეულ წარსულის შესახებ,—არც თუ ისე შორეულის,—როგორ და დაეტოვოთ უბოლოსიტყვაოთ მოთხრობა, რომელიც დამთავრდა საქართველოსთვის ისეთის დიდი მოვლენით, როგორც არის იქსაბჭოთა წყობილების დამყარება, 1921 წელს კომუნისტთა შემოსევის შემდეგ?

ეს უფრო სპეციალურად გვაახლოვებს ამ წიგნში განზრახულ განვლილ ისტორიის ნაკვეთს.

როცა ავტორი სწერდა საქართველოს დამოუკიდებლობის კითხვაზე 1918—1921 წ. ევროპის საერთაშორისო პოლიტიკაში, იგი სრულიად არ ეხებოდა ან ოდნავ ეხებოდა თვით საქართველოს ამავდროულად შინაგან ისტორიას. თითქოს ყოველთვის წინდაწინვე მიღებული იყო, რომ საქართველოს მდგომარეობა საერთოთა დამაკმაყოფილებელია და რომ ახალგაზრდა, სიცოცხლით სავსე, უნარიანი დემოკრატია შინაურ საქმეებში თან და თან ჰქმნის წესრიგს. ასეთი, სრულიად ზოგადი დაფასება, არ იყო მაინცა და მაინც სინამდვილეს დაშორებული: სიმართლეს არ იყო მოკლებული, დაკვირვებანი და ცნობები, რომელსაც უგზავნიდნენ თავიანთ მთავრობებს დიდი სახელმწიფოების წარმომადგენელი და რომელთა გავლენით საქართველომ მიიღო ბალტიის რესპუბლიკებთან ერთად თავისი დამოუკიდებლობის საერთაშორისო ცნობა.

დიდი სახელმწიფოები კი არ ყოფილან საქართველოსადმი ყოველთვის და ძლიერ კეთილ-განწყობილნი, მაგრამ საბჭოთა პოლიტიკის მეოხებით, საქართველოს წარმომადგენლობითი დემოკრატია უეცრათ, და მრავალთათვის სრულიად მოულოდნელადაც კი, დაეცა 1921 წ. დასაწყისში. ამიტომ უაღრესად საჭიროა ზოგიერთი შესწორება იქნეს შეტანილი საქართველოს 1918—1921 წლები დემოკრატის ზემო აღნიშნულ დაფასებაში.

შესწორებამ უნდა მოგვცეს აგრეთვე საშვალეა გავარკვიოთ, თუ რამ შეუწყო ხელი საქართველოში საბჭოთა გამარჯვებას. სა-

გარეო პოლიტიკის შეცდომებზე ლაპარაკი აქ არ არის სავალდებულო, რადგან თვით წიგნშია ნაჩვენები. უმთავრესად ისინი დაჰბადა მარქსის მოძღვრებით თავის გაბრუნებამ, სახელმწიფოს მართვის წესების დარღვევამ, რაც დიდ ზარალს აყენებდა საქართველოს შინაგან საქმეებშიაც.

საქართველოს მეთაურებს თავიანთი მთავრობა საბჭოთა წყობილებისაგან გასარჩევად წარმოდგენილი ჰქონდათ, როგორც დემოკრატიული.

ნამდვილათ კი საქართველო, რა თქმა უნდა, ჯერ სრულიად ვერ აკმაყოფილებდა წარმომადგენლობითი დემოკრატიის მოთხოვნილებას. უკანასკნელის გარეგანი ფორმები მხოლოდ ჰფარავდა საქართველოს სოციალ-დემოკრატიული პარტიის დიქტატურას.

ეს არ იქნებოდა უბედურება. იგი სასარგებლოც კი იყო, რადგან რევოლუციის დროს მთავრობას საშვალემა ეძლეოდა პირველ ხანებში კარგად შეკავშირებულ, გავლენიან პარტიას დაყრდნობოდა. მაგრამ მდგომარეობასთან შედარებით საკმაოდ ძლიერი სახელმწიფოებრივი ხელისუფლება პარტიულ დოქტრინისაკენ მეტის-მეტად იხრებოდა და ადვილად არღვევდა სახელმწიფოს მართვის, თუმცა დაუწერელს, ინტუიციით შესაგნებს, მაგრამ უქეშმარიტეს წესებს.

თანაც საქართველოს მთავრობა ასეთ ზნეს დღითი დღე კი არ ასუსტებდა, არამედ აღრმავებდა. 1917 წლის ნოემბერში საქართველოს ეროვნული ყრილობა თითქოს წარმოადგენდა მთელი ხალხის მთლიანობის სურათს, და ადამიანი იფიქრებდა, რომ იგი გვპირდებოდა ეროვნული პოლიტიკის წარმოებას. 1921 წლის დასაწყისში კი, როგორც მთავრობა, ისე დამფუძნებელი კრება წარმოადგენდა პარტიული ორგანიზაციის უბრალო კრეატურას. სახელმწიფოებრივ საქმეებში გამოუცდელ დოქტრინიორების დაუღალავი ჯიუტობით ავიწროებდნენ ისინი თავიანთი არსებობის, საკუთარი მომავლის ნიადაგს.

თავის გზის ბოლოში საქართველოს მთავრობა ისეთ ვიწრო კარაბაზე მოემწყვდა, რომ უბრალო წიკპურტით შესაძლო შეიქნა მისი ჩამოვლება.

ზევით ნათქვამი შემთხვევითი მოვლენა არ ყოფილა. რევოლუციის წიალიდან გამოსული საქართველოს მთავრობა დარჩა ბევრათ უფრო სოციალური დემაგოგის, ვიდრე დემოკრატიული და ეროვნული პოლიტიკის, მთავრობათ. იგი უნდა გამხდარიყო და შეეძლო კიდევც ასე გარდაქმნილიყო, მაგრამ ეს არ მოხდა.

უმთავრესათ მიწის მფლობელების განიავება შეადგენდა ამ მთავრობის უღრმეს სურვილს და მისწრაფებას.

აგრარული რეფორმის საჭიროებას უკარნახებდა მათ გლეხობის ნამდვილი მოთხოვნილება და რუსეთის რევოლუციის წარმტაცი მაგალითი და ზედ-გაველენა და, გარდა ამისა, დემაგოგიური რევოლუციონური შეჯიბრების საშვალეა. რეფორმა გარდუვალი იყო, მაგრამ ისეთი ფორმები მიიღო, რომელნიც არ იყვენ შეფარდებული არც სოფლის მეურნეობის პირობებთან, არც მომავლის მოთხოვნილებებთან, არც საქართველოს კლასებათ დაუყოფელ ერის ზნე-ჩვეულებასთან.

შეგნებულათ ანადგურებდენ მოსახლეობის მრავალრიცხოვან ჯგუფებს, შედარებით განათლებულ და საჭირო ნაწილს ხალხისას\*).

ამავე დროს, მას შემდეგ, რაც გლეხებს დაურიგეს წინანდელ მესაკუთრეებისაგან ჩამორთმეული მიწები, გაძლიერდა ჩვეულებრივი გულგრილობა გლეხებისა პოლიტიკური წყობილებისადმი, შესუსტდა ყოველივე ინსტიქტი გარედან შემოსეულ ძალის მიმართ, რადგან უკანასკნელისაგან არ იყო საშიშროება უკვე დაყოფილ მიწების წართმევისა. ერთის სიტყვიტ, საქართველოს აგრარული პოლიტიკა არ იყო მიმართული ევროპისაკენ და მისი სამოქალაქო კანონმდებლობისაკენ და არ იყო შეფარდებული დამოუკიდებელი საქართველოს სახელმწიფოებრივ ინტერესებთან.

სულმოკლეობისა და უმეცრების გამო განგებ არ უნდოდათ, გულდასმით მოეწყოთ, შესაძლებელ თავდასხმის დროისთვის საჭირო შეიარაღებული ძალა (თუნდაც 1918 წლიდან კომუნისტების მაგალითისამებრ); ამის მიზეზი იყო საქართველოს მთავრობის იგივე ძირითადი მოძღვრება, მოძღვრება კლასთა ბრძოლისა, რომელმაც შეუშალა მას ხელი გამხდარიყო ეროვნულ მთავრობათ.

აგრარულმა რეფორმამ ზოგი დასცა და ბოგანოთ გახადა; ზოგი დაასაჩუქრა მნიშვნელოვანი ფინანსიური და სამხედ-

---

\*) მხედველობაში არ გვაყვს ყოფილი მთავრების და დიდებულთა მცირერიცხოვნი შთამომავალნი; ხალხის ზნე-ჩვეულების უარისყოფამ პოლიტიკურ არარაობათ გახადა ისინი და სულიერათ გამოფიტი. ჩვენ ვგულისხმობთ ფართო ფენს—მიწის მცირე და საშვალე მესაკუთრეებისს, რომელნიც მკიდრით არიან დაკავშირებული ხალხთან და მიწასთან, და რომელნიც საყურადღებო შემატება და სისარგებლო თანამშრომელი იქნებოდა საქართველოს დემოკრატიის, თუ კი იგი მოსიურებდა სახელმწიფოებრივათ მოწყობილიყო.



რო ბეგარის დაუკისრებლად; ასეთმა პირობებმა მეტათ გააძნელა სულ მცირე ჯარის მოწყობა იმ ქვეყანაში, რომელიც მდიდარი იყო მწყობრი ჯარის ოფიცრებით და იმ ხალხში, რომელმაც მრავალი საუკუნეთა განმავლობაში უებარი მეომარის სახელი მოიპოვა.

როდესაც საქართველო მიიყვანეს საბჭოთა რუსეთთან შეტაკებაში, თითქმის არავითარი წინააღმდეგობა არ გაუწევიათ წითელ არმიელთა არც თუ მაინცა და მაინც დიდ ძალისათვის. ყველაფერი იყო ნამოქმედარი, რომ თავდამცემ საბჭოთა ლაშქარს წინ დახედომოდა არა „შეიარაღებული ხალხი“, არამედ პარტიის მეთაურთა ჯგუფი, დიდი საზოგადოება პიროვნებათა, რომელიც სარგებლობდა სახელმწიფოებრივ ხელისუფლებით და მათთან მცირე წრე ერთგულ თავადადებულთა.

მათი შავ ზღვაში გადაგდება ოდნავ სიძნელესაც არ წარმოადგენდა.

საქართველოს შინაგან საქმეების ბეჯითმა ცოდნამ—სამხედრო ორგანიზაციის სრულმა უქონლობამ—მისცა მოსკოვის მთავრობას აზრი „მოენელებინა საქართველო“, როგორც კი გარეშე პირობები (რაზედაც წიგნი თვით გვამცნობს) ხელსაყრელად მოეწყო.

ძლიერ გამოიყენა მოსკოვმა საბჭოთა მაცდური ლოზუნგებიც, რომელთაც უნებლიეთ შეჰქონდათ საქართველოს მთავრობის მიმდევართა და საექვო საფუძვლათ მდგომ ფართო მასებში კლასობრივი ბრძოლისა და მიწის ჩამორთმევის იდეები.

ეს იყო სწორეთ ის, რაზედაც იზრდებოდა საქართველოში ხალხი. რაღა გავლენა უნდა ჰქონოდათ სქოლასტიკურ შენიშვნებსა და განმარტებებს, როცა მათივე ლოზუნგები ნათლად მოსჩანდა მომხდური ჯარის ბაირაღებზე, და რუსეთის ძლიერების ჩვეულებრივი სიდიადე ლებულობდა ჯერ კიდევ გუშინ თაყვანსაცემ წითელ ბაირაღის სახეს.

მშობელი ერისა და შემოსეულ უცხოელის უკანასკნელ წამში დაპირისპირება, უეცრათ გადასვლა საერთაშორისო სოციალისტური ყრილობების კილოდან მამულიშვილურ და ეროვნულ პათოსის ენაზე— უკვე დაგვიანებული და უიმედო საქმე იყო. 1918 წლიდან რომ მიეღოთ ამ მხრით სრულიათ საშუალო სახელმწიფოებრივი ზრუნვა, ასეთი უეცარი და უშედევო ფერისცვალება აღარ იქნებოდა საქირო.

და აი საქართველოს დემოკრატიის გარდუვალი და თავდაუხვეველი დაცემა მოხდა სწორეთ მაშინ, როცა თავის კმაყოფილი და

თავის მოიმედე, იგი დაჯდა მის მიერვე შეყვარებულ პარტიული განკერძოების ვიწრო კარაბეზე, 1921 წელს, საქართველოს საერთაშორისო სრული ცნობის შემდეგ, და წინასწარ სტკებოდა კიდე უფრო მეტი და კიდე უფრო მშვიდი განცხრომით, რომელიც ნაყოფი იყო მისი მრავალ მხრით მადლიანი შრომისა. აი, ამ დროს, როგორც ნათქვამი იყო, იგი ძლიერ ადვილათ ჩამოაგდეს.

განა საჭიროა დაუმატოთ, თუ რამდენათ ხელს უწყობდა ამას ის, რომ ვერ მოახერხეს ისტორიის გაგეებით სრბოლასთან შეეთანხმებიათ მეზობლებთან ზავის გათავების სისწრაფე და მათთან კავშირის შეკერა? ნუ თუ დაუმატოთ, რომ ბევრ რამეში წარმატებით ჩატარებული საგარეო პოლიტიკის შემდეგ, საქართველო ჩააყენეს სავსებით განმარტოვებულ მდგომარეობაში, ანგორისა და მოსკოვის თავდასხმის საშიშროების მოლოდინში.

შეგჩერდეთ განა იმაზე, რომ პირველითაც და მეორითაც ისარგებლა მოსკოვმა, და თავის წარმატებას კავკასიაში ხელი შეუწყო ამიერ-კავკასიის რესპუბლიკათა საკავშირო შეერთების პროგრამით, როცა ძალით გააკეთებინა ის, რაც მათ არ ისურვეს გაეკეთებინათ თავისუფლებისა და დამოუკიდებლობის გზაზე? გაგჩერდეთ ოსმალეთთან საზღვრების დადებაზე, რომელიც მოახდინა მოსკოვის მთავრობამ საქართველოსა და განსაკუთრებით სომხეთისათვის სამძიმო პირობით, (ყარსის დათმობა) მაგრამ რომელიც კითხვის ერთგვარი გადაწყვეტა მაინც იყო—იგი სასიამოვნოთ რჩებოდა ბევრს, რომელთაც მიუზომეს რევოლუციით მოპოვებული მიწა, რადგან საშვალებას იძლეოდა მყუდრო მუშაობისას?



აქ საკმაოა აღვნიშნოთ ეს უმთავრესი ხაზები; როცა დაუბრუნდებით ისტორიულ დაკვირვებათა სტილს, ვიტყვით, რომ საქართველოს დემოკრატია 1918—1921 წ. იყო დიქტატურა სოციალ-დემოკრატიისა, ე. ი. მარქსიზმის მემარჯვენე ფრთისა და იგი იყო საქართველოში საბჭოთა დიქტატურის გამარჯვების მომზადებელი ხანა. სოციალური პოლიტიკის მთელი შინაარსით და თავის სულით დემოკრატია იგი, მიუხედავად ეროვნული შეგნებისა, რომელიც უეჭველათ იღვიძებდა მასში, საქმით მიმართული იყო არა ევროპისაკენ, არამედ მოსკოვისაკენ. ამით იბადებოდა ძირითადი

წინააღმდეგობა ევროპაზე ორიენტაციასთან, რომელსაც ბეჯითად მიჰყვებოდა საქართველო საგარეო პოლიტიკაში 1921 წლის ზაფხულამდე.

როცა 1921 წელს, თებერვალ-მარტის მძიმე დღეებში, საქართველო გააწვინეს მაგიდაზე და გამოცდილმა ქირურგმა—საბჭოთა ხელისუფლებამ—სასტიკი ოპერაცია გაუკეთა, მან იცოდა რომ ავადმყოფი გააბრუა და ოპერაციისათვის უკვე მოამზადა მასზე არა ნაკლებ გამოცდილმა, თუმცა არა მასავით გამბედავმა ქართველმა სოციალ-დემოკრატამ.

ის, რაც პოლიტიკურათ და სუბიექტიურად შეადგენდა ბრძოლას და ჰგავდა გადატრიალებას, ისტორიულათ და ობიექტიურათ ჩაითვლება უბრალო შრომის განაწილებათ და თან და თან განვითარებათ.

ეს იყო და ეს. სამწუხაროა, მაგრამ ასეთი პოლიტიკური გაუგებრობა დიდმნიშვნელოვანათ არ გვეჩვენება იმ ხანაში, როცა სიცოცხლით სავსე, ჯანსაღი ახალგაზრდობა მილიონობით ისპობა, თითქოს არაფერი! იაო!

კაცობრიობის ისტორია ზოგჯერ იღებს გაგიჟებული ცეკვის სახეებს. გარეგან ბოდვისებურ ფორმებში, მოვლენათა სწრაფ თრთოლაში, საჭიროა მოენახოთ ძირითადი თემები, მუდმივი განმეორებული მტკიცე ძაფები.

ხალხთა მისწრაფება თავისუფლებისადმი, დამოუკიდებელ შემოქმედებითი არსებობისადმი, საიდუმლოებით მოცული ერთობა ეროვნულ კოლექტივისა—აი ეს არის ერთი ამ თემათაგანი, ერთი მხოლოდ მოჩვენებით გაწყვეტილი ძაფთაგანი.

დამოუკიდებლობა საქართველოსი და მისი მეზობელ კავკასიის ხალხების მიუხედავათ 1920—1921 წლების ამბებისა, სრულიად არ არის გუშინდელი უბრალო შემთხვევა, რომელიც სიჩქარით იძირება ისტორიაში; პირიქით, იგი ჩვენი დროის და ახლო მომავლის ცოცხალ თემად დარჩება. ამიტომაც ეს წიგნი შორს არის იმ გრძნობიდან, რომელიც გამოთქმულია ცნობილ:

*Victrix causa diis placuit, sed victa Catoni.*

და თუ აქ არაფერია დამატებული იმის შესახებ, თუ რა პირობებში და რა ცვლილებებით მიმდინარეობს საქართველოს ცხოვრება ეხლა, საბჭოთა კავშირის სახელმწიფოებთან ძალდატანებულ ერთობაში; როგორ სახეს იღებს პოლიტიკური და სამეურნეო განვითარება კავკასიისა რუსეთის რევოლუციის მიერ შექმნილ პირო-

ბების ზედ-გავლენით; და სინამდვილეში როგორი განწყობილება დამყარდა კავკასიის ერთა შორის, ყარსის ზავის თანახმად ტერიტორიის საგრძნობი ნაწილის ოსმალეთისათვის დათმობის შემდეგ 1921 წ.;—ეს მხოლოდ იმიტომ, რომ აქ უკვე ჩვენ წინ ჩნდება ისტორიული ქსოვილის ახალი, რთული ნაკვეთი, რომელიც ჯერ კიდევ არ დაუმთავრებია ფეიქარს და რომლის განხილვა ნადრევი იქნებოდა.

საქართველოც, სომხეთიც, აზერბაიჯანიც არსებობს; მათზე გადავილიმა, ყველას გამათანასწორებელმა ეტლმა ისინი ვერ გასრისა: მათი ისტორია არ შემწყდარა 1921 წელს; იგი მიმდინარეობს სხვა პირობებში.

წიგნისთვის, რომელიც დაფუძნებულია პირად განცდაზე და ნაგრძნობზე, ასეთი ზოგადი შენიშვნებიც საკმაოა. ჩვენი რესპუბლიკების პოლიტიკურ ბედზე 1921 წლიდან ავტორს შეეძლო ლაპარაკი, მხოლოდ როგორც ცნობის მოყვარე მკითხველს, რომელსაც ბევრი რამ დარჩა უცნობი.

ამგვართ, გაგრძელება არ არის შეწყვეტა; და არავინ არ უნდა ჩაეჭიდოს წარსულს. აწმყოში ბევრათ მეტია სინამდვილე, მონაგალში კი—მიმზიდველობა.

რაც შეეხება მრავალ პირთ, რომელთაც ავტორი თავის თავსაც მიაკუთვნებს, რომელთაც პოლიტიკურ აღრევის გამო ბევრი რამ გადაიტანეს (მაგრამ რამდენჯერ ნაკლები, ვიდრე ომში ხმლით დაღუპულებმა ან და სამოქალაქო შეტაკებაში დაფლეთილებმა!) საკუთარ კრილობებს არ აძლევენ მნიშვნელობას და არ ურევენ იმ საქმის ბედ-იღბალში, რომელსაც ემსახურებოდენ—მათ დარჩენიათ მოიგონონ კეკიანი კაცის სიტყვები, რომელიც დიდი ხნის წინათ სწერდა თავისა და მათ მაგიერ:

„si l'evenement me bat, s'il, favorise le party que j'ay refusé, il n'y a remede; je ne m'en prens pas à moy; j'accuse ma fortune, non pas mon ouvrage; cela ne s'appelle pas repentir.“ (Montaigne. Essais. Livre III, chap. II.).

პ ა რ ო ზ ი, სექტემბერი, 1924.

შენი შენა: განზრახული იყო ეს თხზულება შეგვეცნო მეორე ტომით, რომელშიაც მოთაყვებელი იქნებოდა ავტორის მიერ დაწერილი ნოტები და შემორანდუმები, სხვა და სხვა ხელის მოწერით შეტანილი სხვა და სხვა დროს საქართველოს საქმეების გამო ევროპის სატახტო ქალაქებში, საქართველოს დამოუკიდებლობის გამოცხადებიდან დიდ სახელმწიფოთა მიერ მისი იურიდიული ცნობამდე (1918—1921 წ.). ეს საბუთები წარმოადგენენ კავკასიისა და საქართველოს უახლოეს ისტორიის მცირე კრებულს და, რადგან ერთ და იმავე პირის მიერ არიან შედგენილი, ერთგვარ მთლიან აზრსა და სტილს გამოხატავენ. ამ ფრანგულ ნაწერებს წინასიტყვაობის და განმარტების სახით უნდა დართოდა კავკასიის პოლიტიკის რამოდენიმე ძირითადი კითხვის მოკლე მიმოხილვა, მაგრამ ამ განზრახვაზე ხელი უნდა აგველა, რაც მკითხველსა და უფრო მეტათ კი ავტორს შეუძლებლად ტვირთს.

ზედმეტი არ იქნება, მგონი, აგრეთვე აეხსნათ, თუ რათ გამოდის ეს წიგნი-არსებითად ქართული და კავკასიური-რუსული ენაზე: ავტორს სახეში ქონდა, რომ ევროპაში გაფანტული კავკასიის შეილებიანათვის და კავკასიისთან დაკავშირებული რუსებისათვის—ე. ი. შესაძლებელი მკითხველთა წრეებისათვის—რუსული ყველაზე უფრო გასაგები საერთო ენაა.

ეს თხზულება (წინასიტყვაობით) გადაცემული იყო დასაბეჭდათ, სანამ მოვიდოდა ცნობები საქართველოში მომხდარ აჯანყების შესახებ. (სენ. 1920 წ.)

---



საქართველოს  
დამოუკიდებლობა  
1918—1921 წლების  
საერთაშორისო პოლიტიკაში

გასრულდა მათი ამბავი,  
ვითა სიწმარე ღამისა.

**რუსთაველი.**



## შ ე ს ა ვ ა ლ ი

დამოუკიდებლობისადმი მიდრეკილებამ საქართველოში თავი იჩინა რუსეთის რევოლუციის პირველსავე დღეებში. სხვა გვარათ არც შეიძლებოდა ყოფილიყო.

საქართველოს რუსეთთან შეერთება მოხდა არა ნორმალურ პირობებში; თავის დროზე (1801 და შემდეგ) იგი უმტკივნეულოდ არ ჩატარებულა.\*)

თუმცა გამარჯვებული პოლიტიკა დიდ ენერჯიას ხარჯავდა, შესახედავთ ნაყოფიერიც იყო, თუმცა საქართველოსთვის სრულიად შეუძლებელი ხდებოდა ეროვნული ცხოვრების მოწესრიგება, მაინც საქმაო შეერთება და შედუღება რუსეთსა და საქართველოს შორის არ მომხდარა.

რუსული კულტურა, ზოგჯერ გამანადგურებელი, უფრო ხშირად კი სასარგებლო, ყოველ შემთხვევაში აქ ღრმა და მრავალ გავლენას ახდენდა. საქართველოს რუსეთის იმპერიისადმი პოლიტიკური ლოიალობა მთელი საუკუნის განმავლობაში მტკიცეთ, ურყევათ რჩებოდა, მაგრამ საქართველოს გარუსება; ყოველივე საკუთარი, ეროვნული მისწრაფების საბოლოოდ უარისყოფა ისევე ვერ აქმნა მიღწეული საქართველოში, როგორც არ იყო მიღწეული დანარჩენ „სხვა ტომთა“ (ჰინოროდცების\*) განაპირა ქვეყნებში. მართალი რომ ვსთქვათ, გარუსების თვით გეგმა ამჟღავნებდა მხოლოდ სახელმწიფოებრივი შემოქმედების სილატაკეს და „იმპერიის

---

\*) იხ. ამის შესახებ ზ. ავალიშვილი: „საქართველოს რუსეთთან შეერთება“. მეორე გამოცემა 1906 წ. არსებობს, გრეთვე ძველი წიგნი ნ. დუბროვინისა. კარგი პატარა გამოკვლევა ხელთუფლიშვილისა (მოსკოვის იურიდიულ უწყებებში 1890 წლებში) და სხვა, მაგრამ კითხვა ჯერ კიდევ საქმაოთ არ არის დამუშავებული.

აღმშენებლობითი“. ცხოველმყოფელი წყაროების ამოშრობას თვით რუსეთის სახელმწიფოებრივ ცენტრში.\*)

რა თქმა უნდა: მხოლოდ 1917 წლის რევოლიუცია იძლეოდა საიმედო საშვალებას საქართველოს კითხვა დაყენებულყო, როგორც საჯარო სამართლის კითხვა რუსეთში, მაგრამ მხოლოდ ბოლშევიკურმა გადატრიალებამ და დიდი ომის პოლიტიკურმა კონიუნქტურამ, 1918 წლის ბრესტ-ლიტოვსკის ზავის შემდეგ, შესაძლოთ გახადა ამ კითხვის საერთაშორისო სამართლის ნიადაგზე (ბევრისათვის მოულოდნელი) გადაწყვეტა, და საქართველოს სრული დამოუკიდებლობის გამოცხადება.

საქართველოს კითხვის განვითარების სწორეთ ამ საერთაშორისო საფეხურს (1918—1921 წ.) ეკუთვნის აქ მოყვანილი ფაქტები, დაკვირვებანი და მოგონებანი. მაგრამ საგნის ნათლად წამოსადგენად, ჩვენ მოგვიხდება დავიწყეთ ზოგიერთ უფრო ადრინდელ (განსაკუთრებით 1917 წლის), ხან პოლიტიკურ და ხან შინაურ ყოფაცხოვრების ეპიზოდებიდან, რომელთაც, ყოველ შემთხვევაში, პირდაპირი კავშირი აქვთ ამ წიგნის უმთავრეს, წმინდა პოლიტიკურ თემასთან.

---

\*) ომისა და რევოლიუციის წინადღის საქართველოს ეროვნული კითხვის საერთო ნაკეთი ჩემ მიერ დაწერილი იყო კრებულისათვის: „ეროვნული მოძრაობის ფორმები ევროპასა და რუსეთში“, რომელიც გამოვიდა 1909 წ. (ს. პ. ბ. „საზოგადო სარგებლობა“); მეორე ჩემი ეტიუდი კავკასიის პოლიტიკის პრობლემების შესახებ დაბეჭდილი იყო პ. ბ. სტრუვეს „რუსეთის აზრში“ (1911 წ.). შესაძლებელია, რომ ამ შრომებში ნაჩვენებია ის ფესვები, რომლიდანაც 1918 წლის ხელოვნურ სითბოს დახმარებით გაიზარდა საქართველოს დამოუკიდებლობის ხე.

## თავი პირველი.

### რუსეთთან ერთად!

#### 1

როცა პეტროგრადში ამოხეთქა თებერვლის რევოლიუციამ ე. ი. სხვა სიტყვებით, როცა რომანოვების სამფლობელომ დაიწყო ნგრევა და დაშლა, საქართველოში არვის (გამონაკლისი ძლიერმცირე იყო) უფიქრნია და არ უთქვამს: „დადგა დრო მოვიშოროთ რუსეთის უღელიო“. მიხვედრილი კი იყვნენ, რომ კავკასიის ტრადიციული სამხედრო-პოლიციური დიქტატურის საშვალეებით მართვას ბოლო ეღება, რომ იმპერატორთა ხელისუფლებასთან ერთად ეცემა კავკასიის პროკონსულობა, როგორც იგი შემუშავდა რუსების ასი წლის ბატონობის დროს. კავკასიის ხალხების სახელმწიფოებრივი თვითმმართველობა, რომელიც გუშინ მიუწოდომელ ოცნებით იყო აღიარებული, უეცრათ უღაეო და გადაწყვეტილ საგნათ იქმნა ცნობილი.

მაგრამ დროებითი მთავრობა (პირველი შემადგენლობის) სრულიადაც არ აპირებდა 'უარი ეთქვა კავკასიაში რუსეთის სამფლობელოებზე ან სხვა რომელიმე რუსეთის ისტორიული მემკვიდრეობის ნაწილზე: პირიქით, იგი წინააღმდეგი არ იქნებოდა ეს მემკვიდრეობა გაეფართოებინა. მეორეს მხრით, არც საქართველოს და არც კავკასიის სხვა ნაწილს ფიქრადაც არ მოსვლია ჩამოშორება და რუსეთის იმპერიას. (იმპერატორები აღარ იყვნენ, იმპერია კი, საერთო აზრით, განაგრძობდა არსებობას). ეგონათ, რომ რევოლიუცია ეხლა კი მისცემს ყველას საშვალეებას შეერთდნენ სიამოვნების და კეთილდღეობის ნიადაგზე. როგორც ეტყობოდა, ასეთის გრძნობით აგზავნიდა დროებითი მთავრობაც „ამიერ კავკასიის განსაკუთრებულ კომიტეტს“ თფილისში (ამაზე ქვევით ვიტყვი რამდენიმე სიტყვას).

რუსეთთან მთლიანობის აზრით უნდა გაგებულ იქნეს ის განცხადებებიც საქართველოს დამოუკიდებლობის შესახებ, რომელნიც 1917 წლის მარტიდან დაწყებული გამოქვეყნებული იყო საქართველოშია და მისი საზღვრების გარეშეც.

ამ განცხადებებს, შეიძლება, არც ჰქონდათ პირდაპირი პრაქტიკული მნიშვნელობა, მაგრამ მათის საშვალებით ადვილი ხდებოდა შეემჩნია ადამიანს, თუ რა ბუნებრივად მიმდინარეობდა საზოგადოებრივი აზრის პოლიტიკური ჩამოყალიბება თვით საქართველოში და მთელ რუსეთში გაფანტულ ქართულ ახალშენებისა. ამ ჩამოყალიბების ღერძი იყო საქართველოს დამოუკიდებლობის იდეა ე. ი. შექმნა საკუთარი სახელმწიფოებრივი მართვა-გამგეობისა, მაგრამ იმ პირობით, რომ საქართველო დარჩენილიყო სრულიად რუსეთის სახელმწიფოებრივ კავშირის ფარგლებში.

ამ აზრზე იყო დამყარებული, მაგალითად, 1917 წლის მარტის პეტერბურგში მცხოვრებ ქართველთა კრების მიერ ერთხმად მიღებული რეზოლიუცია. თფილისის უნივერსიტეტის საფუძვლის მომავალმა ჩამყრელმა, ცნობილმა ქართველმა ისტორიკოსმა ი, ჯავახიშვილმა ამ კრებაზე წარმოსთქვა ზემთაგონებული სიტყვა: მისი ბაგეთა საშვალებით რაღაც ახალ კილოზე უეცრად ალაპარაკდა საქართველოს ათასი წლის პოლიტიკური ტრადიცია.\*)

მაგრამ საქართველოს ყველაზე უფრო დარაზმული და მრავალრიცხოვანი პარტია (ს.-დ.) რევოლიუციის ხანის უპირველეს თვეებში რაღაც გაურბოდა ამ საერთო ხალხურ მისწრაფებისა და იმედების აგრე ბუნებრივ და მარტივ მიმდინარეობას.

საქართველოს სოც.-დემოკრატები მუდამ იმყოფებოდნენ რუსეთის სოც.-დემ. პარტიის შემადგენლობაში; საქართველოში ისინი სასტიკათ და, როგორც მათ ეგონათ, წარმატებით ებრძოდნენ საქართველოს ავტონომიის მომხრეებს „ცენტრალიზმის“ დასაცავათ.

ბუნებრივია, რომ აძეთი პოზიცია შეინარჩუნეს მათ დროებითი მთავრობის დროსაც, სანამ რუსეთის „მენშევიზმს“, რომლის პოლიტიკური მიმდევრები და პაეებით მონაწილენი იყვნენ, გავლენიანი ადვილი ეჭირა რევოლიუციის ხელმძღვანელობაში; ამ დროს ისინი მაინცა და მაინც კეთილის თვალებით არ უცქეროდნენ საქართველოს და რუსეთის სხვა განაპირა ქვეყნების „დამოუკიდებლობის“ ლოზუნგს.

\*) მე პარტივი მქონდა ამ კრების თავმჯდომარე ვყოფილიყავი.

ამას ჰქონდა თავისი მიზეზები და განმარტებები, რომლის აქ მოყვანა უადგილო იქნებოდა. ვიხსენებ კი მხოლოდ იმ მიზნით, რომ აღვნიშნო, რომ დამოუკიდებლობისადმი მისწრაფებამ ქართველ საზოგადოებაში თავი იჩინა რევოლუციის პირველ დღეებშივე; მაგრამ მხოლოდ ოქტომბრის (საბჭოთა) გადატრიალების და მის მიერ გამოწვეულ ქართველ სოციალ-დემოკრატების ქართულ ეროვნულ პროგრამის ფრონტზე გადასვლის შემდეგ, რომელიც გამაგრებული იყო ამიერ-კავკასიის (დროებითი: „დამფუძნებელ კრებამდე“) სეპარატიზმით, ქართველი ხალხის მისწრაფებათა ჩამოყალიბებამ მიაღწია სასურველ სისრულემდე.

ეს მიღწევა მკიდროთ დაკავშირებულია 1917 წლის ნოემბრის საქართველოს ეროვნულ ყრილობასთან (თფილისში), სადაც გამომზეურდა ნამდვილი, თუ გნებავთ, „წმინდა“, ერთსულოვნება საქართველოს ხალხის ყველა კლასებისა და ჯგუფებისა.\*)

2

მაგრამ არავის უფიქრია რუსეთთან სახელმწიფოებრივი ნასკვნის გაწყვეტა; ისე როგორც ეს არ უფიქრიათ ესტონიაში, ლატვიაში, ლიტვაში და რუსეთის სხვა განაპირა ქვეყნებში. საქართველო, შეიშლება ითქვას, მიდიოდა ამ მხრივ სხვებთან ფეხ-შეწყობით.

მე შემეძლო ამაზე უფრო ადვილათ შემედგინა აზრი, რადგან 1917 წ. (ისე როგორც წინათ 1905-1906 წ.) პეტერბურგში მე მომიხდა მონაწილეობა მიმელო იმპერიის ფედერატიულათ გარდაქმნის მომხრეთაგან შემდგარ განაპირა ქვეყნების მოღვაწეთა თათბირში.

ამ თათბირს მონდობილობით (იგი ჩვეულებრივ იკრიბებოდა ესტონიის ერთ საკრედიტო საზოგადოებაში, დიდი კონიუშენის ქუჩაზე) მე შევადგინე სქემატიური პროექტი ამ წყობილების ზოგიერთი ძირითადი დებულებისა: ვინც იგი განიხილა, ზოგის კვალიც აღარა სჩანს, ზოგი კი შეიქმნა დამოუკიდებელ რესპუბლიკათა სა-

---

\*) ამ შემთხვევაში, სრულიად ბუნებრივია, რომ ზოგი აფასებდა უმთავრესად ეროვნული გაერთიანების ფაქტს, როგორც გარდუეულ ნიადაგს სახელმწიფოებრივ ფორმათა შექმნისათვის; ზოგი კი, თავდაპირველათ, ცდილობდა გაემაგრებინა და დაეცვა საქართველოს ჩარჩოებში, ანდა მთელ ამიერ-კავკასიაში ის, რასაც უძახდენ რევოლუციის მონაპოვარს. სინამდვილეში ორივე ეს საგანი მკიდროთ იყო ერთმანეთთან გადასკვნილი.

ხელმწიფო მოღვაწე, როგორც მაგ. პიიპი, შემდეგში — ესტონიის პრემიერი და საგარეო საქმეთა მინისტრი.

1917 წლის თათბირი იყო პირდაპირი გაგრძელება 1905—6 წლების ასეთივე თათბირებისა, განსაკუთრებით „ავტონომისტების“ კონფერენციისა, რომელიც მოწვეული იყო 1905 წ. პეტერბურგში, ლესგაფტის კურსების ბინაზე. კონფერენციას თავმჯდომარეობდა ცნობილი ლინგვისტი პროფ. ბოდუენ-დე-კურტენე, და დამთავრდა იგი ბიუროს მინდობილობით რუსეთის განაპირა ქვეყნების ავტონომიურათ მოწყობის ჩემ მიერ შედგენილი რეზოლიუციის მიღებით.\*)

თათბირი, რომელმაც მოიწვია კონფერენცია შემდეგ, 1906 წელს, ცდილობდა პირველ სახელმწიფო სათათბიროში შეეკმნა ავტონომისტთა ცალკე კავშირი. სახელმწიფო სათათბიროს ამ ერეტიკული აზრით შეპყრობილ წევრთა მიღება „თათბირმა“ მოაწყო ესტონიის აწ უკვე განსვენებულის, პატრივცემული მოღვაწის, დოქტორ გელლატის ბინაზე. „ავტონომისტთა კავშირი“ პირველ სახელმწიფო სათათბიროსთან მართლაც დაარსდა (თავმჯდომარეთ იყო ა. ი. ლედნიცი, მდივნათ ვ. ლ. გელოვანი), მაგრამ ვერ მოასწორო რითიმე თავი გამოეჩინა,

მაგრამ მე სრულიად არ ვაპირებ დავსწერო 1917 წლის რევოლუციის წინაწლების ავტონომიის და ფედერაციის ლოზუნგების ისტორია. რუსეთში ბევრმა, ვინც წინათ ამ იდეებს სთვლიდა ბოროტ-მოქმედებათ, უკეთეს შემთხვევაში, უაზრობათ ან უცნაურობათ მანაც, 1917—1920 წლებს შემდეგ იგი შეითვისა; სამწუხაროთ, მათი აზრის შეცვლის დროს უკვე აღარ არსებობდა უმთავრესი პირობა იმპერიის ფედერატიულათ გარდაქმნისათვის: აღარ არსებობდა თვით იმპერია. ახალ პირობებში კი, ე. ი. ბოლშევიკური გადატრიალების შემდეგ, — ავტონომიის ლოზუნგი თითქმის თავისთავად იცვლებოდა დამოუკიდებლობის ლოზუნგათ. ასე მოხდა კერძოთ საქართველოში, მთელს ამიერ-კავკასიაში, რომ არაფერი ვთქვათ სხვა განაპირა ქვეყნებზე.

მაგრამ უბრუნდები დროებითი მთავრობის დროს.

### 3

1917 წ. მარტის დასაწყისში (ჯერ კიდევ ძველის სტილით) მე გამომიწვიეს ტელეფონით იუსტიციის სამინისტროში ა. ფ. კე-

\*) რამოდენიმე ხნით ადრე, იმავე 1905 წელს, მე დავბეჭდე ეტიული „სათემო სემიები. ფედერალიზმი“ კრებულში „კონსტიტუციონალური სახელმწიფო“, რომელიც გამოსცა ს. პ-ში. ბ. ი. ვ. გესსენმა და ა. ი. კამინკამ.

რენსკისთან. „ოლონდ ღეთის გულისათვის, დიდხანს ნუ დარჩებით“-მემუდარებოდენ დერეფანში ქალები, რომელნიც ზრუნავდენ ახალ-გაზრდა მინისტრზე—„დაიქანცა და უნდა ისაუზმოს“.

მართლაც, კერენსკი მეტად დაღლილი იყო (მიზეზიც ჰქონდა!) „ჩვენ გადავწყვიტეთ,—ბოლოს დაიწყო მან გადატრიალების პირველი მებრძოლი დღეების ჩახლეჩილის ხმით,—ამიერ კავკასიის სათავეში დავაყენოთ კომიტეტი, რომელშიაც შევლენ სახელმწიფო სათათბიროს წევრები. მე ვთხოვ აგრეთვე პერევერზოვს\*) მათ გაპყვეს. ჩვენ გვინდა ამ კომიტეტში თქვენი შეყვანა. თანახმა ხართ? თუ თქვენის აზრით-გულწრფელათ მითხარით—უკეთესი იქნებოდა ამ კომიტეტის წევრათ დაგვენიშნა კიტა აბაშიძე“უ\*\*)

ა. ფ. კერენსკი ახლო განწყობილებაში იყო კავკასიის ფრონტზე 1915 წელს დაღუპულ სახელმწიფო სათათბიროს წევრთან ვ. ლ. გელოვანთან და ქართველ სხვა მოღვაწეებთან და ამიტომ კავკასიის პოლიტიკურ მიმართულებებსა და საკითხებს იცნობდა. მე მხარი დაუჭირე კიტა აბაშიძის კანდიდატურას. კერენსკის მერყეობა ემჩინეოდა. ეს მერყეობა გაიფანტა, და კერენსკი დათანხმდა, რომ ხსენებული კანდიდატურა სასურველი იყო (დროებითმა მთავრობამაც ჩვენი არჩევანი დაადასტურა). მე გამოვემშვიდობე მომავალ დიქტატორს.

არსებითად „ამიერ-კავკასიის განსაკუთრებული კომიტეტი“ იყო ამიერ-კავკასიის მმართველად გამოგზავნილი რუსეთის დროებითი მთავრობის წარმომადგენელი. უკანასკნელისაგან ლებულობდა იგი, როგორც ძალა-უფლებას, ისე მის სისუსტეს. კავკასიაში ძლიერ მალე დაარსდა რუსეთის მაგალითით რევოლუციონერული ორგანიზაციები; მუშათა, ჯარის კაცთა და გლეხთა საბჭოები და სხვა. მათი „ძალმომრეობისა“ და სხვა მიზეზების გამო „ამიერ-კავკასიის განსაკუთრებული კომიტეტი“ ნამდვილათ არას დროს არ ყოფილა

\*) ცნობილი ნაფიცო ვეჟილი, შემდეგ, აგრეთვე იუსტიციის მინისტრი (დროებით მთავრობაში).

\*\*\*) კიტა (ნათლობის სახელი-ივანე) აბაშიძე, თვალსაჩინო ქართველი ლიტერატორი, სოც.-ფედ. პარტიის ერთი ხელმძღვანელთაგანი, გადაიკვალა 1917 წელს ამიერ-კავკასიის განსაკუთრებულ კომიტეტის წევრის ადგილზე.

იმ პეტერბურგიდან დანიშნულ „ამიერ-კავკასიის მთავრობათ“, რასაც იგი არსებითად წარმოადგენდა.\*)

საეჭვოა, რომ დროებით მთავრობას ჰქონოდა დრო რუსეთსა და კავკასიის განწყობილებაზე უფრო საფუძვლიანათ დაფიქრებულიყო.

დროებითი მთავრობა ფიქრობდა, რომ თფილისში განსაკუთრებული კომიტეტის („ოზაკომის“) გაგზავნით მან მოაწყო ამიერ-კავკასიაში მისთვის საჭირო დროებითი ორგანო. არსებობდა რაიმე შემდეგი გეგმა? არ ვიცი. ინერციით, ჩვეულების ძალით „კავკასიის“ საქმეები განსახილველად აღწევდა „სათანადო ცენტრალურ დაწესებულებებსა და უწყებებს“. ზოგიერთი, თვალსაჩინო კითხვა, ირჩეოდა დროებით მთავრობაში: მაგალითად, საქართველოს ეკლესიის ავტოკეფალია; უფრო გვიან-ამიერ კავკასიაში ერობის შემოღების კითხვა.\*\*)

უმთავრეს კითხვაში (კავკასიის მართვა, თებერვლის რევოლუციის მიერ შექმნილ პირობებში), როგორც ნათქვამია, დაკმაყოფილდნენ, ამიერ-კავკასიის განსაკუთრებული კომიტეტის შედგენით.

ზოგიერთს, მგონი, მიაჩნდა რომ „ოზაკომ“ საკმაოდ ვერ უზრუნველყოფს ამიერ-კავკასიის კავშირს რუსეთთან, მთავრობის ცენტრთან პეტროგრადში, და რომ სასურველია ხელახლავ შეერთებული იქმნეს (როგორც რევოლუციამდე იყო) უმაღლესი მმართველობა „ოზაკომის“ სისტემის მიერ გათიშულ სამხრეთ და ჩრდილოეთ კავკასიისა.

ამ მიზნით ფიქრობდნენ ორივე კავკასიისათვის დაენიშნათ უმაღლესი კომისარი. ამ გვარათ ახალ ფორმებში აღდგენილი მეფის მოადგილეობა განზრახული იყო, მგონი, ჩაებარებიან ფ. ა. გოლოვინისათვის რომელიც წინათ-მეორე სახელმწიფო სათათბიროს თავმჯდომარეთ, ამ ხანად კი—იმპერატორის სასახლის სამინისტროს კომისრათ იყო.

---

\*) თავმჯდომარეთ იყო სახელმწიფო სათათბიროს წევრი ზარლამოვი (კ.-დ.) წევრებათ:—ა. ჩხენკელი, ი. აბაშიძე, მ. პაპაჯანოვი და მ. ჯაფაროვი—რუსეთის ხელმძღვანელობით ქარველ-სომხურ-თათრულ ერთობის ერთგვარი სახე. მაგრამ ეს „სიმბოლიზმი“ შეადგენდა, მგონი, კომიტეტის ერთად ერთ ღირსებას.

\*\*\*) მე სრულიადაც არ შევხებები აქ ამ ორ საგანს, თუმცა პეტერბურგში, 1917 წლის გაზაფხულში და ზაფხულში, მათ შესახებ სათათბიროთ მიწვეული მეც ვიყავი.



გეგმა ახლად ჩასახული და ბუნდოვანი იყო, მაგრამ ამაზე უკვე ლაპარაკობდნენ ფ. გოლოვინთან საზამთრო სასახლეში ერთ კერძო თათბირზე, სადაც მეც ვიყავი მიწვეული, როგორც „მცოდნე პირი“.

მეორე თათბირი ამავე საგანზე მოხდა უფრო მცირე რიცხვან წრის თანდასწრებით და უგოლოვინოთ ვ. დ. ნაბოკოვთან, რომელიც, როგორც დროებითი მთავრობის საქმეთა მმართველი, ფორმალურათ აკავშირებდა უკანასკნელს კავკასიასთან. თათბირს არავითარი შედეგი არ ჰქონია. ამ დროში ყველაფერი ეს დამთავრებული ეპოქის ოცნება და ილიუზია-ლა იყო.

უფრო ავტორიტეტის მქონე (ყველაფერი შედარებითია!) ამიერკავკასიის მთავრობა დაარსებულ იქმნა ცოტა უფრო გვიან ქვევინდან, სახელდობრ რევოლიუციის წიალიდან წარმოშობილ ორგანიზაციების ადგილობრივად შეერთებულის ძალით;—იმ ორგანიზაციების, რომელნიც ერთგულნი დარჩნენ დამფუძნებელი კრებისა და რომელთაც არ იცნეს საბჭოთა ხელისუფლება; ეს მოხდა 1917 წელს, ნოემბერში და შექმნილ მმართველობას ჰქვიოდა ამიერ-კავკასიის კომისარიატი.

ამის შემდეგ ფორმალური გამოყოფა რუსეთისაგან და ცალკე ამიერ-კავკასიის რესპუბლიკის დაარსება დამოკიდებული იყო მხოლოდ გარეშე პირობებისაგან.

---

## თავი მეორე.

### ქართული კომიტეტი პეტროგრადში.

#### 4

1917 წლის ბოლოს და 1918 დასაწყისში მე მომიხდა პეტროგრადის ქართულ ახალშენის „ეროვნულ კომიტეტის“ წევრათ ყოფნა. რევოლიუციის შემდეგ ასეთი კომიტეტები სოკოსავით ჩნდებოდა ყოფილი იმპერიის ყოველ ნაწილში, პოლონეთიდან მშვიდ ოკეანემდე, სადაც კი იყო ქართული ჯიშის თუნდაც მცირე ჯგუფი. ეს ორგანიზაციები არსდებოდენ ერთ და იმავე დროს, თავის თავად, რაც მოწმობს, თუ გნებავთ, რომ ქართული ეროვნული მოძრაობა ბუნებრივი და ხელთუქმნელი იყო.

პეტრონის ნებართვით პეტროგრადის კომიტეტს ეპირა ფურუტატის ქუჩაზე გრაფინია პანინის ცალკე სახლი.

ჩვეულებრივ მის—არა სახლის, არამედ კომიტეტის-ფუნქციებს ჰქონდა საკონსულო (მნიშვნელოვანი საგანია, როცა ძნელი ხდება პიროვნებისა და ქონების დაცვა) და სასურსათო (სასარგებლო საგანია, როცა პური იშვიათად საპოვნელი ხდება) ხასიათი. აქ, კომიტეტში, მოდიოდა მცირე ცნობები საქართველოდან; აქ იკრიბებოდენ ფინჯანი ჩაის ირგვლივ, როგორც კლუბში, სამასლაათოთ—დრო ჰქმნიდა ასეთს სულიერ განწყობილებას. განსაკუთრებულ შემთხვევების გამო იმართებოდა ქართული ახალშენის საერთო კრება.\*)

---

\*) საბჭოთა ხელისუფლება პირველ ხანებში საკმაო მოთმინებით ეპყრობოდა ამ ეროვნულ კომიტეტებს. შემდეგ, ტერორის გაძლიერებასთან ერთად, დაიწყო სხვა და სხვა შევიწროება. თავმჯდომარეთ თავიდან იყო ა. ქორქია, შემდეგ ა. ჩერქეზიშვილი, დიდი ხნის წევრი უს. პეტერბურგის უწყების“ რედაქციისა (+).

ორგანიზაციის პრაქტიკული სარგებლობა იქვს არ იწვევდა: კომიტეტმა არა ერთხელ მოახერხა საბჭოთა პოლიციის ხელიდან გაენტავისუფლებინა უმიზეზოთ დაქერილი; არა ერთხელ მან—გამოკლება შეღავათიან პირობით მიღებულ სხვა და სხვა სანოვაგით მის მზრუნველობაში მყოფნი. იყო შემთხვევა, რომ მისი წყალობით ყველა ჩვენ ვიკებებოდით მრავალი დღის განმავლობაში... ხბოს ტვინით! შემდეგ იყო კვირა „კვავის“ და სხვა...

ვშიშობ, რომ ჩვენ პოლიტიკურ მიზანს—(რამდენათაც შეიძლება დაახმარება გაგვეწია პეტროგრადიდან და პეტროგრადში ამიერ-კავკასიის სახელმწიფოებრივ „აღმშენებლობისთვის“) უფრო ნაკლებათ ვალწვედით, ვიდრე უბრალო „მეზობლურათ“ ხელს უწყობდით ჩვენი წრის წევრებს.

როგორც ცნობილია, ამიერ-კავკასიამ არ გაიზიარა 1917 წლის ოქტომბრის საბჭოთა გადატრიალება. წესიერი მიმოსვლა ტფილისსა და პეტროგრად შორის შესწყდა. რუსეთისა და ამიერ-კავკასიის ისტორიული გზები ერთმანეთს თვალსაჩინოდ შორდებოდა.

ჩვენ ვიცოდით, რა თქმა უნდა, რომ ამიერ-კავკასიაში დაარსდა ფაქტიურად დამოუკიდებელი ხელისუფლება („კომისარიატი“); ვიცოდით, თუ რა პროგრამა მიიღო საჯაროთ ტფილისში 1917 წლის ნოემბერში საქართველოს ეროვნულმა ყრილობამ. ვიცოდით უმთავრესიც—სახელდობრ, თუ რა სავალალო მემკვიდრეობა დარჩა ამიერ-კავკასიას ყოფილი რუსეთ-ოსმალეთის ფრონტიდან: რუსის ჯარის დაშლის შემდეგ ამ მხარისა და ეროვნულ ახალგაზდა ორგანიზაციებს უნდა ეკისრნათ საზღვრების დაცვა. მაგრამ ამ მხრით რაიმე დახმარების გაწევა პეტროგრადიდან შეუძლებელი იყო.

## 5

პეტროგრადის და მოსკოვის ქართველებში, განსაკუთრებით კი სომხების წრეებში, გავრცელებული იყო გადაჭარბებული და ბუნდოვანი წარმოდგენა ამიერ-კავკასიელ ჯარისკაცთა რიცხვზე, რომელნიც განთავისუფლდენ რუსეთის ფრონტებიდან და მიეჩქარებოდენ სამშობლოში; ამბობდენ, ვითომ ისინი მზად იყვნენ „იქ“, ადგილობრივ. დაეცვათ სამშობლო მტრების შემოსევისაგან.

მახსოვს ერთი დარბაზობა „სმოლნი“ სომხების კომიტეტის წარმომადგენელ გენერალ ლ. ფ. ტიგრანოვთან ერთად. ჩვენ მიგვიღო პიროვნებამ, „რომლისგანაც იყო ყველაფერი დამოკიდებული“

—ა. ენუქიძემ; იგი დაგვიპირდა, „ხელი შეეწყო“ ევროპის ფრონტიდან განთავისუფლებულ სომხების და ქართველების შინ დაბრუნებისათვის და აგრეთვე მოეცა შეარაღებისათვის საჭირო სხვა და სხვა ნივთი, რომელიც ძლიერ აკლდა კავკასიის ფრონტს.

არც ჩვენ მიერ გადადგმულ ნაბიჯებს, არც მოცემულ დაპირებებს, რა თქმა უნდა, არავითარი გავლენა არ მოუხდენია მოვლენათა მსვლელობაზე.

იმ დროს საბჭოთა მთავრობის ერთადერთი „განმავლობის სფერო“ იყო ზავი რუსეთსა და გერმანიის კოალიციის შორის, რომელიც მაშინ მზადდებოდა, და რომელშიაც საბჭოთა მუშაობას უაღრესი მნიშვნელობა ჰქონდა. ამიერ-კავკასია კი, ფაქტიურათ, თავის ანაბარათ იყო დატოვებული.

„საქართველო და სომხეთი რომ ერთმანეთს ხელს ჩასჭიდებდენ, როგორც საჭიროა,—მეუბნებოდა ტიგრანოვი (გენერალური შტაბის ყოფილი ოფიცერი), როცა სმოლნიდან ვბრუნდებოდი—ისინი ეხლაც კი მოახერხებენ ოსმალეთს გაუმკლავდენ; შემდგვისათვის კი შექმნიდენ მათი დამოუკიდებლობისათვის საჭირო საიმედო ჯებირს. მოიგონეთ რუქა“ და სხ.

სამწუხაროთ, საქართველოც და სომხეთიც უკანასკნელ წუთამდღი დარჩენ მარტოოდენ „გეოგრაფიულ სიტყვებათ“; დროებითი მთავრობა ეწინააღმდეგებოდა ჯართა ეროვნულ ნაწილების შედგენას. ისიც საკითხავია, შეიძლებოდა თუ არა ასე სწრაფათ და იმდენი ჯარის მოწყობა, რამდენიც საჭირო იყო? უეჭველია მხოლოდ, რომ კავკასიის ფრონტიდან მიმავალ, რუსეთის გახრწნილ ლაშქრის ადგილზე აღარავინ ჰყავდათ დასაყენებელი. მაგრამ არ შეეჩერდები ამ ფაქტებზე, არც სხვა და სხვა „კომიტეტების“, „კრილობების“ და პიროვნებათა ცდაზე შეეკავშირებინათ, კერძოთ რუსეთში მყოფი ქართველი სამხედრო ელემენტები და გაეგზავნათ საქართველოში. გარემოცული წრისა და „მიმდინარე მომენტის“ ზედგავლენით („მიმდინარე მომენტი“ უაზრო, მაგრამ კავკასიაში ჩვეულებრივი წინადადებაა რუსული პოლიტიკური კილოსი!) ამ ორგანიზაციებს იტაცებდა აგრარული კითხვაც, პარტიების პროგრამული კამათიც, და ამიტომ ბევრი ვერაფერი გააკეთეს საქართველოს და კავკასიის სამხედრო ძალის გასადიდებლათ.

მერყეობის დღეებში, რომელიც წინ უძღოდა ბრესტ-ლიტოვსკის ზავის ხელის მოწერას (იანვარი—მარტი 1918 წ.) პეტერბურგში შიშინანობას უფედა. ზოგჯერ დღითი-დღე ელოდებოდნენ გერმანელი ჯარების მიერ სატახტო ქალაქის დაქვრას. გამოთქვამდნენ სხვა და სხვა გრძნობას, მაგრამ „მცხოვრები“ არ იყო, მგონი, წინააღმდეგო ნების სამზირზე დაენახა „პრუსიელთა ქულები“. მაშინ გადაქარბებით სწამდათ გერმანული წეს-რიგის სასწაულ-მომქმედი ძალა; და ამ რწმენაში სხვებს არ ჩამორჩებოდნენ ისინი, ვისაც განსაკუთრებულად სძულდა გერმანელები 1914—1915 წლებში.

მდგომარეობა ისეთი იქმნებოდა რომ „ეროვნულ საზოგადოებებს“ უნდა მოეფიქრათ, თუ როგორ მოქცეულიყვნენ, თუ გერმანელები შემოვიდოდნენ. ამის გამო საქართველოს კომიტეტს სომხების კომიტეტთან ერთად თათბირიც კი ჰქონდა. განხილული იყო სხვა და სხვა ფორმალური კითხვა, რომელსაც პრაქტიკული მნიშვნელობა არ მისცემია, რადგან გერმანელები პეტერბურგში არ შემოსულან.\*)

დაახლოვებით იმავე დროს—პეტროგრადში ბეჰედიტი სიტყვაც მაშინ ჯერ კიდევ საკმაოდ თავისუფალი იყო—პროფ. ბ. ე. ნოლდეს თხოვნით, მე დავსწერე ჟურნალ, „საერთაშორისო პოლიტიკა“-ისათვის წერილი\*\*\*) ბრესტ-ლისტოვსკის ხელშეკრულების სპეციალურათ იმ დადგენილებების გამო, რომელნიც კავკასიას შეეხებოდნენ.

ამიერ-კავკასიის კომისარიატსა და საბჭოთა მთავრობის შორის სრული გათიშვა მოხდა დამფუძნებელი კრების გარეკვის შემ-

---

\*) ერთ დროს ბოლშევიკები ისე იქვრდნენ თავს, თითქოს მზად ყოფილიყვნენ, თუ საქირობა მოითხოვდა, გერმანელებისთვის წინააღმდეგობა გაეწიით, ამიტომ ოფიცრების ერთმა ჯგუფმა ხელი მიყო მოხალისე „ივერიელთა“ პოლკის შედგენას. (ამ მიზნისათვის მაშინ შეიძლება საბჭოთა მთავრობიდან ავანსის მიღება). ამ დასაწყისს არავითარი შედეგი არ მოუტანია: ჯერ კიდევ მოუწყობელი პოლკი უნდა დაშლილიყო; მისმა შემადგენლობამ კი (მგონი, რამოდენიმე ათეული კაცი იყო) ნება მიიღო დაბრუნებულიყო კავკასიაში ცალკე ეშალონით. ამ საქმეს საქართველოს კომიტეტი თავიდანვე სთვლიდა მოუფიქრებელ ნაბიჯად და აშკარა უპარყოფით ეკიდებოდა.

შემდეგ მომიხდება ვიამბოთ, თუ როგორი იყო მისი მოულოდნელი და ტრაგიული დაბოლოება.

\*\*) „ბათომი და ყარსი“ წერილების მთელ რიგში ჟურნალმა მოიყვანა სრული შინაარსი და დაფასება ბრესტ-ლიტოვსკის ტრიპტატის დედა აზრისა და შედეგებისა.

დგ (11 იანვარი 1918 წ.). უტყუარი ცნობები, თუ რა ხდებოდა 1918 წლის პირველ თვეებში თფილისში, ჩვენ პეტერბურგში არ გვქონია, მაგრამ ჩემ წერილში მე შემეძლო საკმაო-საფუძვლიანობით მეთქვა, თუ როგორ შეხვდებოდნენ საქართველოში და სომხეთში ბათომისა და ყარსის ოსმალოებისათვის დათმობას, რადგან მე ვიცნობდი ქართველებისა და სომხების აზრსა და კიდევ უფრო მათ გრძნობებს. მე გამოვთქვი რწმენა, რომ ბრესტ-ლიტოვსკის ხელშეკრულება უეჭველათ გამოიწვევს ამიერ-კავკასიისა და ოსმალეთსა და სხვა სახელმწიფოთა შორის ახალ მოლაპარაკებებს და ხელს შეუწყობს ამ ქვეყნის რუსეთიდან სრულ ჩამოშორებას. ფორმალურათ ასეც მოხდა\*). წერილის დასკვნის სტრიქონებში დამატებული იყო, რომ, თუ ასეთი გადაწყვეტილება საერთაშორისო მდგომარეობის შედეგია, შესაძლებელია, იგი მხოლოდ დროებითი იქნეს; მე ვსწერდი, შეიძლება რუსეთის მიერ საქართველოს შთანთქმიდან დაწყებულმა რუსეთთან მტკიცე ფედერატიულ კავშირამდე მიმავალმა გზამ რუსეთისაგან ჩამოშორებაზედაც გადალახოს თქო.

ამ სტრიქონების დაწერის შემდეგ ხუთი წელიწადი ძლივს შესრულდა, და საქართველომ და მთელმა ამიერ-კავკასიამ, რომელიც მართლაც ჩამოშორდა რუსეთს და დამოუკიდებლობით გამაგრდა, ისევ განიცადა საბჭოთა ჯარების თავდასხმა (1920—1921); 1923 წლის დასაწყისიდან ფორმალურათაც აღადგინეს კავშირი რუსეთთან. ამ კავშირს ჰქვია ფედერატიული. იქნება თუ არა იგი მტკიცე?

1918 წლის დასაწყისის ჩემი მკითხაობა, სამწუხაროთ, ასრულდა 1922—1923 წელს.

ამ ხნის განმავლობაში მე წილათ მხედა მემუშავნა, რომ იგი... არ ასრულებულიყო; ყოველ შემთხვევაში, რომ არ ასრულებულიყო არც ასეთის ფორმით და არც ასეთის პირობებით.

---

ძნელი იყო პეტერბურგში დამშვიდებული ჯდომა იმ დროს, როცა საქართველო და მთელი კავკასია იძულებული ხდებოდა გამოერკვია და ეწარმოებინა თავისი პოლიტიკა. საქართველო მკედრეთით აღსდგა. გესურდა იქ ყოფნა, თვალით გვენახა, თუ რა ხდებოდა.

---

\*) მე მხოლოდ არ მოველოდი, რომ ამიერ-კავკასიის სეიმს ფიქრად მოუვიდოდა ოსმალეთთან საომარ განწყობილების აღდგენა.

პეტროგრადში იმ თვეებში\*) მე მაჩერებდა მხოლოდ გამომცემლობა „ოგნი“ მუშაობა. როცა გამომცემლობის ხელმძღვანელობა ნ. ბ. გლაზენბერგს გადაეცა, მან ფართო მიზნები დაისახა.

სპეციელურად ჩემი საზრუნავი იყო წიგნების სერია — „ცნობის წრე“, რომელმაც გამოსცა 1917—1918 წლებში პეტროგრადის საუკეთესო სამეცნიერო სალიტერატურო ძალების თხზულებათა მთელი რიგი. დავასახელებ აკადემიკოსებსა და პროფესორებს: ზელინსკი, როსტოვევი, ბარტოლდი, კარსავეინი, პრესნიაკოვი, ფარმაკოვსკი და სხვ.

პოლიტიკური ატმოსფერა, ეტყობა, არ შეეფერებოდა ამ მოღვაწეობას. აშკარადებოდა დამფუძნებელ კრების სისუსტე, და მზადდებოდა სამოქალაქო ომის სასტიკი ამბები—ჩვენ კი „ოგნის“ საბჭოს მორიგ სხდომებზე ე. ა. ლიაკის თავმჯდომარეობით ვთათბირობდით კ. ა. სომოვის „მარკიზას წიგნის“ ან ბენუას, „რუსეთის ხელოვნების ისტორიის“ ხელმეორეთ გამომცემაზე და სახელმძღვანელოთა ბეჭედის მოწყობის შესახებ. როგორც ყოველთვის ასეთ შემთხვევაში ხდებდა, დროის, ან თანადროულობის შეუფერებლობა მხოლოდ მოჩვენებითი იყო...

თფილისში მაინც უნდა გავმგზავრებულყავი. ზაფხულისათვის საჭირო იყო უკანვე დაბრუნება, რომ გამეგრძელებინა ლიტერატურულ-გამომცემლობითი მუშაობა. წასვლით თფილისში წავედი, დაბრუნება კი „წმ. პეტრეს ქალაქსა შინა“ აღარ მომიხერხდა.

---

\*) 1917 წელს მე ვიყავი 1-ლი (ადმინისტრაციული) დეპარტამენტის სენატორათ. პეტრე დიდის მიერ შექმნილი უმართებულესი სენატი, ოდესღაც საამაუო, გაუქმებულ იქნა 1917 წლის 1 დეკემბერს.

## თავი მესამე.

### სანიტარული მატარებელი № 133.

7

1918 წელს, გაზაფხულში, რკინის გზის მიმოსვლა რუსეთის სატახტო-ქალაქებსა და კავკასიის შორის სრულად არ იყო მოწყობილი. მხოლოდ საჭირო საბუთებით აღჭურვილს და საშუალო ბედის მქონე უბარგო მოგზაურს შეეძლო იმედი ჰქონოდა, რომ დანიშნულ ადგილს მიაღწევდა. სადღაც—დონის თუ ყუბანის ოლქში წარმოებდა ომი ბოლშევიკებსა და „კორნილოვცებთან“ შორის; უტყუარი ცნობების უქონლობისა და მდგომარეობის ცვალებადობის გამო ეს ყველაფერი ბურუსით იყო მოცული და არ იწვევდა შიშს.

მაგრამ მარტო წამოსვლა, მარტო ჩემს ბედზე დაყრდნობა არ მომიხერხდა. საქართველოს ეროვნულ კომიტეტს უნდა ეზრუნა, ბერი სხვა და სხვა მიზნით თფილისში, ბაქოში და სხვაგან მიმავალი, გაეგზავნა სამშობლოში; ნამდვილ „ქვეშევრდომთან“ გარდა საევაკუაციო ჯგუფში მიღებას თხოულობდა მრავალგვარი ხალხი, რომელთათვის დახმარება უნდა გაგვეწია.

ასე წარმოიშვა კითხვა თბილისში მოქალაქეთა გაგზავნისა, იმ მოქალაქეთა, რომელნიც კომიტეტის მზრუნველობაზე იყვნენ და სურდათ ცალკე მატარებლით „სამშობლოში დაბრუნება“. სმოლნის ხელისუფლებამ პრინციპიალურათ ნება დართო. მაგრამ გვითხრეს: მოძებნეთ შესაფერი „შემადგენლობა მატარებლისა“, და თუ იპოვით სადმე, თქვენს განკარგულებაში გადმოგცემთო; ასედაც მოიქცენ. კომიტეტმა გაიგო, რომ იაროსლავში ჩარჩენილია და უსარგებლოთ დგას ქალაქ ბაქოს მიერ მოწყობილი სანიტარული მატარებელი, და გაგზავნა იაროსლავში მოხერხებული „დამხმარე“, რომელმაც ერთ მშვენიერ დღეს მოიყვანა ეს მატარებელი და დააყენა პეტროგრადის რკინისგზის კვანძის ერთ-ერთ მივარდნილ ლიანდაგზე.



ამასთანავე მიღებულ იქნა ფორმალური ნებართვა „სანიტარული მატარებლის № 133“ გაგზავნისა (პეტროგრადი-ბაქო-თფილისის გზით) კომიტეტის პასუხის მეშვეობით, რომ იგი უკანვე იქნებოდა დაბრუნებული; შეადგინეს მეზავრების სია მათი ავადმყოფობის აღნიშვნით (ამას გვაძულებდა მატარებლის სახელი—„სანიტარული“).

28 მარტს, ჩვენსავე განსაცვიფრებლათ, ჩვენ თინლიანდიის სადგურიდან შეუდევით გზას. უკანასკნელ წუთამდე გვეშინოდა, რომ რომელიმე უწყება, დაწესებულება ან გავლენიანი პირი მოისურვებდა წაერთმია ეს ძვირფასი, განგებით ბოძებული მატარებელი!

ღონის როსტოვამდე გზაში ერთი კვირა გავატარეთ. უცნაურ შთაბეჭდილებას ახდენდენ გაცარიელებული სადგურები; უკვე ეტყობოდა ჩამოქვეითება, რკინის გზებს მოკლებოდა სიცოცხლე, ისინი მოქმედებდნენ არა სავსებით, არამედ ნაწილობრივ; მაგრამ ჯერ კიდევ საგრძნობი იყო ძველი წეს-რიგის ინერცია. შეგვხვდა დაბრკოლებები; ბოლოს და ბოლოს თავს მაინც ვაღწევდით. სანოვაგეს ჩვენვე ვიმარაგებდით; სამხრეთში ზოგი რამ იშოვებოდა; რამდენიმე ტყვე ავსტრო-უნგრელი, რომელნიც მატარებლის მოსამსახურეებათ ითვლებოდნენ, ჩვენ გამოგვადგენ.

როსტოვში ორიოდე დღე ჩავრჩით. აქ წავგვართვეს რონოდების ნაწილი, იმ კანონიერის საბუთით, რომ მატარებელში მეზავრთა რიცხვი ძლიერ მცირე იყო. ვგრძნობდით, რომ წინ სწარმოებს ომი; თვით როსტოვში სუფევდა მოუსვენრობა; სადგურის მიდამოში უცრათ დაფრთხებოდა ხალხი; აყენებდნენ და ხსნიდნენ სამხედრო ყარაულს, მოაგორებდნენ ტყვიის მფრქვეველებს, და ძნელი გასაგები იყო ვინ აწყნარებს, ვის აწყნარებს, ვინ არის სერიის მყურებელი და ვის ზელშია უფლება. საერთოდ, უსიამო მდგომარეობაში ჩავვარდით: მატარებლის მხიარულმა და უღარდელმა „მოსახლეობამ“ საკმაოდ მოიწყინა.

...კარგათ არც კი ვიცოდით, რომ ჩვენ ნელ-ნელა უახლოვდებოდით სამოქალაქო ომის ნამდვილ ასპარეზს. სადგურ კავკასკაიაზე გვიოხრეს, რომ წინ ველარ გავიშვებდნენ; ადგილობრივ ხაბჭოთა ხელისუფლებასთან ამათ გავმართეთ მოლაპარაკება. მავთულით ველაპარაკეთ ეკატერინოლარს, მათ ყურადღებას ვაქცევდით საბუთებზე, სმოლნზე — ვერაფერი გვახსნიეთ. გამოირკვა, რომ ეკატერინო-

დარის\*) რაიონში ომის წარმოების გამო საბჭოთა მთაწარმისათვის მეტად საჭირო იყო სანიტარული მატარებელი (რომელსაც თან ჰყავდა მთელი შტატი და ჰქონდა მოწყობილობა); ამიტომ პეტროგრადიდან მიცემული განსაკუთრებული დანიშნულება მატარებლისა და არღიეს და გადაწყვიტეს იგი ჩვენთვის ჩამოერთმიათ. როგორ შეურაცყოფილათაც არ ვგრძობდით თავს, სიტყვის შებრუნება მაინც არ შეგვეძლო და, მართალი რომ სთქვას კაცმა, ამ განკარგულებას სავსებით ამართლებდა მაშინდელი საშინელი დღეების მოთხოვნილება. რაკი იყვნენ დაქრილები, სამართლიანობა მოითხოვდა, რომ მატარებელი მათთვის დაგვეთმო. ჩვენ კი სამაგიეროთ მოგვცეს რამდენიმე „ტეპლუშკა“. რა თქმა უნდა, მთელი ჩვენი ბარგი გაჩხრიკეს. ერთის სიტყვით, მოგვაყენეს ყველა უსიამოვნება, რომელნიც რევოლიუციის შემდეგ უეცრათ და სამარცხვინოთ გახდნენ რუსეთის ცხოვრების ჩვეულებათ.

ბოლოს ჩვენ გაგვიშვეს ერთი მატარებლის უკან, რომლის შემადგენლობაში, როგორც გამოირკვა სადგურ კავკასსკაიაზე, იყო ერთ ვაგონში მოთავსებული დაშლილი „ივერიელთა“ პოლკის ეშალონი. ამ „ივერიელთა“ პოლკის შესახებ წინათ გვქონდა ორიოდ სიტყვა ნათქვამი\*\*).

მღელვარება ისე დიდი იყო რომ დრო არ გვქონდა უკვე გალატაკებულ, გაძვალტყავებულ შიდა რუსეთიდან ნოყიერ, პურით სავსე და ყოვლით მდიდარ ყუბანის ველზე გადასვლა შესაფერად დაგვეფასებია.

## 8.

შეურაცყოფა არ მოუყენებიათ, მაგრამ გაქვივრებით გავიარეთ სადგური ტინორეკაია. თვით სადგურ არმავირის წინ (ეს იყო 7-8 აპრილს 1918 წ.) დიდი ხნით გაგვაჩერეს; სადგურის ბაქანთან შეიძლებოდა მეორე მატარებლის და მის ირგვლივ აუარებელი ხალხის დანახვა. მაგრამ იქ რა ხდებოდა, ამის გარჩევა „შეუძლებელი“ იყო.

---

\*) 28 მარტს ეკატერინოდარი მოხალისეებმა დაიჭირა; 29 ისევ დაიბრუნეს უკან ბოლშევიკებმა. დამით 30—31 მარტს ეკატერინოდართან მოჰკლეს გენერალი კორნილოვი, მაგრამ მაშინ ჩვენ ეს ფაქტები დაბეჯითებით არ ვიცოდით.

\*\*) იხ: გვ. 33.

ბოლოს, როდესაც გზა განთავისუფლდა და ჩვენი მატარებელი სადგურს მიაღწა, მეტათ აღლევებული ხალხი უკვე დაშლას იწყებდა. აქ ბევრი იყო, როგორც წინათ ეძახდნენ „საზოგადოების ნაძირალები“, ჩამოხეულ, ჩამოკინკული, უსიამო შეხედულების ხალხი, რომელიც ყოველთვის ავსებდა ყუბანის ოლქის რკინის გზის ცენტრებს; მთელი ბრბოები გზა-გადამცდარ ჯარის კაცთა, სახის მტრულის გამომეტყველებით; ბევრად უფრო ცოტა იყო ყაზახი-რუსები, მკვიდრი ყუბანელები, რომელნიც გონება-დაბნეული გამოიყურებოდნენ.

ახლოვდებოდა რალაც ცუდი.

ჩვენს მატარებელს მაშინვე ალყა შემოატყეს და გვიბრძანეს ვაგონებიდან არ გამოვსულიყავით.

ბაქანზე ლაპარაკის ნაწყვეტები გვესმოდა „ტეპლუშკის“ კარში; ჩვენ გავიგეთ, რომ წინა მატარებელში აღმოაჩინეს იარაღი და „ოქროს ეპოლეტებიანი“ „კორნილოვები“ „ბეკდებით“.

მე გამაცვიფრა ერთმა მოხუცმა გლეხის ქალმა: იგი განსაკუთრებით ჩასციებოდა ამ „ბეკდებსა“ და „ოქროს ეპოლეტებს“, რისთვისაც მათ „უსათუოდ დახვრეტენ“. ეს დასკვნა მისთვის ყოვლად გარდაუვალი იყო; მაშ როგორ იქნება ისინი ხომ „კადეტები“ „კორნილოვები არიან“—განმარტებას იძლეოდა ვიღაცა ახლოს მდგომი. როგორ არ სთქვა კაცმა: sancta simplicitas! მაგრამ ასეთის სიწმინდისაგან ღმერთმა დაიფაროს ყოველი ჩვენგანი.

ჩვენ მოხვდით სამოქალაქო ომის ან და მის მიერ წარმოებულ უწყესობების ერთ ერთ ადგილობრივ კვანძში: ჩრდილოეთიდან მოსული ყოველი თავისუფალი მოქალაქე (არა ჯარის კაცი) მათში იქვს იწვევდა, რომ იგი კორნილოვის მომხრე იყო.

ჩვენი მატარებლის გასაჩხრეკათ მოვიდნენ ახალგაზრდა კაცები; ზოგს სურდა ეჩვენებინა, რომ იგი თავზე ხელაღებულია; ზოგის სადა სახეს კი დამნაშავის გამომეტყველება ჰქონდა; მათთან იყვნენ სამხედრო გუნდები, რომელთაც ჯერ კიდევ შერჩენოდათ ყოფილი დისციპლინის ნიშნები. ჩვენ შორის იყვნენ ძლიერ შეძლებულნიც, რომელთაც თან ჰქონდათ ბევრი ძვირფასი და თან უსარგებლო ნივთი; ისინი თრთოდნენ—ეშინოდნენ, რომ ყველაფერს, „უკანასკნელ ცხვირსახოცსაც“ კი წაართმევდნენ (ასეთი ხმები დადიოდა). ნამდვილათ კი თითქმის არავისთვის არაფერი წაურთმევიათ. რა თქმა უნდა, რევოლვერებს უნდა გამოვთხოვებოდით. მაგრამ ჩვენს „ტეპლუშკებს“ ყარაულები უდგა და ჩვენ არა ვიცოდით რა.

უქვეელი იყო რომ აქ, არმავირში, მოგველოდა ტერორი—შესაძლებელია შემთხვევითი, წეს—გარეშე, მაგრამ მით უფრო საშიშარი. როგორ დაგვეხწია თავი? ა. მ. ხოშტარიასთან\*) თათბირის დროს, ჩვენ მალე ვპოვეთ ვზა. მას ბეჯითად ახსოვდა, რომ მის ნაცნობს, ჩვენს თანამემამულეს ე-ს არმავირში ეჭირა რალაც ადგილი. მას შეეძლო დახმარება გაეწია. მაგრამ როგორ მოგვენახა? სრულიად უბრალოთ. „აქ არის ბუფეტი, ვსჯელობდი მე, და ამ ბუფეტის პატრონი და მოსამსახურეები უქვეელათ ქართველები იქნებიან. გავგზავნოთ „ნარზანზე“, მოგვიტანს ლაქია, უსათუოდ მოხერხებული და „შეგნებული“—იგი ერთ წუთში მონახავს თქვენს მხსნელს“. ახლო მიმავალი რკინისგზელი მცირე გასამჯელოთი დავითანხმეთ გამოგზავნა ჩვენთვის „მინერალური წყალი“—და ორიოდ წამის შემდეგ წყალს ჰიქებში ქაფი ადიოდა. სანამ ის შუშხუნებდა, ხოშტარიამ მოასწრო ყველაფერი, რაც საჭირო იყო, ეთქვა; ახალგაზდა კაცი კი ყველაფერს მიხვდა და საჭირო პასუხიც მისცა.

გვერდში მდგომმა ყარაულმა, შავი-მიწის გულუბრყვილო გლებმა დაიღრიალა: „აქ აღკრძალულია თქვენებურათ ლაპარაკი“—მას, უქვეელია, არ ესმოდა, რომ გამოთქვამდა მთელ სახელმწიფოებრივ პროგრამას! მაგრამ ბუფეტის მოსამსახურემ შეუღრინა: „განა არ გესმის, რომ ეხლა თავისუფლებაა, და რომ ყველას შეუძლია თავისენაზე ილაპარაკოს?!“ (ესეც პროგრამა!)—და აღშფოთებული უკანვე გაიქცა.

ერთი საათის შემდეგ, ბაქანის ბოლოში გამოჩნდა და ჩვენ ჩავგვიარა, ვითომც სრულიად ჩვენთვის უცხო კაცი ყოფილიყოს, რკინის-გზის ამ კუთხის მილიციის უფროსმა—ეს იყო ე.

ღამე ვაგონებში გავატარეთ. დარაჯი დაგვიყენეს. დილით ცხელი წყალი მოგვეცეს, შემდეგ გამოგვიცხადეს რომ საპატიმროში წავგიყვანებენ. არეულობა, ჩოჩქოლა, ქალების გოდება. მაშინ აგვიხსენეს: მთლად საპატიმროში კი არა, არამედ განსაკუთრებულ კომისიაში, და იქედან... დავეწყვეთ რიგებათ, შემოგვერტყენ სადარაჯო ჯარის კაცები, და გავსწიეთ კომისიისაკენ; მთელი არმავირი ვადავიარეთ; ქუჩებზე, ვინც კი შეგვხვდებოდა გვიყურებდა, როგორც ბედის განაწირებს. ვიქნებოდით, მე ვფიქრობ, ასე 50-60 სული; დაკითხვა გაგრძელდა. კომისიის წევრები უბრალო, ცრუ-სამხედ-

---

\*) ცოპილი შესაკუთრე ჩრდილო სპარსეთის კონცესიების; საქმის კაცი, დიდის ინიციატივით და რამერიკულის უნარით.

რო გამომეტყველების ახალგაზრდა კაცები, ჩვენს განმარტებებს შედარებით მოწყალეთ ისმენდენ. უ-ს უკვე მიელო ზომები და „საქმის წარმოებაში“ მონაწილეობას იღებდა წარმომადგენლათ... ქართველთა ადგილობრივ კომიტეტისა. სავსებით ლიბერალური ქცევა! დაკითხვა გათავდა, და გამოგვიცხადეს, რომ თავისუფალი ვართ. ამას რაღა სჯობდა? ჩვენ მართლა შევირდებათ ვიგრძენით თავი. ჩვენი თანამგზავრების უმრავლესობა მაინც იმავე დღეს არმავირიდან ტუაპსეში გაემგზავრა: მათ გზა კეთილი აირჩიეს. უმცირესობა კი (10-12 კაცი) არმავირში დარჩა; ღამით ჩვენ მოგვასვენეს არმავირელმა ქართველებმა. მე და ს. კედიამ ვისარგებლეთ ჩვენი თანამემამულის სტუმართმოყვარეობით, რომელიც არმავირში მსახურებდა სააქციზო უწყებაში, და მიმართულებით კი იყო ეროვნულ-დემოკრატი: მას ძლიერ უხაროდა, რომ წილად ერგო პატივი ღამე გაეთევიანებინა პარტიის ცნობილ მეთაურისთვის—ს. კედიასთვის, ჩემთვისაც ეს მოხერხებული იყო.

სიხარული ნაადრევი გამოდგა: დილით ქართველთა კომიტეტში შეგვატყობინეს, რომ არმავირში ჩვენი ჩამოსვლის დღეს დაპატიმრებულ ოფიცრებს და სხვებს (40-ცამდე სულს) აბრალებენ, რომ ისინი ეკუთვნიან მოხალისეთა ორგანიზაციას, და რომ მათ გაასამართლებენ ჯარის-კაცთა მიტინგზე. არმავირი სავსებით კავკასიის ფრონტიდან წამოსულ ჯარის კაცთა ხელშია. არც ყაზახთა ხელისუფლებას და არც საბჭოთა ორგანიზაციებს არ შეუძლიათ მათი დამორჩილება.

როგორც ამბობდენ, ამ სამხედრო პირთ დაქერის დროს აღმოჩენიათ იარაღი, უმთავრესად თოფები; ისინი ვაგონების ქვეშ ყოფილან მიკრული და საფიქრებელია, რომ ეკუთვნოდენ „ივერიელთა პოლკის“ რამდენიმე მთიელს, რომელნიც ბრუნდებოდენ თერგის ოლქში. ბექლები და სხვა საკანცელარიო მასალები აგრეთვე ეკუთვნოდენ ამ პოლკს. რაც შეეხება ოფიცრებს, ზოგი მათგანა ბრუნდებოდა თფილისში სამსახურის გამო, ისინი, ვინც გაგზავნილი იყო პეტროგრადში კავკასიის ფრონტისთვის ჯავშნიანი ავტომობილების საშოვრათ; სხვები მიდიოდენ შინ, ამიერ-კავკასიის სხვადასხვა ქალაქში.

დაპატიმრებულთა შორის ბევრი სრულიად შემთხვევით მოხვდა სამხედრო ვაგონში: მაგ. ორი სტუდენტი, მგონი, სადგურ კავკაზსკაიაზე ჩვენი მატარებლიდან ოფიცრებთან ბანქოს სათამაშოთ გადავიდა. ყველა მათ, უკლებლივ 39 კაცს, ჯარის კაცთა მიტინგმა

მიუსაჯა იმავე დღეს სიკვდილი; ქართული კომიტეტის და სხვა ორგანიზაციების ყოველმა ცდამ (განსჯილთა შორის იყო 13 ქართველი) ამათ ჩაიარა. სასჯელი იქვე მოიყვანეს სისრულეში ტყვიის-მფრქვეველით და ისეთის უღმობელობით, რომელიც მაშინ კიდევ ანციფერებდა ადამიანს, ეხლა კი აღარაეის გააკვირვებს.

მთელი არმავირი თითქო გაქვავდა. თავალებული ჯაჭვ-აყრილი მხეცი ყველასთვის საშიშარო იყო, მით უმეტეს რომ არმავირი სავაკრო, მდიდარი ადგილია.

დადუმებული, წელგაწყვეტილი ვიჯექით ჩვენ ქართულ კომიტეტის ბინაზე; უეცრათ მოიბრინა კომიტეტის ერთმა წევრმა და გადმოგვცა, რომ ჩვენ გვეძებენ, რომ ჯარისკაცები ღრიალებენ გუშინდელ შეღავათზე—ნამდვილ „კორნილოვების“ განთავისუფლებაზე და რომ თვით ისინი აპირებენ ჩვენ გავვისწორდენ; თანაც კომიტეტს ელის საშიშროება, რადგან ოგიც საექვოთ მიაჩნიათ—ერთის სიტყვით, საჭიროა არმავირს თავი მალე დავახწიოთ.

ჟ-ს მოხერხებით და მისი განწყობილებების წყალობით მაშინვე შევასრულეთ შემდეგი „გეგმა“: „ტეპლუშკა“ს ჩვენი ბარგით დარაჯათ დაუდგება სადგურის გზებზე ჟ-ს მილიციონერები; ჩვენ, ყურადღება რომ არ მივიქციოთ, ორ-ორი, ან თითო წავალთ სადგურზე, როგორც კი შეღამდება; ნაშვალამევეს ტიხორეცკიდან მოვა მატარებელი და ღამითვე წავა სადგურზე „მინერალური წყლები“ (უკანასკნელი მატარებელი, რადგან მეორე დღეს სათბობი მასალის უქონლობის გამო მიმოსვლა უნდა შემწყდარიყო); აი ამ მატარებელს, უკანასკნელ წუთში მიაბმენ ჩვენ „ტეპლუშკას“, მკიდროთ დახურულს, როგორც საბარგო ვაგონს—და ამ გვართ გადავრჩებით არმავირს.

როგორც კი შებინდა, ჩვენ სხვა და სხვა გზით გავსწიეთ სადგურისაკენ, შევძევრით ვაგონში, დავექვით ბარგზე და დავიწყეთ ცდა. „ყოველი უეცარი შემთხვევისათვის“ ჩვენთან დაჯდა ჟ-ს სანდო მილიციონერი თოფით. მეორეს გარიდან „ეკირა თვალ-ყური.“ სადღაც გადაგვიყვანეს; მერე ყველაფერი მიღუმდა. ვიჯექით უსინათლოთ; ვლაპარაკობდით ხმადაბლა, ნაწყვეტ-ნაწყვეტათ. მილიციონერი უგულოთ გვიამბობდა 39 კაცის დასჯის ამბავს, რომელიც დილით თვითონ ნახა. „ჯარის-კაცებს ვერაფერს მოუხერხებ, თქვენც, ეტყობა, გეძებენ. შექველია აქ მოვლენ მატარებლის შესახედრათ, მაგრამ, არ მგონია, რომ მოგნახონ.

„კაპიტანმა არ ისურვა მიწის თხრა, და მას იდაყვი კონდახით გადუმტერიეს“... ისევ უბრუნდებოდა თავის შეწვეტილ ამბავს ჩვენი დარაჯი.

ჩამოვარდება შემზარავი, უხმო სიჩუმე. შემდეგ გვიამბობენ „წასულ კვირაში მოწყალების დაზე აღმოაჩინეს ტყვიის მტრქვეველი. არტილერიისტი გვერდში უდგა; მოუქნია ხმალი და მთელი მხარი ჩაუჩეხა; ქალი კი, თითქოს არიფერიო, განაგრძობდა გზას; მაშინ მეორემ მეორე ხელზე შემოართყა“ და სხვა.— ჩვენი დარაჯი ისე გულგრილათ გადმოგვცემდა ამ ამბებს, თითქოს სრულიად „ჩვეულებრივი რამ“ ყოფილიყო.— მაგრამ ეს ხომ მართლაც „ჩვეულებრივი ამბავი“ იყო. გაისმა ვილატას ქვითინი, რომელიც სასწრაფოთ იქმნა ჩაჩუმებული: „საბარგო ვაგონი“ ხომ კრინტს არ უნდა სძრავდეს.

ხანგრძლივი მდუმარება. შემდეგ— უეცარი სტვენა, კიდევ სტვენა— მახლობელი მატარებლის თქართქარი და მას მერმე სადგურის ჩვეულებრივი გუგუნი, რომელიც მალე წყდება. ხელახლავ რაღაც ალიაქოთი, მალალი ხმები სადგურზე. „თქვენ უნდა გეძებდენ“ ჩაგვიფუჩუნა დარაჯმა.

ისმოდა მატარებლების საცდელი მიმოსვლის ხმაურობა. ერთი შეგვანძრის, საღლაც წავგიყვანეს, მეორე გზაზე გადაგვიყვანეს, რაღაცას მიგვაბეს. მალე ვიცანით ეს ხმა, რომელიც გვერდით ელაპარაკებოდა ერთ-ერთ მილიციონერს. შემდეგ ჩვენმა დარაჯმაც გააღო „ტეპლუშკის“ კარი და უხმოთ დაიმალა ბნელ ღამეში; ახალი სტვენა, და მატარებელი დაიძრა არმავეირიდან, საღაც 39 ნაწამები ადამიანი ჩადებული იყო მათგანვე გათხრილ ორმოში.

## 9.

როცა სადგურ „მინერალურ წყლებზე“ მივედით, გავიგეთ, რომ მიმოსვლის შეწყვეტა ყოველ წუთში მოსალოდნელია და რომ საეჭვოა, ვლადიკავკავამდე მოვასწროთ მიღწევა. იძულებული შევიქნით დავრჩენილვიყავით და აგარაკების საზღვრებში აგვეჩრია საცხოვრებელი ადგილი. დავდექით პიატიგორსკში— „ტეპლუშკა“ უეცრათ შევცვალეთ პირველხარისხოვან სასტუმრო „ბრისტოლის“ ნებიროვებაზე. ამ დროს, ე. ი., 1918 წლის აპრილის შუა რიცხვებში პიატიგორსკში და ამ რაიონის სხვა დაბა-სოფლებში შედარებით მყუდროთ ცხოვრებდენ. საზოგადოებრივი ძალების წონასწორობა

როგორღაც ჯერ კიდევ რჩებოდა და საბჭოთა მთავრობის ცნობას ეგუებოდა. მოსული მცხოვრებთა რიცხვი შედარებით მცირე იყო, და ყველაფერი უხვად იშოვებოდა.

პიატიგორსკში ჩვენამდი მოაღწია ხმამ, რომ ტრაპეზუნდის კონფერენცია შეწყდა, დაეცა ყარსი და ბათომი, და ამიერ-კავკასია ფორმალურათ დამოუკიდებლათ იქმნა გამოცხადებული. კიდევ უფრო მიგვიზიდა თფილისმა, მაგრამ იძულებული ვიყავით უსაქმით გვეარა, გვესუნთქა მაკურნებელი ჰაერი და გვეცადა დაბრუნებისათვის ხელ-საყრელ შემთხვევისათვის.

მე კინალამ დროგით არ გავსწიე კავკავში; გზა-ტკეცილით გაზაფხულზე მოგზაურობა საამოც კი არის; მაგრამ ქართული კომიტეტის (ასეთი რევოლუციის მიერ. შექმნილი კომიტეტები-საკონსულოები ყოველ აგარაკზე არსებობდა) წევრებმა ჩემს აზრზე უარი მათქმევინეს; „უსათუოდ, მოგკლავენ და გაგცარცვავენ“ აი, ვფიქრობდი მე, *pax rossica*, რომლის მნიშვნელობაზე კავკასიაში ოდესღაც ვწერდი ჟურნალ: „რუსკაია მისლ“-ში!

როგორც იქმნა, პიატიგორსკის კეთილ ცხოვრებაში და სანოვავის სიუხვეში (შემდეგ აქაც ყველაფერი ძირიან-ფესვიანათ მოსპო ორფეხა კალიამ!) დამთავრდა ჩვენი მგზავრობის მოულოდნელი შეწყვეტა. ზოგ ჩვენგანს მიემატა სიმძიმე; მართალია, შემთხვევით და დროებით მოვხვდით ცხოვრების ყოფილ ჩვეულებრივ პირობებში, მაგრამ ისინი ამ სწრაფ-წარმავალს უყურებდენ, როგორც მუდმივს; წინანდელმა ოპტიმიზმმა და წინანდელმა რწმენამ იჩინა თავი, როცა მიიღეს დილის ვანა და მიირთვეს კარგათ დამზადებული საუზმე. მაგრამ გულუბრყვილო ოპტიმიზმის სიცოცხლის ასეთი უნარი ხომ არ არის ერთ-ერთი მამოძრავებელ ძალთა, ეგრედ წოდებულ „ბურჟუაზიულ წყობილებისა“ ე. ი. ყოველგვარ, ადამიანის საქმიანობაზე დამყარებულ, წყობილებისა?

---



## თავი მეოთხე.

### კ ა ვ კ ა ს ი ა უ ი.

10

როგორც კი აღდგენილ იქმნა მოძრაობა, ჩვენ განვაგრძეთ გზა, წინანდებურათ, საბარგო ვაგონით; ხელახლა გაგვიხრიკეს, ისევ ვაძლევედით განმარტებებს „ფრენჩიან“ სხვადასხვა ახალგაზრდა კაცებს, რომელთა ჯიში ომის დროს ზედ-მეტათ გამრავლდა, რომელსაც სასურველ საზრდოს აწვდიდა სამხედრო და ნახევრათ სამხედრო ორგანიზაციები (ერობისა და ქალაქების კავშირები, წითელი ჯვარი და სხვა) და რომელიც ბუნებრივით და აუცილებლივ გამოიყენა რევოლიუციამ; გვხვდებოდნენ რუსეთში დაბრუნებული ეშალონები, და ვრწმუნდებოდით, რომ 1914—1918 წლების ომი ხალხისთვის უცხო და გაუგებარი, ამასთანავე რუსეთის მხრით უდიდესი, სისხლიანი შეცდომა იყო.

აქ ნათლად ვხედავდით, რომ იმპერიის ხელოვნური წონასწორობა ირღვევა, და ყოველი მისი შემადგენელი ცოცხალი ძალა, ანდა შემთხვევითი ნაძირალი ყალიბდება საკუთარი თავისებურობითა და სიცოცხლის უნარიანობის მიხედვით: აი ყაზახობა; აი მთიელები; აი ქალაქის პროლეტარიატი; აი იმპერიის ყოფილი ლაშქარი, რომელიც შეიარაღებულ მაწანწალათა ჯგუფებათ ხდება და სხ.

აღამიანს ეგონებოდა, რომ ბუნების ძალნიც განზე ვერ გაუდგებიან ამ საერთო გადაჯგუფებებს, როცა მილიონების ძალამ და ხალხთა მასების აღრევამ ყველგან შეარყია სახელმწიფოთა ძველი საზღვრები, და თითქოს დაწყებულია ახალი „გენერალური გამიჯვნა“; თითქოს ეს მთაგრეხილიც უბრუნდებოდა თავის პირველ-ყოფილ გეოგრაფიულ მნიშვნელობას—ყოფილიყო ქვის, საზარ მიჯნათ, რომელიც დაგდებულია რუსეთის თვალ-უწვდენელ ველის ბოლო-

ში, რათა ამ ნაკვეთზე მიეცეს ბოლო და სახე უსახოსა და უსაზღვროს.

კავკავში ცოტა ხნით დავრჩით. ქართველების ახალ-შენს ჰგონებოდა, რომ ჩვენ მოვხვდით არმავირში დალუპულთა შორის და ემზადებოდა ჩვენზე პანაშვიდი გადაეხადა, რომელსაც ჩვენ ადვილი შესაძლებელია, მოუსწრებდით, მაგრამ, როცა ცოცხალი დაგვინახეს, პანაშვიდის მაგიერ გაგვიმართეს საზეიმო სადილი. პირადათ მე თანამგზავრებს ჩამოვშორდი, ვიშოვე ტფილისში დაბრუნებულ ავტომობილში ადვილი და გავსწიე იქეთ.

კავკავში ჩვენ შევხვდით ამიერ-კავკასიის მთავრობის აგენტებს, რომელნიც ჩამოსულიყვნენ ხორბალის საყიდლათ. იმათგან გავიგეთ უფრო დაწვრილებით, თუ როგორ იქმნა გამოცხადებული ამიერ-კავკასიის რესპუბლიკის დამოუკიდებლობა, როგორ შესდგა მთავრობა ა. ი. ჩხენკელის თავმჯდომარეობით და როგორ აპირებენ უახლოეს დღეებში, ბათომში განაახლონ ოსმალეობთან მოლაპარაკება, რომელმაც ტრაპეზუნდში უნაყოფოთ ჩაიარა.

მდგომარეობამ აიძულა ამიერ-კავკასია საერთაშორისო პოლიტიკაში გამოსულიყო ცალკე, ურუსეთოდ. მე ძლიერ მაინტერესებდა ამ გამოსვლის პირობები და მიზნები: სიამოვნებით მივიღებდი მონაწილეობას ამ შრომაში. კავკავიდან ჩემთან ერთად წამოსული ქართველი ს.-დ. (მენშევიკების) მეთაურებთან ახლო. მყოფი ა—ძე მარწმუნებდა, რომ ამიერ-კავკასიის მთავრობა, უეჭველია, მოინდომებს ისარგებლოს ჩემის სამსახურით, და ჩემზეა დამოკიდებული, დავეთანხმები თუ არა.

კავკავის განაპირაზე, მოლოკანთა უბანში, ჩვენ წავეწყდით საყარაულოს. თავიდან-ფეხებამდის შეიარაღებულმა, გრძელ-წვერიანებმა, რომელთაც ტომრების გასასინჯათ ხელში რკინის შანთებიც კი ეჭირათ, გაგვიჩხრიკეს, (შხეცობა არ გამოუჩენიათ; საერთოდ კი მოლოკანთა საყარაულო ითვლებოდა ყველაზე უფრო სასტიკ საყარაულოთ) და ჩვენ გავსწიეთ საქართველოს სამხედრო გზის იმ ნაწილით, რომელსაც ზედამხედველობდენ მთიელი ინგუშები. საერთოდ აქედან ტფილისამდე ისე ვიმოგზაურეთ, რომ დაბრკოლება და შეჩერება არ შეგვხვედრია.

როგორც ყოველთვის, მთების სიღიადესთან შედარებით სასაცილოთ და წვრილმანათ გვეჩვენებოდა ადამიანების შფოთი, მათი ერთმანეთის მოსპობისა და გაწვალების მისწრაფება; უფრო მშვენიერი და წმინდა, ვიდრე ოდესმე, იყო ზევით თოვლი და უფრო მიუღდგომელი სალი კლდე მის ქვევით; მეზობელ ხეობის მცხოვრებნი, იშვიათათ რომ შეგხვდებოდნენ გზაზე, ისე დაშორებული იყვნენ იმას, რაც ჩვენ რუსეთში დავტოვეთ და სამაგიეროთ, ისე ახლო იდგენ ადამიანისა და ბუნების სამარადისო ურთიერთობასთან.

ცარიელი იყო საქართველოს სამხედრო გზა. უღელტეხილი თოვლისაგან მხოლოდ მაშინ იწმინდებოდა. მდგომარეობაც არ უწყობდა ხელს მოენახულებინათ ეს ადგილები კოსტრომისა და მოქაისკის იმ ათას „ვოლოდიებსა“ და „შუროჩებს“, რომელნიც წარსულ წლებში ქვაზე, კლდეზე და კედელზე სახელის აღბეჭდას მოვალეობად სთვლიდნენ, და ჩვენ კი ამით გვიჩვენებდნენ ჭია ადამიანის სურვილს ამ საბრალო წინწყლებით მოგვაგონოს თავი იქ, სადაც ოცნება პრომეთეოსის დიდის ტანჯვის ღირსეულ ჩარჩოს ეძებს.

„თამარ დედოფლის კოშკთან“ მაგონდება აკადემიკოსის ნ. ი. მარრის გაკვირვება, თუ რისთვის გარდაქმნა ლერმონტოვმა საქართველოს ისტორიის დიადი, ხატათ მიჩნეული თამარი, დარიალის კლდიდან შემთხვევითი საყვარლების გადამგდებ დიაცათ. მე კი მგონია, რომ ეს უფრო გაართობს „ვოლოდიებსა“ და „შუროჩებს“.

ჩვენი ავტომობილი სუსტი გამოდგა. ღამის გათევა ფასანაურში მოგვიხდა, სადაც ყველა „ეკანისია“ უკვე დაეჭირათ ოსმალთა შემოსვლის შიშით ტფილისიდან გამოქცეულ სომხების ოჯახებს. მძიმე ურო აღმართული იყო ამიერ-კავკასიაზე და ვაი სუსტებსა და მოუწყობელთ!

დილით გავსწიეთ ანანაურში, მცხეთაში. ყველას ახსოვს მთაგრეხილის აქეთა მხარის სანახაობა—ახალგაზრდა, ხუჭუჭა ტყით დაფარულ მთებისა და მთის გვერდების ნაზი მოხაზულობა, ათასი ფერით აპრელელებული რბილი მინდვრები, ჩანჩქერთა მუსიკა. ამ სურნელებაში ანანაურის ციხის კოშკები და ეკლესია ღალადებენ ძველ საქართველოზე, რაინდთა დროზე, წრფელი სარწმუნოებისა და წრფელი ზნე-ჩვეულების დროზე.

დღეშეთთან საკვირველი შეხვედრა: თეთრი ზედსაფენიანი ფურ-  
გუნების გაუთავებელი ქარავანი, რომელშიაც გაბმულია ოთხი ცხე-  
ნი და რომელზედაც აწყვია ყოველგვარი ბარგი-ბარხანა და ღო-  
ლათი, სხედან ბავშვები, ქალები, მოხუცებულები. მამაკაცები გვერ-  
დით მიჰყვებიან და მიჰყავთ ძროხები, ცხენები. ასობით მიდის  
ასეთი ფურგუნი ჩრდილოეთისაკენ. ეს არიან ყარსის ოლქიდან ყუ-  
ბანში გადასახლებული მოლოკანები; ისინი ალალ-ბედზე არ წასუ-  
ლან: მათ წარმომადგენლებს უკვე დაუთვალე რებიათ იქაური ად-  
გილები. ძლიერი ხალხია—ახალ ადგილზე მხოლოდ მოიგებენ. 1914  
წლიდან, საომარ ასპარეზის სიახლოვის გამო, მათთვის ყარსის ოლქ-  
ში ცხოვრება საძნელო იყო. რუსის ჯარის მოხსნის შემდეგ მათ  
თვით არჩიეს გადასახლება, სრულიად მიტოვება იმ ადგილების,  
სადაც მოწყობილიყვნენ: სარაყამისის ზემოტევის სახსოვარ დროი-  
დან, როცა ისინი იძულებული იყვნენ 1914 წლის დეკემბერში პურ-  
მარილით შეხვედროდნენ სადგურ ახალ-სელიმთან ოსმალეებს, მათ  
დაეკარგათ რწმენა, რომ რუსეთი გაიმარჯვებდა.

რევოლიუციის შემდეგ დაწყებული რუსების ახალ-შენების  
ამიერ-კავკასიიდან უკანვე რუსეთში მნიშვნელოვანი, ყურადსაღები  
და სტიქიური დაბრუნება ხომ არ წინასწარმეტყველობს, რომ სა-  
მარადისოდ დამთავრდა ის კოლონიზაციური პოლიტიკა რუსეთის  
მთავრობისა, რომელსაც მე-XX საუკუნეში ენერგიულათ აწარმოებ-  
დენ, და რომლის უმაღლესი გამოხატულება იყო „ეფრატის ყაზა-  
ხობის“ (სომხების კითხვის გადაწყვეტის რუსული ვარიანტია) შექმ-  
ნის პროექტი? ყოველ შემთხვევაში ასეთი პოლიტიკა ამიერ-კავკა-  
სიის ხალხთა თავისუფალ განვითარებასთან ერთად, შეუსაბამო  
იქნებოდა.

## 12

მაგრამ... ჩვენ უკვე მივედით ტფილისში. დღე მზიანი და  
თბილი იყო; სიცოცხლით სავსე ქუჩები, ხალხის მზიარული და სავ-  
სებით მშვიდი გამომეტყველება სრულიად არ ჰგავდა იმას, რასაც  
ჩვენ მივეჩვიეთ უკანასკნელ წელში რუსეთში: ჩვენ ვიგოძნით, რომ  
აქ არა თუ მარტო ჰაერია სხვანაირი, არამედ რომ წრეც სხვაგვა-  
რია: ემჩნევა, რომ რევოლიუცია თავის საქმეს აქაც აკეთებს, მა-  
გრამ გზა და ფორმები სხვაა.

მთლიანი რუსეთის რევოლიუციის გამთიშველი ძალა აქ შეხვდა ხალხების ეროვნულ და სახელმწიფოებრივ თვითგანმტკიცებისადმი მისწრაფებას, რომელიც ამავე რევოლიუციამ გაანთავისუფლა და წააქეზა. ეს იყო ერთი მიზეზთაგანი, რომ 1917—1918 წ. კავკასიაში რევოლიუცია შედარებით უფრო თავშეკავებით და ზომიერათ მიმდინარეობდა.

ასეთი შთაბეჭდილება მივიღე ტფილისში 1917 წელს შემოდგომაზე და ეხლა 1918 წლის გაზაფხულზე. მე საშვალეა არ მქონდა შთაბეჭდილება იგი გამეღრმავებია: ტფილისში (9 აპრილიდან უკვე დამოუკიდებელ ამიერ-კავკასიის სატახტო ქალაქში) მე გავატარე მხოლოდ რამდენიმე დღე.

დამოუკიდებელი ამიერ-კავკასია! არ შეიძლება ითქვას, რომ ფორმალური გამოხვლა რუსეთის იმპერიის შემადგენლობიდან მომხდარიყოს ეროვნული თავდავიწყებული გატაცებით. არა, იგი გამოწვეული იყო პრაქტიკული საჭიროებით, ხელი უნდა მოეწერათ ზავისათვის—თავის „ბრესტ-ლიტოვსკის ზავისათვის“; ამავე დროს ამიერ-კავკასიამ 25 ოქტომბრის ბოლშევიკური გადატრიალება არ გაიზიარა.

მრავალ მხრივ მნიშვნელოვანი იყო, რომ ამიერ-კავკასიის ხალხებმა უარყვეს ოქტომბრის გადატრიალება—მათ აშკარათ გამოორიცხეს თავი მთლიან რუსეთის სახელმწიფოებრივ და საზოგადოებრივ ჩარჩოებიდან.

1917 წ. 15 ნოემბერს (ახალი სტილით) ე. პ. გეგეჭკორის თავმჯდომარეობით დაარსებული ამიერ-კავკასიის კომისარიატი წარმოადგენდა რევოლიუციურ და ეროვნულ ორგანიზაციათა კოალიციას; იგი იყო ფაქტიურად ამიერ-კავკასიის პირველი დამოუკიდებელი მთავრობა. ამ მთავრობას მიზნათ ჰქონდა დამფუძნებელი კრების (სრულიად რუსეთის) არჩევნების მოწყობა და კავკასიის ფრონტის დახმარება.

დამფუძნებელი კრების 1918 წლის იანვრის დამარცხების შემდეგ, რუსეთსა და ამიერ-კავკასიის შორის მხოლოდ ომისა და ზავის კითხვა დარჩა ერთად-ერთი შემაერთებელი ძალა, და ეს ძალაც მოსპო ბრესტ-ლიტოვსკის ზავმა. ამიერ-კავკასიის მთავრობა შეეცადა თავისი ინტერესები დაეცვა ოსმალეთთან პირდაპირის მოლაპარაკებით (ტრაპეზუნდის მოლაპარაკება 1917 წ. თებერვალსა და მარტში) და იარაღით („ამიერ-კავკასიის დემოკრატია“ „ოსმალეთის იმპერიალიზმის წინააღმდეგ). ტრაპეზუნდში დიპლომატიური

მოლაპარაკებიდან არაფერი გამოვიდა; იარაღით თავის დაცვის ცდა ძლიერ მალე და ძლიერ სამარცხვინოდ დამთავრდა—ყარსისა და ბათომის დაკარგვით (1 აპრ.); იძულებული გახდენ, ზავისათვის მართლაც მოეწერათ ხელი; ემზადებოდნენ ახალი კონფერენციისათვის, ეხლა უკვე ბათომში. ზავზე ხელის მოწერისათვის ამიერ-კავკასია უნდა გამხდარიყო უფლება-მოსილ მხარეთ, და ამ სამწუხარო მიზნისათვის იძულებული იყვნენ გამოეცხადებიათ ამიერ-კავკასიის დამოუკიდებლობა. დამოუკიდებლობა გამოაცხადეს. შესდგა ახალი მთავრობა; თავმჯდომარეთ არჩეული იქმნა ა. ი. ჩხენკელი, რომელიც ტრაპეზუნდში ამიერ-კავკასიის მთავარ დელეგატათ იყო. ეროვნული ჯგუფების კოალიციიდან შემდგარი მთავრობა რუსეთთან რაიმე კავშირის გარეშე იღვა და მიზნათ დასახული ჰქონდა, ამიერ-კავკასია ომიდან დაეხსნა.

ოსმალოებს ეჭირათ არა მარტო ბათომი, არამედ ოზურგეთი, ახალციხე და აბასთუმანი; სხვა გვართ რომ ვსთქვათ, მტერი პირდაპირ ემუქრებოდა ტფილისსა და ქუთაისს; სომხეთის პროვინციები ზოგი უკვე დაქერილი იყო, ზოგს კი დაჭერა მოელოდა. ტფილისელ სომხობას ოსმალოთა შემოსევის განსაკუთრებული შიში უნდა ჰქონოდა: ბევრი გარბოდა ჩრდილოეთისაკენ, და ჩვენ მათ შეეხვდით საქართველოს სამხედრო გზაზე...

... ასეთი მდგომარეობის მიუხედავად როცა, 27 აპრილს 1918 წელს, ჩვენი ავტომობილი გაჩერდა სახაზინო თეატრის წინ, ვიმეორებ, მე მომეჩვენა, რომ ტფილისის ხალხი უდარდელი და სიცოცხლით სავსე იყო.

„დაგვეხმარეთ“ — „მზათა ვარ, რითაც შემიძლია გემსახუროთ“ — არსებითად ასე მარტივი იყო დიალოგი ჩემსა, ამიერ-კავკასიის მთავრობის მეთაურის ჩხენკელისა და ნ. ჟორდანიას შორის; უკასასკენელი მთავრობაში არ შედიოდა, მაგრამ მთავარი სულის ჩამდგმელი იყო ამ მხარის პოლიტიკური ორგანიზაციებისა (საბჭოების), და ემყარებოდა მის ხელმძღვანელობაში მყოფ სოციალ-დემოკრატიულ პარტიას.

ჩხენკელის თავმჯდომარეობით კომისია იწყებდა მუშაობას ამიერ-კავკასიის კონსტიტუციის შესადგენათ. წინადადება მომცეს ამ კომისიაში მიმელო მონაწილეობა. არ მექაშნია. „კონსტიტუციის კითხვა და თვით არსებობა ამიერ-კავკასიისა გადაწყდება ბათომში—შესაძლებელია, მე იქ ვიქნე თქვენთვის სასარგებლო?“ გადაწყდა ჩემი სამსახური გამოყენებით ბათომში.

საკონსტიტუციო კომისიის ერთს სხდომაზე (4 მაისს) მაინც მომიხდა დასწრება. იყო აზრთა გაცვლა-გამოცვლა საერთო კითხვის შესახებ—თუ რა საფუძველზე უნდა იქნეს აგებული ამიერ-კავკასიის ფედერაცია (ახალი სახელმწიფო ოფიციალურად უკვე იწოდებოდა ფედერატიულ რესპუბლიკად).

სხვა და სხვა აზრი გამოითქვა. ზოგიერთი თანდამსწრე მაჰმადიანი ფიქრობდა, რომ ამიერ-კავკასიის სამივე შემადგენელ ნაწილს უნდა ჰქონოდა დამოუკიდებელ საგარეო პოლიტიკის უფლება.

ბაქო ბოლშევიკების ხელში იყო, ოსმალოები კი აზერბაიჯანის საზღვრებთან იდგენ: ჩვენი თურქებისათვის სასურველი „საგარეო პოლიტიკა“ შესაძლებელი იყო სასიამოდ არ დარჩენოდათ სომხებს და სხვა... ეს ყველაფერი ნათლად სჩანდა: ახირებული იყო მხოლოდ უეცარი შეერთება სხვა და სხვა გვარი მისწრაფებისა. „ამიერ-კავკასიის ფედერაციის“ ბაირალით ან და „ამიერ-კავკასიის დემოკრატიის“ სახელით.

არა!... 1918 წლის მაისში, გადაქრით უნდა ითქვას, უდროვო იყო ამიერ-კავკასიის კონსტიტუციის შემუშავებაზე ზრუნვა.

მაგრამ ძალა ბევრი იყო და ეს ძალა სამოქმედოდ იწვედა.

რევოლუციის ლოზუნგები სასწაულმომქმედ თილისმათ მიაჩნდათ.

ადგილობრივმა დემოკრატებმა დიდი ხნის წინად დაიკავა ყოფილი მეფის მოადგილის სასახლე; დემოკრატებისთან ახერხებდნენ ცხოვრებას კავკასიის ფრონტის ჯერ კიდევ ინერციით სულის მლაფველნი დაწესებულებანი.

მას შემდეგ, რაც 1917 წლის ნოემბერში ჯუღელის მეთაურობით ეგრეთ-წოდებულმა წითელმა გვარდიამ აიღო თოფხანა, ქალაქი უზრუნველყოფილი იყო რუსეთისაკენ მიმავალ ეშელონების ყოველგვარი მანებლობისაგან და წესრიგს, საერთოდ, გვარიანათ იცავდენ; ერთის სიტყვით, ოსმალეთის საშიშროებას რომ ხელი არ შეეშალა, შესაძლებელია, ამიერ-კავკასიას კიდევაც მოეხერხებინა შინაური გაჭივრება თავიდან მოეშორებინა. სხვა და სხვა წრისაგან შეკრებილ მთავრობაში, ეროვნულ საბჭოებში, სეიმში საკმაოდ ნათლად მქლავნდებოდა მცხოვრებთა საპირობებანი და გრძნობანი, და რესპუბლიკანურ, ფედერატიულ წყობილების დამყარების ძნელი მუშაობა, ვინ იცის, იქნებ დაწყებულიყო.

მაგრამ... ბათომში უნდა წავსულიყავი.

## თავი მეხუთე

### ბათომში ოსმალეთთან.

13

1918 წლის ბათომის კონფერენციის თანადამსწრის შთაბეჭდილებებს სასარგებლო იქნება წარუმძღვაროთ რამოდენიმე სიტყვა იმ მოვლენებისა და მდგომარეობის შესახებ, რომელთაც გამოიწვიეს კავკასიის ხალხებისა და ევროპის სახელმწიფოების ეს პირველი დიპლომატიური დაახლოვება, რადგან ისტორიულად და პოლიტიკურად მთელი ძალა ევროპის სახელმწიფოებში იყო, თუმცა ლაპარაკი უმთავრესათ ოსმალეთთან სწარმოებდა\*).

1917 წლის ნოემბერში, როცა ამიერკავკასიის კომისარიატი შესდგა, არავის იქვს არ იწვევდა, რომ რუსეთ-ოსმალეთის ფრონტზე ოსმალეთის წინააღმდეგ ომის გაგრძელება შეუძლებელი იყო და გადაწყვეტილი იყო ამ სახელმწიფოსთან დაეღვათ დროებითი ზავი. ამ ზავის პირობები შეადგინა რუსის ფრონტის სარდლობამ, რომელსაც ჯერ კიდევ ჰქონდა შენარჩუნებული თავისი გარეგნული (სამწუხაროთ მხოლოდ გარეგნული) არსებობა, და თვით დროებითი ზავი ხელმოწერილი იქმნა ერზინჯანში 5 (18) დეკემბერს 1917 წელს. ამასთანავე ოსმალეთის აზიაში, შავი ზღვიდან ვანის ტბამდე მეომარ მხარეთა შორის გაყვანილ იქმნა გამმიჯნელი ხაზი.

რამოდენიმე ხნის შემდეგ, 1918 წლის იანვრის დასაწყისში (ძვ. სტ.) ოსმალეთის მთავრობის თაოსნობით აღიძრა კითხვა, ამიერკავკასიასთან საზავო მოლაპარაკებების შესახებ.

კომისარიატმა კარგად არ იცოდა დამფუძნებელი კრების ბედი, უცდიდა თუნდაც სამხრეთ-რუსეთში მაშინ არსებულ სხვა და სხვა სახელმწიფოებრივ (არა საბჭოთა) ახლად-წარმოშობილ ორგა-

\*) იხ. საქართველოს მთავრობის გამოცემა: საბუთები და მასალები ამიერკავკასიის და საქართველოს საგარეო პოლიტიკისა. თფილისი 1919 წ.



ნიზაციებიდან დასკვნას კითხვაზე, თუ როგორ უნდა მოქცეულიყო, და ამიტომ არ შეეძლო მიეცა ოსმალეთისთვის მის წინადადებაზე გარკვეული პასუხი.

ამ მერყეობაში, რომელიც გამოწვეული იყო არა მარტო ძნელი მდგომარეობით, — არამედ „იმპერიისადმი“ ლოიალობის გრძნობით და აგრეთვე რუსეთის რევოლუციისა და დემოკრატიის მთლიანობის შესახებ ჯერ კიდევ ცოცხლად არსებულ აზრის მიხედვით, იკარგებოდა ძვირფასი დრო; ფრონტი სრულიად ირღვეოდა; გამმიჯნავი ხაზი, რომელსაც ამ მხრიდან არ დარაჯობდენ, აღარ აჩერებდა ოსმალოებს; და 1918 წლის იანვრის ბოლოში (ძვ. სტ.) მათ მოიმიზეზეს, რომ სომხების სამხედრო ნაწილებმა ძალდატანება იხმარეს მუსლიმანის მოსახლეობაზე და დაიწყეს წინსვლა რუსეთ ოსმალეთის საზღვრის მიმართულებით.

ბოლოს ამიერ კავკასიის სეიმის მოწვევის შემდეგ (1918 წ. 10 თებ.) — საქმის ახალი გაკვიანურებით — მიღებულ იქმნა გადაწყვეტილება: აწარმოონ დამოუკიდებელი მოლაპარაკება ოსმალეთთან ზავის შესახებ, მოლაპარაკების ადგილათ აირჩიონ ტრაპეზუნდი (მაშინ იგი კავკასიის ჯარების ხელში იყო) და ოსმალეთთან მოლაპარაკებაში ეცადონ, შეინარჩუნონ 1914 წლის სახელმწიფო საზღვრები და ოსმალეთის სახელმწიფოს ფარგლებში მიაღებონ სომხეთის ავტონომია (16 თებ. ძვ. სტ.); ეს იმ დროს, როცა კავკასიის ფრონტი, როგორც გამოძალი შენობა, ყველგან ინგრეოდა.

ვერ მოასწრეს ამ გადაწყვეტილებაზე შეჩერება, რომ 17 თებ. მოვიდა კარახანის დეპეშა, რომლითაც იგი იტყობინებოდა, რომ საბჭოებს გადაწყვეტილი აქვს ხელი მოაწეროს ბრესტ-ლიტოვსკის ხელშეკრულებას და ამ აქტით ოსმალეთს უთმობს ყარსს, ბათუმსა და არდავანს ე. ი. კავკასიის საზღვრები 1914 წლისა ძირითადად იცვლებოდა ოსმალეთის სასარგებლოთ.

სეიმის მიერ ზავის განზრახული საფუძველი ცხადია ღებულობდა უტოპიურ ხასიათს.

რა თქმა უნდა, ოსმალეთმა არ დააყოვნა მოეთხოვნა, რომ სრულიად დაეცალათ დათმობილი ტერიტორია, რომელთაც მათი ჯარი უკვე ფაქტიურად მიუახლოვდა. (25 თებ. ძვ. სტ.); ამიერ კავკასიის მთავრობამ კი მანამდის (17 თებ.) განაცხადა პროტესტი ამიერ-კავკასიის პროვინციების დათმობის შესახებ იმ აქტით, რომელიც

„შეკრული იყო ამიერ-კავკასიის გაუგებლად და ნება დაურთველად“\*) ტრაპეზუნდის კონფერენცია, თუმცა ეს ძლიერ საკვირველია, მაინც შესდგა.

რუსეთის ხელით ოსმალოებმა მიიღეს სამი სანჯაყი და ესწრაფოდნენ მის დაფლობას, მაგრამ თანაც, როგორც ეტყობა, მათ სურდათ ეს შენაძენი ამიერ-კავკასიის ბექდითაც დაედანტურებიათ.

ამიერ-კავკასიის დელეგაციას კი, როგორც ეტყობა, იმედი ჰქონდა სისრულეში მოყვანა მისდამი დაკისრებული მოვალეობანი, მიუხედავად იმისა, რომ პოლიტიკური მდგომარეობა ბრესტ-ლიტოვსკის შემდეგ ძირათადათ შეიცვალა და ფრონტი ფაქტიურად გაიკრულა: ეხლა ტრაპეზუნდი უკვე ისევ ოსმალოების ხელში გადავიდა.

ტრაპეზუნდის კონფერენციას, რომელიც დაიწყო 27 თებ. (ძვ. სტ.) და დამთავრდა ამ.-კავკასიის დელეგაციის უკან თფილისში გაწვევით 1 აპრილს (ძვ. სტ.) მოჰყვა ასეთი დიპლომატიური შედეგი: ოსმალოების ულტიმატიურ მოთხოვნის თანახმად ამიერ-კავკასიამ იცნო ბრესტ-ლიტოვსკის ხელშეკრულება მისი საქართველოსა და სომხეთისათვის მძიმე, მაგრამ ამ მომენტში თავდაუზღვევი პირობებით; საბოლოო ზავი ამიერ-კავკასიას უნდა შეეკრა, რა თქმა უნდა, არა მარტო ოსმალეთთან, არამედ მის მოკავშირეებთანაც (გერმანიასთან, ავსტო-უნგრეთთან და ბულგარეთთან); მაგრამ ამისთვის საჭირო იყო ამიერ-კავკასიის დამოუკიდებელ რესპუბლიკათ წინასწარ გამოცხადება. შეთანხმებაც კი მოხდა—თუმცა კერძო ხასიათის—რომ ამიერ-კავკასიის დელეგაციის მუშაობაში ხდება მხოლოდ შეჩერება. მაგრამ ასე მსჯელობდნენ მხოლოდ ტრაპეზუნდში; თფილისში კი სეიმმა აშკარა ეკზალტაციის ზეგავლენით მას შემდეგ რაც წერეთელი ირწმუნებოდა, რომ „ჩვენ არ შეგვიძლია დავთანხმდეთ ბრესტ-ლიტოვსკის ზავის პირობებს: ხალხი მას არ მიიღებს“-ო და გეგმეკორის განცხადების შემდეგ, რომ „ეხლა მთავრობას არ შეუძლია სხვა გადაწყვეტილება გამოიტანოს; გარდა ოსმალეთთან ომის დაწ-

---

\*) თავის დროზე—დიდის დაგვიანებით—ამიერ-კავკასიის მთავრობას გადასცეს მოწოდება, მონაწილეობა მიეღო ბრესტ-ლიტოვსკის მოლაპარაკებაში. ეს წინადადება, როგორც ეტყობა, პრაქტიკულათ არ ყოფილა განხილული, რადგან მიიღეს ცნობა, რომ ბ.-ლ. მოლაპარაკება შეწყვეტილია, მაგრამ ამიერ-კავკასიის მთავრობა უკვე მზად იყო დაეწყო კერძო მოლაპარაკება ზავზე ოსმალეთთან და საერთო ომითა კავშირის საბელმწიფოებთან.

ყების შესახებ, აუცილებლად სცნო ომის გაგრძელება\*)“ ამ მიზეზის გამო დღევანდელი გამოწვევულ იქმნა (31 მარტი ძვ. სტ.) ტრაპეზუნდიდან. ერთი სიტყვით გადაწყვეტილი იყო ბედის ცდა ომში. და ეს მაშინ, როდესაც არ იყო საიმედო ჯარი და სემის მახლობლიან წევრებმა აშკარად განაცხადეს: „ამ ომში ჩვენ ვერ მივიღებთ აქტიურ მონაწილეობას და ამიტომ აქტიური პასუხისმგებლობაც ჩვენ არ გვეღება“-ო.

ამ პირობებში რევოლუციონური რეტორიკა, საპარლამენტო სიტყვები, მიმართვები ხალხებისადმი, სხვა და სხვა ორგანიზაციების მოწოდებები: „ყველანი ფრონტზე!“ და სხვა სწვევდნენ საერთოდ იმის მაგიერობას, რასაც ჩინეთის ძველებურ ომებში ასრულებდნენ გველშაპის და სხვა საფთხოებლების გამოსახულებანი.

გაუგებრობა დიდ ხანს არ გაგრძელებულა.

იმავე დღეს, როცა ენტუზიაზმით გაქვნილი სემის სხდომის ბოლოს ნოე ჟორდანიამ განაცხადა, რომ „ჩვენ ოფიციალურად ვსდგებით საომარ ნიადაგზეო“, ოსმალოები სრულიად „ოფიციალურად“ შევიდნენ ბათუმში. ამავე დროს ისინი უახლოვდებოდნენ ყარსს, რომელიც დაიკავეს კიდეც 12 აპრილს (ძვ. სტ.)

ნათლათ სჩანდა, რომ „სამხედრო“ გეზით არაფერი სახირო გამოდიოდა, და გადაწყდა ისევ დაყრდნობოდნენ დიპლომატიურ გზას,

ცხრა აპრილს გამოცხადდა ამიერ-კავკასიის ფედერატიული რესპუბლიკის დამოუკიდებლობა. მაშინვე გადაწყდა მიეღოთ ზომები სასწრაფოდ ზავის შესაკვრელად, მაგრამ ამავე დროს სრულიად ბუნებრივად მდგომარეობასთან იყო შეფარდებული, რომ გეგეკჯორის მთავრობა გადადგა და მისი ადგილი დაიჭირა პირველმა და თანაც ერთად ერთმა ამიერ-კავკასიის ფედერატიული რესპუბლიკის კაბინეტმა, რომელიც შეადგინა ა. ი. ჩხენკელმა.

ამიერ-კავკასიის სარდლობამ 10 აპრილს გასცა ბრძანება საომარ მოქმედების შეჩერების შესახებ; ოსმალოებმა უპასუხეს ასეთივე განკარგულებით, მაგრამ არ დაუცადეს სანამ მეთოდურად და სავსებით დასკლიდნენ ყარსს, გამოიტანდნენ იქიდან სახაზინო ქონებას

\*) საუფრადღებოა შევადაროთ ამიერკავკასიის სემში რევოლუციონური ომის დასაწყევით (31 მარტს ძვ. სტ.) ნათქვამს უბრალო მოსაზრება ლენინისა რომელიც თითქმის ასეთსავე შემთხვევაში ლაპარაკობდა ომის წინააღმდეგ (28 თებ. ცენტ. კომ-ში): „ომისათვის საჭიროა ჯარი, ჯარი არა გვეყავს, მაშასადამე უმდა მივიღოთ პირობები“ და სხვა,

და შათ კი გადასცემდნენ გაცარიელებულ ციხეს, და ამიტომ მაშინვე დაიკავეს იგი 12 აპრილს.

ამის შემდეგ ოსმალეთის მთავარ სარდალს მეტი არაფერი დარჩენოდა, რომ შეეტყობინებინა ტფილისში ოსმალეთის მთავრობა სცნობს ამერ-კავკასიას დამოუკიდებელ ქვეყნად და თანახმად ტფილისის სურვილისა ნიშნავს შემდეგი მოლაპარაკების ადგილათ ბათომს—(15 (28) აპრ. 1918 წ.) ოსმალოებმა უკვე დაიჭირეს ბრესტ-ლიტოვსკში შეძენილი პროვინციები; ამასთანავე დადასტურებულ იქმნა, რომ შეუძლებელია მოუწყობელ და ანგრეულ ამიერ-კავკასიისათვის სრულიად უბრალო საომარი ოპერაციების წარმოებაც კი. სწორეთ, ასეთ პირობებში იკრიბებოდა ბათომის კონფერენცია..

#### 14.

ამბობენ რომ, როცა ტრაპეზუნდში მოსალაპარაკებლათ გაგზავნილი ამიერ-კავკასიის დელეგაცია გადმოვიდა დამხმარე კრეისერის „კაროლ კარლოსიდან“ ნაპირზე (ეს იყო 27 თებ. ძვ. სტ. 1918 წ.), ერთმა ოსმალომ შენიშნა: „თუ ეს არის პირობის შემკვრელ მეორე მხარის მთელი მოსახლეობა, მაშინ მოსულთა რიცხვი მცირეა და თუ ეს მხოლოდ დელეგაციაა, მაშინ მათი რიცხვი მეტად დიდია\*).

ბათომში გასაგზავნათ დანიშნული დელეგაცია შესდგებოდა 45 კაცისგან—რიცხვი რასაკვირველია ძლიერ დიდია, მაგრამ იგი აიხსნება, გარდა სხვა მიზეზებისა სპეციალური პოლიტიკური პირობებითაც: ამიერ-კავკასიის მთავრობა იყო შემდგარი სხვა და სხვა ეროვნულ ერთეულებისაგან, ხოლო ცალკე პოლიტიკური ერთეულები ერთმანეთს არ ენდობოდნენ.

ნამდვილი დელეგატი იყო ექვსი: საქართველოდან—ჩხენკელი და ნიკოლაძე; აზერბაიჯანიდან—გაჯინსკი და რასულ-ზადე; სომხეთიდან—კაჩაზნუნი და ხატისიანი. გარდა ამისა იყვნენ მრჩეველები, უწყებების წარმომადგენლები, „ეროვნული მდივნები“ საქართველოსი, სომხეთის და მუსლიმანების; სამხედრო მისია, რომელიც შესდგებოდა ორი გენერლისა და სამი პოლკოვნიკისაგან და სხვა და სხვა.

---

\*) ჯერ კიდევ სომხეთის მეფეს ტიგრანს მიაწერდნენ თითქო მას ლუკულის მცირე ჯარის დანახვის დროს ეთქვას: „თუ ეს ელჩებია—ბევრია: თუ ეს მტერია—ცოტაა“.

ყველაფერს ემჩნეოდა სიჩქარე: არც დრო იყო, არც სიმშვიდე საქმის დინჯათ მოსამზადებლად.

გამგზავრება დანიშნული იყო 5 მაისისათვის განსაკუთრებული მატარებლით, რომელშიაც ბევრი მოეწყო, ვისაც სურდა თავის კერძო საქმის გამო ჩასულიყო ოსმალეთის მიერ დაკავებულ ბათომში; ძნელი იყო უავტომობილოთ სადგურზე მისვლა; მაგრამ კიდევ უფრო ძნელი იყო მატარებელი ადგილიდან დაძრულიყო, მაგრამ როგორც იქნა იგი დაიძრა გვიან ღამით.

...დილით ადრე მივედით ყვირილაში. როგორ არ შეაქო კაცმა ზემო იმერეთის საგულდაგულოდ დამუშავებული ველების მშენიერება გაზაფხულზე! სოფლების თეთრი ეკლესიები; მწვანე ხეობებში აქა-იქ კოშკების ნანგრავები—მდიდარია საქართველო რომანტიული სანახაობით.

ეს არის მისი სიღარიბის ერთ-ერთი ნუგეში. სხვები ამ ნუგეშს მიუმატებდნენ შემოსავალსაც.

...გურიის ბუნებრივი მდებარეობის სინაზე (ჩვენ უკვე გურიაში ვართ) ვერ ეგუება იმ აზრს, რომ აქვე ახლოს გაყვანილია სანგრები, და აქ არის ოსმალოების საომარი ხაზი.

სუფსაში ხელ-ახლავ შევჩერდით: გამოცხადდა ქარველი ნაწილებიდან საპატოო ყარაული, ცხენოსნები, ქვეითები და არტილერისტები, ყველა ქვეითათ, უარალოთ.

ჩხენკელმა სამხედრო პირების თანხლებით ზღაზენით ჩაუარა რაზმს; წარმოსთქვა სიტყვა—ოფიცრებისა და თავის ნებით ჩარიცხულ ჯარის კაცების თვალში თითქოს გაიელვა ნაპერწყალმა, თვით-ჯარის კაცებს კი არაფერი ეკარება. საპასუხო ძახილი არ ისმის.

რუხ შინელებში ჩაკეულთა შორის ვხვდები თფილისელ ვეჟილს-მოხალისეს. ბევრია ლაპარაკი, თუ როგორ დაეცა ბათომი, ჩოლოქის ბრძოლის შესახებ, სადაც, როგორც აქ გვარწმუნებდნენ, ოსმალოები საგრძნობათ დაზარალდნენ (ბათომის დაკავების შემდეგ).\*) ოზურგეთის ოპერაციის უდროოდ შეჩერების შესახებ „სწორეთ იმ დროს, როცა იგი უკანვე გადმოდიოდა ჩვენს ხელში“ და სხვა.

---

\*) სწორეთ აქ ჩოლოქზე თავ. ი. მ. ანდრონიკაშვილის წინამძღოლობით 1854 წ. რუსის ჯარმა სასტიკათ დაიმარცხა ოსმალოები. ამ საქმეში „დიდებით შეიმოსენ“, როგორც წინათ ამბობდნენ, ქართული მილიცია და კერძოდ თავად-ახნაურობის ცხენოსანი რაზმი. 1878 წ. ბერლინის კონგრესზე რუსეთ-ოსმალეთის საზღვრებზე მსჯელობის დროს, ზოგი ვინმე ერთმანეთში ურევდა ამ ჩოლოქს უფრო ცნობილს და უფრო სამხრეთით მდებარე კოროხს.

გურიის გლეხობამ ამ გაზაფხულზე ომის განახლების გამო, რომელიც სეიმმა ნაჩქარევად და მოუსაზრებლად გადაწყვიტა, ბევრი იზარალა. ოსმალოებისთვის საქმით წინააღმდეგობა არავის გაუწევია, ფორმალურად კი ისინი თითქოს ბრძოლით შევიდნენ ბათომში.

მთელი ჩვენი მდგომარეობა მომავალ მოლაპარაკებაში გააფუქვა ძალის ამ ნაადრევმა და, რაც უმთავრესია, ზედმეტმა ცდამ.

ყარსი და სომხების მიერ მისი დაცვა სავსებით ამთავრებდა საერთო სურათს.

....თეთრი ბაირალი ფრიალებს ჩვენს მატარებელზე. აი ოსმალოების სანგრები, მას შემდეგ დაბანაკებულია თვით ჯარი. დაღმეკილი, უხეში ჯარის კაცები, დრაგომიროვის „რუხი ხვადაგი“ (серая скотинка)... და შეიძლება „სწმინდა“ ხვადაგიც ჩავდივართ ბათომში, ვთავსდებით ზღვის პირათ საზღვაო საბაჟოს გვერდით Hute) Oriental-ში.

## 15.

თვეც არ გასულა მას შემდეგ, რაც სეიმში ნათქვამი იყო გრძობით სავსე სიტყვები თემაზე: „ან ბათომი ან სიკვდილი! უბათომოთ რაღათ ღირს სიცოცხლე!“ და აი დამოუკიდებელ ამიერ-კავკასიის დელეგატები მოხვდნენ ბათომში, მაგრამ არა მასპინძლებათ თავის სახლში, არამედ ოსმალოების სტუმრებათ (6 მაისი 1918 წ.).

სეიმში დეპუტატები არ აჭარბებდნენ, როდესაც აფასებდნენ ბათომის მნიშვნელობას ამიერ-კავკასიისათვის და განსაკუთრებით კი საქართველოსათვის; მართლაც მისი, მნიშვნელობა აღურაცხველია და საერთოდ ცნობილი. მაგრამ წინათ ნაანგარიშევი იყო, რომ ბათომსაც და ყარსაც დაიცავდა დიდი შეიარაღებული ძალა, რადგან ეს პუნქტები წარმოადგენდნენ ნაწილს რუსეთის იმპერიის სამხედრო საზღვრების ვეებერთელა მოწყობილობაში. სათანადო პირობებში მათ შეეძლოთ გამხდარიყვნენ (და ოდესმე შეიძლება გახდნენ) საკუთრივ კავკასიის ან ამიერ-კავკასიის სამხედრო გეგმაზე შედგენილ მოწყობის ნაწილებათ, მაგრამ ეს არ შეიძლებოდა უცბათ მომხდარიყო, 1917 და 1918 წლების მიჯნაზე, როცა ყველაფერი ინგეროდა.

ერთი სიტყვით, შეუძლებელი შეიქმნა ოსმალოების შემოსევისაგან საზღვრების დაცვა, მაგრამ ადვილი დასანახავი იყო, რომ მტრის მიერ, მაგალითად, ბათომის დაკავება სრულიად არ ჩაითვლებოდა საბოლოოდ: ბათომის ბედი დამოკიდებული იყო იმაზე, თუ რო-

გორ დამთავრდებოდა ომი. მაშასადამე საჭირო იყო მხოლოდ გამოგვერკვია ერთგვარი *modus vivendi* უმთავრესათ ბათომის ამიერ-კავკასიასთან ეკონომიური კავშირის უზრუნველსაყოფათ. მაგრამ საქართველოს საზოგადოებრივი აზრი ამ კითხვას მეტის მეტ ძარღვებ აშლილი უთვალთვალებდა; განსაკუთრებით სოციალ-დემოკრატები, რომელთაც ბათომში ჰყავდათ ერთი უმთავრესი თავისი მრევლთაგანი, ვერ ურიგდებოდენ იმას, რასაც ისინი ნაადრევად და გადაქარბებით სთვლიდენ საქართველოს სასიკვდილო ქრილობათ. ეშინოდათ აგრეთვე, რომ ამ დანაკლისით დიდათ დაზარალდებოდა რევოლიუციისა და დემოკრატიის საერთო საქმე.

გასაგებია, რომ სომხებს თავზარი ეცემოდათ: ოსმალოების ყარსში დაბრუნება საფრთხეს უმზადებდა, სომხეთის მომავალსაც კი: რუსეთში მდებარე სომხეთის პროვინციები, რომელნიც თითქოს ასე კარგათ დატულად სჩანდენ, ეხლა ვარდებოდენ უშვალო და სასიკვდილო განსაცდელში. უეკველია, სომხების წარმომადგენელნი ჩამოვიდენ ბათომში კიდევ უფრო მწარე გრძნობით, ვიდრე ქართველები.

სხვა გვარ მდგომარეობაში იყვნენ აზერბაიჯანლები. ოსმალოებში ისინი ხედავდენ თავიანთ მონათესავეებს, რომელთაც შეეძლოთ მათთვის დიდი დახმარება გაეწიათ; მათ არაფერი აიძულებდა ტრაგიკულად შეეხედათ მომავალ მოლაპარაკებისათვის ბათომში.

ასეთ სხვა და სხვა მიზეზების, შეფასების, საფრთხის მოლოდინისა და მიზნებისაგან საჭირო იყო ამიერ-კავკასიის საერთო პოლიტიკის გეზის დასახვა.

წარმოვიდგინოთ აგრეთვე ოსმალოების გრძნობა ბათომის დაკავების დროს. ისინი თითქოს ბრუნდებოდენ ორმოცი წლის შემდეგ და თუმცა ის, რაც მათ აქ ნახეს 1918 წ., ცოტათ ჰგავდა იმ ბათომს, რომელიც დასტოვეს 1878 წ., ისინი მაინც უყურებდენ ბრესტ-ლიტოვსკის ზავით დათმობილ პროვინციებს (სანჯაყებს), როგორც კუთვნილებისამებრ უკან დაბრუნებულ ოსმალეთის თავისებურ ელზას-ლოტარინგიას\*). ამ განსაკუთრებულ გრძნობას უფრო ზოგადი რამ ემატებოდა: ოსმალოები დიდი ხნიდან მიეჩვიენ პროვინციებისა და ქალაქების დაკარგვას. მას შემდეგ რაც სულთანების ძა-

---

\* ამ ტერიტორიებში, რომელნიც სისხლით არიან შეკავშირებული საქართველოს და სომხეთის ისტორიასთან, ძველი ქრისტიანული კულტურა საუკუნეების განმავლობაში ნელ-ნელა გამოძევებულ იქნა ისლამის მიერ.

ლამ დაიწყო კლება, ეს პირველი შემთხვევა იყო, რომ ოსმალოების ჯარმა დაიკავა საქმოდ ცნობილი და მნიშვნელოვანი ქალაქი, და ასეთი წარმატება სტამბოლის პატივ-მოყვარეობას ძლიერ აღიზიანებდა. როგორც არ უნდა ყოფილიყო, ეს მიანიც ნუგეში იყო ბალდათისა (1917 წ. მარტში) და იერუსალიმის (1917 წ. დეკ.) დაკარგვის შემდეგ.

აი რატომ უბრწყინავდათ სახე ოსმალოების ოფიცრებსა და მოსამსახურეებს ბათომში 1918 წ. გაზაფხულზე, და აი რატომ, ასე ნათლად მოსჩანდენ ყველა საზოგადოებრივ და სახაზინო შენობებზე ოსმალეთის წითელი ლეინის ბაირაღები.

ამ კონფერენციაზე ოსმალეთის მთავარ დელეგატათ იყო იუსტიციის და (დროებით) საგარეო საქმეთა მინისტრი ხალილ-ბეი, „ერთობისა და პროგრესის“ ჯგუფის თვალსაჩინო მოღვაწე, ადამიანი აპოპლექტიური ტანისა და ოსმალოებისათვის ჩვეულებრივი ყალბ-ფრანგული მიმოხრით. ბათომშივე იმყოფებოდა ამ დროს კავკასიის ფრონტის ოსმალთა მთავარ სარდალი, ფართო მხარ-ბეჭიანი, დასისხლიანებული თვალებით, უკან უომრათ დახეულ ჯარებზე გამარჯვების მომპოვებელი გმირი ვეჰიბ-ფაშა. ჩვენ დროს ჩამოვიდა კონსტანტინოპოლიდან საზღვაო მინისტრი ჯემალ-ფაშაც, წარმოსადგენი და თვალსაჩინო პიროვნება, ცნობილი ტრიუმვირატის--სამთა კავშირის--წევრი (თალაათ-ენვერი-ჯემალი).\*) ჩვენს მოსვლამდის ბათომში ყოფილიყო ენვერ-ფაშაც, რომელსაც შეხედენ დიდის ზემით. ენვერი, როგორც ამბობენ, ხელცარიელი არ დაბრუნებულა უკან.

უმთავრეს ყურადღებას იწვევდა გერმანიის დელეგაცია. გერმანიისადმი მტრული გრძნობა მცხოვრებლებს არ ჰქონია და არც შეიძლებოდა ჰქონებოდა. გერმანელებს უყურებდენ, როგორც ევროპის კულტურის, ევროპის ცოდნის და უნარის კარგ წარმომადგენლებს; მათშივე ხედავდენ უებრო მეომრებს—ბალტიის მხარის, პოლონეთის, უკრაინის და რუმინეთის დაპყრობელებს. ბათომში გერმანიას ჰქონდა ოსმალეთისთვის ამოდებულ ლაგამის მნიშვნელობა, და ეს იყო ამ დროს ყველაზე მეტი; ყოველ შემთხვევაში ასეთი იყო ამიერ-კავკასიის ქრისტიან მოსახლეობის ალლო. საღმრთო სიძულვილს გერმანელებისადმი, სლავიანო-ფილური ან სხვა-გვარი მიდრეკილებით—ეს სიძულვილი მგონი, რუსის, ხალხშიც არ ყოფილა

---

\*) ჯემალ-ფაშა მოკლულ იქნა თფილისში, 1922 წ., ავღანისტანიდან დაბრუნების დროს.



ღრმად ჩასული—რა თქმა უნდა, ვერ იგრძნობდენ ვერც ქართველები, ვერც სომხები და ვერც მუსლიმანები.

გერმანიის იმპერიის სრულ უფლებიან წარმომადგენლათ იყო ბავარიის სამსახურში მყოფი გენერალ-მაიორი ფონ-ლოსოვი\*). იგი ამ დროს იყო გერმანიის უმაღლეს სარდლობის წარმომადგენელი ოსმალეთის მთავრობის წინაშე. მისმა სადა ქცევამ და რაინდობამ ძალიან ჩქარა გამოიწვია ყველასი ღრმა პატივისცემა მისდამი. დელეგაციის შემადგენლობიდან აქ დავასახელებ ომამდის თფილისში მყოფ გერმანიის გენერალურ კონსულს გრაფ შულენბურგს\*\*) და დიდათ განათლებულს, ჯერ კიდევ ახალგაზრდა დიპლომატს, ახლო აღმოსავლეთის სპეციალურათ მცოდნეს ო. ფონ-ვეზენდონკს\*\*\*). ფ. ვეზენდონკი რიჰარდ ვაგნერის მეგობარი-მფარველი ცნობილი მატრილდა ვეზენდონკის შვილის-შვილი და გამოჩენილი ჰელმლოლცის ნათლულია, მაგრამ-ღს აშორებს ჩვენს ყურადღებას ბათოშს.

ამიერ-კავკასიის ე. ი., მეტის სისწორით რომ ვსთქვათ, ამიერ-კავკასიის სამს ეროვნებას ჰყავდა ძლიერ სხვა და სხვა გვარი წარმომადგენლები. დელეგაციის თავმჯდომარე, ა. ი. ჩხენკელი, ამიერ-კავკასიის მთავრობის მეთაური, რომელმაც ეამსა მას სახელმწიფოს მე-4 საათბიროს წვერობისასა გამოიჩინა თავი საგარეო პოლიტიკის კითხვების დიდ მოტრფიალეთ, ჩვეულებრივ გამოდიოდა ამ კითხვებში სოციალ-დემოკრატების სახელით. თავის პარტიაში ის სხვებზე მეტს ჰფიქრობდა ეროვნულ კითხვაზე და საქართველოს ეროვნულ ინტერესებზე; იგი იცავდა ავტონომიას, მაშინ, როცა ქართველ სოციალ-დემოკრატებს შორის ასეთი ქცევა ურიგოთ ითვლებოდა. მის ბუნებრივ პატრიოტიზმს, უეჭველია, ფესვი ჰქონდა ქართველ სამღვდელოების საუკეთესო ნაწილის ღრმა ეროვნულ ტრადიციაში; ჩხენკელი გამოვიდა საღმდელოების წრიდან. ამასთანავე მისი თავისგამოდებ და ლოიალობა მთელი ამიერ-კავკასიის ინტერესების გამო არავისში იწვევდა ექვს.

---

\*) ბეკედით სიტყვაში გენ. ფონ-ლოსოვის სახელი ხშირად იხსენიებოდა ბავარიისა და გერმანიის შინაურ არეულებასთან დაკავშირებით 1923 წ. ბოლოს (გიტლერისა და ლიუდენდორფის საქმე და სხვა); იგი ბავარიის საიმპერიო შეიარაღებულ ძალას განაგებდა.

\*\*) ებლა (1923 წ.) გერმანიის ელჩათ არის თეირანში.

\*\*\*) 1923 წ. თბილისში გერმანიის გენერალური კონსულია.

მეორე ქართველი დელეგატი ნ. ი. ნიკოლაძე მეტად ადვილათ ატარებდა თავის 75 წლის სიმძიმეს. რამდენმა წყალმა ჩაიარა მას მერმე, რაც იგი კაბუჯურათ თათბირობდა ჰერცენთან, თუ როგორ გაერთყმია სილა მაშინდელ რუსეთის ჟანდარმთა შეფისათვის! ანდა რამდენმა დრომ განვლო მას შემდეგ, რაც მან, როგორც თფილისის გაზეთ „ობზორის“ რედაქტორმა, ისეთი განგაში ასტეხა მთელს რუსეთში თავისი ლიტერატურული პროცესით, რომ თვით ანატოლ ლერუა-ბოლიე დაწვრილებით მოიხსენიებს ამ ამბავს თავის წიგნში „Empire de Tsars!“ (მაგრამ ეს ხომ წარღვნის წინა დროის ამბებია!). ულვეი მეხსიერება, ცოდნა ოსმალეთ-კავკასიის დამოკიდებულებისა, მუსაიფის მჩქეფარე ნიქი, თვალეში ცეცხლის ნაპერწყლები თეთრ წვერთან და წარმოსადეგ შეხედულებასთან ერთად, ყველაფერი ეს ძლიერ სასარგებლოთ ჰქმნიდა მის ყოფნას ბათომში.

სომხეთის მთავარ დელეგატათ იყო ხატისიანი, განათლებით ექიმი, ტომით თფილისელი სომეხი, რამოდენიმე წელს ქალაქის თავათ ნამყოფი; *persona gratissima* მეფის მოადგილის სასახლეში ვორონცოვების დროს; ტიპიური და მომქმედი წარმომადგენელი იმ სონხური მიმართულებისა, რომელიც იცავდა და აფართოებდა ყოველგან კავკასიაში სომხების მიერ დაჭერილ პოზიციებს და იმედოვნებდა, რუსეთის საშუალებით მოეწყო აგრეთვე ოსმალეთის სომხეთიც. ხატისიანი გამოცდილი, ყოველგვარ გაქირვების ქარცეცხლში გავლილი, სიცოცხლით სავსე, წითელ ლოყებიანი მოღვაწეა.\*) დანარჩენი სამი აღნიშნულ დრომდე ამიერ-კავკასიის პოლიტიკურ საქმეებში შედარებით ნაკლებ ცნობილი იყვნენ, თუმცა ყველა ისინი მოწოდებული იყვენ თავის ხალხების ბედის წერაში თვალსაჩინო როლი შეესრულებინათ. რ. კაჩაზუნნი მალე შეიქმნა სომხეთის მთავრობის მეთაურათ; ეხლა კი ამიერ-კავკასიის მთავრობაში ის ითვლებოდა „სახელმწიფოებრივ შეწყალების მინისტრათ“. როგორც ხატისიანი და კაჩაზუნნი, მ. გაჯინსკიც (ორი უკანასკნელი ინჟინერია) შედიოდა ჩხენკელის მიერ შედგენილ მთავრობაში; მას მინდობილი ჰქონდა ვაქრობისა და მრეწველობის პორტფელი\*\*).

\*) შემდეგში ხატისიანი იყო სომხეთის რესპუბლიკის მთავრობის მეთაურათ.

\*\*\*) მაგრამ პორტფელის ამ დარიგებას სერიოზული მნიშვნელობა არ ჰქონია, ე. ი. პორტფელის დარიგების იქით საქმე არ წასულა, რადგან ამიერ-კავკასიის მთავრობა მალე გაჰქრა.

აზერბაიჯანის მეორე დელეგატმა რასულ-ზადემ ძალიან მალე გამოიჩინა თავი სეიმში; მან სახელი გაითქვა სპარსეთშიაც, როცა იგი მუშაობდა სპარსეთის განახლების მოღვაწეებთან ერთად თეირანის ბეჰედით სიტყვაში. მშვენიერათ იცოდა სპარსულიც და ოსმალურიც და საკუთარის მაგალითით გვაჩვენებდა, რამდენათ თვალსაჩინო და ფართო შეიძლება იქნეს პოლიტიკური ურთიერთობრივი განწყობილება აღმოსავლეთ ამიერ-კავკასიისა, როცა უკანასკნელი პოლიტიკურათ განვითარდება.

## თავი მეექვსე.

### ბათომის კონფერენცია.

16.

ეხლა გადავალ თვით კონფერენციაზე, რომლის გარეგანი მატრიანე შეიძლება ყოფილიყო მოკლე: ბათომის კლუბში 11 მაისს შესდგა ერთად ერთი სხდომა.

ხალილ-ბეიმ წარმოსთქვა (ოსმალურათ) მისასალმებელი სიტყვა, რომელშიაც მოიხსენია „მშვენიერი ვარსკვლავი თავისუფლებისა“ ამოსული კავკასიაზე, სურვილი ოსმალეთისა დაამყაროს კეთილი, მეზობლური განწყობილება და სხვა და სხვა. ოზრან-ბეიმ წაიკითხა სიტყვის თარგმანი ფრანგულათ (იგი იყო ოსმალეების მდიენათ ბრესტ-ლიტოვსკშიაც).

შენდეგ იმსჯელეს იმაზე, დაუშვან თუ არა კონფერენციაზე მონაწილეთ ჩრდილო-კავკასიის მთიელთა რესპუბლიკის წარმომადგენელი ჰაიდარ-ბეი ბამატი.

მთიელების მოღვაწეებს ოსმალეთთან თვალსაჩინო ურთიერთობა ჰქონდათ და ამიტომ, თავიანთ რესპუბლიკის დამოუკიდებლობის გამოცხადებისთანავე, ისინი ეძიებდენ დიპლომატიურ და ყოველგვარ დახმარებას კონსტანტინოპოლში. იქ კი იყო იმათი მთავრობის თავმჯდომარე აბდულ-მეჯიდ-ბეი ჩერმოვეი, ტომით ჩერქეზი, წინათ სასახლის რაზმის საპატიო მეყარაულე (კონვოეცი), შემდეგ „კავკასიის ველურ დივიზიის“ ოფიცერი\*) და ამავე დროს საქმის

---

\*) აქედან სჩანს როგორ მწარედ სცდებოდა ვ. როზანოვი, როდესაც სწერდა, რომ ყველა ომების, აჯანყებების, შამილისა და სხვ. შემდეგ კავკასიის მთიელებმა დაამთავრეს თავისი ისტორია მათი იმპერატორებითი უდიდებულესობის საკუთარ დაშველ რაზმში სამსახურით.

კაცი (ძალიან დაინტერესებული გროზნის ნავთით). დეკემბერში, რომელითაც ვეჭიბ-ფაშა იტყობინებოდა ოსმალეთის მიერ დამოუკიდებელ ამიერ-კავკასიის ცნობას (15 აპრ. ახ. სტ.) თანდართული იყო, რომ ოსმალოებთან ერთად კონსტანტინოპოლიდან ბათომის კონფერენციაზე მოვლენ მთიელი დელეგატებიც.

მთიელთა რესპუბლიკის საერთო კავკასიის ფედერაციაში შესვლას ყველა ძალიან თანაუგრძნობდა და პ. ბამატის მონაწილეობის მიღებამ კონფერენციაში, რასაკვირველია, არავითარი წინააღმდეგობა არ გამოიწვია.\*)

საქმის დაწყებისთანავე აღმოჩნდა ძირითადი განხეთქილება ამიერ-კავკასიის და ოსმალეთის დელეგატთა შორის მოლაპარაკების საფუძვლათ ბრესტ-ლიტოვსკის ხელშეკრულების დადების შესახებ. ჩხენკელმა გაიმეორა უკვე ტრაპეზუნდში (უკანასკნელ მომენტში) შეტანილი განცხადება, რომ ამიერ-კავკასია ლებულობს ამ ხელშეკრულებას სავსებით, ისურვა, რომ ტექსტი მისი ყოფილიყო მოლაპარაკების ერთად ერთი საფუძველი, რომ ამიერ-კავკასია იძულებული არ გამხდარიყო გარდა ბ.-ლ. ხელშეკრულებით აღნიშნულ ტერიტორიისა, კიდევ დაეთმო ოსმალოებისათვის ახალი ტერიტორია. ხალილ-ბეიმ პირიქით, მიიღო მხედველობაში ეს განცხადება, მაგრამ აღნიშნა, რომ დიპლომატიური მოლაპარაკება შეწყვეტილი იყო, რომ განახლებული იყო საომარი მოქმედება ოსმალეთსა და ამიერ-კავკასიას შორის ე. ი. აღნიშნა ახალი ფაქტები, რომლის გამო ოსმალეთი არ არის თანახმა ხელშეკრულება ჩასთვალოს ერთად-ერთ საფუძვლათ მომავალ მოლაპარაკებისათვის და იტოვებს უფლებას წამოაყენოს ახალი მოთხოვნები. ამიტომ ხალილ-ბეიმ წინადადება შემოიტანა, მოლაპარაკებების საფუძვლათ გამხდარიყო ოსმალოების მიერ უკვე დამზადებული საზავო ხელშეკრულების ტექსტი, რომელიც იქვე იყო წარმოდგენილი.

გერმანიის წარმომადგენელი დაკმაყოფილდა იმით, რომ მხედველობაში მიიღო ოსმალეთის და ამიერ-კავკასიას შორის მომხდარი უთანხმოება\*).

---

\*) რწმუნებების შემამოწმებელ კომისიაში შედიოდნენ: გრაფი შულენბურგი თურქების იურისტკონსულტი ნუსტეტ-ბეი, თითონ ბამატი და შე (ამიერ-კავკასიის დელეგაციიდან).

\*\*) ამავე სხდომაზე ამიერ-კავკასიის დელეგაციამ, სხვათა შორის, პირველად მიიღო ოფიციალური ტექსტი ბრესტ-ლიტოვსკის ხელშეკრულებისა. აქამ-

ბოლოს ჩვენმა დელეგაციამ განაცხადა თანხმობა... გაეცნოს ოსმალეთის გეგმას, და ამით კონფერენცია დაიხურა.

17.

ოსმალეთის გეგმა „ზავი და მეგობრობის ხელშეკრულებისა ოსმალეთის საიმპ. მთავრობასა და ამ.-კავ. კონფედერაციული რესპუბლიკას შორის“ შესდგებოდა 12 მუხლისაგან; ამასთან იყო სამი დამატება (დროებითი წესები ვაჭრობისა და ნაოსნობის შესახებ; მოსაზღვრე ადგილებში ურთი-ერთობის საწარმოებლად განსაკუთრებულ შეღავათების შესახებ; ხელშეკრულების განმარტების დროს უთანხმოების გამოსარკვევად წესების შესახებ).

და ბოლოს, ძირითადი ხელშეკრულების დამატებითი ხელშეკრულება ეხებოდა კითხვებს, რომლებიც დაკავშირებული იყო ოსმალეთის წმინდა საომარ ინტერესებთან ამ მომენტში.

უქვევლია, უდიდესი შთაბეჭდილება მოახდინა ოსმალეთის ახალმა ტერიტორიალურმა მოთხოვნებამ.

პროექტში აღნიშნული საზღვრები საქართველოსთვის ნიშნავდა ჩამოშორებას იმ ძველი (შემდეგ გამაჰმადიანებულ) ოლქებისას, რომლებიც რუსეთმა შეიძინა ანდრიანოპოლის ზავით 1828 წ. და რომლებიც მჭიდროთ იყვნენ დაკავშირებული ყოფ. ტფილისის გუბერნიასთან: აქ ლაპარაკია ახალციხის და ახალქალაქის მაზრებზე (უკანასკნელზე პრეტენზიას აცხადებდა სომხეთი, რადგან, ჯერ კიდევ მე-XIX საუკუნეში იქ იყვნენ დასახლებული სომხეთიდან გადმოხვეწილები).

სომხეთისათვის ახალი საზღვარი უდრიდა მის სრულ მოსპობას: ალექსანდროპოლი და უმეტესი ნაწილი ალექსანდროპოლისა და ეჩმიადინის მაზრებისა—ე. ი. უმთავრესი, ასე ვსთქვათ, სომხური ნაწილი სომხეთისა, გადადიოდა ოსმალეთში, რკინის გზის ლიანდაგით ყარსი—ალექსანდროპოლი და ალექსანდრეპოლი—სპარსეთის საზღვარი.

---

დის, მე, ყოველ შემთხვევაში, მკონდა ტექსტი გამოცემული როსტოვ-დონზე „მემარცხენე სოც. რევ. ინტერნაციონალისტების პარტიის ზატერმენიკის ორგანიზაციის მიერ“ და დაბეჭდილი მუშათა და მოსაზრებულეთა კოლექტივის ტიპოგრაფიაში „განახლება.“

ამ პირობებში ოსმალეთი უზრუნველყოფდა არა თუ პოლიტიკურ კონტროლს მთელ კავკასიაზე, არამედ მკიდრო ტერიტორიალურ დაახლოვებას აზერბაიჯანთან და სპარსეთთან (ე. ი. სპარსეთის აზერბაიჯანთან), სხვანაირად რომ ესთქვათ, იმ ქვეყნებთან, რომლის მცხოვრებნი არიან თურქებისავე მოდემის და ლაპარაკობენ თურქულათ.

ოსმალეთის პროექტის მნიშვნელოვანი ნაწილი შესდგებოდა მოთხოვნილებებისაგან, რომლებსაც მიზნათ ჰქონდა შემსუბუქებია საომარი ოპერაციები ინგლისელების წინააღმდეგ ჩრდილოეთ სპარსეთში. უმთავრესათ ამ მიზნისათვის მხედველობაში იყო მიღებული ამიერ-კავკასიის რკინის გზების და აგრეთვე ბაქოს ნავთსადგურის გამოყენება კასპიის ზღვაზე შესაძლებელ ოპერაციებისათვის.

ყოველ შემთხვევაში, კითხვები იყო დასმული სრულიად ნათლად. ყველასათვის გასაგები იყო, რომ ოსმალეთის მოთხოვნილებები არსებითად არ იქნებოდა შემსუბუქებული; რომ მათთვის წინააღმდეგობის გაწევა იარაღით ჩვენ არ შეგვეძლო. და რომ ამ პირობების მიღება ძირს უთხრიდა ამიერ-კავკასიას, როგორც კავშირის სამი ერისას, რადგან სომხეთისგან ამ ახალ „გამიჯენის“ შემდეგ ცოტა რამ და დარჩებოდა.

## 18

1918 წ. გაზაფხულის პირობებში, მას შემდეგ, რაც ოსმალელებმა დაიუფლეს ბათომი და ყარსი, ბევრი ჩვენთაგანისთვის არ იყო მოულოდნელი, რომ ისინი მოითხოვდნენ ახალციხეს და ალექსანდროპოლს.

იბადებოდა საკითხი, როგორ მოექცეულიყავით?

თუ შეიძლებოდა ოსმალეების წინააღმდეგ რაიმე დახმარების მიღება შეიძლებოდა მხოლოდ დიპლომატიურის და ისიც გერმანელებისაგან. ინგლისელებისა და ფრანგებისაგან, რომელთა მხარეზე 1914 წლიდან ჩვენმა ხალხმა მთელ რუსეთთან ერთად გადაიტანა ომის პირვარამი, დახმარების მიღებაზე ფიქრი შეუძლებელი იყო. ჩრდილოეთ-სპარსეთში მყოფ ინგლისელებზე გვაშორებდა დიდი მანძილიც, ბოლშევიკების ბაქოში ყოფნა და საერთოთ მათთან ურთი-ერთობის დაჭერის შეუძლებლობა.

პირადათ ჩემთვის ტერიტორიალურ კითხვებს ძლიერ დიდი მნიშვნელობა არ ჰქონდა, რადგან საზღვრების დადება არ შეიძლე-

ბოდა ყოფილიყო სამუდამო, სანამ ომი არ გათავდებოდა. ბათომში მივიდიოდი სრული დარწმუნებული, რომ ამიერ-კავკასია გერმანიას აინტერესებს არა მარტო მისი სხვა და სხვა გვარი დოვლათის ომის მიზნისათვის გამოსაყენებლათ, არამედ კიდევ უფრო მეტათ ახლო აღმოსავლეთში შესვლის მიზნით ე. ი. გერმანიის საერთო გეგმის განსახორციელებლათ. ვფიქრობდი, რომ არც საერთო ომის წარმოების ფარგლებში, არც საკუთარ მოთხოვნილებებში რომლის დასაბუთებაც ოდნავ მაინც შეიძლება და რომელთა შესრულება ცოტათი მაინც დაასაჩუქრებს ოსმალეთს გაწეულ შრომისათვის, გერმანიას ხელს არ შეუშლის თავის მოკავშირე ოსმალეთს, მაგრამ ოსმალეთი, უეჭველია, გამოვა ომის საკიროების საზღვრებიდან ანდა მოითხოვს მეტს ვიდრე „ერგება“.

აი აქ, რამდენათაც ოსმალეთი თავს ნებას მისცემდა თავისებურათ და თავისუფლათ ემოქმედნა, თითქოს შესაძლებელი იყო მისი უფროსი, უფრო ძლიერი და უფრო გონიერი მოკავშირის-გერმანიის მიერ კონტროლის განხორციელების მოპოვება, ანდა მისივე ვეტო ოსმალეთის მოქმედებაზე. ამისათვის საკირო იყო მხოლოდ სათანადო მიდგომა, გარემოების მიხედვით საქმის მომზადება.

ოსმალოებს დაკავებული აქვს ბათომი, ოზურგეთი და ახალციხე; თფილისის დაკავების აზრი ბაქოსთან შესაერთებლათ და სხვა წარმატებისათვის მეტათ წარმატაცი იყო! ამას უნდა ხელი შეუშალოთ და ამის ჩაშლა შესაძლებელია; შეიძლება და სავალდებულოა ოსმალეთის შეკრა საქართველოს შუა გულში შეეაჩიროთ.

ვინ იცის იქნებ აზერბაიჯანმა კიდევაც მოისურვოს ბაქოში შესულ ბოლშევიკებთან საბრძოლველათ და ანარქიის საწინააღმდეგოთ ოსმალოების დახმარება! რა უნდა ვქნათ! საქართველოს კი ოსმალოები არ უნდა. სომხეთი? არც ცალკე, არც საქართველოსთან ერთად მას ოსმალეთთან ომი არ შეუძლია—ძველი ფრონტი დაიშალა, ახლის შექმნა, როცა მტერი ჩვენს ქვეყანაშია შემოსული და როცა მესამე მონაწილე აზერბაიჯანი გულ-ახდილათ, გადაჭრით აცხადებს, რომ ოსმალეთს არ ეო მ ე ბ ა, შეუძლებელია.

გერმანია დაეხმარება სომხეთს როგორმე გადაარჩეს ამ ქარიშხალს, სომხების დელეგატებს საშუალება აქვთ უშვალოთ მოელაპარაკონ ამაზე გერმანიის წარმომადგენელს. ამ შესაძლებლობას ისინი არც ჰკარგავენ. კეთილათ დამთავრდეს თქვენი ცდა! მაგრამ ამ ხანათ სომხეთი უნდა გაინაბოს და უარი სთქვას შეიარაღებულ წინა-



აღმდევობაზე, რომელიც ისედაც უმიზნოა. შემდეგ ყოველივე გამოირკვევა.

ამ გვარათ იწყება ამიერ-კავკასიის პოზიციის უილაჯობის გამორკვევა და ჩნდება—ქართველებისათვის მაინც—საქართველოს პოზიციის მომზადების საჭიროება და შესაძლებლობა. და ეს ხდებოდა არა მხოლოდ იმ მიზნით, რომ თავი დაგვეხწია სასტიკ პირობებიდან, რომელშიაც ჩავარდა ამიერ-კავკასია და საქართველო 1918 წ. ზაფხულში რუსეთის იმპერიის სრული დანგრევის გამო; არა, ამ დღის სასწრაფო და მწვავე ამოცანის უკან იდგა, რა თქმა უნდა, უფრო ღრმა ისტორიული მოვალეობა ჩვენი თაობისა, დახმარებოდა, რამდენათაც კი შესაძლებელი იყო კავკასიელ ხალხებს, რათა მათ აღედგინათ ან ახლად შეექმნად მომავლისათვის ეროვნულ-სახელმწიფოებრივი საფუძვლები, როდის და ვის უნდა ჩაეყარა ეს საფუძველი თუ არა ეხლა და ჩვენვე.

უნდა გვერსარგებლნა მდგომარეობით და უნდა მოგვენახა გზები და ფორმები განსახორციელებლათ იმისა, რაც იყო ჰაერში როგორც მომწიფებული განსახიერებისათვის, მაგრამ ჯერ კიდევ უსახო სინამდვილე. ორი სიტყვით: ჩვენ უნდა დაგვეცვა უკანასკნელ წუთამდის ამიერ-კავკასია იმ სახით, როგორც ის შემთხვევით დაარსდა; მერმე უნდა გადავსულიყავით ეროვნულ პოზიციაზე და გვემოქმედნა ცალკე. მაგრამ რაც უმთავრესია, დამოუკიდებლობის აზრი მტკიცეთ უნდა გაგვემაგრებია ჩვენი ყოველი ხალხის სახელმწიფოებრივ შეგნებაში; და პირველ შეძლებისთანავე განმტკიცებულ საფუძველზე დაგვეყარებია პოლიტიკური მთლიანი ამიერ-კავკასია ანდა კავკასია!

ამ გეგმის პირველი ნაწილი შეასრულა ამიერ-კავკასიის დელეგაციამ; შემდეგ საქართველოს დელეგაციამ ბათუმში, და ქართველმა მოღვაწეებმა თბილისში მოამზადეს საქართველოს დამოუკიდებლობის გამოცხადებით გარდასვლა მომავალ კონსოლიდაციაზე ცალკე საქართველოსი, სომხეთის და აზერბეიჯანის.

ასეთი აზრი ჰქონდა ამ პროცესს. გადაწყვეტილებანი ჩემგან არ იყო დამოკიდებული, მაგრამ შემეძლო მათზე გავლენა მქონოდა, როგორც დელეგაციის და მისი ქართული განყოფილების მრჩეველს ყველა უმთავრეს კითხვებში.

ჩვენ მაშინვე დავიწყეთ დავა ოსმალოებთან მათ მიერ წარმოღ-  
გენილ გეგმების გამო: ჩვენს საკმაოთ სავალალო მდგომარეობაში  
ერთად-ერთი იარაღი დაგვრჩენოდა — მემორანდუმები და ნოტები!

„შეჯიბრების ქალაქებში“ — მათი შედგენა მე მქონდა მონდო-  
ბილი — ჩვენ დავედქით სასტიკ ფორმალურ ნიადაგზე; ოსმალეთის  
წინააღმდეგ ჩვენ ვცდილობდით მიგვებრუნებია ბრესტ-ლიტოვსკის  
სწორეთ ის ხელშეკრულება, რომლითაც ჯერ კიდევ ტრაპეზუნდში  
ოსმალეთს უნდოდა ქედი მოეხრევინებინა ამიერ-კავკასიისათვის.

აქ, ბათუმში, ოსმალეთმა მოგვაწოდა, როგორც ნათქვამი იყო,  
პირველი, ზავისა და მეგობრობის ხელშეკრულება, მეორე განსა-  
კუთრებული კონვენცია სამხედრო კითხვების შესახებ და, ბო-  
ლოს; განსაკუთრებული შეთანხმება მხარეთა „კეთილ მეზობლური“  
განწყობილებისათვის.

ამ გეგმის შესახებ ჩვენ უპასუხეთ ასე: ძირითადი საზავო  
ხელშეკრულება და მისი დამატებითი კონვენცია სამხედრო საგნე-  
ბის შესახებ უნდა დადებულ იქნეს არა მხოლოდ ოსმალეთთან, არა-  
მედ ოთხთა შეთანხმების ყველა სახელმწიფოებთან; დანარჩენი წარ-  
მოდგენილი შეთანხმებანი („კეთილმეზობლური“), მართალია, შეიძ-  
ლება შეკრულ იქნეს მარტო ოსმალეთთან (ამიერ-კავკასიის დელე-  
გაციის მემორანდუმში 18 მაისიდან).

ამის წინააღმდეგ ოსმალოებმა მოგვცეს შემდეგი პასუხი: „თქვე-  
ნი საქმე არ არის მსჯელობა იქონიოთ, თუ რომელი კითხვაა ოთხ  
მოკავშირეებისათვის საერთო და რომელი შეეხება მხოლოდ ერთ  
მათგანსა და ამიერ-კავკასიის რესპუბლიკას. ამის შესახებ ნება მოგ-  
ვეცით ჩვენ თითონ მოკავშირეებმა ვიმსჯელოთ“.

პასუხის ჩვენი პასუხი: „მაშასადამე თქვენ გვეთანხმებით, რომ  
არის თემები, რომელთა შესახებ მოლაპარაკება უნდა სწარმოებდეს  
ყველა ოთხ სახელმწიფოსთან, არის თემები, რომელიც გვეხება მხო-  
ლოდ ჩვენ და თქვენ. ძლიერ კარგი. მივიღებთ მხედველობაში, მაგ-  
რამ თქვენ ფიქრობთ, რომ ამის განსაზღვრისათვის თვით მოკავში-  
რეები მიიღებენ ზომას, ჩვენ კი, ამიერ-კავკასიამ, ამ შემთხვევაში უნ-  
და დავდუმდეთ. მაგრამ სრულიად არ შევდივართ იმის გარჩევაში,  
თუ რა უნდა იქნეს შეტანილი საერთო ხელშეკრულებაში, და რა  
კერძო სპეციალურში! ჩვენ მხოლოდ ვამტკიცებთ, რომ საერთო  
ხელშეკრულება ჩვენ მიერ დადებული იქნება არა მარტო ოსმალეთ-

თან, არამედ ოთხივე სახელმწიფოსთან. ჩვენ, როგორც ხელშეკრულების ერთ მხარეს ნება უნდა გვქონდეს, მგონი, გავითვალისწინოთ თუ ვინ გამოდის მეორე მხარეთ? (ამიერ-კავკასიის დელეგაციის ნოტა 17 მაისი).

ჩვენ აღენიშნავდით იმასაც, რომ ოსმალოებს არ აქვთ უფლება, მოითხოვონ იმაზე მეტი, რაც დათმობილი აქვთ ბრესტ-ლიტოვსკის ხელშეკრულებით. აქ ჩვენი პოზიცია სუსტობდა; ჩვენ მაინც უნდა დავერდნობოდით ამ მოსაზრებას, რადგან ტრაპეზონის კონფერენციის ბოლო დროიდან, ეს იყო ა. ჩენკელის უმთავრესი საბუთი. ამ მოსაზრებას ასუსტებდა (ე. ი. იმ მოსაზრებას, რომ „ახალი ისეთი არაფერი მომხდარა, რასაც შეეძლო ჩვენი საერთაშორისო მდგომარეობა შეეცვალა—მაშასადამე არ შეიძლება ახალ მოთხოვნის წამოყენება“) ისეთი ფაქტები, როგორც არის ბათომისა და ყარსის ოსმალოთაგან დაცლის უარზე სეიმის მიერ შეტანილი სამარ პატრიოტული ხმაურობა, მთელი რიგი სამხედრო გადაწყვეტილებებისა, ტრაპეზონის დელეგაციის გაწვევა და სხვა...

ასეთი ფაქტების გამო ოსმალოები ამტკიცებდნენ, რომ ა. ჩენკელის განცხადებას ტრაპეზონში ბრესტ-ლიტოვსკის ხელშეკრულების ცნობის შესახებ დაკარგული აქვს მნიშვნელობა ამიერ-კავკასიის მთავრობის თავმჯდომარის ე. პ. გეგეჟკორის მოქმედებით და რომ ამიერ-კავკასიის რესპუბლიკის მიერ ომის განახლებაში გამოიწვია ცვლილება საერთაშორისო მდგომარეობაში, რაც ოსმალებს უფლებას აძლევს წამოაყენოს ახალი მოთხოვნები.

ერთი სიტყვით, ამ კითხვებისათვის ურყევი საფუძველი არ გვქონდა. მით უფრო ბეჯიდათ მივმართეთ ბრესტ-ლიტოვსკის ხელშეკრულების მახვილი ოსმალების წარმოდგენილ გეგმის წინააღმდეგ.

„როგორ?“—ვამბობდით ჩვენ: „თქვენ ოტტომანის იმპერიას თქვენის პროექტით უმატებთ იმ ტერიტორიებს, რომელთა სახელმწიფოებრივი და საერთაშორისო მოწესრიგება ბრესტ-ლიტოვსკის ხელშეკრულების მეოთხე მუხლის პირობებით არის შემოზღუდული? იქ ხომ „მეზობელ სახელმწიფოთა“ უფლებებიც წინასწარ მიღებულია; მეზობელთა თანხმობით ბათომის, ყარსის და არდაგანის მოსახლეობამ უნდა შეიმუშაოს ამ მიწა-წყალის ახალი წეს-წყობილება. მეზობელი სახელმწიფოები არიან უპირველეს ყოვლისა ოსმალეთი, მაგრამ შემდეგ ამიერ-კავკასიაც; თქვენ კი პირდაპირ მიგაქვთ ეს პროვინციები, სცვლით, არა მარტო თქვენ მიერ ხელმოწერილ ხელშეკრულებას, რომელიც ამ საქმეში განსაზღვრულ წილს ჩვენც გვითმობს. ასე

არ შეიძლება“ (იხ. 16 მაისის ამიერ-კავკასიის მემორანდუმი) ერთი-სიტყვით, ეხლა უკვე ჩვენ გამოვდიოდით ბრესტ-ლიტოვსკის ხელ-შეკრულების დამცველებათ!

უკანასკნელი მოსაზრება განსაკუთრებულათ არ ესიამოვნა ოს-მალოებს; მათი პასუხი (18 მაისს) გარდა იმ ფაქტების აღნიშვნისა, რომელთაც ამიერ-კავკასიის დელეგაციის გაწვევის დროს და მას შემდეგაც შესცვალეს მხარეთა მდგომარეობა, შეიცავდა შემდეგ მუ-ქარას: ამიერ-კავკასიის დელეგაციის ცდამ თავი-სი აზრი გამოსთქვას ბრესტ-ლიტოვსკის ხელშეკ-რულების შემოაღნიშნულ (ე. ი. მე-4) მუხლის შესახებ შეიძლება იქონიოს ეხლანდელ მოლაპარაკების მიმ-დინაჲრეობისთვის ძლიერ სერიოზული შედეგები.

მაგრამ მაშინ ბათუმში ჩვენ შეგვეძლო ჩვენი თავისთვის მიგ-ვეცა ნება გვეკამათნა, უმთავრესათ იმიტომ რომ ჩვენ შეგვეძლო გაგვეხსენებია ოსმალეთისთვის (იხ. 16 მაისის მემორანდუმი): გერ-მანიის იმპერიის დელეგაციის აქ დასწრება ცხადი დამტკიცებაა, რომ ოსმალეთის მოკავშირე და მასთან ერთად ბრესტ-ლიტოვსკის ხელშეკრულების ხელმომწერი-სახელმწიფოები უშვებო მონაწილეობას იღებენ მსოფლიო ომის კავკასიის ფრონტზე დამთავრების-საქმეში.

ამ მუხლში ჩვენ შეჯიბრება არ წაგვიგია. ჩვენ დაუმტკიცეთ-და ვაჩვენეთ ოსმალეთს, რომ მას მარტო არ შეუძლია განაგოს ჩვენი ბედ-იღბალი.

---

## თავი მეშვიდე.

### ამიერ-კავკასიის დაშლა.

20.

წმინდა დიპლომატიური მოქმედების კითხვა საკმაოდ ირკვევოდა, შეიძლებოდა იმედი გვექონოდა, რომ გერმანიის დახმარებით წარმოდგენილი მოთხოვნები რამოდენამდე შეგვიმსუბუქდებოდა. მაგრამ არ იყო არავითარი იმედი, რომ ამიერ-კავკასია ომს სრულიად გადარჩებოდა, დაიჭერდა ნეიტრალურ ქვეყნის მდგომარეობას და დაიწყებდა მის დამშვიდებასა და დალაგებას. მისი რკინის გზები ეჭივრებოდა, მეომარ მხარეებს: დამოუკიდებლათ გამოცხადებული, მაგრამ ყველასაგან დამოკიდებული ამიერ-კავკასია იყო სუსტი; მის რკინის გზებს კი შეეძლო გაეძლიერებია ის („ლიდი“), ვინც პირველი ჩაიგდებდა მას ხელში.

ყველა უპირატესობა იმ შეთანხმების მხარეზე იყო, რომელსაც ხელმძღვანელობდა გერმანია, რადგან ოსმალოებს უკვე ექირათ (1918 წლის აპრილიდან) ყარსი და ბათომი და ამგვარათ ხელში ჰქონდათ ოსმალეთისა და სპარსეთის საომარ ასპარეზების რკინის გზების ერთი ბოლო. როგორც ყველამ იცის, იგივე გზა მიდის ბაქოს ნავთისა და თურქესტანის ბაზამდე.

სხვა პირობებში საქმე ადვილათ მოეწყობოდა რკინის გზებით სარგებლობის განსაკუთრებულ შეთანხმების საშუალებით; ამიერ-კავკასიის მთავრობაც იძულებული იყო ამ გზას დადგომოდა. მაგრამ უბედურება იმაში იყო, რომ ამიერ-კავკასიის საზღვრებში ოსმალოების შემოჭრა მაშინათვე და საბედისწეროთ იწვევდა საქმის სხვა და სხვა საშიშარ გართულებას. სპარსეთისკენ მიმავალი რკინის გზა გადადიოდა სომხების პროვინციაზე; ოსმალოებს ხიბლავდა შესაძლებლობა გაეგრძელებიათ აქაც ის სომხეთის მომსპობი პოლი-

ტიკა, რომელსაც ისინი აწარმოებდნენ ოსმალეთში ომის დროს; ამით სომხებისა და თათრების მოსახლეობის შორის იწყებოდა ერთმანეთის ამომწყვეტი მტრობის მოძრაობა, რომელიც ჩანერგილი იყო რუსეთის ბატონობის დროს. აგრეთვე ამოძრავდა ყველა, ვინც ისტორიული ტრადიციით, რელიგიური და რასობრივი ერთობის გრძნობით, ანდა „რაიმე საჭიროებით“ თავის თავს სთვლიდა ოსმალეთის ბუნებრივ კლიენტათ ან და ეხლა ცდილობდა გამხდარიყო მისი კლიენტი. ყველა ეს ძლიერდებოდა, ღრმადებოდა ოსმალეთის გამარჯვების ილიუზიით, რომელსაც ხელოვნურათ აღვივებდა მრავალრიცხოვანი საიდუმლო და აშკარა მისი აგენტი. ოსმალეთმა კავკასიაში ხომ გამოგზავნა „ისლამის ლაშქარი“.

აი რატომ იყო, რომ მარტივმა კითხვამ ალექსანდროპოლ-ჯულფის ხაზით ოსმალეთის ჯარების გაშვების შესახებ (ინგლისის ჯარების საწინააღმდეგოთ, როგორც სწერდა ვეჰიბ-ფაშა) გამოიწვია დიდი უკმაყოფილება ამიერ-კავკასიისა და ოსმალეთის დელეგაციებს შორის.

ალექსანდროპოლი\*) ეკავა ოსმალეთის ჯარს; სომხის ნაწილებმა იგი ვერ დაიცვეს. სომხები, ისე, როგორც სხვა დელეგატები, აუცილებლად სთვლიდნენ დაეთმოთ ოსმალეთის სარდლობისათვის რკინის გზა; მაგრამ სასურველი იყო, რა თქმა უნდა, ასეთი საჯოკმანო კითხვის შესახებ სათანდო გარანტიები და წინასწარი ურთიერთი შეთანხმება; ოსმალოები კი აღნიშნავდნენ, რომ საომარ მდგომარეობის გამო დროის დაკარგვა შეუძლებელიაო, და არ ცხრებოდნენ.

ბევრი ტანჯვა მიაყენეს ადგილობრივ სომხის მოსახლეობას, და ბევრი უსიამოვნება წილად ხვდა ამიერ-კავკასიის დელეგაციას. ოდნავ შეიძლებოდა საქმისთვის შველა, თუ გერმანელების დახმარებით გამოვარკვევდით ჩვენსა და ოთხთა კავშირის სახელმწიფოების ურთიერთ განწყობილებას. პროტესტები და განცხადებები „სუვერენიტეტის დარღვევის“ გამო, რომელსაც არდგენდა ა. ჩხენკელი ამ საქმის შესახებ მიწერ-მოწერაში, საჭირო იყო, მაგრამ თანაც უნაყოფოთ რჩებოდა.

საქმის ასეთი გართულება კონფერენციაზე ჰქმნიდა მეტად ძნელ მდგომარეობას. ამასთანავე მეთაურები სრულიად არ იძლეოდნენ სიღინჯისა და თავდაქერის მაგალითს.

\*) სამხედრო ბანაკი და ტფილის-ყარს-ჯულფის ხაზის კვანძი.

არ იყო არც პროპორციის გრძობა, არც მშვიდი გარჩევა შესაძლებელსა და ფანტასტიურს შორის, არც დაფასება პირველ და მეორე ხარისხიან კითხვებისა, არც შეგნება მუდმივისა და გარდამავალისა.

კონფერენციის მრავალ რიცხოვან და ძარღვებ აშლილ კულისებში უეცრათ ჩნდებოდენ და ჰქრებოდენ ხან ტფილისიდან ჩამოსული მოღვაწე-გასტროლიორები, პარტიების, ერების ან ჯგუფების წარმომადგენლები, ხან კერძო მოხალისე პოლიტიკოსები, რომელთა შორის ზოგჯერ ნამდვილი ავანტიურისტები ერია. უსაქმობის გამო სევდით შეპყრობილი ბათომის ადგილობრივი მოღვაწეები; ჩვენი ტყვედ წაყვანილი ოფიცრები; მთელი კავკასიის სხვა და სხვა მუსლიმანურ პროვინციებიდან ჩამოსული პოლიტიკური შუამდგომლები, ახალ ფესკებში გამოწყობილნი, რაც მათ სახეებს უკვე აძლევდა „ოსმალურ“ გამომეტყველებას; კავკასიელი თურქები— ყველაფერი ეს გუგუნებდა მთლიან ხროვათ და ირეოდა ჩვენს ირგვლივ.

აი რამდენიმე ამონაწერი იმ დროინდელ უბის წიგნაკიდან.

მაისი 1918 წ.

ბათომში მუდამ ისე გრძნობ თავს, თითქოს მცენარეებისთვის გაკეთებულ გამთბარ შუშაბანდში იყო. ბათომის ჰაერის ცნობილი დანალექი ჰქმნის ბამბუკს, ჩაის და სუბტრაპიულ მცენარეებს; მაგრამ მისივე დანალექი ბუნდოვანად ხდის ჰორიზონტს, იშვიათად შეიძლება მთების მოხაზულობის ნათლად გარჩევა, და ბუნება მუდამ მზათ არის წვიმისათვის.

„ბულვარი“, რა თქმა უნდა, მუდამ მორთულია; და სამხრეთის ზღვა მოვალეა ლამაზი იყოს. მაგრამ თვით ბათომში ცოტა რამ არის საყურადღებო, რადგან ცოტაა დამახასიათებელი. ქუჩები გვარიანია... სუფთა. მგონი, ერთად ერთი კუთხე, რომელიც საერთოდ სხვებს არა ჰგავს, არის, ეგრეთ წოდებული, ბერძნების ქუჩა.

მე ვთქვი „სუფთა“, მაგრამ სისუფთავე მალე შეილანძლება. სასტუმროს ფანჯრიდან მე ერთი კვირაა, უკვე უყურებ ქუჩაზე მკვდარ კატას, რა იქნება ერთი ორი წლის მერე? მაგრამ დარჩებიან კი აქ ოსმალოები?

ყველგან მოსჩანს წითელ არშიაზე ნახევარი მთვარე ვარსკვლავით; ფესკები გამრავლდა; მაგრამ ეს არის ნაწილობრივ პოლი-

ტიკური მასკარადი, ნაწილობრივ ფესკები დროებით მოსულებისა; ნავთსადგურში გემები ცოტა სდგას; სამაგიეროთ იქ ამოძრავდა თავიანთ იალქნიან ნაევებთან ანატოლიის ნაპირის ხალხი და მარადიული ლევანტინელი ბრბო.

---

ჩვენი დელეგაციის შედგენის პირობები ისეთი იყო, რომ შეუძლებელი შეიქნა შეუსაბამოსა და საარაკო რამესაგან თავი დაგვეხწია.

რალაც უნებურათ მაგონდება დომხალი, put-pourri და სხვა ასეთი საგნები.

რა კარგია, რომ უმრავლესობას არ ესმის და არ გრძნობს თავზე დაცემულ უბედურების სიმძიმეს. უბრალო ყოველ დღიური აზრები და გრძნობები სკარბობენ. ადამიანები ტრიალობენ, როგორც გამხმარი ფოთლები შემოდგომის ქარის დროს.

დამტკრეული ინსტრუმენტის კლავიშების შეუწყობელი გრიალი.

გაუქონავი ურმის აუტანელი ქრიალი.

---

ოსმალეთის სამი დიდ-კაცის დარბაზობა: ჯემალ-ფაშა, ხალილ-ბეი და ვეჰიბ-ფაშა. მათ უნდოდათ ჩვენი დელეგატების ახლო გაცნობა. სამივე დაჯდა მდივანზე და მტკიცეთ დაიკავეს იგი. მოგვართვეს ყავა. მეორე მხარეზე პატარა მისაღებ ოთახში კუნძულების კრებულებათ დალაგდენ ამიერ-კავკასიის დელეგატები. მე მიწვეული ვარ, როგორც „თანამშრომელი“. დასაწყისში თავისუფალი მუსაიფი; შემდეგ სტუმრები გვთხოვენ, ყოველმა ეროვნულმა სექციამ გამოსთქვას გულწრფელათ თავისი აზრი.

ჩხენკელი ყოველთვის ალტაცებულია, როცა საშუალება ეძლევა გააბას „საერთაშორისო“ მუსაიფი: აქ მის წინ ოთომანის პორტას სამი სვეტი სდგას კავკასიის ერების სამ ქადაგის პირდაპირ. ამ რიცხვმა „სამმა“ მისტიურათ იმოქმედა ჩხენკელზე და მან, თუმცა თვალწინ ჰყავდა სამი მაჰმადიანი, ამგვარად დაიწყო: „თუმცა მე,



როგორც სოციალისტი, დიდ მნიშვნელობას არ ვაძლევ სარწმუნოებრივ დოგმატებს, მაგრამ როგორც სამ საზოგადოებრივ ღმერთი ერთია, ისე ამიერ-კავკასია, თუმცა შეიცავს სამს ერს, მაგრამ— და სხვა და სხვა. როგორია ღმერთის მეტყველების დედოს\*) და ატავიზმის ძალა!

შემდეგ ილაპარაკა ნიკოლაძემ სადათ, მოკლეთ, საბუთიანათ თვით ოსმალეთისთვის ამიერ-კავკასიის დამოუკიდებლობის სარგებლობაზე, იმის შესახებ, რომ საჭიროა თავიდანვე არ წაერთვას ამიერ-კავკასიას ის ელემენტები, რომელიც აუცილებელია მისი სოციალისტისათვის და სხვა. ხატისოვმა თემათ აირჩია სომხეთის კითხვა, გაიხსენა ჯემალ-ფაშას სარდლობა პალესტინაში და კეთილი განწყობილება ქრისტიანებისადმი, ოსმალეთის რევოლუციის თანამებრძოლი ამხანაგი—სომხები (ზოჰრაბი და სხ.)

ხატისოვი, უეკველია, შეეხო მტკივნეულ ადგილს: ჯემალ-ფაშა მოიღუშა და ურჩია,—მას შემდეგ რაც მოხდა, ამ კითხვას არ შეხებოდა. (ოსმალეების ღრმა რწმენით, 1914, 1915 წ. ომის დროს სომხებმა ოსმალეთში მათ ზურგში დანა ჩასცეს).

მესამე სიტყვა წარმოსთქვა მაჰმედ-ჰასან გაჯინსკიმ. იგი თავაზიანათ ლაპარაკობდა; გამოსთქვამდა იმედებს, სიხარულს და გონივრულათ გვერდს უხვევდა თეოლოგიასა და ეროვნულ მწვევე კითხვებს.

ცოცხალი საერთო ბაასის შემდეგ ჩენი სტუმრები წავიდნენ.

22

ვინც ბათუმში იყო 1918 წ. მაისში, რუსეთი ეჩვენებოდა მეტათ დამორებულ ქვეყნათ. საბჭოთა ხელისუფლება არ ვრცელდებოდა ამიერ-კავკასიაზე. დამოუკიდებლობა გამოცხადებული იყო. ჩრდილო-კავკასიაში გამოურკვეველი ცვალებადი მდგომარეობა იყო; ბუნებრივი საზღვრის მთა-გრეხილის წყალობით თითქოს უზრუნველყოფილი ვიყავით რუსეთის ქარ-ბუქისაგან. ბაქოში (რომლის წინ იდგა ამიერ-კავკასიის სამხედრო საფარი) და კასპიის ზღვის სხვა და სხვა ნაპირებზე, მართალია, არსებობდა საბჭოთა სხვა და სხვა გრძელი და რთული სახელებიანი ჯგუფები, მაგრამ საერთოთ, დიდი მოუწყობელი სივრცეები ჯერ-ჯერობით კიდევ ყოფდა ამიერ-

\*) ჩხენკელი სასულიერო სემინარიაში სწავლობდა.

კავკასიას საბჭოთა რუსეთის ნამდვილ ცენტრებიდან, თუმცა უკანასკნელის მოწინავე ბანაკები გაბნეული იყო ახლო-მახლო.

ევროპის ომმა მიაღწია უმაღლეს წერტილს. გერმანია მეტად დაინტერესებული იყო, აღმოსავლეთში დაემყარებინა, თუნდაც დროებითი, წონასწორობა. ამ მიზანს ემსახურებოდნენ ბრესტ-ლიტოვსკისა და ბუქარესტის ხელშეკრულებანი და „განაპირა ქვეყნების მთელი პოლიტიკა“ ბალტიის მხარიდან დაწყებული შავ ზღვამდე: ამიტომაც სკდილობდა გერმანია შეეთანხმებია ამიერ-კავკასიისა და ოსმალეთის ინტერესები.

აგრეთვე უნდა გამოგვერკვია საბჭოთა რუსეთისა და ამიერ-კავკასიის ურთიერთ შორის განწყობილება. ეს საჭირო იყო საერთოდ როგორც ბათუმის კონფერენციის მუშაობით ამიერ-კავკასიაში დასამყარებელ წეს-წყობილების განსამტკიცებლათ, ისე კერძოთ ბაქოსა და ბაქოს ნავთის კითხვის მშვიდობიანათ გადასაწყვეტათ (ეს კითხვა ყოველთვის მწვავე იყო რუსეთისათვის, მაგრამ ეხლა იგი მწვავე შეიქმნა სხვა და სხვა მისწრაფების წყალობით გერმანიისთვისაც, ოსმალეთისთვისაც და აზერბაიჯანისთვისაც).

გერმანიის მთავრობამ მაისის შუა რიცხვებში, სწორედ ბათუმის კონფერენციის გამალეებულ მუშაობის დროს მოსკოვს წინადადება მისცა, მიეღო თავის თავზე შუამავლობა ამიერ კავკასიისა და საბჭოთა შორის შეთანხმების მიზნით. მირბახის მიერ გადაცემულმა წინადადებამ გამოიწვია სახალხო კომისარიატის პასუხი, რომ ბათუმის კონფერენციაზე საჭიროა მიწვეული იქნეს საბჭოთა მთავრობის წარმომადგენელი; თანაც აღნიშნავდა, რომ „ეგრედ წოდებული ამიერ-კავკასიის მთავრობა“, რომლის წინააღმდეგ მასებს გამოაქვთ დადგენილებები, სახელის უკანონო მიმთვისებელი და სხვა.

ჩვენთვის ძნელი არ იყო, ამიერ-კავკასიის მთავრობის უფლებამოსილობის ასეთი შეფასება, დაგვერღვია (19 მაისი). ეტყობა, თვით კომისრებიც არ აძლევდნენ ამ განცხადებას მნიშვნელობას, რადგან საბჭოთა მთავრობას არ დაუყოვნებია მიეღო გერმანიის შუამდგომლობა რუსეთის მიერ ამიერ-კავკასიის ცნობის კითხვაში. ფონ ლოსსოვი, როცა გვატყობინებდა ამ ამბავს, დასძესდა, რომ მას განზრახვა აქვს აცნობოს მირბახს მოსკოვში რომ ბოლშევიკები ემუქრებიან ამიერ-კავკასიას ბაქოსა და სოხუმის მხრით (ასეთი მუქარა მართლაც არსებობდა) და რომ საერთოდ გერმანია დაბეჯითებით ურჩევს რუსეთის მთავრობას ამიერ-კავკასიას არ შეუტოსო.

1918 წელს ასეთი შემოტევისათვის კიდევ არ იყო მონაადებულნი დრო. მაგრამ ბათუმის კონფერენციაშიც ვერ მიიღო საბჭოთა წარმომადგენელმა მონაწილეობა. გერმანიის შუამავლობით მხოლოდ დადებული იყო პირობა, რომ ამიერ-კავკასიის წარმომადგენელი მოლაპარაკებას დაიწყებს რუსეთის მთავრობასთან სადმე საბჭოთა ფედერაციის საზღვრებში, ამიერ-კავკასიასთან ახლოს (გერმანიის მთავრობის მიერ დასახელებული კიევი ჩიჩერინის აზრით უხერხული იყო\*), მაგრამ ეს აზრიც მდგომარეობის შეცვლის გამო განუხორციელებელი დარჩა. მაგრამ აქ პირველად დაისვა კითხვა, რუსეთის მიერ ამიერ-კავკასიის დამოუკიდებლათ ცნობის შესახებ; და გამოიკვეა, რომ 1918 წლის პირობებში ამ დამოუკიდებლობის ცნობის კლიტი ბერლინში იმყოფებოდა.

## თავი მერვე.

### ა ხ ა ლ ი ბ ზ ა .

23

ოსმალოების მოთხოვნილებებით გამოწვეულმა აღელვებამ უმაღლეს წერტილამდე მიიღწია, როცა გენერალ ფ. ლოსსოვისაგან ჩვენმა დელეგაციამ მიიღო ფორმალური წინადადება, რომ იგი დაგვეხმარება როგორც შუამავალი, რადგან სხვაგვარათ არ ხერხდება ოსმალეთისა და ამიერ-კავკასიის დელეგატებს შორის კეთილი განწყობილების დამყარება (19 მაისი). უმრავლესობა თქვამდა, რომ ამ წინადადებას უნდა ჩავსკიდოთ ხელი. მხოლოდ მუსლიმანებს, როგორც დელეგაციის თათბირზე გამოიკვეა, ეშინოდათ შუამავლად გერმანიის არჩევით შეურაცყოფა არ მიეყენებიათ ოსმალოებისთვის: მათის აზრით საჭირო იყო დაეკითხებოდით ოსმალოებსა და სხვა. გაჯინსკიმ გამოსთქვა აზრი, რომ საერთოდ არ არის სასურველი მოლაპარაკების გაკვიანზრება. „ასე თუ ისე, უნდა გავათავოთ,—სთქვა მან: ამიერ-კავკასიის აღმოსავლეთ ნაწილისათვის არსებული უთანხმოება უმნიშვნელოა“. ეს უთანხმოებები ძლიერ მნიშვნელოვანი იყო საქართველოს და სომხეთისათვის. ჩვენ ვიდე-

\*) მიწერ-მოწერა ამ კითხვის შესახებ იხ. იხ. №-№ 145, 151, 152, 156.

ქით ჯვარედინზე: ზოგიერთს ოსმალოებთან ერთი გზა ჰქონდათ, სხვებს კი არა.

ფონ-ლოსსოვს მაშინვე უპასუხეთ, რომ მის წინადადებაზე თანხმა ვართ.

ახლოვდებოდა დასასრული. გამარჯვებული ოსმალეთა, როგორც ძლიერ მომქმედი რეაქტივი, შლიდა ამიერ-კავკასიის ჯერ კიდევ სუსტს, მოუწყობელს, ომითა და რევოლუციით შერყეულს კრებულს. მას ბუნებრივად შორდებოდა მუსლიმანური აზერბაიჯანი, რომელსაც ოსმალეთი ანდამატურის ძალით იზიდავდა. ტომებრივი ხმა უფრო ძლიერი გამოდგა, ვიდრე საუკუნეების იჰვიანობა შიიტებისა სუნიტების წინააღმდეგ; ასე იყო განსაკუთრებით იმ განათლებულ ფენებში, რომელთა შიიტური გატაცება საკმაოდ შენელდა რუსულ-ევროპიული კულტურის გავლენით.

ასეთი მდგომარეობა საშუალებას უკარგავდა ამიერ-კავკასიას, ეწარმოებინა ერთი მთლიანი პოლიტიკა, ე. ი. ერთი საგარეო პოლიტიკა. ყოველ ნაწილს უნდა ეზრუნა თავის თავისთვის.

ბათომში ჩვენ ჩავედით დარწმუნებულნი, რომ საქართველო მომზადებულია ასეთი მოქმედებისათვის, რადგან იგი შედარებით უფრო მოწესრიგებულია. რომ საქართველომ უნდა იმოქმედოს დამოუკიდებლათ, ეს სავესებით გამოირკვა მას შემდეგ, რაც ოსმალოებმა საქართველოს მთელი სამაჰმადიანო ნაწილი დაიპირეს ბათომიდან ბორჯომის ხეობამდე და შეუჩერებლივ მიისწრაფოდნენ კასპის ზღვის ნაპირებისაკენ.

ჩვენთვის არ იყო სახარბიელო თუნდაც დროებით ვყოფილიყავით „ისლამის ლაშქრის“ გასასვლელ დერეფნათ. ოსმალოების განდევნა ძალით ჩვენ არ შეგვეძლო.

ერთად-ერთი გამოსავალი იყო—გერმანიის გამოყენება „ლაზგამათ“, მაგრამ ამისათვის საჭირო იყო ასპარეზზე გამოსვლა დამოუკიდებელი საქართველოსი, შეთანხმება გერმანიასთან და გერმანიის განსახლებული დახმარება.

დღის პრაქტიკული მოთხოვნილება გვაიძულებდა სწორედ ასე დაგვეყენებინა კითხვა, მაგრამ ბევრათ უფრო ღრმა მისწრაფებაც იმავე გზაზე გვაყენებდა. ამ განსაკუთრებულ წუთში როგორ არ გვესმინა ისტორიული სტიქიების გუგუნნი, როგორ არ ყურადღებლო იმათი ხმა, ვინც დიდი ხანია აღარ არის; როგორ არ გვეფიქრა იმათზე, ვინც კიდევ მოვა! რამდენი მოდგმა ჰქმნიდა ქართველ

ერს და ამათ ეძებდა მზის ქვეშ მისი თავისუფალი განვითარებას პირობებს! აი დამოუკიდებლობამ კარებზე მოაკაკუნა, და როგორ არ შევეგებოთ ალტაცებით! თუ ეს წუთი გაუშვით, რა პასუხი გაცეთ იმათ, ვინც ჩვენს შემდეგ მოვა! ნუ თუ ეს ხალხი დაბადებულა მხოლოდ მონობისათვის, მორჩილებისათვის და იგი უნდა გადიქცეს „ეთნოგრაფიულ მასალათ“, რომლიდანაც პირობების ნიხედვით გამოდიან ხან სპარსელები, ხან ოსმალოები, ხან რუსები: არა, მას ახსოვს, მას სურს წამოდგეს და იქმნეს თავის-თავადი. მას არ სურს ეს? თავის საპყრობილეზე ამოიხრებს ის, როგორც ბაირონის „შილიონის პატიმარი“? ბარემ ეხლავე გამოაშქარავდეს ეს! იშლება ისტორიის ახალი გვერდი.

მაგრამ ასეთი მსჯელობა არ იყო საჭირო: ზოგიერთმა, მცირე რიცხოვანმა წირემ, ეს დიდი ხანია იცოდა. სხვები უფრო ტაქტიკური მოსაზრებით იმსქვალემოდენ ამავე აზრით- უმრავლესობას ასეთი კითხვა არ დაბადებია: ნების ყოფას, ინსტიქტს, ქვეშეგნებას მიჰყავდა ისინი ამ მხრით. რთული ანგარიშიც არ იყო საჭირო: უპირველესათ ყოელისა, უნდა დაემყარებოდით გერმანიას, ოსმალოებისაგან თავი დაგვეფარა და ორგანიზაციულათ შევეკავშირებულყავით, გაერთიანებულს როგორც ერს, გვეცადა მსოფლიო ომის დაბოლოებისათვის—ჩენი მდგომარეობა მაშინ გამოირკვევა, თანაც ჩვენ თვით ვიქნებით, თუმცა პატარა, მაგრამ მისივე გადამწყვეტი ერთ ერთი ფაქტორი. რუსეთთანაც განწყობილება იმავე გზით გამოირკვევა.



გერმანიის დელეგაციის წევრებთან გულახდილ ბაასში მომზადდა საქართველოს მომავალი პოზიცია—ჩვენ წინდაწინვე ვგარძნობდით, რომ ამიერ-კავკასიის კოალიცია აუცილებლათ დაიშლება. საიდუმლოება იცოდა რამოდენიმე კაცმა. თავმჯდომარე საქართველოს ეროვნული საბჭოსი, სოც.-დემ. პარტიის ბელადი, როგორც ამიერ-კავკასიის სეიმში, ისე საქართველოში, ტფილისიდან ჩამოსული ნოე ჟორდანიას თავის მდგომარეობით იყო სწორეთ ის პიროვნება, რომელსაც თავის თავზე უნდა მიელო მოვალეობა ტფილისში ამ განზრახვისთვის საჭირო ძირითადი აქტების გატარებისა (საქართველოს დამოუკიდებლობის გამოცხადება, და ამიერ-კავკასიის სეიმის მიერ

თავის თავის დაშლა), მას ეტყობოდა რყევა, რაც სავსებით გასაგებ-  
ბი და კანონიერია: საქართველოს დამოუკიდებლობა არ შეეფერე-  
ბოდა არც მის წინანდელ მუშაობის მოძღვრებას, არც რუსეთის  
სოც.-დემ. პარტიის წევრობას. მაგრამ, როცა „ირწმუნა“, ახალი პრო-  
გრამის ჩატარებას გამოცდილის ხელით შეუდგა.

22 მაისს ის დაბრუნდა ტფილისში. მუშაობა „გერმანია-სა-  
ქართველოს“ და „ამიერკავკასია-ოსმალეთის“ პარალელურათ და-  
სისწრაფით სწარმოებდა.

24 მაისს ფონ-ლოსოვმა შეგვატყობინა, რომ მისმა ცდამ შუა-  
მავლობის შესახებ ფუჭათ ჩაიარა. 25 ამიერ-კავკასიის დელეგაციის  
თავმჯდომარეს გენერალმა შეატყობინა, რომ, რადგან, როგორც  
მას ცნობები აქვს, ამიერ-კავკასიის რესპუბლიკა დაშლას აპირებს, და  
ამით იცვლება მდგომარეობა, ზისთვის საჭიროა პირდაპირი და-  
მოკიდებულება იქონიოს თავის მთავრობასთან, და ამიტომ იგი სტო-  
ვებს ბათომს დღესვე სალამოს და მიემგზავრება გემით — „ნი-  
ნა ჰორნ“.

მართლაც, იმავე სალამოს გერმანიის დელეგაცია გავიდა ბა-  
თომიდან.

26 მაისს ამიერ-კავკასიის დელეგაციამ მიიღო ოსმალეთის ულ-  
ტიმატუმი, რომელიც მოითხოვდა 72 საათის განმავლობაში მიგვე-  
ლო უკლებლივ ოსმალეთის ყველა წინადადება (ოსმალეთის სასარ-  
გებლოთ საზღვრების შეცვლის დამატებებით). ულტიმატუმის მიღე-  
ბის წუთში ამიერ-კავკასიის რესპუბლიკა უკვე არ არსებობდა: სწო-  
რეთ 4 საათის წინეთ ტფილისში გამოცხადებული იყო საქართვე-  
ლოს დამოუკიდებლობა. მაგრამ აი რამოდენიმე ნაწყვეტი დღიუ-  
რიდან, რაც უფრო კარგათ გამოსთქვამს მოვლენათა ცვლილებას.

ბათომი 21 მაისი 1918 წ.

დილით ნ. ჟორდანიას, ნიკოლაძე და მე რუქაზე ვათვალიერებთ.  
ჩვენთვის საჭირო საზღვრებს. უკიდურეს შემთხვევაში თანახმა ვართ  
„მიცვლეთ“ ზაქათალის ოლქი. არავითარ საზღვრების სხვა შესწორე-  
ბას აზერბაიჯანის სასარგებლოთ ჩვენ არ დაუშვებთ. ოსმალოები-  
პირდაპირ გვახრებენ, მაგრამ ახალციხე და ხერთვისის საქართველო-  
ში უნდა დარჩეს.

დღისით თათბირი აქვთ თურქებსა და ქართველებს ურთიერთ საზღვრების გამო. ერთის მხრით ნიკოლაძე, ჟორდანიას, სურგულაძე და მე; მეორეს მხრით ხან-ხოისკი, ხანსამელოვი, საფიკურდსკი, პეპინოვი, უსუბეკოვი, ჯაფაროვი. სომეხებმა უარი განაცხადეს ელისავეტპოლის გუბერნიაზე (ყარაბალი), და მუსლიმანები... დათანხმდნენ ამიერ-კავკასიაში ცალკე სომხური კანტონის დაარსებაზე (დაახლოებით, ახლო წარსულის დროის ერობის ოცნების სხემით „ალექსანდროპოლის გუბერნია“). მზათ არიან ჩვენ წაგვეგლიჯონ სილნაღის, ტფილისის და ბორჩალოს მაზრების ნაწილები (როგორ მიიღებდნენ ამ ამბავს მცხეთის სამარეში მდებარე მეფეები!); მაგრამ აქ შეთანხმება შესაძლებელია: ისინი დაგვიტომობენ. ახალციხის შესახებ პეპინოვი თვით-გამორკვევის პრინციპს აყენებს (ფიქრობს, რომ ოსმალეთს შეუერთდება).

საერთოდ ჩვენი მეგობარი მუსლიმანები გვარწმუნებენ, რომ „სამსახოვან“ მთლიან ამიერ-კავკასიას ყოველ გვარად დაიცავენ; მაგრამ რა ვქნათ, ამბობენ ისინი, თუ ოსმალეები არ დაგვეთანხმენ და ერთი განზრახული „კანტონთავანი“ არ იარსებებს! ამ შემთხვევაში მათ სურთ ამიერ-კავკასია შეინარჩუნონ ორ სახოვნათ...

ჩვენ უპასუხეთ, რომ თუ ამიერ-კავკასიას ასეთი უბედურება დაატყდა ბათომში, მაშინ ჩვენ თავს თავისუფლათ ჩავთვლით და ყოველი მხარე მდგომარეობას ასწონ-დასწონის.

ნუ თუ ნაადრევი არ იყო ტფილისში ამიერ-კავკასიის კონსტიტუციის შეთხზვის დაწყება!

---

შემდეგ ვისეირნეთ „ამიერ-კავკასიის“ ავტომობილით; ჩემი თანამგზავრები — ჩხენკელი და ჟორდანიას — ერთი წელიწადია, რაც შეეჩვიენ რევოლიუციის ხელისუფლების ამ ძვირფას ნიშანს. ქოროხის ხეობის აღმა აქარაის-წყლის შეერთებამდის. რამდენათ უფრო სასიამოვნოა ეს სანახაობა, ეს მედგარი ფესვ-გადგმული ხეები ზღვის ნაპირის „სუბტროპიულ“ ნაჯახირეზე.

დატვირთული სახედრების ჯგუფები და მათი გამყოლები, საექვოა გამოცვლილიყვნენ მას შემდეგ, რაც ჩვენი ნეტარ-ხსენებული მამა გრიგოლ ხანძთელი აქ ახლოს, კლარჯეთში — ამ ქართულ თიბაიდაში — სხვა ბერებთან ერთად ლოცულობდა ჩვენი ცოდვებისათვის ათასი წლის წინათ.

ეს არიან გამოქცეულები, რომელნიც ქვეყანას მოჰტინა რუს-ოსმალეთის შეტაკებებმა და რომელნიც ესლა შინ ბრუნდებიან.

გვიან ღამით ვეხმარები გენერლებს ოდიშელიძესა და ყორღანოვს ოსმალეთის ორ ოფიცერთან ერთად სპეციალურ სამხედრო შეთანხმების გადახედვაში. მეცოდება გენერლები.

22 მაისი.

რადგან ამიერ-კავკასიას მოელის დაშლა, გადამწყვეტი თათბირია დანიშნული საქართველოს დამოუკიდებლათ გამოცხადების შესახებ. ძირითად დებულებათ მიღებულია ის, რასაც მე, როგორც „მრჩეველი“ დიდი ხანია ვამტკიცებ, და რისი თანახმაც არიან ჩხენკელი და სხვები. საქართველოს დამოუკიდებლობა და მიწა-წყლის მთლიანობა უზრუნველყოფილია გერმანიის მიერ. ამიერ-კავკასიის აღმოსავლეთს ეძლევა მოქმედების თავისუფლება, და ეწყობა ოსმალების დახმარებით. სომხებმაც უნდა გამოაცხადონ თავიანთი დამოუკიდებლობა; ამ წუთში მათი უმთავრესი საზრუნავი საგანია გადაარჩინონ მცხოვრებლები ოსმალების ჩვეულებრივ მოქცევისაგან. ისინი ცდილობენ მოიპოვონ გერმანიის დახმარება და მიზანსაც მიაღწევენ. შემდეგ, იმათაც და ჩვენც შეგვიძლია იმედი ვიქონიოთ, რომ უფრო სამართლიანათ გავიმთხვენებით ოსმალეთთან. მაგრამ ეს, ისე, როგორც ამიერ-კავკასიაში ურთი-ერთ განწყობილების დამყარება, მომავლის კითხვაა.

დავწერე სანიმუშო პროექტი საქართველოს დამოუკიდებლათ გამოცხადებისა—დადგა დრო საქმის ჩამოყალიბების და მოქმედებისა.

ჩხენკელმა, ყორღანამ, ნიკოლაძემ და სურგულაძემ მოიწონეს. ყორღანამ ეს პროექტი წაიღო ტფილისში, გამოთხოვების დროს ჩვენ განსაკუთრებულის გრძნობიერობით ვართმევდით ერთმანეთს ხელს. მან ძლიერ სერიოზული პიესა უნდა დადგას. საშინელებაა მთელი ეს ტყვერი ყოველგვარი ორგანიზაციებისა, საბჭოებისა და კიდევ უფრო მეტათ საშინელია უტეხი ტყე ცრუმორწმუნოებისა. მაგრამ მან, ეტყობა, უკვე მოამზადა უკანასკნელი აქტი: დარჩენია, მხოლოდ ააწვეინოს ფარდა.



მოღრუბლულ, მეტად ცივ დარების შემდეგ სხივმფენი მზე.

გადავწყვიტეთ, რომ დროებითი შეთანხმება გერმანიასთან, რომელსაც სასწრაფოთ ვამუშავებთ, უნდა იქნეს, როგორც ბრესტ-ლიტოვსკმა პირველათ შემოიღო, ორენაზე: გერმანიულათ და ქართულათ (უფრო სწორია ვსთქვათ შეთანხმებანი, რადგან იგი რამოდენიმე საბუთს შეიცავს). სხვათა შორის, დღეს ვკითხულობთ შეთანხმების პროექტს საქართველოს მთავრობის მიერ საქართველოს ნავთსადგურებში მყოფ საბარგო ყველა გემების ტონაჟის დროებითი სარგებლობისათვის გერმანიისადმი გადაცემის შესახებ.

თუ კონტრაგენტს სიამოვნებს, რატომ არ უნდა დაუთმოთ ის, რაც ბუნებაში არც კი არსებობს? როგორია! ხელშეკრულება საქართველოს ტონაჟის შესახებ! გერმანიასთან!

სწარმოებს გაცხარებული მუშაობა. მე და ვეზენდოკი ვკითხულობთ საბოლოო პროექტს. ბევრი მიხვდა, რომ სცენის უკან უხმო მუშაობაა და დეკორაციები იცვლება. გვიან ღამით ვადგენ შემდეგ დეპეშას, რომელიც იგზავნება ღამით ა. ჩხენკელის ხელის-მოწერით:

ტფილისი, გენერალ კვინიტაძეს:

„გადაეცით საქართველოს ეროვნულ საბჭოს პრეზიდიუმს შემდეგი: საქართველოს დამოუკიდებლობის გამოცხადების კიდევ დაგვიანება გამოიწვევს გამოუსწორებელ შედეგებს. გერმანელების შეუამავლობის ცდა არ მოხერხდა. დაგვრჩენია ერთად ერთი: ოსმალოების შემოსევას წინ დაუყენოთ დამოუკიდებელი საქართველო, რომელსაც მხარის დამჭერათ ეყოლება გერმანია. მის წარმომადგენლათ საქართველოს მთავრობასთან იქნება გრაფი შულენბურგი, რომელიც საჭიროა დამოუკიდებლობის გამოცხადებისთანავე იქმნეს ცნობილი... გამზადე-

ბულია ხელმოსაწერათ რამოდენიმე დროებითი შეთანხმება გერმანიასთან... უკლი ამ აქტის შესახებ უსწრაფეს ცნობას“.

ეს დეპეშა გენერალმა ოდიშელიძემ საკუთარის ხელით შიფრით დასწერა. წმინდა გიორგის ჯვრის კავალერი (იპონიის ომისათვის), ყოფილი სამხედრო გუბერნატორი სამარყანდის ოლქისა, დასავლეთ ფრონტის რუსეთის ერთ-ერთი ლაშქრის შტაბის უფროსი და სხვა და სხვა..!

სანამღი მიღით, გენერალო! ის კი გახარებულია.

25 მაისი.

კულისების უკანა მუშაობას საჩქაროთ ვათავებთ.

გერმანელები „Minna Horn“-ით სალამოს სტოვებენ ბათომს. უკანასკნელ წუთში ტექსტების წასაღებათ შემოიარა ფონ-ლოსსოვის ადიუტანტმა. მივეცით ყველაფერი, რაც მზათ იყო...

საყვირი. „Minna H“-ნი წავიდა—არავინ იცის სად. ჩვენ კი ვიცი. ოღონდ არ დაიგვიანოს დამოუკიდებლობის გამოცხადებამ!

გვიან ღამით ჩხენკელთან და ნიკოლაძესთან ვარჩევთ, თუ რა შეგვიწყობს და რა შეგვიშლის ხელს. ტფილისიდან მოვიდა დეპეშა: დამოუკიდებლობა გამოცხადებული იქნება ხვალ, 26 მაისს. კითხვა გატარებულია ყველა ინსტანციებში. მხოლოდ .. თურქები თხოულობენ დავიკადოთ.

26 მაისი, კვირა.

ვწერ ტფილისისათვის ზოგიერთი აქტის პროექტს, აგრეთვე წერილს გენერალ ფონ-ლოსსოვისადმი, რომელსაც წაიღებს ფოთში არტურ ლეისტი. დელეგაცია ნელ-ნელა ჰქრება, მაგრამ უნებურაჲ კულისების უკან ნაწარმოები მუშაობა არავის შეუმჩნევია. მგონი იქვიც კი არავის შეუტანია, თუ რა მოხდება დღეს და ხვალ.

სუფრაზე ჩვეულებრივი მუსაიფია. ჩემი მეზობელი საქართველოს შეზრდილი გერმანელი-ლიტერატორი ლაპარაკობს რომზე. საუცხოო თემაა, როცა ირგვლივ სტირიან ზოგი ახალციხეზე და ზოგი ალექსანდროპოლზე.

შემდეგ ვშოულობ რამოდენიმე წუთს, რომ ზღვის პირას დავისვენო. ეგერ, თვით წყალთან ხალილსა და ვეჰიბ-ფაშას მიუწევიათ ერთმანეთისკენ სავარძლები და ნდობითა და დინჯათ რალაცაზე თათბირობენ.

ზღვა ლურჯია, როგორც არასოდეს. მიხედები, რომ ირგვლივ მთის ტყეები მწვანეა — მას ფარავს ნახევრათ გამჭვირვალე ლურჯი ნისლი. ზღვის ღორის დინგი გამოჩნდება და იმალება — რა უდრეკი და სველია იგი! თევზ-ყლაპია (ჩიტი) დასცურავს, ჩაიყურყურმალებს და დიდხანს რჩება იქ. ზღვის პირათ ჯგუფ-ჯგუფათ სეირნობენ კონსტანტინოპოლელი მოხელეები (ახალგაზდობა, რომელსაც მზა-მზარეული ტანისამოსის მალაზიის მანეკენის შეხედულება აქვს), ოსმალოელი ოფიცრები, ოსმალურ ტანისამოსში გამოწყობილი გერმანელები, ძველი რეჟიმის მოხელეები რალაც გულგრილის გამომეტყველებით, მათი ჩასუქებული ქალები და ჩვენი ოფიცრები, რომელთაც არ ეტყობათ რომ ტყვეობაში არიან.

ახლოს უკრავს მუსიკა რალაც უგვანო-გულუბრყვილოს; ზევით დაიგუგუნა აეროპლანმა; იალქნიანმა ნავმა მარდათ ჩაუარა ნაპირს.

ასე თუ ისე, როგორც რუსები იტყვიან, სოლი სოლით უნდა ამოაგდოთ! ჩვენ თავს დავიფარავთ გერმანელებით ოსმალოებისაგან. „სათარი“ უფრო სიმბოლიურია, რადგან გერმანელებს აქ ჯარი არ ჰყავთ; ნატანებში, მაინც შემდგარა გერმანელებისაგან (სამხედრო ტყვეებისაგან) სადარაჯო მცირე რაზმი. კითხვა იბადება, ქალაქების სიახლოვე და ნადავლის შოვნის იმედი არ შეაქედნს ოსმალოებს?

სხვა გზა არ არის: ჩვეს ვაცხადებთ დამოუკიდებლობას; გერმანია კალთებზე სტატებს ოსმალეთს ხელს; სამაგიეროთ ჩვენგანაც რამეს მიიღებს. აზერბაიჯანი ამ ხანათ იქნება ოსმალეთის გავლენის ქვეშ. სომხეთს მიაწვება ოსმალეთი, მაგრამ ამას შეასუსტებს გერმანელების აქ ყოფნა.



სალამოს 9 საათზე მე და ნიკოლაძე გაგვიწვიეს დელეგაციის თავმჯდომარესთან. მოსულა პაკეტი ხალილ-ბეიდან. აუცილებელ მოთხოვნილებას გვიყენებენ, 72 საათის განმავლობაში უკლებლივ შეეასრულოთ 11 მაისს ოსმალეთის მიერ გადმოგზავნილი პირობები. ამასთანავე ოსმალოებმა ეხლა მოისურვეს ნახიჩევანის მზ-

რაც (ერევ. გუბერ.) ე. ი. მთელი რკინის გზა ყარსი—ალექსანდროპოლი—ჯულფა.

ამ ულტიმატუმის თავი და თავი აზრი ჩვენმა მუსლიმანებმა დილითვე იცოდენ. მისი დასაბუთება გაადვილებულ იყო თურქების ზოგიერთი ცნობილი წრეების საჩივრით: ხალილ-ბეის რომ დაუგდოს კაცმა ყური, მუსლიმანებს ყველგან ყელს სჭრიან, არბევენ, და ოსმალოებს არ შეუძლიათ ისინი რევოლიუციონერებს—აბრაგებს შესაქმელათ ჩაუგდონ ხელში და სხვა.

ოსმალეთი ისევ იკავებს ახალციხის მაზრას, ძველს მესხეთს; რიონის ვაკის სამხრეთით შემოვლებული მთაგრეხილი, რომელიც მშვენიერად სჩანს მარტვილის მონასტრის სამიტროპოლიტო სახლის აივნიდან, ისევ ხდება ისლამსა და საქართველოს შორის საზღვრათ.

წარმოდგენილია ულტიმატუმი—ჩვენი შეთანხმებანი კი გერმანიასთან ჯერ ხელ მოუწერელია. ვააა!

... მოაქვთ დეპეშები ტფილისიდან. ნატანების ჯარის უფროსი, პოლკოვნიკი კ. გვილოცავს... მაგრამ აი ნ. ჟორდანიასა და ნ. რამიშვილის ტელეგრამმა: დღეს შუადღის ხუთ საათზე საქართველოს ეროვნულმა საბჭომ საქართველო დამოუკიდებელ რესპუბლიკათ გამოაცხადა. მთავრობის თავმჯდომარეთ არჩეულია რამიშვილი, საგარეო საქმეთა მინისტრათ—ჩხენკელი. ამიერ-კავკასიის სეიმმა თავი გაუქმებულათ გამოაცხადა, და ამიერ-კავკასიის მთლიანობა დასრულდა.

ამ გვართ, ოთხი საათით ადრე, სანამ ჩვენ ოსმალეთის ულტიმატუმს მივიღებდით, ამიერ-კავკასიის რესპუბლიკა უხერხემლო ვეებერთელა რბილკანიანი მოისპო.

მაშინვე ვადგენ წერილის ტექსტს ხალილ-ბეისადმი, რომლითაც ვაცნობებ, რომ მისი ულტიმატუმი ამიერ-კავკასიის რესპუბლიკის მთავრობისადმი მიმართული, შეუძლებელია კუთვნილებისამებრ ჩაბარებულ იქნეს, ამიერ-კავკასიის დაშლისა და საქართველოს დამოუკიდებლათ გამოცხადების გამო.

ჩხენკელის კაბინეტში ამ დროს თავს იყრიან ხატისოვი, კაჩანუნი, გენ. ოდიშელიძე. კითხვა: „რა მოხდა?“ ეხლა არ რჩება უპასუხოთ. ხატისოვი განცვიფრებულია: რა დაემართება თბილისის ობსერვატორიას, ამიერ-კავკასიის საბეზიო ინსტიტუტს და ქვეყნის სხვა საერთო დაწესებულებებს? საერთოდ ტფილისში ქართველები უმციორობას შეადგენენ და სხვა და სხვა.

რა დროს საბებიო ინსტიტუტია! ამიერ-კავკასია სამი ერის ფედერაციით უფრო ადრე გამოაცხადეს, ვიდრე ყოველ ნაწილს ორგანიზაციულათ მოაწყობდენ. მართალია, შრაველმა მიზეზმა გვაიძულა შენობა დაგვეწყო სახურაეიდან და არა ბალავერიდან, ახალი პირობები გვაიძულებენ დაუბოუნდეთ დასაწყისს ე. ი. ჯერ მოვაწყოთ, როგორც დამოუკიდებელი ერთეული ცალკ-ცალკე საქართველო, სომხეთი, აზერბაიჯანი, რომელთა კავშირით გაერთიანება უნდა მოხდეს პირველ შეძლებისთანავე, ე. ი. როგორც კი ოსმალეთი შესწყვეტს დამქსაქსავ ფაქტორის როლის შესრულებას.

რადგან კითხვა ამ გვართ გვევლინება,—მაგრამ იგი უკვე დღეს გადაწყდა—თფილისი, როგორც ყოველთვის ყოფილა, საქართველოს სატახტო ქალაქი იქნება, სომხებს აქვთ ერევანი, თურქები კი, სანამ ბაქოს გაანთავისუფლებდენ, მოეწყობიან განჯაში.

---

## თ ა ვ ი მ ე ც ხ რ ე .

### გ ე ზ ი გ ე რ მ ა ნ ი ა ზ ე .

25

გერმანიის დელეგაციასთან შეთანხმებულნი ვიყავით, რომ ბათომში შემუშავებული დროებითი შეთანხმებები ხელ-მოწერილი იქნება ფოთში, სადაც გერმანელები, როგორც ვნახეთ, გაემგზავრენ სალამოს, 25 მაისს; იქ ისინი უნდა შეხვედროდნენ ა. ჩხენკელსა და ნ. რამიშვილს; ა. ჩხენკელი გერმანიის დელეგაციასთან ერთად უნდა გამგზავრებულიყო ბერლინში გერმანიის მთავრობასთან უფრო საფუძვლიანი და მწყობრი მოლაპარაკების გასამართავად.

გერმანიის დროებით წარმომადგენლათ ტფილისში ინიშნებოდა გრაფი შულენბურგი, საკონსულოს წარმომადგენლათ ფოთში — ბ. ანდერსი; საქართველოს მთავრობამ მათი ამ თანამდებობაზე მიღების შესახებ უკვე აცნობა გენერალ ფონ-ლოსსოვს.

მაგრამ ოფიციალურად ჩვენ ვბრუნდებით ტფილისში მდგომარეობის შეცვლის გამო. ამიერ-კავკასიის მაგიერ ბათომში უნდა ჩამოსულიყო სამი ახალი რესპუბლიკის დელეგაციები.

ადვილი წარმოსადგენია, თუ რა ორომ-ტრიალი დადგა Hotel Oriental-ში 27 მაისს, როცა ყველამ გაიგო, რომ ამიერ-კავკასიამ სული განუტევა. გადავწყვიტეთ, იმავე სალამოს, განსაკუთრებულის მატარებლით გამოვსულიყავით. დარჩენ ზოგიერთები სამხედრო მისიიდან, დრაგომანი, ექიმი ლამბაშიძე და სხვა.

სადგურზე მთელი საუკუნე უცდით მატარებლის წასვლას. დიდხანს გვიხდება მუსიაფით გავართოთ ყოფილი ამიერ-კავკასიის დელეგაციის წევრების გასაცილებლად მოსული ვეჰიბ-ფაშა. მისი სიტყვით იგი სულ 42 წლის არის; შეხედულება კი მოხუცი კაცი-სა აქვს. რამდენი ღამე მომიხდა მე, სარდალს, გამეტარებია ავტო-

მობილში და რამდენჯერ უნდა დაგემაყოფილებულიყავი სადილზე ერთი მაგრათ შემწვარი კვერცხითა და ერთი ჭიქა რძით! ტომით ალბანელია იანინიდან, დედა კი ჰყოლია ქართველი—მუსლიმანი ახალ-ქალაქიდან. მათ ოჯახში 17 ოფიცერია, 3 ლაშქრის სარდალნი არიან. ნუსრეტ-ბეი იურისტკონსულტი, აგრეთვე ალბანელია—იანინიდან \*).

ბოლოს გავედით ბათომიდან. ნატანებში (სადგური საზღვარზე) პოლკოვნიკ კ-ს ენერგიული ფიგურა. თავისუფალ საქართველოს ჯარის-კაცთა ჯგუფები. გერმანელი ოფიცერი კასკაში—ეს ახალი ამბავია. ეს ჩვენის დახმარებითაც გრაფ შულენბურგის იმპროვიზაციაა. საფრთხობელა—ოფიცერი, აშკარაა, ბალტიის მხრიდანაა, მაგრამ აქ უმთავრესი კასკაა: ეს ნიშანია, რომ აქ ოსმალოებს ადგილი არა აქვთ. ზოგიერთ ჩვენ თანამგზავს კასკა არაფრათ ექაშნიკება: მასში ხედვენ ფესკის დაჩრდილვას. რამდენ „სხვადასხვაობას“ ამჟღავნებს ეს ორი სხვადასხვა თავსახურავი.

კვანძის სადგურზე—სამტრედიაში—მოხსნეს ის ვაგონი, რომელშიაც სხედან ფოთში მიმავალნი, ხოლო მატარებელი განაგრძობს გზას ტფილისისაკენ: იქ მსხდომთა შორის იშვიათად თუ ვინმემ იცის, რომ ფოთში დანიშნულია პაემანი.

ლამით ტფილისიდან ჩამოვიდა ჩვენი პრემიერი—რამიშვილი, რომელსაც პირველად ვხედავ. წარმოსადეგი, საკმაოდ სასიამოვნო შეხედულება აქვს. მაგრამ რა იმალება ზედა-პირს უკან?

დილით ადრე, გერმანიასთან შეთანხმების მომავალ ხელის-მოწერის გამო თათბირი გვაქვს რამიშვილთან და ჩხენკელთან. ამასობაში მატარებელი უახლოვდება ფოთს. სუფრასავით სწორი, შეტბორილი მიდამოები, საუკუნეების სიგრძეზე ელიან დრენაჟსა და მელიორაციას (ქართველების ერთ-ერთი უსაყვარლესი თემა ზეპირსალაპარაკო პროექტებისათვის).

ფოთში გვხვდებიან ნაცნობი პირები—აქ არის გერმანიის მისიასთან მყოფი პ. სურგულაძე, ი. გოგოლაშვილი, ახლად-დაბადებული რესპუბლიკის უკვე დამზადებული ბექედებით, ქალაღლებით და სხვა საკანცელიარიო ნივთებით, გრაფი შულენბურგი. მივდივართ ნავთსადგურში. ხანდაკზე ფრიალებს ქართულ ბაირალის მოლოდინ-

---

\*) ესლა (1924) ვეპიბ-ფეშა ემიგრანტი არის იტალიაში, ნუსრეტ-ბეი კი—ანგორის საგარეო საქმეთა სამინისტროს რწმუნებულათ არის კონსტანტინოპოლში.

ში გერმანიის ბაირალი. ზღვიდან ამოსავალთან დგას კონსტანტინოპოლიდან მოსული გერმანელი სტაციონერი Loreley; გვერდით მდინდურათ აღმართულია ვაქრის ცოლი „Minna Horn“.

ზეიმით ავდივართ გემის ჩამოკიდულ კიბეზე: მე მომყვება ჩხენკელი; „მის აღმატებულებას“ მისდევს ორდინარეცი ახმეტ-ბეგ ბეჟანიძე—ქართველი მუსლიმანი, წარმოსადგეი შეხედულების ოფიცერი და სხვები... სცენა, რომელიც ღირსია... კინემატოგრაფის კვირეულ ქრონიკაში იქნეს მოთავსებული.

გენერალი ფონ-ლოსოვი ძლიერ გვაჩქარებს: რაც უფრო მალე გავემგზავრებით, მით უკეთესია. ყველა შეიკრიბა თუ არა და სხვა... გვაკლია მხოლოდ ნიკოლაძე, რომელიც უკანასკნელ წუთში მოვა. ამავე დროს ვიწყებთ მუშაობას... ცოტა ხნის შემდეგ მივდივარ რამიშვილის მოსაყვანათ, რომელიც თვითონ ამოდის ზევით... დარაჯები ბაქანზე სალიუტით (სამხედრო საპიტიო სალამით) ხვდებიან. სამი საათის თათბირის შემდეგ შეთანხმებებს, ბოლოს, ხელს აწერენ.

შულენბურგის თხოვნით, გერმანელი ლეიტენანტი ბარონ პ—სთვის, რომელიც იგზავნება სოხუმში მცირე სადარაჯო რაზმით, ვწერთ ქალაღს.

კიდევ მუსაიფი ნავთ-სადგურის ბაქანზე გერმანიის კონსულთან და გრაფ შ—გთან, რომელიც გვთხოვს გერმანიისთვის სალამის გადაცემას. წასვლა ახლოვდება: ბაქანზე თავი მოიყარა აუარებელმა ხალხმა... ბოლოს დავიძერით, შგონი, 5 საათზე. ნაპირი სწრაფად გვშორდება: თავისუფალ საქართველოს ერთი თვალის კი ვერ გადავაყვლე!

## 26

რა დედა-აზრი ჰქონდა 28 მაისს 1918 წ. გერმანიისა და საქართველოს დროებით შეთანხმებას? კითხვა არ არის მოკლებული ისტორიულ ინტერესს იმათთვის, ვინც არკვევს მსოფლიო ომის დასასრულის დროს გერმანიის მეთოდებსა და მიზნებს, ან და ვინც დაინტერესებულია საერთოდ ახლო აღმოსავლეთის ისტორიით ან კერძოდ საქართველოსა და კავკასიის ბედით რუსეთის რევოლუციის შემდეგ.

ძირითადი „დროებითი შეთანხმება გერმანიისა და საქართველოს შორის წინასწარ ურთი-ერთ განწყობილების დამყარების შე-



სახებ“, დადებული ფოთში გერმანიის საიმპერატორო მთავრობასა—საკაროლო (სამეფო)—ბავარიის გენერალ-მაიორის ფონ-ლოსსოვის სახით და საქართველოს მთავრობის მიერ საგარეო მინისტრის ა. ჩხენკელის სახით შესდგებოდა სულ ხუთი მუხლისაგან:

1-ლი მუხლით საქართველო სცნობდა ბრესტ-ლიტოვსკის 8 მარტის 1918 წ. ხელშეკრულებას გერმანიის იმპერიასთან ურთიერთ განწყობილების საფუძვლათ.

მე-2 მუხლით საქართველო ნებას აძლევს გერმანიის მთავრობას ომის დასრულებამდე ისარგებლოს საქართველოს რკინის გზებით ოთხივე მოკავშირე სახელმწიფოების ჯარების გადასაყვანათ და სამხედრო მასალის გადასატანათ. რკინის გზების ამ მიზნით ზედამხედველობისათვის ტფილისში არსდება გერმანიის ხელმძღვანელობით განსაკუთრებული კომისია, რომელიც მოქმედებს საქართველოს მთავრობასთან ერთად. გათვალისწინებულია აგრეთვე გერმანიის მცირე რაზმების (კამანდების) დაყენება რკინის გზის სადგურებზე და ფოთის ნავთსადგურში.

მე-3 და მე-4 მუხლი შეეხება ერთმანეთთან დიპლომატიური და საკონსულო წარმომადგენლობის დაარსებას; და, დასასრულ, მე-5 მუხლი ამბობს, რომ ეს შეთანხმება, რომელიც ძალაში შედის ხელის მოწერისთანავე, რამდენათაც კი შეიძლება სასწრაფოთ უნდა შეიცვალოს ხელშეკრულების დამდებ მხარეთა შორის ოფიციალური ტრაქტატით იმდენათ, რამდენათაც საერთო ხელშეკრულება არ იქნება დადებული ერთის მხრით საქართველოს მთავრობასა და მეორეს მხრით ოთხთა მოკავშირე მთავრობების (ე. ი. გერმანიასა, ავსტრო-უნგრეთისა, ოსმალეთისა და ბულგარეთს) შორის.

ამ (ძირითადი) შეთანხმების უმთავრესი ძალა, რა თქმა უნდა, იმაში მდგომარეობს, რომ ა) გერმანიის მთავრობა ფაქტიურათ სცნობს საქართველოს მთავრობას და ბ) მყარდება ომის განმავლობაში საქართველოს რკინის გზებზე გერმანიის ზედამხედველობა.

ამავე დროს დადებული იყო ორი დამატებითი შეთანხმება. პირველი შეეხება იმ სამეურნეო კითხვებს, რომელთა გადაწყვეტას მნიშვნელობა ექნებოდა საქართველოს მთავრობის მიერ გერმანიაში სესხის აღებაზე. ეს იყო ამ სესხთან დაკავშირებული მომავალი ეკონომიური შეთანხმების ერთგვარი გეგმა.

რადგან ფიქრობდენ, რომ რკინის გზისა და ფოთის ნავთსადგურის შემოსავალს შეეძლო სესხის უზრუნველყოფა, საქართველოს მთავრობა წინასწარ (1 მუხლი) აცხადებდა, რომ საქართველოს რკინის გზები სახელმწიფო საკუთრებას შეადგენენ და ფოთის ნავთსადგური გადავა მთავრობის მართველობაში, და რომ მთავრობა თანახმა არის აღნიშნული გზებისა და ნავთსადგურის ექსპლოატაციის კონტროლისათვის დაარსდეს განსაკუთრებული ქართულ-გერმანული კომისია (თუ კი მათი შემოსავლით უზრუნველყოფილი იქნება სესხის დაფარვა).

მუხლი მე-2 განზრახული იყო პარიტეტული წესით ქართულ-გერმანული სამთო-სამრეწველო საზოგადოების დაარსება, რომელსაც საქართველოს მთავრობა გადასცემს მადნების ექსპლოატაციის განსაკუთრებულ უფლებას; მთავრობა კი წინასწარ კანონმდებლობის წესით დაადასტურებს თავის მონოპოლიურ უფლებას სამთო მრეწველობაში.

ამ საზოგადოებას სახელმწიფო გაუწევს ზედამხედველობას; არსებული სამთო სამრეწველოების და შეძენილ უფლებების ლიკვიდაცია მოხდება განსაკუთრებული კანონების საშუალებით, რომელნიც დამყარებულნი იქნებიან შეთანხმების პრინციპზე.

თუ აქ გადმოცემული სხემა საეხებით შეეფერება განსაკუთრებით ომის დროს გავრცელებულს სახელმწიფოებრივ სოციალიზმის იდეას და შეერთებულ გეგმიან მრეწველობას, მე-3 მუხლში გამოძეღანდა გერმანიის უდიდესი ინტერესი ნედლ მასალისადმი, რომლის მთელი რაოდენობა ადგილობრივი მოთხოვნილების დაკმაყოფილების შემდეგ შეეძლო შეეძინა და გაეზიდნა გერმანიას.

მე-4 მუხლში გერმანია გვპირდებოდა მოეწყო გემთა მიმოსვლა საქართველოსთან და შეემსუბუქებინა საქარხნო საქონლის, ნახევრად დამუშავებულ საქონლის და სანოვაგის ჩამოტანა საქართველოში.

მეორე დამატებით შეთანხმებას მხედველობაში ჰქონდა გერმანელ-კოლონისტების (ახალშენების) ინტერესები; ეს დამატება შესდგებოდა ორი მუხლიდან და სტოვებდა წინანდელ მათ უპირატესობას, გერმანიაში თავისუფლათ დაბრუნების უფლებას, და გერმანიის უფლებას მოსარჩლეობა გაუწიოს ახალშენებს, რომელნიც მე-XIX საუკუნის პირველ ნახევარში დაასახლა რუსის მთავრობამ საქართველოში.

ზევით მოყვანილ სამი შეთანხმების გარდა, რომელნიც მთლიანად შეადგენდენ საფუძველს საქართველოსა და გერმანიის ურთიერთ განწყობილებისას, ფოთში ხელმოწერილი იყო კიდევ სამი ცალკე კონვენცია: გერმანიის ვალიუტის, როგორც გადახდის საშუალებას ადგილობრივ ფულებთან ერთად დროებით დაშვების შესახებ, განსაკუთრებულის კურსით და ამ კურსის წესის დასაყარებლად მთავრობათა შორის განსაკუთრებულ შეთანხმების შესახებ; დაჩქარებით ტყვეების გაცვლის საშუალებებისა და ზომების შესახებ (ეს იყო ბრესტ-ლიტოვსკის დამატებითი ხელშეკრულების დებულებების დამატება), გადაცემა გერმანიის მთავრობის განკარგულებაში საქართველოს ნაეთსადგურებში მყოფ ტონაჟისა.

ამ სპეციალურ კონვენციებიდან პირველი საჭირო იყო უმთავრესად იმ გერმანელ ჯარების ნაწილების ჩამოსვლის გამო, რომელსაც საქართველოს მთავრობასთან შეთანხმებით მომავალში მოელოდნენ (ასეთივე კონვენციები გერმანიას ჰქონდა თავის დროზე დადებული ბულგარეთთან და რუმინეთთან); მეორე კონვენცია განსაკუთრებულ განმარტებას, მგონი, არ თხოულობს; მესამის მნიშვნელობა მცირე იყო.

-----

ფოთის შეთანხმებანი აწესრიგებდენ ომის მდგომარეობიდან გამომდინარე საჭირობოროტო კითხვებს; მეორეს მხრით ისინი ითვალისწინებდენ გერმანიის დახმარებას; ე. ი. გერმანიის კაპიტალის დახმარებას უმთავრესად სახელმწიფოებრივ აღმშენებლობაში და საქართველოს ეკონომიურ განვითარებაში. გერმანია უზრუნველყოფდა საქართველოში თავისთვის, განსაკუთრებით მომავალში, მნიშვნელოვან უპირატესობას; მაგრამ საქართველოც ამ ხელშეკრულებიდან პოულობდა უშვალო სარგებლობას.

ხელშეკრულების მეოხებით საქართველო განთავისუფლდა ოსმალეთის მიერ დაქერის საშიშროებიდან: და არა ვის, გარდა გერმანიისა, არ შეეძლო, 1918 წლის ზაფხულში მაინც, ეს მოემოქმედნა. გერმანია გამოვიდა საქართველოს სახელმწიფოებრივი დამოუკიდებლობის ნათლიათ—და იმ წუთში მხოლოდ მას შეეძლო ეს როლი შეესრულებინა. მხოლოდ მისი დახმარებით კითხვამ მიიღო საერთაშორისო მნიშვნელობა.

საქართველოს მთავრობისადმი მიმართულ საიდუმლო წერილში გენერალი ფონ-ლოსსოვი მაშინვე, ე. ი. 28 მაისს 1918 წელში, ფოთში თავის თავზე ღებულობდა მოვალეობას მოებერხებინა, რათა „გერმანიის მთავრობას გამოეცხადებია, რომ იგი მზათ არის დაეხმაროს საქართველოს მთავრობას რუსეთის მთავრობასთან რუსეთის იმპერიის შემადგენლობიდან გამოსვლის გამო მოლაპარაკებაში და, გამოყოფის შემდეგ, იცნოს საქართველო თავისუფალ და დამოუკიდებელ სახელმწიფოთ“. გერმანიის რწმუნებულიც აგრეთვე კარსულობდა ზომები მიეღო, რათა „გერმანიას დახმარება გაეწია საქართველოსთვის საზღვრების დაცვაში და მეზობელ სახელმწიფოებთან ურთი-ერთ განწყობილების დამყარებაში“.

იმავე წერილში საერთოდ აღნიშნული იყო საქართველოს მიწა-წყალი: მისი საზღვრები შეიცავდენ ყოფილ გუბერნიებს ტფილისისას, ქუთაისისას და სოხუმის ოლქს.

ამ განმარტებით ბათომის ოლქი გამორიცხული იყო საქართველოს საზღვრებიდან (რაც ეთანხმებოდა ბრესტ-ლიტოვსკის ხელშეკრულებას); მაგრამ ოსმალეთის მიერ ბათომში ახლად განცხადებულ პრეტენზიებს ტფილისის გუბერნიის ორ მაზრაზე (ახალციხისა და ახალქალაქის) გერმანიის წარმომადგენელი მხედველობაში არ ღებულობდა. ეს იყო ჩვენი მოლაპარაკებისა და ცდის ნაყოფი. რა თქმა უნდა, მხოლოდ შემდეგ, ბერლინში გამოირკვევოდა, რამდენათ მოისურვებდა გერმანია თავის თავზე მიეღო ასეთი მოვალეობანი, რომელთა სასარგებლოთ ყოველგვარ მუშაობას დაგვირდა ფონ-ლოსსოვი.

საყურადღებოა წერილში მოყვანილი ერთი შენიშვნაც: სოხუმის ოლქი (გაგრიანათ) შეადგენს საქართველოს ნაწილს მანამდის, სანამ საქართველო კავკასიის საზღვრებში დამოუკიდებელია. თუ კი შესდგა კავკასიის ხალხების კონფერენცია და ამ კონფერენციაში შევიდა საქართველო, მაშინ სოხუმის ოლქის მცხოვრებთ უნდა მიეცეს უფლება თვითონვე გადასწყვიტონ თავისი მდგომარეობა კავკასიის ქვეყნებს შორის.

სხვა სიტყვებით რომ ვსთქვათ, აფხაზეთის მცხოვრებთ შეეძლოთ აერჩიათ, შეერთებოდენ საქართველოს, შესულიყვნენ მთიულთა კავშირში, ან, როგორც ცალკე სახელმწიფო-კანტონს, მონაწილეობა მიეღო კავკასიის კონფედერაციაში.

აქედან ცხადია, თუ რა მნიშვნელობა ეძლეოდა კავკასიის ხალხების პოლიტიკურ გაერთიანების გეგმას, მაშინაც კი, რო-

ცა მდგომარეობა აუცილებლად ხდიდა ამიერ - კავკასიის კავშირის დაშლას!

დაგვრჩა დაუმატოთ, რომ ზემოაღნიშნული წერილი გენ. ფონ-ლოსოვისა თავდებოდა ცნობით, რომ ფოთში ჩამოდის გერმანიის ჯარის ნაწილები: ეს კი მომასწავებელი იყო რომ, საქართველოს შეუძლია აღარ ეშინოდეს ოსმალეთის შემოსევისა და ხელი მიჰყოს სახელმწიფოებრივი ცხოვრების პირველ საფეხურებს. ამგვარათ პირველი ჩენი ამოცანა სრულდებოდა. უფრო გარკვეული შედეგები (ოსმალეთთან გამიჯვნა, საქართველოს კითხვის რუსეთის მდგომარეობასთან შეთანხმება და სხვა) შეიძლებოდა მხოლოდ ბერლინში მიგველო: გზასაც იქეთ მივყავდით.

---

## თავი მეათე.

### QUO VADIS, GEORGIA?

#### (ვიდრე ხვალ, საქართველო?)

პირდაპირი სავალი გეზით მოვდიოდით კონსტანცაში—1918 წლის ამ თვეებში შავი ზღვა პირდაპირ გერმანელების ტბა იყო. მშვენიერი დარები იდგა; გვაქანებდა მცირეთ; დელეგაციების გარდა მგზავრი არავინ იყო; თავისუფალი დრო ბევრია: ყველაფერი ხელს გვიწყობს თავისუფლათ გაუზიაროთ ერთმანეთს ჩვენი აზრი.

გარდა გენერალ ფონ-ლოსოვისა, ო. ფონ-ვეზენდოკისა და გერმანიის დელეგაციის ორი წევრისა, ჩვენი თანამგზავრები იყვნენ: გენერალური შტაბის ერთი პოლკოვნიკი, რომელიც კონსტანტინოპოლში ბრუნდებოდა და ბათომშივე ყოფილი „ფრანკჟურტის გაზეთის“ თანამშრომელი, ჟურნალისტი ვეიცი. ჩვენთან მოდიოდნენ სომხეთის დელეგატები: ა. ზურაბოვი (აწ გარდაცვალებული) რომელიც სატყუო ინსტიტუტის მრისხანე სტუდენტათ მახსოვს პეტერბურგში. ტემპერამენტითა და მოქმედების ხასიათით პროფესიონალი-რევოლიუციონერი, სოც. დემ. პარტიით, იგი იყო მე-2-ე სახელმწიფო სათათბიროს წევრათ თურქესტანიდან; მაშინ აურ-ზაური ატეხა ჯარის წინააღმდეგ რაღაც მეტიჩრობით; ეზლა კი მიდიოდა ბერლინში, რომ დახმარება მოეპოვნა თანამემამულეთათვის, მაგრამ, რა თქმა უნდა, იმედებს ამყარებდა არა „გენერლების“ გერმანიაზე, არამედ გენოსსენ-ებზე (ამხანაგებზე). ცოტა მსგავსება ჰქონდა მასთან სომხეთის მეორე რწმუნებულს, ექიმ ამაზასპ („ამო“) ოგანჯანიანს—იგი იყო მეოცნებე-რევოლიუციონერი, პატრიოტი და ხალხის ნოტრფიალე.

საქართველოს დელეგაცია შესდგებოდა ჩხენკელის, ნიკოლაძის და, როგორც გერმანელები იტყვიან, „ჩემ უმცირესობისაგან.“\*)

\*) მას მერმე რაც ჩვენი ს. დ. „კომიტაჯი“ მთელი თავისი ორგანიზაციით, თუნდაც უნებურათ, ჩაებენ საქართველოს სახელმწიფოებრივ მუშაობაში, სავალდებულოთ მიმანდა მათთან მუშაობა. ბერლინში წასვლას სრულიად არ ვაპირებდი, მერჩია ფოთიდან თბილისში დაებრუნებულყავი. სამწუხაროთ უკანასკნელ მომენტში გამოირკვა, რომ ჩემი წასვლა საჭიროა, და მაიხულებს კიდევ.

ჩვენთან იყო აგრეთვე დამსახურებული ჟურნალისტი და პარტიის მუშაკი, სოციალ-დემოკრატი, ყოფილი სემინარისტი, ცოტაონად შემდეგ გერმანიაში ნასწავლი ლადო ახმეტელი. იგი მოდიოდა, როგორც საქართველოს ს.-დ. დეპუტატი გერმანიის ამხანაგებთან; იგი საქართველოს იმ პროვინციიდანაა, რომელიც განთქმულია კამეჩებით ძლიერი გლეხობით და უთვალავ მღვდლის შვილებით.\*)

დასასრულ მოვიხსენიებ ჩვენს თანამგზავრს გვარდიის ყოფილ ოფიცერს, კავკასიის მოადგილეობის დროს დიდი მთავრის ნიკოლოზ ნიკოლოზის ძის ადიუტანტს თდ. ტუნდუტოვს. ეხლა იგი ითვლებოდა ასტრახანის ყაზახ-კალმიკების ატამანათ; მის გვარს ამ ხალხში ტრადიციული პატივი აქვს. ეს თავაზიანი ახალგაზდა-კაცი, მონღოლური ტიპის ჯიშისანი სახით მიდიოდა ბერლინში, რომ დახმარება ეშოვა ბოლშევიკების წინააღმდეგ.

ბაქანზე იყო 200-მდე სამხედრო-ტყვე, უმთავრესად ავსტრიელები. სამხედრო ბიულეტენებს ლებულობდენ უმავთულო ტელეგრაფით, შიფრს არჩევდენ გერმანიის დელეგაციის უცროსი წევრები გვიან ღამით და დილას უკითხავდენ ტყვეებს, ე. ი. ტყვეობიდან განთავისუფლებულებს. ყოველ დღე ახალ-წარმატებაზე იყო ცნობა (ეს იყო ძლევა-მოსილი და, როგორც ფიქრობდენ, საფრანგეთზე გადამწყვეტი შეტევის დრო). მსმენელთ არ ეტყობოდათ აღფრთოვანება. აღტაცება ომის ცნობების კითხვის დროს გულისხმობს გეოგრაფიულ ფანტაზიის, განსაკუთრებულ, ნამდვილ საგაზეთო აღზრდას და რაც უმთავრესია — ფსიხოლოგოურად ომის ასპარეზზე ჩამოშორებას.

გერმანელი ჩვენი თანამგზავრები, ძალიან განათლებული და ცნობის მოყვარე ხალხი, ჩემთვის და ნიკოლაძისთვის მეტად სასიამოვნო მოსაუბრენი იყვნენ: დიდოს ხალხისით გვისმენდენ და გვიზიარებდენ თავის ფართო გამოცდილებასა და ცოდნას, ჩვენ საქმაო

---

\*) ახმეტელი და ჩვენელის პირადი მდივანი, უფრო კი, საეკლესიო ენით რომ თქვათ, მორჩილი ს. კ. გემზე სუფრაზე დააჯდინეს არა დელეგატებთან კაიუტ-კომპანიაში, არამედ მეორე სართულში, გემის უცროს ოფიცრებთან: ეს ამბავი იყო გერმანიის რევოლუციამდის, მაგრამ ისტორია საყვარელ ახმეტელს შალე უშაადებდა სრულ რევანშს: გენერლების იერარქიული გერმანია დეცა, და ახმეტელი შეიქნა საქართველოს ელჩი ბერლინში.

დრო გვექონდა გადაგვეთვალეოდა აღმოსავლეთთან დაკავშირებული ყველა კითხვა ჰერკულესის სვეტებიდან პამირამდე. უფრო სპეციალური და განსაზღვრული ბაასი ჩვენ გვექონდა, ბუნებრივია, ფონ ლოსსოვთან და ვეზენდოკთან საქართველოზე და კავკასიაზე.

დასავლეთის ფონტის სამხედრო მდგომარეობას ჩვენ გვიხსნიდა, მართალი უნდა ითქვას ძლიერ თავდაპერილად, ბევრელი პოლკოვნიკი. გერმანულ გაზეთების თანამშრომელი კი გვიამბობდა თავის შთაბეჭდილებას, აღმოს. ანატოლიის შესახებ. მისი სიტყვით რუსეთის მიერ გაყვანილი ვიწრო ლიანდაგიანი გზა სარაყამიში—ერზერუმისკენ ინგრევა: „მათ ხელში ყველაფერი უეჭველად გაფუჭდება“.

საქმიანი თათბირიც გვექონდა გერმანიის დელეგაციასთან გემის ბაქანზე 29 მაისს. აქ ისევ ვმსჯელობდით ამიერ-კავკასიის მთლიანობის აღდგენის შესახებ. ჩვენ ავლნიშნეთ, რომ არ არის სასურველი ქრისტიანების და მუსულმანების ფრიად მკაცრად დაპირდაპირება მაშინ, როდესაც მათი ინტერესები მკიდროდ დაკავშირებულია ერთმანეთთან, და რომ არ არის სასურველი ამით ორი გამოიჯნული სფეროს შექმნა. ჩხენკელის აზრით გერმანია განსაკუთრებულის ყურადღებით უნდა მოეპყრას თათრებს, რომელთაც ესმით გერმანიასთან ეკონომიური დამოკიდებულების მნიშვნელობა და სხვა.

გენერალი ფონ-ლოსოვი თავის მხრით იმ აზრის იყო, რომ დღეს-დღეობით გერმანიას შეუძლია იზრუნოს მხოლოდ საქართველოსა და სომხეთზე, რომლის წარმომადგენლებმა დახმარებისათვის გერმანიას მიმართეს. თურქები გერმანიის დახმარებას არ თხოულობენ; ისინი მოვლიან დახმარებას ოსმალოებისაგან და სრულიად არ მიმართავენ გერმანიას ოსმალოების წინააღმდეგ ზურგის გასამაგრებლათ.

ასეთ პირობებში „გენერალის აზრით“ სრულიად არ არის საჭირო, რომ გერმანიამ თურქებს თავისი სამსახური—მეაჩეჩოს. უნდა მიღწეული იქნეს შეთანხმება ოსმალეთთან, და დაცულ იქმნეს საქართველო ოსმალეთისაგან. ეს არის საფუძველი ჩვენი მუშაობისა, რომელიც შემდეგ მეთოდურათ უნდა იქნეს გაგრძელებული.

ვიკვლევდით საბუთებს, რომლითაც გერმანიას შეეძლებოდა ოსმალეთი დაეთანხმებია უარი ეთქვა საქართველოს მიწა-წყალის მიმართ უკანასკნელად წამოყენებულ მოთხოვნილებაზე. ვარჩევდით აგრეთვე კითხვას მთიელთა რესპუბლიკის ხასიათისა და მის მნიშვნელობის შესახებ. გენერალს ძლიერ აღელვებდა საშიშროება რო-



მელიც მოელოდა სომხეთის მოსახლეობას. „გერმანიისათვის-ვაშობ-  
ლით ჩვენ, ამ მოსახლეობის სიცოცხლის დაცვა პატიოსნების კითხ-  
ვას შეადგენდა“. უნდა მოვახერხოთ, რომ ოსმალოებმა დასცალონ  
განსაზღვრული რაიონებია—ასეთი იყო ფონ-ლოსოვის პრაქტიკული  
დასკვნა. მაგრამ ამ კითხვის შესახებ ის სპეციალურად ეთათბირე-  
ბოდა სომხების დელეგატებს.

31 მაისს თითქმის სამი დღის მოგზაურობის შემდეგ ჩვენ მი-  
ვედით კონსტანცაში: ეს საქაო სისწრაფეა „ვაქრისათვის“, რომე-  
ლიც თანაც გახვეტილ იქმნა მარმარილოს ზღვაში ტორპედით,  
გამოთრეულ იყო წყლიდან და შემდეგ დაკერებულ იქმნა.

უკვე გამოჩნდნენ შენობები, ელევატორი, ნავთის შესანახი  
ქვაბები. ნავთსადგური მკვდარია: არც გემებია, არც ხალხი.  
მხოლოდ სამხედრო ტყვეებს—ბელგიელებს გადმოაქვთ ქვანახშირი.  
არიან ჯარის კაცები ოსმალოები, გერმანელები, ბულგარელები.  
განცხადებები სამ ენაზეა დაწერილი.

შევდივართ ქალაქში განსაკუთრებული ნებართვით. გერმანე-  
ლები აქ პირველობენ: ამბობენ, მოსახლეობისთვის ბულგარიის მიერ  
ამ მხარის დაქტრა მეტად აუტანელი იყო.

ზღვის მშვენიერი ნაპირი ცარიელია. ქუჩები სუფთაა. ოვიდი-  
უსის ძეგლთან ახალგაზრდა ბულგარელი პრაპორშჩიკი გერმანულ  
ენაზე ეარშიყება რუმინელ ქალიშვილებს.

უკანასკნელად ვჯდებით სუფრაზე გემ „Minna Horn“-ზე;  
როგორც ყოველთვის, სუფრაზე მოაქვთ და ჩვეულებრივ კეთილ შე-  
დეგებს იწვევს, ტვილისის ყოფილ საუფლისწულო მამულის სარდა-  
ფების კახური ღვინო: ის გერმანიის დელეგაციას უთავაზა საქარ-  
თველოს მთავრობამ. *Habeant sua fata... vina.*

1-ლ ივნისს დილით ადრე განსაკუთრებული მატარებლით ჩვენ  
გავემგზავრეთ ბერლინში. ჩერნავოდის განთქმული ხიდი ღუნაიზე  
1916 წელს რუმინიის კამპანიის დროს იყო აფეთქებული: მდინარის  
ამ ტოტზე (Borcea) ჩვენ გადავედით ბორანიით, შემდეგ ფეხით მი-  
ვედით Fetesci, სადაც ჩვენ გვიცდიდა ახალი მატარებელი.

გერმანიის დელეგაციის ერთი ნაწილი ბუხარესტში ჩამოგვშორ-  
და. ისინი მიდიოდნენ კონსტანტინოპოლში.

მივდიოდით დიდსა და მცირე ვალახიაზე. დღე იყო ცხელი;  
ყველგან მოსჩანდა სიმიდის, ლობიოს და პურის მწვანე ჯეჯილი.  
ქალები, ბავშვები, მარგლავდენ ყანებს. სოფლის მეურნეობის ნამ-

დვილი სამეფოა! ეს ქვეყანა დროებითაა დაპყრობილი. ნუ თუ იგი დაპყრობავს მთელ დობრუჯას და კონსტანცს?..

კრაიოვის შემდეგ ქვეყანა კიდევ უფრო ამწვანებულია. დაიწყო ტყეები ერთის მხრით არის ტრანსილვანიის ალპების ქედები, მეორე მხრით—დუნაის ახლო მდებარე მაღლობი. იქ სერბიაა და-მორჩილებული, გასრესილი, რომელსაც მიიმედ დააწვა გამარჯვებული.

მეორე დღეს მივჭკრით და სივანეზე ვსერავთ უნგრეთს; საუცხოვოდ დამუშავებული ველები. პური, სიმინდი, ვენახები, ხეხილის ბაღები, ყველაფერი ამწვანებულია; ყანები ნაზად ტორტმანობს; რასაც კი თვალი მიწვდება, ყველაფერი დამუშავებულია. საკვირველი არ არის, რომ გერმანია იძულებულია გამოკვების საქმეში დაეხმაროს ავსტრიას?! აქ ქადებსაც კი მიირთმევენ და „რაციონების“ მოწყობა კი ვერ მოუხერხებიათ!

ბუდაპესტში ჩვენ მიგვაბეს ჩვეულებრივ ექსპრესს. 3 ივნისს დილით ჩვენ ჩავედით ბერლინში, კონსტანციდან გამოსვლის სრულ ორმოცდა რვა საათის შემდეგ, (რა ბრწყინვალე სისწრაფეა); დიდი ომის ბერლინი—საიდანაც ასე მომსპობად სწარმოებდა მოქმედება ყბად-აღებულ „შინაური ხაზებით“.

## 28

ბერლინში 1918 წლის ივნის-ნოემბერში ჩვენ ქეშმარიტად ვიყავით მოწმეები გერმანიის იმპერიის სიღიადისა და მისი დაცემისა. მოქმედებაც მოგვიხდა პირველად ამ „სიღიადესთან შეფარდებით“, და შემდეგ კი ამ „დაცემისაგან“ თავის დასაღწევათ.

1917 წლიდან უკვე გამოირკვა, რომ საქართველოს შეუძლია მოაწყოს შინაური სახელმწიფოებრივი წყობილება ეგრეთ წოდებული „რევოლიუციის მონაპოვართა“ ნიადაგზე. ზევით ჩვენ ვნახეთ, თუ შემდეგ რა მრგომარეობამ გამოიწვია მისი სრული პოლიტიკური განცალკევება. მაგრამ საქართველოს ეხლა, რა თქმა უნდა, არ ქონდა არც საშეალება, არც მიზეზი მიეღო რაიმე მონაწილეობა მსოფლიოს ორომტრიალში.

ჩვენ რადგან 1918 წლის ზაფხულში გერმანიას, უეჭველია, სამხედრო და პოლიტიკური უპირატესობა ჰქონდა შავი ზღვის ირგვლივ და ოსმალეთის მიმართაც—ის აშკარა, ჰეგემონი იყო; ჩვენ შეგვეძლო

ონმალოების გადაქარბებულ სურვილების წინააღმდეგ დაგვეყენებია მხოლოდ ერთად ერთი რამ—გერმანიის კონტროლი. ჩვენც ევცადეთ რაც კი შეიძლება მეტი სარგებლობა გამოგვეტანა თვით გერმანია-ოსმალეთის საკავშირო დისციპლინიდან.

ამოცანა, რომელიც დადგა ბათუმში ჩვენს წინაშე, მოითხოვდა სწორეთ ასეთს, თანაც დაუყონებლივ, გადაწყვეტას, ჩვენ მივალწიეთ მაშინვე ფოთის შეთანხმებით ასეთს *modus vivendi*-ს ამიერკავკასიაში და საქართველოში, რომლის მეოხებით როგორმე შესაძლებელი შეიქმნა არსებობა.

ბუნებრივია, რომ ბერლინში ჩვენ ვცდილობდით უპირველესად ყოვლისა, უზრუნველგვეყო და გაგვემაგრებია მიღწეული და უშუალო ნაყოფი, მაგრამ ჩვენ ეხლა მიუახლოვდით ბევრად უფრო რთულ კითხვას საქართველოსა და გერმანიის განწყობილებისას, რომლის საფუძველი იყო საქართველოს აღიარება და მისი დამოუკიდებლობის უზრუნველყოფა, ხოლო გერმანიისათვის განსაზღვრული ეკონომიური უპირატესობის მინიჭება.

მეორე ამოცანის გადაწყვეტა, რა თქმა უნდა, დამოკიდებული იყო ომის ბედზე, რომლის სისწორით წინათ განქკრეტა 1918 წლის მაის—ივნისში მეტად ძნელი იყო.

მაგრამ ჩვენს მოლაპარაკებაში ჩვენ გამოვდიოდით და ბუნებრივია, უნდა გამოვსულყივით იმ მოსაზრებიდან, რომ გერმანია ამ ომიდან გამოვა გამარჯვებული ან და, ყოველ შემთხვევაში, პატივდებული; ამ ფიქრით (ზოგჯერ კი რწმენით) ბევრი რამ ხდებოდა, მზადდებოდა და მოისაზრებოდა თვალუწედენ სივრცეზე „ფინეთის ცივ კლდეებიდან ცეცხლოვან კოლხეთამდე“!—ასეთი წინასწარი აზრი უნდა გვექონოდა საქართველოს პოზიციის მომზადების დროს, რადგან სწორედ ასეთი გზით, ე. ი. „მომავლის მუსიკით“ ჩვენთვის შესაძლებელი ხდებოდა ჯერ ერთი გაგვემტკიცებია ჩვენი ქვეყნისთვის დღეს-დღეობით საჭირო *modus vivendi*; მეორე, გერმანიის დახმარებით შეგვეძლო იმედი გვექონოდა მოწესრიგებულყოფა განწყობილება საბჭოთა რუსეთთან, და, დასასრულ, მოულოდნელობისა და ცალკე შემთხვევების დროს საერთოდ ვამაგრებდით საქართველოს მდგომარეობას, როგორც ხახელ მწიფოებრივ, მოწესრიგებულ ერთეულისას.

უქვევლია, გარდა მომავალი სარგებლობისა, გერმანია უშუალოთ ლებულობდა დღესვე მისთვის საჭირო ნედლეულის ძლიერ მცირე რაოდენობას, რომელიც ჩვენ მომარაგებული გვექონდა; მაგ-

რამ თუ კი ომი გავრძელდებოდა და მესოპოტამიასა და სპარსეთში ოპერაციები ინგლისელების წინააღმდეგ განვითარდებოდა, გერმანიასა და ოსმალეთს ამიერ-კავკასიაში ექნებოდა მოქმედების დასაყრდნობი ადგილი.

ასეთი იყო საქმის სარჩული, მაგრამ ამიერ-კავკასიას, მით უმეტეს მარტო საქართველოს თავისი ძალით არ შეეძლო და არც უცდია მიეღო თავის თავზე ისეთი მოვალეობა, რომელიც თვითრუსეთისათვის სამძიმო იქნებოდა, სახელდობრ დაეკეტა გერმანიისა და ოსმალეთისათვის ამიერ-კავკასიის სპარსეთისაკენ მიმავალი გზები. ამაზე უნდა ეზრუნა ინგლისს. შესაძლებელია ინგლისი რომ თავის დროზე გამოჩენილიყო ტფილისში, თუნდაც მცირე ძალით იგი შესძლებდა ოსმალეთის წინააღმდეგ ადგილობრივ თავდაცვის მოწყობისათვის საკმაო დახმარება გაეწია. ინგლისს ასეთი აზრი ჰქონდა; მაგრამ აზრიდან ნების ყოფამდე, მით უმეტეს განხორციელებამდე დიდი გზაა. \*) 1918 წლის ზაფხულის დასასრულს ბაქოში ინგლისელების სავალალო ჩასვლამ ნათლად გვაჩვენა, რამდენათ სამართლსანი იყო, იმედი არ დაგვემყარებია ამ მხრიდან დახმარების მიღებაზე.

---

\*) ამ მხრით საყურადღებო ცნობები იხ. წიგნში; Major-general L. C. Duusterville. The adventures of Dunsterforce F. 1920. როცა კავკასია-სპარსეთის ფრონტმა იწყო დაშლა (1917 წ. შემოდგომიდან) ინგლისელების აზრით მდგომარეობის გამოკეთება შეიძლებოდა, თუ ტფილისში დაუყოვნებლივ იქნებოდა გაგზავნილი ბრიტანეთის განსაკუთრებული მისია, რომელიც მოაწყობდა ოსმალეთისაგან თავდაცვის საქმეს და შეაერთებდა ადგილობრივ სამხედრო ნაწილებს—რუსებს, კართველებსა და სომხებს. ავტორს ის დასკვნა გამოჰყავს, რომ რადგან ოსმალეთის ჯარის დონე შედარებით 1916 წელთან საკმაოდ დაეცა, მიზანის მიღწევა შეიძლებოდა შედარებით მცირე საშუალებით და ძალით. მისიის სათავეში დაყენებული იყო თითონ ავტორი, რომელიც 1918 წლის იანვარში გამგზავრა ბაღდათში მოწინავე ჯგუფით. მაგრამ ფაქტიურათ ყველაფერი დამთავრდა ინგლისელების ექსპედიციით რეშტიდან ბაქოში; აქ ინგლისელები გადმოსხდნენ 1918 წ. შუა აგვისტოში, იქიდან კი უკანვე გაბრუნდნენ 15 სექტემბერს, რომ უფრო გვიან, ოსმალეების სერთო კაპიტულიაციის შემდეგ, ისევ დაბრუნებულიყვნენ.

1917—1918 წ.-წ. ინგლისის დახმარება ამიერ-კავკასიისათვის უნდა მოსულიყო ძლიერ შორის და თავდარებულ გზით—ბაღდადი, სპარსეთი, კასპიის ზღვა! სამწუხაროა, რომ ინგლისის ეს პლანი არ განხორციელდა. ამიერ-კავკასია ამით მოიგებდა. სხვა საკითხია, რას იტყოდნენ რუსები, რომ ოსმალეთის წინააღმდეგ ინგლის-კავკასიის ფრონტი შექმნილიყო.

ყოველ შემთხვევაში ბერლინში შეიძლებოდა ლაპარაკი მხოლოდ საქართველოსა და ოსმალეთს (მოკავშირეებითურთ) შორის მშვიდობიანობის უზრუნველყოფის პირობებზე; რა თქმა უნდა, სიტყვაც არ დაძრულა და არც შეიძლებოდა დაძრულიყო, რომ ჩვენ მივიღებდით მონაწილეობას ომში ოთხ მოკავშირეთა მხარეზე! სწორი იყო თუ შემცდარი, ქართული პოლიტიკის ძირითადი გეზი იყო ნეიტრალიტეტი კავკასიის უღელტეხილის იქით სამოქალაქო ომში, ნეიტრალიტეტი საერთაშორისო ომში (რამდენათ შესაძლებელი იქნებოდა!). ომისა და რევოლუციის ვითარებამ აგრეთვე გეოგრაფიულმა მიზეზებმა (სრუტეების დაკეტვამ ჩამოგვაშორა დასავლეთს) ჩვენ მიგვიყვანა ბერლინში და ჩვენ ჩავედით შეთანხმების განსაზღვრული გეგმით. შეთანხმება ხელმოწერილი იყო გერმანიის მხრით, რომელიც ფორმალურად წარმოადგენდა გერმანიის მთავრობას, მაგრამ საქმით უფრო დაკავშირებული იყო გერმანიის უმაღლეს სარდლობასთან. ეს ინსტანცია იყო გადამწყვეტი, მაგრამ ჩვენ გვიხდებოდა ეხლა საქმე დაგვექირა გერმანიის საგარეო პოლიტიკის მუდმივ იარაღთან—საგარეო საქმეთა უწყებასთან, რომელსაც არ შეეძლო ჩვენი საქმის „წარმოებაში“ არ შეეტანა თავისი მეთოდები და ჩვეულება, რაც ახასიათებს ასეთი სიდიდის და მოწყობის მანქანას.

ამ საჭირო განმარტებების შემდეგ მოვიყვანე რამოდენიმე ამონაწერს ჩემი მაშინდელი შენიშვნებიდან.

---

## თავი მეტერთმეტე.

### ბერლინში (იანვარი 1918 წელი).

4 ივნისი. დავიწყე წერილობით განმარტება იმისი, თუ რისთვის ჩამოვედით და რას ეძებს საქართველო.

გავეცან ომის დაწყებიდან აქ დარჩენილ ქართველ-ემიგრანტების ჯგუფს, რომელიც რაღაც საშვალებით ომიდან მოელოდა სამშობლოს განთავისუფლებას. მათ გიჟებათ სთვლიდენ; ეხლა მათ ჰგონიათ, რომ მხოლოდ ისინი იყვნენ მართალი. შეცდომაა! რაც, 1917 წელში მომხდარ ამბების შემდეგ, გონივრული და აუცილებელი გახდა 1918 წ. პირობებში, 1914—1917 წლებში იყო უნიადაგო უსაფუძლო, და ამიტომ ფუჭი, მაგრამ მათმა მუშაობამ, პროპაგანდამ ბევრი რამ მოამზადა.

5 ივნისი. დღეს საგარეო საქმეთა სამინისტროში ჯერ გრძელი ბაასი გვექონდა საიდუმლო მრჩეველთან, ფონ-როზენბერგთან\*) და დ-რ გეპპერტთან\*\*), შემდეგ მივიღო მინისტრმა რ. ფონ-კიულმანმა;—მის მშენიერ კაბინეტში ჰკიდია ლენბახის ნახატი ბისმარკის სურათი. კიულმანმა ჩემზე დასტოვა დიდი საქმის კაცის შთაბეჭდილება, მაგრამ მთელი ქვეყნის დიდი მოხელეები ისე ჰგვანან ერთმანეთს!

სალამოს გენერალი ფონ-ლოსსოვი წავიდა ვილჰელმთან, ბანაკში; მას ვაჰყვა კალმიკთა ატამანი ტ.

6 ივნისი. ფ.-როზენბერგთან და გეპპერტთან ერთად „ვალრმავებთ“ საქართველოს ფორმალურათ ცნობისა და საქართველოსა და რუსეთის შორის ურთი-ერთ განწყობილობის და სხვა თემებს.

---

\*) 1923 წ.—საგარეო საქმეთა მინისტრი.

\*\*\*) ეხლა 1924 წ.—ელჩათა პელსინგფორსში.

მე ურჩიე ჩხენკელს, როგორც მინისტრს, არ დასწრებოდა ასეთს თათბირებს; დამეთანხმა. კარგი თვისებები აქვს: იერიში და დაეინება. ზედ მეტია მხოლოდ, რომ იგი ასწავლის გერმანელებს, რაა მათთვის სასარგებლო, რამდენათ დაეცამა მათი სახელი თუ არ მოიმოქმედის ესა თუ ის და სხვა.

8 ივნისი. ბერლინი წარმომიდგა, როგორც დამშვიდებული, დარწმუნებული, დინჯი და დალლილი ქალაქი.

უეცრათ ავით გამხდარ ჩ-ს მაგიერ მე მომიხდა მოუმზადებლათ გამეკეთებინა გრძელი მოხსენება რეიხსტაგში პარტიების წარმომადგენელთა თათბირისათვის ამიერ-კავკასიის ამბებზე, საქართველოზე და კავკასიის მომავალ კონფერენციაზე. დაესწრენ შეიდეგანი, ერც-ბერგერი, ფ. ბაუმანი, დავიდი და სხვა წარმომადგენელთა მთელი რიგი.

მომცეს სხვა და სხვა გვარი კითხვები. განსაკუთრებულ ცნობის მოყვარეობას იჩენდენ ერცბერგერი (რომელიც ყოველთვის საუზმობს ჩვენ სასტუმრო—Ademi-ში) და „შუა ევროპის“ ავტორი ნაუმანი.

9 ივნისი. ხანგრძლივი იყო ჩემი ბაასი საგარეო საქმეთა სამინისტროს იურიდიული დეპარტამენტის დირექტორთან. დ-რ კრიგთან. ჩემს შესვლამდის მასთან იყო იოფფე,

კრიგე სდგას მკაცრ ფორმატიურ თვალსაზრისზე: რუსეთი ჩვენთან მშვიდობიან განწყობილებაში არის, და ჩვენთვის ძნელია ერთი მისი ნაწილი დამოუკიდებლათ ვიცნოთ, როცა ეს არ მოგვიმოქმედნია ბრესტ-ლიტოვსკში. ჩვენ არ შეგვიძლია რუსეთს წაეჩხუბოთ, როცა ძალების ასეთი დაქიშვა გვქირდება საფრანგეთის ფრონტზე! ხალხთა თვითგამორკვევის უფლება აღიარებული აქვს რუსეთის მთავრობას, მაგრამ ამ აღიარებაზე დამყარება არ შეუძლია მესამე სახელმწიფოს და სხვა.

---

უფრო გვიან, სხვებთან ერთად ვიყავი დარბაზობაზე ფ. ვ-თან. იქ იყვნენ ახალგაზრდა დიპლომატები, ჟურნალისტები, ორიენტალისტები. საყურადღებო იყო სპარსეთის ცნობილი რევოლიუციონერის ტაკი-ზადეს გაცნობა; მის შესახებ ბევრსა სწერდენ 1906 წელ. თავრიზისა და ტეჰერანის ამბების გამო.

10 ივსისი. საერთოდ კრიგეს დასამშვიდებლათ საჭიროა წარვადგინოთ დამტკიცებები, რომ საქართველო ისე ჩამოშორდა რუსეთს, რომ უკანასკნელის უფლებები არ დაურღვევია. თავსამტერევი ამოცანაა.

ტუნდუტოვი დაბრუნდა გენ. ფონ-ლოსსოვთან ერთად ბანაკიდან. გენერალს ფ.-ლოსსოვს ხუმრობით მე „იმპერსარიო“-ს ვეძახი.

დუნდუტოვის სიტყვით იგი იმპერატორმა კარგათ მიიღო და მასთან ხანგრძლივ იმუსაიფა; იმპერატორი იმ აზრისაა, რომ რუსეთი უნდა გაიყოს 4 ნაწილათ: ველიკო-როსსია, უკრაინა, ციმბირი და სამხრეთ-აღმოსავლეთის კავშირი კავკასიით (ცენტრი—თფილისი). ო, ხომ არ ეშლება ტუნდუტოვს? თუ ორივეს ეშლება?

ტ. გერმანელ ოფიცრებთან ერთად დღეს მიემზავრება ნოვოჩერკასკში ვარშავა-კიევის გზით. კალმიკების ველიდან და როსტოვიდან, შეთანხმებით იმოქმედებენ ბოლშევიკების წინააღმდეგ. ნეტავი ვიცოდე ამ კითხვის შესახებ, რა „დასკვნას“ გააკეთებს დ-რი კრიგე! აი განსხვავება „ლეგალურ“ და „უპასუხისმგებლო“ დიპლომატთა შორის.

თუ ტ.-ს დაუჯერებთ, ბელგიაში „ბევრი არაფერი ზუსტად ეშინებდა სჩანს—ხალხი კარგათ არის გამოწყობილი, ქადები, ხალისი... იგივეა საფრანგეთში“. ადვილი გასაგებია, სადაც „იმპერატორი“ და „ქადები“—იქ ყველაფერი მშვენივრათ მიდის \*)!

---

გენერალ ფონ-ლოსსოვისთვის ვილჰელმს უთქვამს, რომ, როგორც ბავშობიდან ახსოვს, მამა მისი, ტახტის მემკვიდრე ფრიდრიხი, დაესწრო ალექსანდრე მე-3-ის ჯვარის წერას, სადაც ნახა „საქართველოს დედოფალი, რომელსაც თავს ედვა რომაული ციხის მგზავსი გვირგვინი“. საყურადღებოა გერმანიის იმპერატორის მეხსიერება და რომანტიული აზროვნება. როგორ მოგწონთ: საქართველოს გვირგვინი!

რაც შეეხება თვით ფაქტს, იგი სინამდვილეს არ უნდა შეეფერებოდეს. წარსული საუკუნის მე-60-ცე წლებში საქართველოს

---

\*) ყოფილ იმპერატორის ვილჰელმის მემუარებში მოხსენებულია თავ. ტუნდუტოვთან ბაასი.



„არც ერთი დედოფალი“ ცოცხალი არ ყოფილა. შეიძლება ეს იყო ოდიშის უკანასკნელი მთავრის მეუღლე? მაგრამ ამას არა აქვს მნიშვნელობა.

ფონ-ლოსოვი ამბობს, რომ საგარეო საქმეთა აქაური სამინისტრო საესებით არ იზიარებს იმ პოლიტიკას, რომელსაც იგი ურჩევს, და ყველაფერს გადაქარბებულის სიფრთხილით, ფორმალურათ უყურებენ. მაგრამ თვით იმპერატორი, ჰინდენბურგი და ლიუდენდორფი — სხვა საქმეა. ტყუილად კი არ მოისწრაფოდა ის ფოთიდან აქეთკენ. ეხლა საჭიროა ჩვენ საჩქაროთ წარვადგინოთ ჩვენი საერაულო გეგმა. მისი აზრით, საქართველოს გერმანიასთან კავშირი უნდა იყოს მჭიდრო, და საქართველო უნდა დარჩეს სრულიად დამოუკიდებელი. ამ ერთობის ფორმა კი შეადგენს სპეციალურ კოთხვას, რაშიაც იგი არ არის საკმაოდ ჩახედული.

იგი ხშირათ უბრუნდება თავის აზრს, სომხეთის კითხვაში გერმანიის პასუხისმგებლობის შესახებ და რომ საჭიროა მომავალში ამოკვეთილ იქმნეს სომეხთა ამოკლექა.

მივიღე პირი რწმუნებულების ქალაღდისა, კანცლერის გრაფ ფონ-გერტლინგის ხელმოწერით, რომელშიაც გენერალი ბარონი კრესს ფონ-კრესსენშტეინი ინიშნება საქართველოს მთავრობის წინაშე გერმანიის დიპლომატიურ წარმომადგენლათ; ეს არის ნამდვილი წარმატება. ბარონ კრესსი აქ ითვლება იშვიათ, თვალსაჩინო პიროვნებათ \*). იგი, როგორც ფონ-ლოსოვიც, ბავარელია.

ფოთში ჩავიღა გერმანელი ქვეითა ჯარის ორი ბატალიონი. ერთის სიტყვით ჩამოყალიბებას განიცდის ჩვენთვის ყველაფერზე

---

\*) ასე ახასიათებს მას ოსმალეთის გერმანელ მისიისთან ყოფილი უფროსი, ლიზან ფონ-სანდერსი: „der Oberst Freiherr v. Kress, ein ganz hervorragender, tüchtiger offizier“ იხ. Liman von Sanders, gen. der Kavalerie. Fünf Jahre Türkei B. 1920. j. 58. ბარონ კრესსი იყო მეოთხე არმიის შტაბის უფროსათ ჯემალ-თაშასთან (უკანასკნელი ამასთანავე იყო საზღვაო მინისტრადაც იხ. ზევით გვ. 37) სუეცის არხის ცნობილი ოპერაციების დროს 1915 წ. იგივე კრესსი იცავდა გზას ინგლისელებიდან.

უფრო მნიშვნელოვანი ფაქტიური მდგომარეობა. აქ კი ჩვენ ნელ-ნელა შევისწავლით მდგომარეობას და მოვისაზრებთ, რა მოუხერხოთ „უწყების რუტინასა“ და როგორ გადავლახოთ დ-რ კრიგეს ყოყმანი.

11 ივნისი. Wilhelmstrasse-ზე გეპაიმ-რატ დ-რ სიმონსთან. \*) ეს უფრო ლმობიერია, ვიდრე კრიგე და მეტად სასიამოვნო კაცია. მე გავაცანი ჩემი მემორანდუმის დებულებები, რომელიც მხოლოდ ხვალ გაიგზავნება. უფრო და უფრო ცხადათ ვხედავ, როგორ შორდება ერთმანეთს სამოქალაქო (კიულმანი) და სამხედრო (ლიუდენდორფი) ხაზი. მაგრამ ეს დაშორება უფრო ფორმასა და საშვალეებს შეეხება, ვიდრე საფუძველს.

12 ივნისი. თფილისიდან მივიღეთ პირველი ცნობა (რადიო ჯერ ცუდათ მუშაობს), ოსმალეთთან ზავზე იძულებითი ხელის მოწერისა და ახალციხისა და ახალქალაქის მაზრის წართმევის შესახებ.

ცნობა რამდენადმე მომტირალი არის- აშკარაა, ბრძოლა ვერ შესძლეს და იძულებული შეიქნენ ხელი მოეწერათ. თუ რისიმე მიღწევა საერთოდ შეიძლება, აქ მივალწევთ.

სალამოს ჩვენ მიწვეული ვართ სადილზე კლუბში „Deutsche Gesellschaft 1914 წ.“ გვპატიუებს საგარეო საქმეთა სამინისტრო. კარგი ნიშანია, თუ გამოკვების ასეთ მძიმე დროს, სურთ გაგვიმასპინძლდნენ.

გენერალ ლოსსოვთან ერთად გავსწიეთ მთელი „დასით“— ჩხენკელი, ნიკოლაძე, მე, მ. წერეთელი, გ. მაჩაბელი, ერ. ბერნ-შტეინი (საქართველოს ქვეშევრდომი, ტომით გერმანელი, გერმანიისა და საქართველოს დაახლოებით თავს ისე კარგათ გრძნობს, როგორც თევზი წყალში).

ფორმალურათ მანსპინძლათ არის ელჩი ფონ-როზენბერგი. გერმანელების მხრით იყვნენ: ფონ-კიულმანი, სიმონსი, გეპპერტი, იოჰან-ნესი (საგარეო საქმეთა სამინისტროს ეკონომიური დეპარტამენტის დირექტორი), ფონ-ვეზენდოკი და მრავალი სხვა. რეპორტერის ენით რომ ვთქვათ, სადილზე სუფევდა სადა ძალდაუტანლობა; განცხოველებული ბაასი გაგრძელდა დიდ ხანს და სხვა.

ჩხენკელმა მოიკალათა ფ. როზენბერგის ახლო, კიულმანი კი ჩემსა და ნიკოლაძის შუა დასხეს. დიდათ კულტუროსან და გამოცდილ მინისტრს ბაასის საუცხოვო უნარიც აღმოაჩნდა: არაფერი ადამიანური მისთვის უცხო არ არის. კონსტანტინოპოლში გერმანიის საელჩოს მრჩეველათ ყოფნის დროს, კიულმანს კავკასიაც მოუწინაუ-

\*) საგარეო საქმეთა სინისტრი გერმანიისა 1920—21 წ.

ლებია. თბილისზე საუკეთესო მოგონებები აქვს: იგი აფასებს „თფილისის საზოგადოების მაღალ სოციალურ დონეს“, მაღალი წოდების ერთ ქორწილსაც კი დასწრებია იქ და სხვა. მან გაიხსენა სახელეები; იკითხა, თუ რა ბედი ეწვია დიდ მთავარს ნიკოლოზ მიხეილისძეს, რომელსაც იცნობდა, ბორჯომში... როცა მე უპასუხე, რომ სწორეთ ეს წრე აუცილებლათ და სასტიკათ დააზიანა რევოლიუციამ—თუმცა საქართველოში ჯერ უფრო ლმობიერი წყობილებაა, ვიდრე რუსეთში—კიულმანმა დაწვრილებით გამოემკითხა, თუ როგორი მოცულობის იყო ჩვენი ქვეყნის სოციალური შერყევანი და რა ხასიათისაა საქართველოს მთავრობა, „რომლის შესახებ გაუგონია, რომ იგი პარტიულია და მეტათ რადიკალურათ არის განწყობილიო“. მე შევეცადე შესაფერისად დამეკმაყოფილებია მისი ცნობის-მოყვარეობა, დაუხატე ჩვენი მინისტრების სახელმწიფოებრივი მისწრაფებანი, მათი მუშაობა ამიერ-კავკასიის მთავრობის რიგებში, მათ მიერ მაშინ გამოჩენილი ხერხიანობა და სხვა. მომყავდა ნამდვილი ფაქტები, მხოლოდ იმ „სტილით“, რომელიც შეეფერებოდა წარმომადგენლობის მიზანს ბერლინში და ჩვენი ქვეყნის ინტერესებს.

რა არის მიზეზი ბოლშევიკების დიდი ხნის\*) წარმატებისა რუსეთში—ეს კითხვა დიდ ყურადღებას იპყრობდა ჩემი მოსაუბრისას, რომელსაც გამარჯვება ჰქონდა მოპოებული ბრესტ-ლიტოვსკში. მიზეზი, აშკარაა, ბევრია; მაგრამ უმთავრესია, ნების-ყოფის საფუძვლის აღდგენა, სახელმწიფოს ხელის-უფლების ნების-ყოფის დაჭიმვა, სახელმწიფოსი, რომელიც 1917 წ. მარტში კატასტროფიულათ დაინგრა; ის მოხერხება, რომლითაც ზავი დაიდვა და თანაც გაიშალა აგრარული რევოლიუცია, გაცამტვერდა ბურჟუაზიული ძალა—უხილავი ქაოტიური გადასვლა მატერიალური სიმდიდრისა (ფულის, საგნების, სახლების...) ერთი ხელიდან მეორეში, რამაც გამოიწვია შექმნა მოსახლეობის ისეთი მრავალრიცხოვან ჯგუფების, რომელნიც სამკვდრო-სასიცოცხლოთ გადაბმულნი არიან ახალ წეს-წყობილებასთან და მზათ არიან იგი დაიცვან, ან და მოითმინონ და სხვა.

ბევრს გვეკითხებოდა კიულმანი პეტერბურგის ერმიტაჟის, კრემლის და საერთოდ რუსეთის სამხატვრო სიმდიდრის ბედობლაზე.

---

\*) ეს დიდი ხანი მაშინ შეადგენდა სულ 7 თვეს!

სიტყვა ჩამოვარდა საზამთრო სასახლის ღვინის სარდაფების დარბევის შესახებ: „ეს დარბევა და ტფილისის სასახლის სარდაფის ხელ-უხლებლობა ასურათებს ამ ორი რევოლუციის სხვა და სხვაობას. ოღონდ... ტფილისის სარდაფზე სიტყვა არ დაგცდესთ თქვენ მოკავშირეებთან—თქვენ გესმით ვისაც ვგულისხმობ“<sup>1</sup>. „ო, რა თქმა უნდა, დამშვიდებული ბრძანდებოდეთ“.

ამის შემდეგ კიულმანი შემეკითხა ნიკოლაძის ვინაობის შესახებ, და გადავიდა მის განკარგულებაში; ნიკოლაძემ კი იგი „განბანა“ ნედლეულით, საშვალო აზიის ბაზრების და ბ. ფ. პ-ს \*) შესახებ აზრებით. მე მიემართე მარცხენა ფრთას--დ-რ სიმონსს, რომელთანაც ხელ მექნება საქმეზე ლაპარაკი: დღეს ვმუსაიფობთ გერმანიის ლიტერატურაზე, უნივერსიტეტზე, ახლად გარდაცვალებულ პროფ. ლაბანდაზე, რომელმაც იურიდიული ცნებებედან ასე მშვენივრათ ააშენა მთელი გერმანიის იმპერია... პეტერბურგელ ზოგიერთ საერთო ნაცნობებზე.

13 ივნისი. საგარეო საქმეთა სამინისტროში დ-რ სიმონსთან. ჩვენი თემა: გერმანიისა და საქართველოს ურთიერთ-განწყობილების შესაძლებელი ფორმა. საქართველოს პოლიტიკური მიზანია: განამტკიცოს თავისი სახელმწიფოებრივი არსებობა, შექმნას პირობები ეროვნულ, თივისუფალ განვითარებისათვის... გერმანიაზე დაყრდნობით... უკანასკნელთან კავშირი, აშკარაა, უნდა იქმნეს საკმაოდ მკიდრო: უბრალო კავშირი აქ არ იკმარებს.

დ-რ სიმონსი ჰფიქრობს, რომ, გეოგრაფიული დაშორება რომ ხელს არ უშლიდეს, საქართველოსთვის ყველაზე უფრო მართებული იქნებოდა შესულიყო გერმანიის ფედერაციაში (!). გეოგრაფია წინააღმდეგობას გვიწევს, უპასუხებ მე.

საქართველოს მდგომარეობა (სამხრეთში) შესაძლებელია ყველაზე უფრო შევადაროთ ფინლიანდიის მდგომარეობას (ჩრდილოეთში), მაგრამ იგი უფრო რთულია, რადგან დაკავშირებულია ამიერკავკასიის ან კავკასიის კონფედერაციის შექმნის კითხვასთან. საქართველოს გამაგრება და მისი ნეიტრალურ სახელმწიფოთ გამოცხადება—აი მიზანი, რომლის დასახვა საეხებით ბუნებრივია იმ დროში, როცა რუსეთის იმპერიამ დაიწყო გადაღლება, როგორც ეტყობა,

\*) ბუმ—ჩემ მიერ სიმოკლისათვის წარდგენილი ფორმულა, რომელიც შეიცავდა ნ. ი. ნიკოლაძის თამამ იდეებს, შუა-ევროპის შორეულ-აღმოსავლეთთან ვაჭრობის ფოთზე გატარების შესახებ (ბერლინი-ფოთი-პეკინი).

ფედერატიულ საფუძველზე. საქართველო უმთავრესი ნაწილია კავკასიაში ასეთი „ბუფერულ“ შენობისა. როცა გერმანია საქართველოს დამოუკიდებლობას უზრუნველყოფს დიპლომატიური დახმარებით და პოლიტიკური განმეალობით, მაშინ იგი ნახავს საკმაოდ მნიშვნელოვან ეკონომიურ ხეირს და სხვა. გერმანიისთვის ფაქტიურათ სასარგებლო მდგომარეობის შექმნა საესებით ეთანხმება საქართველოს ფაქტიურ დამოუკიდებლობასაც.

ამ შეხედულებამ გამოიწვია დ-რ სიმონსის სრული თანაგრძობა. რაც შეეხება მართებლობის ფორმას, დ-რ სიმონსი თანახმა იყო, რომ ეს საქართველოს შინაგანი საქმეა. „როგორ უყურებენ ამ კითხვას თქვენში? არიან იქ მონარქიის მომხრენი?“

„საქართველოში სულიერი განწყობილება აშკარა რესპუბლიკანურია—ძველი მონარქიული ტრადიციები დავიწყებულია, ახალი მიმართულებანი არ არსებობენ და რუსეთში მონარქიის დაცემამ კიდევ მეტათ შეარყია იგი იდეა. სიმპატია მონარქიულ ფორმისადმი, შესაძლებელია, დარჩა ზოგიერთ წრეებში; რესპუბლიკანელებიც მოიძებნებიან, რომელნიც ფიქრობენ, რომ საქართველოს საშიშარ გეოგრაფიულ მდებარეობის გამო, თუ საჭირო იქნა შუა-ევროპის იმპერიებზე დამყარება, მონარქიული ფორმა მისაღები და სასარგებლო იქნება საქართველოსთვის. ასე ვთქვათ, ეს არის მონარქიზმი ანგარიშითა და გონიერებით გამოწვეული, როგორც ეს იყო ნორვეგიაში 1905 წ., ანდა ფინლიანდიაშია ეხლა. მაგრამ ამ „ფერს“ საქართველოში ეხლა არავითარი მნიშვნელობა არა აქვს“.

უეჭველია, რომ ყველა ის „გვირგვინები“ ცოტათი აინტერესებთ Wilhelmstrasse-ზე: ოცნებები იბადებიან სხვა წრეებში.

დასასრულ მე ვაძლევ ჩემს მოსაუბრეს შემდეგ „დიაგნოსტიურ“ კითხვას: „როგორ წარმოვიდგინოთ მომავალში გერმანიის წარმომადგენლის მდგომარეობა საქართველოში?“—„ფორმალურათ იგი ჩვეულებრივი დიპლომატიური წარმომადგენელი იქნება; არსებითად, შეიძლება, უახლოვდებოდეს ინგლისის რეზიდენტს ინდოეთის დამოუკიდებელ სახელმწიფოსთან“. რათქმა უნდა, მე მხედველობაში მაქვს იურიდიული სქემა და არა შინაური ყოფა-ცხოვრების ან და სოციალურ-პოლიტიკური მხარე... მე ვიცი რომ ქართველები ინდოელები არ არიან“.

14 ივნისი. სალამოს ფ. ვ—სთან დარბაზობა. ისევ ახალგაზრდა დიპლომატები, ორიენტალისტები და სხვა. სხვათა შორის

იყო სპარსული ნოხებისა და მატყლის მსხვილი იმპორტიორი (ფო-თი—თფილისი—თავრიზის ხაზი!) და საიმპერიო ბანკის ერთი მთავარ-მმართველთაგანი ფონ-გლაზენაპი, რომელიც გამოდგა თფილისის 1-ლ კლასიკური გიმნაზიის მრავალ თაობათა გერმანული ენის მასწავლებლის კ. ფ. განის უნივერსიტეტის ამხანაგი.

### 30.

16 ივნისი. დღეს დელეგაციის „საერთო კრებულმა“ მოის-მინა ჩემი მეორე მემორანდუმი; პირველი აღნიშნავდა, თუ ვინა ვართ ჩვენ; მეორე აღნიშნავს, თუ არსებითად რა გვინდა მივიღოთ გერმანიიდან.

მ. წერეთელი და გ. მაჩაბელი — ძვირფასი არიან ჩვენთვის; მათ დაჰყავთ ა. ჩხენკელი და კარგი საკმაზი არიან ამ დინჯ, მაგრამ ძნელათ მოსანელებენ, საქმლისათვის.

ჩვენ კანცელარიაში „დამყავებული“ წეს-რიგი კოკლობს. მდივნის ვალდებულებანი დააკისრეს სპირდონ კელიას, საქართველოში იშვიათ პარლამენტარულ მოღვაწეს, მშვენიერ ორატორს, ჟურნალისტს: იგი ეხლა თფილისში უნდა მუშაობდეს და არა „აწეს-რიგებდეს საქმეებს“.

17 ივნისი. გენერალმა ფონ-ლოსოვმა შეგვატყობინა, რომ ოსმალოები თავრიზში არიან. ვეპიბის ადგილზე დანიშნულია მისივე ძმა ესსად-ფაშა. ბათომიდან ხალილ-ბეის დაბრუნების შემდეგ კონსტანტინოპოლში გამოცხადებულ ოფიციალურ ცნობაში ნათქვამია, რომ ბათომში ხელ-მოწერილი შეთანხმებანი არ არის საბოლოო. ლოსსოვის აზრით ეს უკვე უკან დახევია. ჩვენს მემორანდუმებს იგი აგზავნის მთავარ ბანაკში.

18 ივნისი. ჩვენ სამმა (ჩხენკელმა, ნიკოლაძემ და მე) ვინახულეთ სახალხო მეურნეობის სამინისტროს (Reichsvirtschaftsamt) შენობაში ამ დარგის სახელმწიფო მდივანი ბარონი ფონ შტეინი. ის ფიქრობს, რომ უმჯობესია საქართველოს მადნების საწარმოოთ ერთი საზოგადოების დაარსების მაგიერ (იხ. ზემოთ) მოეწყოს სხვა და სხვა დარგისათვის მთელი რიგი საზოგადოებებისა.

შტეინს, როგორც ყველა მათ, აინტერესებს ბამბა, მატყლი და სხვა.

თფილისში გერმანელთა ორი ბატალიონი (1800 კაცი) უკვე სდგას. შეიძლება ჩამოვიდეს კიდევ არტილერია.

საქართველოში მხოლოდ სამი კვირისთვის სამყოფი ნავთია; ნავთის მხრივ სრულიად დამოკიდებული ვართ ბაქოდან.

კიდევ ცნობა (გერმანული წყაროებიდან): ბორჩალოს მაზრაში „ბანდებმა“ მოითხოვეს აზერბაიჯანთან შეერთება, საქმე არ გართულებულა, რადგან წინააღმდეგობა გაუწიეს.

სადგურ ევლახზე თურქებმა მოჰკლეს ავსტრიელი ოფიცერი. თურქების ამ კბილთა ღრქენაში საგარძნობია ოსმალთა გაბოროტება მოკავშირეებზე—ქრისტიანებზე.

მართლა, ავსტრო-უნგრეთიც აგზავნის თფილისში თავის წარმომადგენელს—ბარონ ფონ-ფრანკეშტეინს.

სალამოს სამივე ისევ საგარეო საქმეთა სამინისტროში ვიმყოფებით—ჯერ ფონ-როზენბერგთან და დ-რ გეპპერტთან. მოკლეთ ვაცნობ მათ ჩვენი მეორე მემორანდუმის დებულებებს, რომელსაც მათდამი ჯერ არ მიუღწევია: საქართველო დამოუკიდებელი სახელმწიფოა; გერმანიის მდგომარეობის უპირატესობანი, რომელნიც გამომდინარეობენ ხელშეკრულებათა კრებულისა და სხვა. შემდეგ დიდ ხანს ვისხედით მინისტრის თანაშემწესთან, ბარონ ფონ-ბუშესთან. როცა მასთან მივედიოდით, ფონ-როზენბერგმა სთქვა: ჩვენ კი გვეგონა, რომ ლაპარაკი იქნებოდა გერმანიასთან უფრო მჭიდრო კავშირზე და საქართველო იქნებოდა ჩვენი „Schutzstaat“-ი. მე უპასუხე: „არსებითად მე პროტექტორატის არ მეშინია; მაგრამ ახლა ტერმინი Schutzstaat ყურს მხვდება, როგორღაც... როგორ ვსთქვა... აფრიკანულათ.

როცა დავბრუნდით ბუშედან, განვაგრძეთ ბაასი. ჩვენკელი თავის ჩვეულებისამებრ ამტკიცებს საქართველოს დამოუკიდებლობის ისტორიულ უფლებას, რომელიც „რუსების წასვლის“ შემდეგ ავტომატიურათ აღსდგა 1788 წლის ტრაქტატის საფუძველზე და სხვა. ამ საბუთებს გეპპერტი სკეპტიკურათ უყურებს.

მაგრამ ასეთ საგნებზე კამათი უნაყოფო იყო. რუსეთისაგან ჩამოშორებისათვის რომ მომზადდეს უფრო პრაქტიკული საფუძველი, რატომ არ უნდა მივმართოთ პლებისციტს?

მათი მეორე რჩევა იყო: ვეცადოთ, ბაქოს ნავთის სამრეწველო რაიონი სავსებით არ ჩამოშორდეს რუსეთს; მათის აზრით მაშინ გაადვილდება რუსეთის მიერ საქართველოს ცნობა,

ფეიქრობ რომ ეს მოსაზრებანი ძლიერ საყურადღებოა: ისინი გვიჩვენებენ, გერმანიის დიპლომატიის პრაქტიკულ ცდას გამონახონ მოსკოვისა და თფილისის მთავრობათა შორის რაიმე საკომპრომისო გზა, ჩხენკელს კი არ მოსწონს: „ჩვენ,—ამბობდა იგი—რუსეთმა ისედაც უნდა გვიცნოს, ჩვენ დამოუკიდებელი სახელმწიფო გვქონდა, ჩვენ არ დაუპყრივართ, როგორც კავკასიის სხვა ნაწილები და სხვა.



სალამოს აქ დიდხანს იჯდი Paul Rohrbach, პუბლიცისტი, გერმანიის იმპერიალიზმის „იდეოლოგი“, იგი ბალტიელია გვარწმუნებდა, რომ გერმანიას ძლიერ მალე შეუძლია კურლიანდიის კოლონიზაცია (ახალშენებით მოფენა), რადგან ლატიშები სუსტათ მრავლდებიან; რორბახი ხშირათ ყოფილა საქართველოში, სვანეთსა და მესხეთსაც კი იცნობს. ბევრს რასმეს გამომკითხავდა, სხვათა შორის მართვა—გამგეობის ფორმაზე. „არიან თუ არა საქართველოში ძველი დინასტიის შთამომავალნი“.

რორბახი ამტკიცებს, რომ რეიხსტაგის ყველა წევრთა შორის ოცდაათმაც კი არ იცის, სად არის საქართველო. (ნუთუ ამას ისეთი მნიშვნელობა აქვს, როცა თფილისში 1800 გერმანელი ჯარისკაცია?).

20 ივნისი. გენერალი კრესსი გუშინ უნდა გამგზავრებულიყო კონსტანტინოპოლიდან ფოთში.

კონსტანტინოპოლში ჩავიდენ საქართველოს დელეგატები: გეგეკორი, ოდეშელიძე, გვაზავა და სხვები. აქ რალაც მიზეზით წარმოიდგინეს, რომ ეს ძლიერ ცუდი ამბავია, რომ ოსმალეთი ჩაფუშავს ჩვენს მუშაობას ბერლინში. საერთო შიში! ყველაფერი დაილუპა—გაიძახის ნიკოლაძე (!?) მიხ. წერეთელმა გააბა წუწუნი. მე ვცდილობდი დამემტკიცებია მათთვის, რომ დელეგაციის კონსტანტინოპოლში ჩასვლით, ჩვენ მხოლოდ მოვიგებთ. (მაგრამ რათ არის იგი ასე მრავალრიცხოვანი?); რომ ოსმალეთთან უნდა მოვილაპარაკოთ მეგობრულათ; რომ ასეთი უშუალო მოლაპარაკება იქ, გვამაგ-



რებს ჩვენ აქ, და აიძულებს თვით გერმანიას დააჩქაროს საქართველოს დამოუკიდებლობის ცნობა,

კიდევ მეტს ვიტყვი: არა დიპლომატიურათ მოიქცა ჩვენი საგარეო საქმეთა მინისტრი, რომ პირდაპირ აქეთ წამოვიდა. თითქოს ყურადღებას არ აქცევდეს კონსტანტინოპოლს—პირიქით იქ რომ ყოფილიყო არ დაფარავდა ჩვენს აქაურ მუშაობას.

ჩხენკელმა დეპეშით გამოიწვია ბერლინში გეგეკკორი.

21 ივნისი. მე და ჩხენკელი მივედით საგარეო საქმეთა მინისტროში, ნამდვილ საიდუმლო მრჩეველ დ-რ კრიგესთან რომ გადაჭრით მოგველაპარაკნა, თუ რამდენათ შესაძლებელია გერმანიამ ფორმალურათ იცნოს საქართველოს დამოუკიდებლობა. გენერალმა ფონ-ლოსსოვმა, რომელსაც, როგორც სამხედრო პირს, მოსწყინდა რეგულიარული დიპლომატიის გადაქარბებული აწონ-დაწონვა, გვიჩიო უფრო ენერგიულათ მოვლაპარაკებოდით კრიგეს და დავმყარებოდით საქართველოს განსაკუთრებულ უფლებებზე: ეს „განსაკუთრებული უფლებები“ და 1783 წლის ტრაქტატი მხნე გენერალს ჩხენკელმა შეაზილა.

ამ გვართ ჩვენ დავიწეეთ ლაპარაკი ცნობაზე.

კრიგე. ამას გერმანია რუსეთზე უფრო ადრე ვერ იზამს, რადგან ასეთი ცნობა, მას შემდეგ რაც ბრესტ-ლიტოვსკის ზავი შეკრულია, იქნებოდა მტრული მოქმედება რუსეთის მიმართ. იქ, ბრესტ-ლიტოვსკში, რუსეთი წინადადებას გვაძლევდა, მიგველო ხალხთა თვითგამორკვევის უფლება საერთაშორისო უფლებების საერთო პრინციპის მნიშვნელობით. მაშინ ეს წინადადება ჩვენ გადაჭრით უარყავით; როგორღა შეგვიძლია ეხლა, რუსეთის ერთი ნაწილი, საქართველო, რომელმაც თავი დამოუკიდებლათ გამოაცხადა, ვიცნოთ მხოლოდ მისი გამოცხადების აქტის ძალით? ჩვენ დავემსგავსებოდით იმ გლეხს, რომელმაც უარი განაცხადა დანიშნულ ფასათ ეყიდა ცხენი, და შემდეგ კი თვალიდან მოინდომა ცხენის გამოყვანა იმ საფუძვლით, რომ მას წინადადებას აძლევდენ ცხენი ეყიდნა.

თქვენ ამბობთ, რომ საქართველოს აქვს განსაკუთრებული უფლებები... არ შევდივარ მათ კრიტიკულ განხილვაში, მაგრამ ვიტყვი, რომ თუ საქართველო იყო სახელმწიფო, იგი ასეთი აღარ არის. შემდეგმა ფაქტებმა შექმნეს ახალი მდგომარეობა. და ყოველ შემთხვევაში: განსაკუთრებულ უფლებებზე დაყრდნობა შეიძ-

ლება რუსეთსა და საქართველოს და არა რუსეთსა და მესამე სახელმწიფოს განწყობილებაში.

არ აჯობებს კითხვა პლებისციტით გადაწყდეს? ამის წინააღმდეგ, მგონი, ბოლშევეკებიც ვერაფერს იტყვიან.



ჩხენკელი, რა თქმა უნდა, დაეინებით იცავდა საქართველოს განსაკუთრებულ უფლებებს; უკვირდა, როგორ შეიძლებოდა მათი საკამათოთ გადაქცევა; ამტკიცებდა, ამ უფლებებს იცნობენ ამერიკაში, ინგლისში, საფრანგეთში (!) და მხოლოდ გერმანია რალაც მიზეზის გამო მათ არ ცნობს. მე აღენიშნე, რომ ზემით გამოცხადებულ დამოუკიდებლობის მიღების შემდეგ უხერხულია პლებისციტის მოხდენა, რომ აგიტაცია არ არის სასურველი ასეთ დროს და სხვა.

კ რ ი გ ე. ბრესტ-ლიტოვსკის ხელშეკრულობით ზოგიერთი ნაწილი გამოვიდა რუსეთის შემადგენლობიდან; სხვებისთვის შექმნილია განსაკუთრებული მდგომარეობა და სხვა. დანარჩენი ნაწილები კი რჩებიან რუსეთის სუვერენიტეტის ქვეშ. რაც შეეხება კავკასიას, ამ ხელშეკრულებაში აღნიშნულია მხოლოდ 3 ოლქი, რომელიც ჩამოეცალა ოსმალეთს 1878 წ. და მეტი არაფერი!

ბ. მაგრამ იქ პირდაპირ ნათქვამია, რომ ამ ოლქების მოწესრიგებაში, ერთგვარი ხმა ეძლევა გარდა ოსმალეთისა „მეზობელ სახელმწიფოებსაც“ (მხოლოდ არა რუსეთს).

მე ვცდილობ, ვიმოწმო ბრესტ-ლიტოვსკის ხელშეკრულების მეოთხე მუხლი და გერმანიის მთავრობის მიერ რეისტრატში წარდგენილი განმარტება და დავამტკიცო, რომ ბრესტ-ლიტოვსკში მხედველობაში ჰქონდათ სწორეთ ამიერ-კავკასიის „ახლად წარმოშობილი სახელმწიფოები“.

კ რ ი გ ე. ეს კითხვის თქვენი გაგებაა, ჩვენ ასე არ უყურებდით საგანს. მაგრამ, თქვენ გაიგებთ, რომ ჩვენ არ შეგვიძლია იმ დროს, როცა ომი, მგონი დასასრულსაა მისული, ისეთი მდგომარეობა შევქმნათ, რომ საჭირო გახდეს საფრანგეთის ფრონტიდან მოვხსნათ თუნდაც რამოდენიმე კორპუსი.

ბ. კეთილი. მაგრამ თუ საქართველო და ამიერ-კავკასია რუსეთს ეკუთვნიან, როგორ მიიღო გერმანიამ მონაწილეობა ბათუმის კონფერენციაში, რომელშიაც ეს, თქვენის აზრით, რუსეთის ტერი-

ტორია გამოდიოდა როგორც მხარე, როგორც სახელმწიფო, ყოველ შემთხვევაში, თქვენივე მოკავშირის—ოსმალეთის მიერ უკვე ცნობილი?

კ რ ი გ ე. ეს მონაწილეობა იყო, ასე ვთქვათ, ფაქტიური იმ პირობით, რომ წინასწარ გიცნობდათ რუსეთი...

ბ. არა ფაქტიური, არამედ რეგულიარული, კანონიერ რწმუნებაზე დამყარებული. არავითარი განცხადება არ შემოსულა არც ამ მონაწილეობის ფაქტიურ ხასიათზე, არც რუსეთის უფლებებზე არც წერილობით, არც სიტყვიერათ! კიდევ მეტს მოგახსენებთ: მაშინაც კი, როცა ბათომში მოლაპარაკების დროს გავიგეთ, რომ მირბახსა და მოსკოვის მთავრობას შორის მიწერ-მოწერა სწარმოებს ბათომის კონფერენციაზე \*) უკანასკნელის მონაწილეობის მიღების შესახებ—მაშინაც კი არც ოსმალეთს გახსენებია და ჩვენთვისაც არ გაუხსენებიათ რუსეთის უფლება! დასასრულ, როგორ ხსნით თქვენ საქართველოს მთავრობასთან შეთანხმებით გერმანიის ჯარის ყოფნას ტფილისში?

კ რ ი გ ე. რადგან რუსეთი ფაქტიურათ ვერ ანხორციელებს ხელის უფლებას, გერმანია თავისი ინტერესების დასაცავათ იძულებული იყო გაეგზავნა იქ თავისი ჯარი.

ბ. და ეს მოხდა რუსეთის ნებართვით ან და მას, როგორც ლუვერენს, აცნობეთ მაინც?

კ რ ი გ ე. საერთოდ, თქვენის აზრით, ჩვენ იმდენი ცოდვა ჩაკვიდენია, რომ უნდა განვაგრძოთ იმავე გზით სიარული!..

ბ. არა; მაგრამ დამეთანხმებით, რომ ყველა ფაქტი ეწინააღმდეგება ბრესტ-ლიტოვსკის ხელშეკრულების თქვენ მიერ წამოყენებულ სასტიკ ფორმალურ თეორიას. რაც დრო გავა, წინააღმდეგობა მით უფრო გამოაშკარავდება. უფრო ადვილია იმ მოსაზრებაზე დავდგეთ, რომ ბრესტ-ლიტოვსკის მოლაპარაკების დროს გერმანიასა და რუსეთს, ამიერ-კავკასიის ახალი სახელმწიფოებიც მხედველობაში ჰქონდათ.

კ რ ი გ ე. რა ექნათ, ჩვენ ერთმანეთი ვერ დავარწმუნეთ. მე გამოვთქვამ აზრს, რომელსაც აქ, ჩვენს სამინისტროში, ყველა ეთანხმება. მე იურისტი ვარ და ვმსჯელობ, როგორც ამას მოითხოვს საერთაშორისო უფლება. როგორ უყურებს ჩვენი მთავრობა პოლი-

\*) იხ. ზემოთ თავი მეშვიდე.

ტიკურ კითხვებს—ეს არ ვიცი. ასეთს კითხვებს გადასწყვეტენ კანცლერი, იმპერატორი.

და ლიუდენდორფი—დაუმატე მე გონებაში. მაგრამ მეც აუცილებლათ მიმაჩნია, რომ წინასწარ უნდა იქნეს რუსეთის თანხმობა საქართველოს გამოყოფაზე; ამის შემდეგ არ დაიყოვნებს გერმანიის ცნობა, რადგან პოლიტიკურად გერმანია ასეა განწყობილი.



სალამოს ცოლ-ქმარ მ—სთან შეეხვდით მაქსიმილიან გარდენსა და თეოდორ ვოლფს... გარდენმა ძლიერ სკეპტიკური აზრი გამოთქვა ომის შედეგებზე. ნ—ს გერმანულის უცოდინარობის გამო, ეყვინთებოდა; ჩ. ამათ ცდილობდა გადაეყვანა, ბერლინის ჟურნალისტიკის ეს მთავრები საერთო კითხვების შარა-გზიდან საქართველო-აზერბაიჯანის საქმეების ორლობეში, რომელთაც ჩ—ს სიტყვებით მსოფლიო მნიშვნელობა აქვთ: არაფერი გაუვიდა.

22 ივნისი დ-რ კრიგეს აზრი სავსებით გასაგებია, მაგრამ ეს გზა (ჯერ მოსკოვიდან დალოცვის მიღება) შორეულია. ბერლინის ჰოქმანს ჩვენდა საზიანოთ, დიდი მნიშვნელობა არ მისცენ კონსტანტინოპოლში! ეს იყო მიზეზი, რომ ფონ ლოსსოვთან დღევანდელ თათბირზე, მე მივაქციე მისი ყურადღება მისი აღმატებულების დ-რ კრიგეს ფონ-ლოსსოვის დიპლომატიისადმი თავისებურ განწყობილებებზე და აქედან გამომდინარე ჩვენი გამოურკვეველ და ორკოფ მდგომარეობაზე.

მართლაც, საქართველოს აქვს შეძლება შეუთანხმდეს რუსეთს და უშუალოთ მიიღოს ცნობა; ასევე შეიძლება ოსმალეთთან შეთანხმება. ბერლინში ჩვენ მოგვიყვანა უფრო შორეულმა მიზნებმა. მაგრამ თუ საქმე ასე გაჭიანურდა და სხ.

„გაჭიანურებაში“ თუ ასეთი რამ ხდება, ლოსსოვი არ არის დამნაშავე, მაგრამ ზოგჯერ საჭიროა ამ გვარი ტონით ლაპარაკი.

22 ივნისი. დღეს, რეიხსტაგში, დიპლომატიურ ლოყიდან ვისმენდით კანცლერისა და საგარეო საქმეთა სამინისტროს ხარჯთაღრიცხვის განხილვას.

დიდი, ძლიერი სიტყვა ფ. — კიულმანისა. საქართველოს უახლოეს ისტორიისათვის მას ჰქონდა ისტორიული მნიშვნელობა. მისი სიტყვით ომის მიერ გამოწვეულ კითხვების გადასაწყვეტათ თითქ-

მის ამ დღეებში შეიკრიბება კონსტანტინოპოლში მოკავშირე სახელმწიფოებისა და კავკასიის ხალხების წარმომადგენლების კონფერენცია (ე. ი. კონფერენცია, რომლისათვისაც ჩვენი დელეგატები ჩავიდნენ კონსტანტინოპოლში და რომლის მოწვევა ჩვენი ბერლინში ჩასვლის უმთავრესი მიზანიც იყო. ამ კონფერენციას, როგორც უმაღლესს ინსტანციას უნდა განეხილა ბათომში 4 ივნისს ხელმოწერილი აქტები)\*).

მეორეს მხრით ძ. უცილობლათ დაასაბუთა, რომ გარკვეულ ახლად აღმოცენებულ სახელმწიფოებრივ ორგანიზმთა რუსეთის შემადგენლობისგან გამოსვლის შესახებ საჭიროა რუსეთის საბჭოთა მთავრობასთან წინასწარი მოლაპარაკება, და ამის შემდეგ იქნება შესაძლებელი ამ ახალ სახელმწიფოების გადაჭრითი დიპლომატიური ცნობა.

კერძოთ ასეთი თანდათანობა შეეხება საქართველოსაც, რომელიც ეროვნულის მხრით ძ.-ს მიაჩნია კავკასიელ სახელმწიფოთა შორის ყველაზე უფრო ჩამოყალიბებულათ... შემდეგ, როცა შეეხო სომხეთსა და აზერბაიჯანს, კ—მ აღნიშნა, რომ ამ სამ რესპუბლიკას სურვილი აქვს გაერთიანდეს.

ამიერ-კავკასიაში ოსმალთა ჯარების წინსვლა ისე, როგორც ბათომ-ჯულფა-თავრიზის ხაზის დაჭერა, განაცხადა კ—მა, აიხსნება სამხრეთ-მესოპოტამიაში სტრატეგიული მდგომარეობით და ამ გზით სპარსეთის კუთვნილ აზერბაიჯანზე გავლით ტიგროსის აუზთან კავშირის დამყარების საჭიროებითო. კიულმანმა აგრეთვე გაკვრით აღნიშნა, რომ ოსმალოებმა ამ ოპერაციების დროს ისეთი ტერიტორიები დაიპირეს, რომლის დიდი ხნით ოკუპაციაც ან ანექსიაც სრულიად არ გამომდინარეობს ბრესტლიტოვსკის ხელშეკრულებიდან. მაგრამ მან დაუმატა, ოსმალთა კავკასიაში წინსვლა შეჩერებულია და ყველა ეს კითხვები, როგორც ნათქვამია, განიხილება კონსტანტინოპოლის მომავალ კონფერენციაზეო.

ქ. სთქვა: „საქართველოსთან ჩვენ დავამყარეთ მეგობრული განწყობილება—ჩვენ იგი ვიცანით *de facto* (ფაქტიურათ). ჩვენსა და აქ გამოგზავნილ საქართველოს საგარეო საქმეთა მინისტრის შორის სწარმოებს აზრთა მეგობრული ვაცვლა-გამოცვლა. ჩვენის

---

\*) იხ. ქვევით თავი მეთორმეტე. ნამდვილათ ეს კონფერენცია არ ყოფილა მოწვეული.

მხრით ჩვენ გავგზავნეთ ტფილისში დიპლომატიური მისიით გენერალი ფონ-კრესი. ჩვენ უსურვებთ საქართველოს სახელმწიფოს, ამ მამაც ხალხსა და მდიდარ ქვეყანას მტკიცე მომავალს და სიამოვნებით მოვიმოქმედებთ ყველაფერს, რაც კი ჩვენგან არის დამოკიდებული, რომ დავამყაროთ მეგობრული განწყობილება საქართველოსა და გერმანიას შორის“. ამ სიტყვებმა გამოიწვიეს საერთო ტაში \*).

ამ გვარად ჩვენმა მეცადინეობამ ბათომში, ფოთში, ბერლინში ამოიღო არ ჩაიარა. ჩვენ ვიპოვეთ „სამართალი“ ოსმალეთზე, და ცნობის კითხვაც პრაქტიკულად დადგა.

მაგრამ ყველაზე უმთავრესია, რომ საქართველო და კავკასია შევიდა ევროპის პოლიტიკასა და ისტორიაში. დასრულდა პროვინციალურ-რუსული ხანა ჩვენი არსებობისა!

საქართველო თავის თავად, მაგრამ ყველაზე უფრო მნიშვნელოვანი იყო ის საერთო, რაც სთქვა კიულმანმა ომის შესახებ, მთელი პასუხის მგებლობა მის გამო კ—მ დაადგა რუსეთს (ბოლშევიკები ხომ ამის წინააღმდეგ არ დაიწყებდნენ კამათს!).

გერმანიის ჯარის წარმატებაზე იგი თავდაპირვით ლაპარაკობდა და ექვი გამოსთქვა, რომ ომის გათავება შესაძლებელი გახდეს მხოლოდ იარაღით! გერმანიის სასიცოცხლო მოთხოვნილებანი მან შემოზღუდა ისტორიის მიერ შემოფარგულ საზღვრებში თავისუფალ განვითარებით, ზღვაოსნობის თავისუფლებით და კოლონია-

---

\*) იმევე კამათში—24 და 25 ივნისი 1918 წ.—საქართველოსა და საერთოდ კავკასიას შეეხებ შემდეგი ორატორები: ხარჯთ-აღრიცხვის მომხსენებელი პრინცი Zu Schonaiach-Carolath (ნაციონალ-ლიბერ.); გრობერი (ცენტრი); დ-რ დავიდი (სოც.); გრაფი ფონ-ვესტარპი (კონსერვ.); დ-რ შტრეზემანი (ნაც-ლიბ.); პააზე (დამოუკ.-სოც.) დ-რი ვერნერი (გერმან. თავისუფალი მოაზროვნე). გარდა სტენოგრაფიული ანგარიშისა და გაზეთებისა იხ. ბროშიურა in-folio Das Neue Georgien. Eine Denkschrift mit statistischen Tabellen und einer Kartenskizze von Michael von Tseretheli, სადაც მოყვანილია ამ სიტყვებიდან ამონაწერები.

საერთოდ დეპუტატები თანაგრძნობით შეხვდნენ საქართველოს დიდი ინტერესი გამოიჩინეს მასზე გერმანიის გაელენის გაერცყლებსადმი. იმავე სიტყვებში ბერი იყო ნათქვამი სომხების სასარგებლოთ, რომელნიც იტანჯებიან ოსმალეთის დევნიდან.

ლურ ისეთ სამფლობელოს მოპოვებით, რომელიც შეეფარდება გერმანიის ხალხის ეკონომიურ ძალას.

აშკარათ სჩანს, რომ ყველაფერი ეს არ არის გარკვეული. მაგრამ კ. აუცილებლად სთელის მეომართა შორის ზავის შესახებ აზრის გაცვლა-გამოცვლას. მაშასადამე კ—ს არ სწამს გერმანიის იარაღის გამარჯვება. ეს მეტად დიდ მნიშვნელოვანია.

---

## თავი მეთორმეტე.

### ო ს მ ა ლ მ თ ი ზ ე ნ ი მ ო ზ ს.

#### 31.

სანამ განვაგრძობდეთ ამბავს, თუ როგორ განვითარდა ბერლინში ჩვენი მოლაპარაკება, რა ნაყოფი მოგვცა ან არ მოგვცა მან, საჭიროა უკან დაუბრუნდეთ და მოკლეთ აღვნიშნოთ საქართველოსა და ოსმალეთის ურთიერთობა მას შემდეგ, რაც გამოცხადდა საქართველოს დამოუკიდებლობა და შეწყდა ბათომის კონფერენცია (26 მაისი 1918 წ.).

ეს იყო სწორეთ შეწყვეტა. ოსმალეთის დელეგაცია ბათომში დარჩა და უცდიდა, რომ დაშლილ ამიერ-კავკასიის დელეგაციის მაგიერ გამოჩნდებოდა სამი ცალ-ცალკე დელეგაცია—საქართველოსი, სომხეთისა და აზერბეიჯანის, რომელთაც გამოაცხადეს თავისი დამოუკიდებლობა საქართველოს შემდეგ, 28 მაისს. ამ დელეგაციებმა არ დაიგვიანეს. საქართველოს დელეგაციაში შედიოდნენ: მინისტრთა თავმჯდომარე რამიშვილი, ინფანტერიის გენერალი ოდიშელიძე, ბ.ბ. გვაზავა და რცხილაძე. ერთი სრული გენერალი და დანარჩენნი—სამი პარტიის წარმომადგენელი: სოც.-დემოკ., ნაც.-დემოკ., და სოც.-ფედერ.—ასეთი იყო აპარატი, რომელიც გაგზავნილ იქნა უეჭველად არასაბოლოო და შინაარსით საქართველოსთვის მეტათ სამწუხარო აქტების ხელისმოსაწერათ!

მოლაპარაკება დაიწყო 31 მაისს 1918 წელს შეკითხვით: შეეხება თუ არა საქართველოს ახლად დაფუძნებულ რესპუბლიკას ის ულტიმატუმი, რომელიც გაგზავნილი იყო 26 მაისს ამიერ-კავკასიის დელეგაციის სახელზე? „რა თქმა უნდა შეეხება“—უპასუხეს დაუყონებლივ ოსმალოებმა და დაუმატეს: „გთხოვთ პასუხი მოგვცეთ არა უგვიანეს ღამის 12 საათისა“.



ამის შემდეგ რამიშვილმა განაცხადა სურვილი, დაემყარებინა „კეთილ მეზობლური განწყობილება ოსმალეთთან“, მხოლოდ იმ პირობით, რომ „საქართველოს სამხრეთის საზღვარი დადებული ყოფიყო ბრესტ-ლიტოვსკის ხელშეკრულების თანახმად“. — ე. ი. იგი უარს-ყოფდა (№ 2-ით) ოსმალეთის ულტიმატუმის ტერრიტორიალურ მოთხოვნებებს, მაგრამ შემდეგ (№ 3-ით) დათანხმდა ეს მოთხოვნებიანი მიეღო.

ხელის მოწერა და დარჩა, რაც შესრულებულ იქმნა ქ. ბათომში 4 ივნისს საქართველოს მეორე დელეგაციის ბერლინში ჩასვლის მეორე დღეს.

არსებითად ეს უბრალო პროცედურა მწარე აბის გადაყლაპვისა არ იქნა დატოვებული უსიტყვებოთ—ილაპარაკა იმანაც, ვინც აბს ყლაპავდა და იმანაც ვინც აბი გადააყლაპვინა.

ხალილ-ბეიმ ის აზრი გამოთქვა, რომ ბრესტ-ლიტოვსკის ზავის დამატებითი უსიამოვნება თქვენსავე თავს დააბრალეთო—ხელს რათ გეიშლიდით შევსულიყავით ბათომსა და ყარსშიო? საერთოთ კი განაცხადა, რომ კავკასიაში მოწესრიგებულ იქნა, ძლიერი და პროგრესიული სახელმწიფოს დაარსება ოტომანის იმპერიისთვის სიკვდილ-სიცოცხლის კითხვა არისო, ასეთს სახელმწიფოს—დასძინა მან—საუფქლათ უნდა დაედვას კავკასიის ხალხების ურთიერთი მეგობრობა და მისი ძალა განსაკუთრებით უნდა ემყარებოდეს ქართველთა და კავკასიის მუსლიმანთა მეგობრობასო.

თავის მხრით რამიშვილმა გამოსთქვა სიამოვნება ომის დამთავრების გამო; ომის, რომელიც „მეთვის მთავრობიდან მემკვიდრეობათ დარჩა და რომლის გამოცხადებაში ქართველი ხალხი არ იღებდა არავითარ მონაწილეობას, გამოსთქვა იმედი, რომ „ჩვენს ერს მუდამ ექნება უფლება მშვიდობიანი ინტელექტუალური განვითარებისა (!) და სხვა.

რამიშვილის სიტყვით „ჩვენმა სახელმწიფომ ამ ომში თავი ნეიტრალურათ გამოაცხადა“; — ეს განცხადება სრულიად არ იყო საკირო და თავის თავად ამ სახით არც იყო სწორი, რადგან საქართველოს რკინის გზები გადადიოდა მეომართა ერთი მხარის განკარგულებაში.

საპასუხო სიტყვის შემდეგ საქართველოს დელეგაციის თავმჯდომარემ წაიკითხა ახალი დეკლარაცია, რომელიც წინათ ზავის პი-

რობების კერძო მოლაპარაკების დროს უკვე წაკითხული იყო (კერძო მოლაპარაკება წინ უსწროდა კონფერენციის ფორმალურ სხდომას). ამ დეკლარაციაში ნათქვამი იყო, რომ 28 მაისს ფოთში ხელმოწერილი შეთანხმება საქართველოს რკინის გზებით გერმანიისა და მისი მოკავშირეების სამხედრო მასალების გადაზიდვის შესახებ სავალდებულოა საქართველოსათვის. რადგანაც ხაზგასმით აღნიშნული იყო, რომ გერმანია—საქართველოს ხელშეკრულება საქართველოსთვის „სავალდებულოა“, ხალილ-ბეის საბაბი მიეცა მოეთხოვნა ენაწყლიან რამიშვილისაგან ამავე საგანზე ოსმალეთ—საქართველოს (დამატებითი) შეთანხმების ვალდებულობის აღნიშვნა.

დასასრულს ყველა შეთანხმებას ხელი მოაწერა ოსმალეთის მხრით ხალილმა და ვეჰიბმა, საქართველოს მხრით კი წინათ დასახელებულმა ოთხმა წარმომადგენელმა. ამის შემდეგ კიდევ ილაპარაკა საქართველოს დელეგაციის თავმჯდომარემ ოსმალეთისა და მისი მოკავშირეების მიერ საქართველოს დაჩქარებით ცნობის საქიროებაზე და ოსმალეთსა და საქართველოს შორის დიპლომატიური განწყობილების საჩქაროთ მოწყობის შესახებ. ხალილ-ბეის აზრით, ეს განწყობილება მალე იქნება დამყარებული და „ეხლა მიღებული ხელშეკრულება უკვე შეიცავს ფორმალურ ცნობას“ საქართველოს დამოუკიდებლობისას \*).

ბათომში ხელმოწერილი ოსმალეთსა და საქართველოს შორის ზავის და მეგობრობის შესახებ ძირითადი ხელშეკრულობის რატიფიკაცია საბოლოოდ უნდა მომხდარიყო, თუ კი მოსახერხებელი იქნებოდა, ერთს თვეში (მე-XIII მუხლი). რატიფიკაცია არ მომხდარა და თვით ხელშეკრულებაც ძალაში არას დროს არ შესულა.

საზღვრები საქართველოსა და ოსმალეთს შორის ამ ხელშეკრულებით საერთოდ იმიჯნებოდა 1828 წლის ადრიანოპოლის ტრაქტატის წინა დროინდელ რუსეთ-ოსმალეთის სახელმწიფო საზღვრებთან შეფარდებით. ეს ნიშნავდა, რომ საქართველო რჩებოდა იმ ფარგლებში, რომელშიაც იგი იმყოფებოდა რუსეთთან შეერთების დროს. ოსმალეთი კი უკანვეღებულბოდა როგორც 1813 წელს დაკარგულს ბათომის, არდაგანისა და ყარსის (ბრესტ-ლიტოვსკის ზავით უკვე

\*) იხ. კონფერენციის სხდომის ოქმი, რომელიც ხელმოწერილია 1918 წ. 5 ივნისს ბათომში დელეგაციის მდივნების—დრ. დამბაშიძისა და ორხან-ბეის მიერ. ეს ოქმი არ არის არის დაბეჭდილი „ოქმებსა და მასალებსა ისტ“-ში. ხელშეკრულებების ტექსტები იხ. იხ. №№ 172—179.

მიღებულს) სანჯაყებს, ისე ახალციხის (Akhaskia) და ახალქალაქის (Akhilkelek) სანჯაყებს, რომელნიც ჯერ კიდევ ირაკლი მე-II-ის საქართველოსთვის შეპირებული იყო ეკატერინე მე-II მიერ და რომელნიც 1828 წელს მათი დაპყრობის შემდეგ\*) მართლაც შეუერთდა თბილისის გუბერნიას.

ხელშეკრულების პირვანდელი ტექსტი, რომელიც წარედგინა ამიერ-კავკასიის დელეგაციას 11 მაისს 1918 წელს, შედარებით უფრო მკაცრი იყო, ვიდრე საქართველოსთან ზავის ხელშეკრულება 4 ივნისისა; უკანასკნელმა საქართველოს საზღვრებში დასტოვა ახალციხის მაზრის ორი ადგილი: აბასთუმანი (ცნობილი აგარაკი) და აწყური (მტკვარზე, ბორჯომის ხეობაში). ამ დათმობაში სჩანდა როგორც გერმანიის გავლენა, ისე ოსმალების სურვილი, ოდნავ მაინც დაემშვიდებიათ საქართველო, რომელიც ჰკარგავდა მტკვრის სათავესა და ქოროხის მიდამოებში მთელს თავის ისტორიულ მიწაწყალს.

საქართველოს, სომხეთის და აზერბაიჯანის გამიჯვნის ოქმებიც შემდეგში უნდა ყოფილიყო შეტანილი ამ ხელშეკრულების ტექსტში და უნდა გამხდარიყო მის შემადგენელ ნაწილათ (მუხ. მე-III).

ზავის ხელშეკრულებასთან ერთად ხელმოწერილი იყო, ვაჭრობისა და ნაოსნობის დროებითი წესდება (ტრაქტატის პირველი დამატება), შეთანხმება მოსაზღვრე ადგილებს შორის მიმოსვლის განსაკუთრებული უპირატესობის შესახებ (დამატება მე-II) და დებულება ძუსლიმანთა სასულიერო სამმართველოს შესახებ საქართველოში.\*\*)

უფრო მეტი უშუალო მნიშვნელობა ჰქონდა 4 ივნისს ხელმოწერილს დამატებით ხელშეკრულებას ოტომანთა იმპერიასა და საქართველოს რესპუბლიკას შორის, რომელიც ძალაში შედიო-

---

\*) იხ. მე-4-ე „სალკე არტიკული“ 1788 წლის პროტექტორატის შესახებ რუსეთ-საქართველოს ხელშეკრულებისა. ბუტკოვი: კავკასიის ახალი ისტორიის მასალები ტომი II, თავი 108 სპგ. 1869 წ.

\*\*) ეს წესდება საერთოდ შეეფერება ასეთსავე შეთანხმებების ტექსტს, რომელიც ოსმალეთს შეუკრავს, მაგ., ბულგარიასთან და საბერძნეთთან 1912—1913 წელს, ბალკანეთის ომის დროს. მაგრამ ძირითადი ხელშეკრულების მე-VI მუხლის ტექსტი (სვეტი 2. „მ. ი. უ. სულთანის სახელს მუსლიმანები მოიხსენებენ საჯარო ლოცვის დროს“) ოსმალეთმა შეაპარეს ქართველ დელეგატებს უდამატებოთ: „მ. ი. უ. სულთანის სახელს, როგორც ხალიფისას“, რაც მიღებულია სხვა სახელმწიფოებთან ხელშეკრულებებში. ტექსტს ხელი აქვს მოწერილი სიტყვების როგორც ხალიფის დაუმატებლათ.

და დღიდან ხელის მოწერისა, მაგრამ მისი რატიფიკაცია უნდა მომხდარიყო ერთი თვის შემდეგ: (მუხ. მე-VI). ამ ხელშეკრულების თანახმად, უნდა მომხდარიყო საქართველოს ჯარის დემობილიზაცია, არსდებოდა ოსმალეთის სასარგებლოთ ერთგვარი კანტროლი რესპუბლიკის სამხედრო ძალაზე, საქართველო ვალდებული ხდებოდა გაეძევათ თავის მიწა წყლიდან ოსმალეთთან მეომარ სახელმწიფოების ყველა ოფიცრები და მოხელეები („ანტანტის“ ჯარზე არაფერი იყო ნათქვამი; საქართველოში მათი შემოსვლა, როგორც ეტყობა, მაშინ ყოველად შეუძლებელათ ეჩვენებოდათ!) და, რაც უმთავრესია, ხელშეკრულებაში აღნიშნული იყო სამხედრო გადაზიდვისთვის რკინის გზებით სარგებლობის წეს-რიგი. გზების დაცვა პრინციპიალურათ, ევალებოდა ქართველ ჯარს.

დამატებით შეთანხმებას ჰქონდა განსაკუთრებული თანადართი, რომელსაც ხელს აწერდა გენერალი ოდიშელიძე და ვეჭიბი; იგი აწესრიგებდა სამხედრო ტყვეების გაცვლა-გამოცვლის კითხვას.

იმავე საფუძველზე და იმავე დღეს ბათომში ხელ-მოწერილ იქმნა საზავო ხელშეკრულება (დამატებითი შეთანხმებებით) ოსმალეთსა და აზერბაიჯანს შორის (მ. გაჯინსკი და რასულ-ზადე) და აგრეთვე ოსმალეთსა და სომხეთს შორის. სომხეთის წარმომადგენელი იყო ჩვენთვის უკვე ნაცნობი რ. კაჩანუნნი, ა. ხატისოვი და კიდევ მ. პაპაჯანოვი\*). ყარსი-ალექსანდროპოლი-ჯულფას რკინის გზა მისი მიმდევრო ტერიტორიით გადადიოდა ოსმალეთა მფლობელობაში: სომხეთი და კავკასიის მონათესავე აზერბაიჯანიდან ოსმალეთმა გზა გაიკაფა, ხელი მოხვია სპარსეთის აგრეთვე მონათესავე აზერბაიჯანს: მეტად საყურადღებოა! ეს მოვლენა ანდამანტის ისარივით გვიჩვენებს პოლიტიკური სტიქიურ მისწრაფების მიმართულებას. \*\*)

რომ დავამთავროთ მოკლე მიმოხილვა საერთაშორისო აქტებისა, რომელთა ხელის მოწერით ბათომის ლერწამთა და ბზათა შორის კავკასიის ახალმა რესპუბლიკებმა დაიწყეს თავისი დამოუკიდებელი ცხოვრება, საჭიროა მოვიხსენიოთ ბაქო-ბათომის ნავთ-სადენის წესიერად შენახვის კონვენცია, რომელსაც ხე-

---

\*); მე-4-ე სახელმწიფო სათათბიროს ყოფილი წევრი; ამიერ-კავკასიის განსაკუთრებული კომიტეტის (1917 წ.) ყოფილი წევრი.

\*\*); ოსმალეებს წინათაც ეჭირათ თავრიზი დრო გამოშვებით.

ლი მოაწერეს აზერბეიჯანის, საქართველოს და ოსმალეთის წარმომადგენლებმა და შეთანხმება კავკასიის სამი რესპუბლიკისა და ოსმალეთისა ყოფილი ამიერ-კავკასიის რკინის გზების მოძრავ შემადგენლობის წილადხდომილ გზის სიგრძის მიხედვით პროპორციონალურად გაყოფის შესახებ.

### 32

ხალილ-ბეი რომ ბათომიდან ხელ-ცარიელი წასვლას არ ისურვებს; რომ მოწინააღმდეგის გახრწნის გამო გამარჯვებული ოსმალეთი მისთვის საჭირო ზავზე ხელის მოწერას აიძულებს ახალ მთავრობებს—ეს ადვილი წარმოსადგენი იყო. ბრძოლა ოსმალეთის მიერ ასე ძალით დაკისრებულ სეპარატიულ ზავის წინააღმდეგ; მიმართვა მოკავშირეებისადმი, რომ ისინი ჩარეულიყვნენ საქმეში და რამდენადაც შეიძლებოდა შეეცვალათ საქართველოს გამანადგურებელი, ტერრიტორიალური პირობები ზავისა—აი ეს იყო პირველი, რაზედაც უნდა გვეზრუნა ბერლინში ჩასვლისთანავე. გერმანიის მთავრობამ, რა თქმა უნდა, ჩვენი ზრახვები და იმედები იცოდა გენერალი ფონ-ლოსსოვის დახმარებით: ეხლა ჩვენ უკვე ფორმალურათ უნდა დაგვეწყო საქმე.

ჩვენ გადავეცით (ნოტიფიკაცია) გერმანიის მთავრობას საქართველოს 26 მაისს დამოუკიდებლობის გამოცხადების და ბ. რამიშვილის მთავრობის შედგენის აქტი.\*).

„ამ გვართ—ასე იყო ნათქვამი 8 ივნისის ჩვენს ნოტაში—საქართველოში რუსეთის 100 წელზე მეტი ხნის ბატონობის შემდეგ, ქართველმა ხალხმა ისევ დაიქირა თავისი ადგილი დამოუკიდებელ ერთა შორის.

რუსეთთან პოლიტიკურ ხელშეკრულებას მიზნათ ჰქონდა უზრუნველ ეყო შინაგან საქმეებში სრული თავისუფლება და მთლიანობა თავის ტერრიტორიისა, მაგრამ საქართველომ მალე დაინახა, რომ მისი უფლებები ილახება: მისი თავისუფლება შეირყა, ნება-ყოფლობა შეიცვალა სრული ანექსიით.

---

\*) იმავე დროს ჩვენ ვაცნობთ ამიერ-კავკასიის რესპუბლიკის დაშლას.

იმ წამიდან, რაც რუსეთის მთავრობამ ამიერ-კავკასიიდან დაკრძოთ საქართველოდან ჯარები გაიყვანა და ქვეყანა თავისი ბედის ანაბარად დასტოვა, საქართველოს აღმართთა კავშირი არ აერთებს რუსეთთან. უცხო სახელმწიფოსადმი ყოველგვარ ვალდებულებისაგან განთავისუფლებულმა საქართველომ დღეიდან თავი გამოაცხადა დამოუკიდებელ რესპუბლიკათ და იგი ცდილობს თავისი საერთაშორისო განწყობილება დაამყაროს მისივე სასიცოცხლო ინტერესებთან შესაფერად, თავისი ახლად მოპოებულ დამოუკიდებლობის და შემდეგი განვითარების თავისუფლების უზრუნველსაყოფად. სწორეთ ამ ახალი რესპუბლიკის მალე ცნობას ვთხოვდით ჩვენ გერმანიის მთავრობას.

საქართველოსა და ოსმალეთს შორის 4 ივნისს ზავზე ხელისმოწერა ჩვენ გავიგეთ ბერლინში მეორე დღესვე. 6 ივნისს ე. ი. იმავე დღეს, როცა ჩვენ ფორმალურათ ვაუწყეთ გერმანიის მთავრობას საქართველოს დამოუკიდებლობის გამოცხადება, ჩვენ განუცხადეთ საგარეო საქმეთა სამინისტროს, რომ „რამდენადაც საქართველო იძულებული შეიქნა ოსმალეთის ძალდატანების გამო ოსმალეთთან რაიმე შეთანხმებაზე ხელი მოეწერა, იმდენათ ყოველივე ვალდებულება, ამ პირობებში ხელმოწერილი, უნდა ჩაითვალოს უმნიშვნელოთ“, და რომ „ყველა კითხვები. რომელიც გადასაწყვეტია ოთხ მოკავშირე სახელმწიფოსა და საქართველოს შორის“ უნდა განხილულ იქნეს განსაკუთრებულ კონფერენციაზე, რომელზედაც შემუშავებული იქნება ხელშეკრულება ერთის მხრით, ოთხივე მოკავშირე სახელმწიფოსა და მეორეს მხრით საქართველოს შორის; ამ ხელშეკრულებას საფუძვლათ დაედება ბრესტ-ლიტოვსკის ხელშეკრულება.

ეს ჩვენი სურვილი, რომ გვქონოდა, ასე ვთქვათ, ჩვენი საკუთარი ბრესტ-ლიტოვსკი\*), რომელიც ჩვენდა სასარგებლოთ გააუმჯობესებდა ბათომში საქართველოს ჩვენს თავზე მოხვეულ პირობებს, ჩვენ უფრო გარკვევით გამოვთქვით მეორე ნოტაში იმავე ექვს ივნისს; ეს ნოტა შეიცავდა ფორმალურ წინადადებას მოგვეწვია კონფერენცია, რათა დამყარებულიყო საქართველოსა და ოთხ მოკავში-

---

\*) არსებითად ეს ასე იყო, — ნუ მიწყენენ ჩვენი სოც.-დემოკრატი ლიდერები, რომელნიც ასეთის აღშფოთებით იხსენიებდნენ იმათ „დიდი“ ბრესტ-ლიტოვსკისათვის.

რე სახელმწიფოს შორის „ბრესტ-ლიტოვსკის ხელშეკრულების საფუძველზე მეგობრობისა და თანამშრომლობის ხანგრძლივი განწყობილება“.

ეს კამპანია, რომელიც იყო ბათომში ოსმალეთის დელეგაციასთან ჩვენი პაექრობის გაგრძელება (იხ. ზევით მუხლი 19), ემყარებოდა იმ აზრს, რომ „ბრესტ ლიტოვსკის შედეგი, რომელიც მიღებული იყო ოთხ სახელმწიფოსთან მოლაპარაკებით, შეიძლება გაფართოვდეს და შეიცვალოს იმავე წესით, ე. ი. მოწინააღმდეგე მხარესთან საერთო და არა სეპარატიული შეთანხმებით“.

როდესაც ჩვენ ამ მიზეზის გამო წინადადებას ვიძლეოდით მოგვეწვია ახალი კონფერენცია, ჩვენ ვქმნიდით არა მარტო ბათომის 4 იენისის გადაწყვეტილებების გადასასინჯათ ახალ ინსტანციას, არამედ ვიგებდით დროსაც, რომელიც საჭირო იყო გერმანიასთან ჩვენი განწყობილებისა და საქართველოში დამოუკიდებელი წყობილების გასამაგრებლათ; ამგვარათ ჩვენ გვეძლეოდა საშუალება კონფერენციაზე გამოცხადებულიყავით უფრო გამაგრებული.

და რადგან კონფერენციის მოწვევის წინადადება როგორც ეტყობა შეეთანხმებოდა მოკავშირეთა დისციპლინის დაცვის საჭიროებასაც და გერმანიის მომავალ ინტერესებსაც, საქართველოში და საქართველოს ირგვლივ მოხდა ის, რომ ლევიათან წამოეგო ჩვენი სუსტი ხელით გადაგდებულ ანკესზე \*).

ფონ-კიულმანი ექვსი იენისის ჩვენი ნოტის საპასუხოთ გვეწერდა 9 იენისის საქართველოს დელეგაციის თავმჯდომარის სახელზე: „გერმანიის იმპერატორის მთავრობას პატივი აქვს განაცხადოს, რომ იგი მზათ არის კეთილ-განწყობილებით შეხვდეს ამ წინადადებას (კონფერენციის მოწვევას) და არ დააყოვნებს მოლაპარაკება იქონიოს ამ საქმის შესახებ მოკავშირე სახელმწიფოების მთავრობებთან“.

გერმანიის მთავრობა ფიქრობდა, რომ პრაქტიკულის მოსახრებით კონფერენცია უნდა ყოფილიყო მოწყობილი კონსტანტინოპოლში და რომ მას შეეძლო განეხილა კითხვა ახალი რესპუბლიკის დამოუკიდებლობის ცნობისა ოთხი სახელმწიფოს მიერ (ე. ი. გერმანია, ავსტრო-უნგრეთი, ოსმალეთი და ბულგარია). საგარეო საქმეთა სახელმწიფო მდივანი დასძენდა რომ „იმპერატორის მთავრობა ეხლაც სცნობს საქართველოს რესპუბლიკის მთავრობას მთავრობათ

\*) იხ. წიგნი იობისა თავი 40-20: „მოიზილო თუ ვეშაპი სამკედურითა, ანუ შემოსდვა სათაური ცხვირისა შიერ მისსა?“.

de facto და პრინციპიალურად თანახმაა რესპუბლიკის ფორმალურად ცნობის სასარგებლოთ გამოთქვას თავისი აზრი, მას შემდეგ, რაც კეთილად დამთავრდება მოლაპარაკება საქართველოს რესპუბლიკისა და მოსკოვის მთავრობის შორის \*).

33

გერმანიის მოლაპარაკება მოკავშირე სახელმწიფოებთან კონფერენციის მოწვევის შესახებ არ გაძნელებულა და როგორც წინათ ვნახეთ, 24 ივნისს (იხ. გვ. 121), თავის სიტყვაში ფონ-კიულმანს უკვე შეეძლო მოეხსენებია რეიხსტაგისთვის, რომ მოკავშირეებმა გადასწყვიტეს კავკასიის საქმეების გამო შეხვედენ ერთმანეთს ახალ კონფერენციაზე. მაშინვე სრულიად გარკვევით მან განაცხადა, რომ ფორმალურათ („დიპლომატიურათ“) როგორც საქართველოს, ისე რუსეთის იმპერიისაგან გამოყოფილ სხვა განაპირა ქვეყნების დამოუკიდებლათ ცნობისათვის აუცილებლად საჭიროა რუსეთის (საბჭოთა) მთავრობის წინასწარი თანხმობა.

ეს შეთანხმება კი დამოკიდებული იყო რუსეთ-გერმანიის მოლაპარაკების შედეგებიდან; ბრესტ-ლიტოვსკას ხელშეკრულების მიღების (რატოფიკაციის) შემდეგ ბევრი მოსაწესრიგებელი მძიმე კითხვა აღიძრა \*\*).

მოსკოვისგან ამ ცნობის თანხმობის მიღება უფრო ადვილათ შეეძლო გერმანიის მთავრობას ბერლინში ბ. იოფფესთან მოლაპარაკებების დროს, ვიდრე საქართველოს ნორჩ მთავრობას, რომლის განწყობილება მოსკოვის საბჭოთა მთავრობასთან თავიდანვე სამწუხაროთ უნდა ყოფილიყო საზიზღარი—ქართველ სოციალ-დემოკრატებსა და საბჭოთა მოღვაწეებს შორის ანტაგონიზმის გამო (რაც უფრო საქართველოს ღუპავდა, ვიდრე რუსეთს!). მიმოსვლაც ტფილისსა და მოსკოვს შორის მაშინ მეტად საძნელო იყო, რადგან მათ ჰყოფდა სხვა და სხვაგვარი პოლიტიკური ზოლები. ექვს გარეშე იყო, რომ გერ-

---

\*) საპასუხო ნოტაში საქართველოს დელეგაცია უპირატესობას აძლევდა რომ კონფერენცია მოწვეული ყოფილიყო ბერლინში ან სადმე სხვაგან და არა კონსტანტინოპოლში.

\*\*) რატოფიკაციების გაცვლა-გამოცვლა მოხდა 29 მარტს 1918 წ.



მანიის მთავრობის მიერ საქართველოს ფორმალურათ ცნობისთვის ჩვენ მოთმინებით უნდა გვეცადნა, სანამ არ დამთავრდებოდა რუსეთსა და გერმანიის შორის წარმოებული მოლაპარაკება.

რაც შეეხება კონსტანტინოპოლის გამოცხადებულ კონფერენციას, მისი მოწყობაც უფრო ძნელი შეიქნა, ვიდრე გვეხატებოდა 24 ივნისს კიულმანის რეიხსტაგის მოხსენებაში. კავკასიაში ოსმალეთს ჰქონდა საკმაო რთული საკირბოროტო კითხვები, და ამ ამოცანების გადაწყვეტა (მაგალითად, აზერბაიჯანში თავისი გავლენის განმტკიცება, პლებისციტის მოწყობა იმ ოლქებში, რომელიც წინასწარ აღნიშნული იყო ბრესტ-ლიტოვსკის ხელშეკრულებაში და სხვა და სხვა) მას ერჩია საკუთარის საშუალებით, სანამ დაიწყებოდა კონფერენციის მუშაობა.

რადგან ოსმალეთმა მიზნათ დაისახა მუსლიმანური კავკასიის გამაგრება და საერთოდ კავკასიის კითხვების გადაწყვეტა თავისი უპირატესობის იქ დასამყარებლათ, ამიტომ მოიწვია კონსტანტინოპოლში დელეგაციების მთელი რიგი, რომელნიც დიდხანს და ამაოთ უცდიდნენ უსაქმურ განცხრომაში მყოფნი კონფერენციის გახსნას; ისინი მოწყენით ცხოვრობდნენ ოტომანის მთავრობის ხარჯზე პერის საუკეთესო სასტუმროებში, მაშინ, როდესაც მოლაპარაკება გერმანიასთან და დანარჩენ მოკავშირეებთან გამოცხადებულ კონფერენციის მზადების შესახებ ნელა და უშედეგოთ მიმდინარეობდა. გადიოდა კვირეები, კონფერენციას კი არ იწყებდნენ.

საქმის ასეთი მდგომარეობა საშუალებას ვვაძლევდა ბერლინში საფუძვლიანათ გაგვეხილა საქართველოსა და გერმანიის შორის შესაძლებელი განწყობილების კითხვა.

როგორ მოვიქცეთ თუ არაფერი გამოვიდა რუსეთ-გერმანიის პოლაპარაკებისა და კონსტანტინოპოლის კონფერენციისაგან? საჭირო იყო მოგვენახა საქართველო-გერმანიის განწყობილების ისეთი დასაბუთება, რომელიც უზრუნველყოფდა, რომ გერმანია ასეთ შემთხვევაშიაც კი გვიცნობდა და ხელს შეგვიწყობდა: 1918 წ. ზაფხულში სწორეთ ეს ცნობა და ხელის შეწყობა იყო საქართველოსათვის გადაწყვეტი მნიშვნელობის პოლიტიკური ფაქტორი, რომლის სამაგიერო ჩვენ არაფერი მოგვეპოებოდა.

---

## თავი მეცამეტე.

### გერმანიის იმედით.

34

ეხლა, როდესაც გერმანიის მთავრობასთან მწყობრი მოლაპარაკება დავიწყეთ, თითქოს უსიტყვოთ შევთანხმდით, ჯერ-ჯერობით არ შევხებოდით ფოთში ხელმოწერილ შეთანხმებებს, თუმცა მათი უმთავრესი საფუძველი შეუძლებელი იყო შეგვეცვალა ან უარგვეყო (ეკონომიური სარგებლობა, რომელიც მინიჭებული ჰქონდა გერმანიას, დამოკიდებული იყო საქართველოს დამოუკიდებლობისათვის პოლიტიკურის ხელის შეწყობით). ამ აზრით, რა თქმა უნდა, ბერლინის მოლაპარაკება იყო ბათომში და ფოთში დაწყებულ მოლაპარაკების გაგრძელება და დაბოლოება.

უპირველესად ყოვლისა, ჩვენ უნდა წარგვედგინა განმარტება საქართველოს დამოუკიდებლობის კითხვის პოლიტიკური და ეკონომიური საფუძვლებისა. ნ. იაკ. ნიკოლაძემ შეადგინა ეკონომიური მიმოხილვა; მე დავამუშავე ისტორიული და პოლიტიკური მხარე საქართველოს დამოუკიდებლობის კითხვისა.

ცალკე „განმამარტებელ მემორანდუმში“ მოკლეთ დასურათებულია საქართველოს ბედი, განსაკუთრებით უკანასკნელ ეპოქებში— რუსეთის პროტექტორატის დროს, შემდეგ რუსეთის უშუალო მფლობელობის დროს—და უმთავრესი ფაქტები ამიერ-კავკასიის განცალკევების ისტორიიდან 1917 წელს, სრული მისი ჩამოშორება, და ბოლოს საქართველოს დამოუკიდებლობის გამოცხადება 1918 წ.

ეს ცნობები ამ გვარათ არის გამოსახული მემორანდუმის მეცხრე მუხლში:

საქართველოს მფლობელთა მიერ დადებულ ხელშეკრულების თანახმად რუსეთთან შეერთებული საქართველო, რომელიც არასდროს არ ყოფილა რუსეთის მიერ იარაღით დაპყრობილი, ასი წლის რუსეთის მფლობელობის დროსაც რჩებოდა ეროვნულ ცოცხალ სხეულათ, რომელიც ელოდა ხელსაყრელ დროს, რომ განებორციელებინა თავისი ჩაუმქრალი ეროვნული უფლებები და განეცხადებინა თავისი პოლიტიკური მოთხოვნები.

საქართველო ერთგული იყო რუსეთისა დიდი ომის დროს ბრესტლიტოვსკის ზავის შეკვრამდე, მაგრამ მას არ შეეძლო გულგრილად შეხვედროდა რუსეთის მთავრობის მოქმედებას, რომელიც საზღვრებს სტოვებდა მტრის შემოსასევით და ხელშეკრულებით მტერს უთმობდა საქართველოს ნაწილებს. ამ გვარათ, თავის ბედზე მიტოვებული საქართველო, ამიერ-კავკასიაში რუსეთის სახელმწიფოებრივობის დაცემისა და სრულ მოსპობის შემდეგ, ჯერ ხელს უწყობდა დაფუძნებას დამოუკიდებელ სახელმწიფოებრივ წესწყობილებისას, მაგრამ შემდეგ დაიწყო საკუთარი სახელმწიფოს მოწყობა, რომელიც მომხდარ გარემოებათა გამო, სრულიად თავისუფალი იყო ყოველგვარი ვალდებულებისაგან რუსეთის მიმართ, რომლის მთავრობამ განსაკუთრებულის დეკრეტით სრული თავისუფლება მიანიჭა რუსეთის სახელმწიფოში შემაჯალ ყოველ ერს აერჩია შესაფერისი პოლიტიკური რეჟიმი, თუნდაც სრულიად ჩამოშორებოდა რუსეთს.

ამ გვარათ, საქართველოს ხალხს, რომელიც ისევ დაუბრუნდა თავისი უფლებების განხორციელებას, რუსეთის მფლობელობის დროს შეჩერებულს—ეხლა სურს მოაწყოს თავისი სახელმწიფო და თავისი საერთაშორისო დამოკიდებულებანი თავისუფლათ ისე, რომ უზრუნველყოფილიყოს მისთვის ხანგრძლივი სარგებლობა აღდგენილი უფლებებით საქართველოსა და მთელი კავკასიის საკეთილდღეოთ“.

ამ საბუთს\*) უნდა ცხად ეყო, რომ საქართველოს დამოუკიდებლობის გამოცხადება ბუნებრივი და გარდუვალი შედეგი იყო

\*) ამ საბუთის შედგენის დროს, რა თქმა უნდა, სახელმძღვანელოთ მიღებული უნდა ყოფილიყო საქართველოს მთავრობის ოფიციალური დოქტრინა ამ კითხვის შესახებ, რთგორც იგი გამოთქმულ იყო „საქართველოს დამოუკიდებლობის აქტში“. 26 მაისს 1918 წ. ამ აქტის ტექსტი სხვა და სხვა ენაზე ფართოდ იყო გავრცელებული. იხ. რუსული თარგმანი „Документы и материалы“—ში № 165.

უძველესი ისტორიული ტრადიციისა, საქართველოს ახალგაზრდა დემოკრატიის ეროვნული შეგნებისა და last but not least—რუსეთის იმპერიის დაშლისა 1917 წელს.

1918 წ. 26 მაისს საქართველოს დამოუკიდებლობის გამოცხადების მიზეზებისა და მდგომარეობის განმარტების შემდეგ, საჭირო იყო აღგვენიშნა ძირითადი პოლიტაკური მიზნები, რომლის განხორციელებასაც ვესტდილობდით და ხასიათი იმ დახმარებისა, რომელიც უნდა გაეწია ჩვენთვის ბერლინს.

სხვა სიტყვებით რომ ვსტქვათ: უნდა დაგვესაბუთებია და ნათლად გამოგვეტქვა აზრი იმ, ეგრედ წოდებული, გერმანიის ორიენტაციისა, რომელიც ჩვენ ვირჩიეთ 1918 წლის გაზაფხულზე. და ეს უნდა მოგვემოქმედნა მას შემდეგ, რაც 1917 წელს, ნოემბერში საქართველოს ეროვნულმა თათბირმა აღიარა რუსეთის ორიენტაციის შენარჩუნების საჭიროება!

რომ ეს ცვლილება გავიგოთ, უნდა გავიხსენოთ, რომ ამ ორ ხანათა შორის მოხდა რუსეთის დემოკრატიის დაცემა (დამფუძნებელი კრების განდევნის გამო) და რუსეთის იმპერიის დაცემა, რაც დამოწმებულ იქმნა ბრესტ-ლიტოვსკში.

რუსეთის დაშლა უექველი მოვლენა იყო. ყოფილი იმპერია აღარ არსებობდა 1918 წლის დასაწყისში. ჯერ კიდევ მოუწყობელ საქართველოს საზღვრებზე იდგენ ოსმალოები: ზევითაც საკმაო დაწვრილებით მოთხრობილია, თუ როგორ, რატომ, რა საშვალეებით გადაჩნა საქართველო უშვალო გასაპირს „გერმანიის ორიენტაციის“ მეოხებით—ე. ი. იმ პოლიტიკური გეზის მეოხებით, რომელსაც უკარნახებდა საქართველოს მაშინდელი ვითარება.

მაგრამ დღევანდელი პირობებით ახსნა სრულიად არ არის საკმაო: „გერმანიის ორიენტაციაში“ თავიდანვე იყო რალაც უფრო ღრმა, რალაც უშვალოთ დაკავშირებული ერის მომავალ სვე-ბედის, მისწრაფებათა და თვითდამკვიდრების შეგნებასთან, იმ ერის, რომელიც კინდებოდა მეცხრამეტე და მეოცე საუკუნის დასაწყისში რუსეთის სახელმწიფოებრივობის პირობების გამო.

აქ თავი იჩინა მისწრაფებამაც, რამდენათაც შეიძლება უშუალოთ დავახლოვებოდით ევროპას, რომელიც წარმოდგენილი ჰქონდა ქართველ ერს, როგორც უმთავრესი კერა ყოველგვარი კულტურული მოძრაობისა; იყო სურვილიც განთავისუფლებისა რუსეთის მეტად შემზღუდავ, საშიშო და ცალმხრივი ზეგავლენისაგან; გაიღვიძა იმედმაც, რომ საქართველოს ეროვნული მომავალი მკვიდრ ნიადაგზე დაემყარება, როცა იგი შევა ახლო აღმოსავლეთის პოლიტიკურ სისტემაში, როგორც დამოუკიდებელი ერთეული...

ძნელი იყო გათვალისწინება, თუ როგორი იქნებოდა ეს სისტემა; მაგრამ გამოსვლა როგორც პოლიტიკურ ერთეულის, როგორც ერთ-ერთი ფაქტორის, რომელსაც ანგარიშს უწყევენ,—ბუნებრივად იყო და გონიერიც.

ასე აღინიშნა ის ვარიანტი „ევროპასთან დაახლოვებისა“, რომელიც საფუძვლათ დაედვა საქართველოს პოლიტიკას ბათუმის კონფერენციიდან (მაისი 1918 წ.) დაწყებული და რომელსაც შეიძლება ეწოდოს „გერმანული“ ანუ „საშუალო-ევროპიული“; ამ ვარიანტის მიმართულება სავსებით შეესაბამებოდა აღმოსავლეთ-ევროპის და ახლო აღმოსავლეთის პოლიტიკურ მდგომარეობის იმ დროს, როცა საქართველოს პირველად უნდა გადაეწყვიტა და არჩევანი მოეხდინა.

თავის დროზე „რუსეთის ორიენტაცია“ საქართველოსთვის ქრისტიანულ კულტურასთან და განათლებასთან დაახლოვების ასეთივე ისტორიულ გარდუვალობის და გეოგრაფიულ ბედის-წერის „ვარიანტი“ იყო: მეთვრამეტე საუკუნეში საქართველოს ცდები, დასავლეთ ევროპაში მოეპოვა დახმარება, უიმედო იყო და რჩებოდა ამათ. 1918 წელს კი პირობები სხვა სჩანდა: ევროპასთან დაახლოვება უკანასკნელის ინტერესებისა და აღმოსავლეთში გავლენის გამო ხერხდებოდა შედარებით ადვილათ, ხდებოდა პრაქტიკული პოლიტიკის კითხვათ, საგრძნობ მიღწევის წყაროთ. მაგრამ, ვიმეორებ: ეს პირველი ვარიანტი საქართველოს ევროპის ორიენტაციისა, აუცილებელ საჭიროების მიხედვით ამბობდა: გერმანია, „შუა-ევროპა“.

ამ განმარტებათა შემდეგ გადავალ მეორე მემორანდუმის (17 მაისის 1918 წ.) გადმოცემაზე, რომელშიაც აღნუსხული იყო საქართველოს პოლიტიკური მიზნები და მოყვანილი იყო საერთო სქემა გერმანიასთან მისი ურთიერთ დამოკიდებულებისა.

ამ საბუთში ჯერ აღწერილია მიზეზები და შედეგები საქართველოს რუსეთთან შეერთებისა მეცხრამეტე საუკუნის დასაწყისში, შემდეგ კი გამოთქმულია ქართველი ერის სურვილი დაეყრდნოს ისეთ სახელმწიფოს, რომლისგანაც არ მოელის საშიშროება ჩაყლაპულ იქმნეს (ანექსიის შიში) და რომლის ინტერესები ადვილათ შეიძლება შეეთანხმოს საქართველოს პოლიტიკურ ამოცანებს.

როგორია ეს ამოცანები?

უპირველესად ყოვლისა, მისი სახელმწიფოებრივობის განმტკიცება: მოწესრიგება ხელისუფლებისა და მართველობის დარგებისა, სამხედრო ძალისა, ფინანსებისა; ცნობა სხვა სახელმწიფოთა მიერ და მათთან უფლებრივ საერთაშორისო დამოკიდებულების დამყარება.

მეორე, შექმნა საკავშირო განწყობილებისა საქართველოსა და მის მეზობელთა, ქრისტიანთა და მუსლიმანთა შორის, როგორც ამიერ-კავკასიაში, ისე ჩრდილო-კავკასიაში და, შემდეგ, მომზადება კავკასიის კონფედერაციისა, რომელსაც დიდი მნიშვნელობა ექნება მომავალ პოლიტიკურ სისტემაში, რომელი სისტემაც, როგორც საერთაშორისო ომის შედეგი, დამყარდება ამ მხარეში.

ეს კონფედერაცია ნეიტრალურათ იქნება გამოცხადებული, და საკმაო სამხედრო ძალა ეყოლება, რომ დაიცვას თავისი ნეიტრალიტეტი გარეშეთა ყოველგვარ თავდასხმისაგან.

მაგრამ საჭიროა უპირველესად ყოვლისა, ხელი შეეწყოს საქართველოს დამოუკიდებლობას, რათა უზრუნველყოფილ იქმნეს მისი მომავალი: დამოუკიდებელი საქართველო ქვა-კუთხედით დაედება კავკასიის კონფედერაციას; გერმანიის ეკონომიური და პოლიტიკური ზეგავლენაც საქართველოდან უფრო ადვილათ გაიკვლევს გზას მეზობელ ქვეყნებში, ეს—მომავალში; მაგრამ გერმანია ეხლავე მიიღებს მონაწილეობას... საქართველოს სიმდიდრეთა დამუშავებაში უკანასკნელისათვის სესხის მიცემასთან დაკავშირებით.

ამ წინასწარი დებულებებისაგან გამოდიოდა დასკვნა, რომ გერმანიისა და საქართველოს ურთი-ერთი განწყობილება უნდა აშენდეს მოკავშირეობის საფუძველზე—საქართველოს დამოუკიდებლობისა და სუვერენიტეტის სრულ ცნობაზე; გერმანიას კი ეთმობოდა ფაქტიური უპირატესობანი ხელშეკრულებებისა და კონვენციების მიხედვით, რომელნიც განსაზღვრავდენ გერმანიის მონაწილეობას

უქთავრესად ეკონომიურ აღმშენებლობაში და კერძოთ საქართველოს დასაცავათ სამხედრო ძალების ორგანიზაციაში.

პირობაში განსაკუთრებით იყო აღნიშნული გერმანიის დახმარება საქართველოს საერთაშორისო ცნობის შესახებ; გერმანიაში სესხის მიღება ფულის სისტემის შესაქმნელათ და სხვა...

ზემო-აღნიშნულ საფუძველზე—გამოჰყავდა დასკვნა მემორანდუმს—შესაძლებელია აღმოცენდეს გერმანიისა და საქართველოს შორის ნაყოფიერი და ხანგრძლივი თანამშრომლობა. საქართველო ეკონომიურ აყვავების შესაძლებლობასთან ერთად მოიპოვებდა გარანტიას (უზრუნველყოფას) თავისი სახელმწიფოებრივი დამოუკიდებლობისას. გერმანიაც ნახავდა არა ნაკლებ სარგებლობას: საქართველოსთან თანამშრომლობა გაუადვილებდა მას აღმოსავლეთში გერმანიის ინტერესების განვითარებასა და დაცვას \*).

### 35

ფოთში ხელ-მოწერილ დროებით შეთანხმებების გადმოცემა (იხ. თავი მეცხრე) გვაჩვენა, თუ რა მნიშვნელობას აძლევდა გერმანია საქართველოსთან ეკონომიურ ურთიერთობის განვითარებას.

აქ, ბერლინში, საქმის ამ მხარისათვის ისეთივე ყურადღება უნდა მიგვექცია, როგორც წმინდა დიპლომატიურ მოლაპარაკებისათვის: რადგან მსხვილ მრეწველობასა და ბანკებს მკიდრო კავშირი აქვთ მთავრობასთან, ეკონომიური კითხვების წარმატებითი სვლა გზას გვიკაფავდა ჩვენი პოლიტიკური ამოცანების დაჩქარებით გადაჭრაშია. ჩვენ ხომ მოლაპარაკება უნდა გვეწარმოებინა გერმანიის სავაჭრო-სამრეწველო წრეების ყველაზე უფრო ძლიერ და, მასადამე, ყველაზე უფრო გავლენიან საწარმოო დაწესებულებებთან.

ამ მოლაპარაკების უმთავრესი საგანი თავის თავად ირკვეოდა. არც გამოგონება იყო მისი საჭირო და არც შეჩეჩება. ეს იყო—შა-

---

\* ნ. ი. ნიკოლაძემ შეადგინა განსაკუთრებული მოხსენება გერმანიისათვის საქართველოსთან კავშირის ეკონომიურ სარგებლიანობაზე და საქართველოს ბუნებრივ სიმდიდრის შესახებ. ტექსტში მოყვანილ ორ მემორანდუმთან ერთად იგი მოხსენება ეცნობა გერმანიის მთავრობას. შეიძლება ითქვას, რომ ეს სამი საბუთი საფუძველათ დაედო ჩვენს მოლაპარაკებას ბერლინში.

ვიქვა კიათურისა, სადაც გერმანიის ფირმებს დიდი ხანია უკვე ჰქონდათ თავისი ინტერესები, და რომლის მნიშვნელობა ევროპის ფოლადის მეტალურგიისათვის მეტათ დიდია. \*)

ამ „შავ-ქვანე“ აშენდება საქართველოსა და გერმანიას შორის განწყობილება, ვფიქრობდით ჩვენ, და საბუთიც გვექონდა!

როგორც კი წინასწარ ვინახულეთ სახალხო მეურნეობის უწყების (Reichswirtschaftsamt) მინისტრი ბარონ ფონ-შტეინი, მაშინვე შეუდექით მოლაპარაკებას, რომელიც ხდებოდა ამავე სამინისტროს შენობაში. თვით სამინისტროც იღებდა ერთგვარ მონაწილეობას. რაც შეეხება გერმანელ ჩვენ კონტრაგენტებს, აქ იყო მთელი, ეგრეთ წოდებული, „მძიმე ინდუსტრია“: ფრიდრიხ კრუპის აქციონერული საზოგადოება (ესენი), გელზენკირხენის სამთოსამრეწველო აქციონერული საზოგადოება, „Deutsch-Luxemburgische... Aktiengesellschaft (Bochum), Gewerkschaft Deutscher Kaiser და სხვა, რომელთა დასახელებაც კი გვაგონებს მალაროებს, გამოსაწვავ ქურებს, დივიდენდებს, მუშათა კითხვას... ციკლოპიური მოცულობით. ამათ მხრივ მოლაპარაკების ხელმძღვანელის როლს ასრულებდა ფრიც ტისენი. \*\*)

გადაწყვეტილი იყო, საზღვარ-გარეთ შავი-ქვის გატანა მოეწესრიგებიათ საქართველოს კანონების საფუძველზე განსაკუთრებული აქციონერული საზოგადოების დაარსებით, რომელსაც მიენიჭებოდა გაზიდვის მონოპოლია (ჩვეულებრივ შავი-ქვა საესებით გადის ევროპასა და ამერიკაში). რომ გაზიდვა მოწყობილი ყოფილიყო „ტენნიკის უკანასკნელ სიტყვისამებრ“ და, საერთოდ, რომ საქმეს მთლიანი და გეგმიანი ხასიათი მიეღო, გადაწყვეტილი იყო კიდევ ორი აქციონერული საზოგადოების დაარსება. ერთი კიათურა-შორაპნის მისაველი რკინის-გზის ექსპლოატაციისათვის; მალაროებიდან ამ გზით ჩამოდის შავი ქვა, რომ შემდეგ მთავარი ხაზით მიაღწიოს ფოთს; მეორე — ფოთის ნავთსადგურის ექსპლოატაციისათვის.

---

\*) ყველა ეს ცნობები იხ. წიგნში: D. Ghanbashidze, F. R. G. S. Mineral resources of Georgia and Caucasia. Manganese industry of Georgia London 1919.

\*\*) ფრანგების მიერ რურის დაქალების დროს, 1923 წლის დასაწყისში, იგი საბატიროში ჩასვეს ფრანგების მოთხოვნილებათა შეუსრულებლობის გამო, და ამ უდიდესი მრეწველის სახელი მაშინ მთელ გერმანიას მოედვა.



სამივე საზოგადოების საქმის ხელმძღვანელობა ეთმობოდა მრეწველთა ზემო-მოყვანილ წრეს. გერმანიის მხრით გამოთქმული იყო მხურვალე სურვილი, მთელი ეს საქმე უკლებლივ მათ ხელში გადასულიყო ე. ი. აქციონერთა შემადგენლობით სამივე საზოგადოება უნდა ყოფილიყო წმინდა გერმანული; ამასთანავე უნდა დაეწესებიათ საქართველოს მთავრობისთვის საქმათ დიდი ანარიცხი და საერთოდ საგრძნობი ფინანსიური სარგებლობა, მაგრამ თანაბმად საქართველოს დელეგატების გადაჭრითი მოთხოვნისა, მიღებულ იქმნა სხვა გეგმა, სახელდობრ: აქციონერულ კაპიტალში პარიტეტული მონაწილეობა ქართველი და გერმანელი ჯგუფებისა; ქართველ ჯგუფს ეძლეოდა გამგეობის სამი დირექტორიდან ერთი დირექტორის ადგილი, და თავჯდომარეობა სამივე აქციონერული საზოგადოების საბჭოში (საბჭოს წევრთა რიცხვი კი თანაბრათ). ერთის სიტყვით, გერმანელთა ჯგუფი ლებულობდა უპირატესობას აქტიურ ადმინისტრაციაში (გამგეობაში), ქართველი ჯგუფი—ზედამხედველობაში; მონაწილეობა კი თანაბარი რჩებოდა.

ამ საფუძვლებზე დამყარებული სამი პირობა ხელ-მოწერილ იქმნა 12 ივლისს; იმავე დროს ხელმოწერილ იქმნა განსაკუთრებული შეთანხმება სახალხო მეურნეობის სამინისტროსთან (Reichswirtschaftsstamt) მინისტრის ამხანაგის—დ-რ გეპპერტის \*) სახით—შესახებ მინიჭებისა იმავე ჯგუფისათვის, ე. ი. გერმანელ მრეწველებისათვის უფლებებისა, ზემოთ-მოყვანილ საფუძვლებზე დაიწყონ ახალი, ჯერ კიათურაში არ არსებული მრეწველობა, სახელდობრ, შავი-ქვის ფერრო მანგანთ და სხვა შეერთებათ გამოდნობა; აქციების (გერმანელთა ნახევარის) განაწილებისა დაინტერესებულ ჯგუფებთა შორის და სხვა.

ამავე ოქმში შეტანილი იყო შემდეგი (მე-6) მუხლი: „საქართველოს მთავრობა ამ ხელშეკრულებებს საბოლოოთ ჩასთვლის მხოლოდ მას შემდეგ, რაც შეკრული იქნება ფინანსიური პირობა, რომლის შესახებ მოლაპარაკება უკვე სწარმოებს, და მას შემდეგ, რაც გამოირკვევა პოლიტიკური ურთიერთობა საქართველოს რესპუბლიკისა და გერმანიის იმპერიის შორის“.

---

\*) უფროსი ძმა იმ დ-რ გეპპერტისა (საგარეო საქმეთა სამინისტრო), რომლის შესახებ არა ერთხელ იყო უკვე ნათქვამი.

ამ ხელშეკრულებათა ხელის მოწერა აღნიშნული იყო (16 ივლისი) საზეიმო სადილით, რომლის მომწყობი იყო მინისტრი ბაზრონ ფონ-შტეინი. სადილს დაესწრენ ვიცე-კანცლერი von Payer, იმპერიის ფინანსების მინისტრი და მრავალი სხვა\*).

ფინანსიური შეთანხმება სესხის შესახებ ჩვენ მალე შევეკარით (15 აგვისტოს) გერმანიის უდიდეს ბანკებთან ისე, რომ „შავი-ქვის“ ხელშეკრულებათა განხორციელებისათვის საჭირო იყო მხოლოდ გვეცადნა ჩვენი დიპლომატიური კომპანიის შედეგებისათვის—ე. ი. უპირველესად ყოვლისა გერმანიის მიერ ჩვენი ფორმალური ცნობისათვის.

საქმით ეს ხელშეკრულებანი ვერ შესრულდნენ. თეორიულათ კი, მე მგონია, ისინი საშვალებას მისცემდნენ საქართველოს ჩაბმულიყო ევროპის კულტურულ კაპიტალის \*\*) თანამშრომლობაში, რაც გამოიწვევდა ბუნებრივ სიმდიდრეთა დამუშავების სწრაფ წინსვლას, გაგვიფართოვებდა ეკონომიურ ჰორიზონტს, შეგვაჩვენებდა საქმიან წეს-რიგს, გაჩნდებოდა ხელფასის შოვნის საშვალება, როგორც ზედმეტად მჭიდროთ დასახლებულ გლეხობისათვის, ისე

---

\*) ავთოყოფობის გამო ჩვენელი არ დასწრებია. მე დამსვენ ვიცე-კანცლერის გვერდით: ჩემს მაგიერ მან გადასცა პურის კუპონი (მე თან არ მქონდა) მეტრ-დ-ოტელს, რომელმაც მხოლოდ ამის შემდეგ დადვა ჩემს საინზე შავი პურის პატარა ნაქერი.

ესეთი იყო სისასტიკე სამხედრო-სასურსათო მოწესრიგებისა.

ვიცე-კანცლერი, სიმპატიური მოხუცი—ვიურტემბერგელი, შეკითხებოდა, სხვათა შორის, თავის თანამემამულეებზე—კოლონიისტებზე, რომელნიც ილექსანდრე პირველის დროს გადმოსახლდნენ ვიურტემბერგიდან საქართველოში.

ვიმუსიოთეო რუსეთის რევოლიუციებზე, რევოლიუციებზე, 1848 წლის მარტზე. ჩვენა თვითონ არ ვიცით, რა ბედნიერი ვართ. რუსეთის მაგალითი გვაჩვენებს, თუ როგორ უნდა ვაფასებდეთ სამართლისა და წეს-რიგის სიკეთეს. სამოქალაქო თავისუფლების დარღვევა ყოველთვის აღეოვებს ჩვენს რეაქსტაგს (პარლამენტი) და ეს მისი ალღო კანონიერების საუკეთესო დარაჯია“.

ბანკეტის შემდეგ დიხანს უსხედით ღვინიან ჭიქებს. 12 საათზე, სამოარ დროის წესების თანახმად მოვიდნენ ელექტრონის ჩისაქრობათ; საზოგადოება სიტუაციის შეუბრუნებლად დაემორჩილა. განკარგულებას—აქ კი იყო სამი მინისტრი და ბევრი უმადლესი მოხელე სხვადასხვა უწყებისა.

\*\*) ე. ი. იმ „საწარმოვო ძალთა განვითარებაში“, რომელსაც ქართველი მარქსისტები გულუბრყვილოთ ელოდნენ, როგორც „ისტორიის ობიექტიური მსვლელობის“ შედეგს.

„ინტელიგენტურ“ პროლეტარიატისათვის. უკანასკნელ მოსაზრებებს დიდი მნიშვნელობა აქვს საქართველოსთვის, ისე როგორც აღმოსავლეთის სხვა ჩამორჩენილ ქვეყნებისათვის, სადაც „დასავლეთის სხვადასხვა იდეურ მიმართულებათა“ შეთვისებამ საჭიროებაზე ზედმეტათ გაამრავლა პოლიტიკანები, აგიტატორები და სხვა, მაშინ, როცა ხალხი უმეცრებით არის მოცული და არ არსებობს საჭირო წრე ისეთი პირებისა, რომელთაც შეეძლოთ განავითარონ მეურნეობა და გაათავსონ და დააკმაყოფილონ ქვეყნის მოახლოვნილებანი.

ჩვენ იმ დროს მოვხვდეთ ბერლინში, როცა ომის მიერ გამოწვეულ „ეკონომიკისა“ და უმთავრეს საერთო მიმდინარეობათა გამოგერმანია განიცდიდა „ნედლეულის“ ერთგვარ ფსიხოზს. როგორ უზრუნველ ეყოთ თავისი თავი ნედლეულით არა მარტო ომის დროს, არამედ საერთოდ, მომავალი ეკონომიური კონკურენციისათვის? შუა ევროპის საზღაპრო მრეწველობას ხელთ უნდა ჰქონდეს განუზომელი რაოდენობა მადნეულისა, მატყლისა, პურისა, ნავთისა, ტყავისა და სხვა და სხვა. როცა აღმოსავლეთის ფრონტზე რკალი გაიხსნა, გერმანია ვნებით დაეწათა ყოველგვარ მარაგს, მიწის წიაღს, შესაძლებლობას, რაც კი მათთვის ხელმისაწვდომი შეიქნა.

ასეთი სულიერი განწყობილება საფუძვლათ ედებოდა როგორც პრაქტიკულ გეგმებს, ისე ოცნებას. რა ხშირად ხდებოდა, რომ ანგარიში აღიზიანებდა ოცნებას ან და ოცნება ფრთას ასხამდა სტატისტიკას! ნედლეულის ამ Wahrheit und Dichtung-ში, ეკონომიურ ხალვათობის ამ ყიყინში ჩვენც შევიტანეთ ჩვენი წვლილი—განსაკუთრებით ნ. ი. ნიკოლაძემ. სრულიად ბუნებრივით და აუცილებლათ სერიოზულ მოლაპარაკების მარცვალს, რომლის შესახებ წინათ იყო ნათქვამი, გარს ეხვეოდა საბურავი მისნობისა, შესაძლებლობისა და მოსაზრებებისა; და ერთმანეთს უერთდებოდა ნამდვილი ან საექვეო დოვლათის ულევობა შეძენის და მიღწევის უსაზღვრო სურვილს.

კავკასიის მდინარეები და ჩანჩქერები ხდებოდნენ ფოლადის მოსართავეებით შეკაზმულ ფიცხი ცხენების (H P) მილიონებათ, რომელნიც მზად იყვნენ შუა-გულ აზიაში შეეტანათ გერმანიის კაპიტალიზმის ეტლი. ნაძვის, ფიჭვის და სხვა ტყეების მასალა მოსჩანდა ქალაქდათ; რალა ითქმის სპილენძზე! რალა ითქმის ნავთის ნაწარმოებზე!

უნდა შევნიშნო, რომ ამ „ნედლეულზე“ და სხვა საგნებზე ლაპარაკს საფუძველი მართლაც ჰქონდა. მაგრამ არ იყო საკმაოდ დრო უფრო პრაქტიკულათ დაგვეყენებია ეს კითხვები. თუმცა ყველაფერი—როგორც „ნამდვილი“, ისე „ფანტასტიური“—ხომ არყოფნისთვის იყო განწირული... ყველაზე უფრო „სინამდვილის“ ნაწილში, როგორც შემდეგ აღმოჩნდა, ჩვენ ყველაზე უფრო „ვოცნებობდით“—პართალია მთელ მსოფლიოში ყველაზე უფრო გამობრძმედილ მთავრობასთან, ევროპის უძლიერეს საქმის კაცებთან და „თანამედროვე“ ბანკებთან ერთად...

36

რეიხსტაგში საქართველოს კითხვის შესახებ ფ. კიულმანის განცხადებისა და გერმანიის მრეწველებთან ხელშეკრულების დადების შემდეგ, ჩვენი უახლოესი მიზანი ბერლინში ჩასვლისა შეიძლება დამთავრებულად ჩაითვალოს.

იქ, ადგილობრივ, დამოუკიდებელი საქართველო ეწყობოდა, როგორც კი შეეძლო და რამდენათაც ცოდნა შესწევდა, ებრძოდა შინაგან და გარეშე დაბრკოლებებს. გენერალი კრესისის და გერმანელთა მცირე რაზმის ყოფნა ტფილისში კეთილ გავლენას ახდენდა—იგი აჩერებდა ოსმალოებს განსაზღვრულ ფარგლებში.

1918 წლის ივნისის დამლევს საქართველოს მთავრობის სათავეში ჩადგა ნოე ჟორდანიას; ამით მოხდა ერთგვარი შეგუება მთავრობის მანქანისა და პარტიულ და რევოლიუციონურ ორგანიზაციებისა, რომელთა ხელმძღვანელად იგი ითვლებოდა. საქართველოს მცირე ფარგლებში თავიდან აიცილეს ის გაორება, „მთავრობისა“ და „საბჭოისა“, რაც საბედისწეროთ მოველინა რუსეთს 1917 წ., მაგრამ მარტო გაერთიანება, რა თქმა უნდა, არ უზრუნველყოფდა არც სახელმწიფოებრივ დახელოვნებას, არც სიმტკიცესა და შორსმკვრეტელობას სახელმწიფოს მართვაში.

მძიმე, საპასუხისმგებლო და თან მეტად საყურადღებო ამოცანები დგებოდა ტფილისის მთავრობის წინაშე. საქირო იყო საქართველოსა და მეზობელ რესპუბლიკათა შორის ნორმალური განწყობილების შექმნა. დაბრკოლება ბევრი იყო; მაგრამ სარჩევი კი

არა სჩანდა: მეზობლებთან დაახლოვება უეჭველად უნდა მიჰმდარიყო, წინააღმდეგ შემთხვევაში ყველაფერს საფუძველი ეთხრებოდა. ყოველი თვე ძვირფასი იყო; მძიმე კითხვების გადადება მხოლოდ მცირე დროით აფერხებდა საკუთარი სიკვდილის სასჯელის აღსრულებას.

ამ დროს საქართველოს საგარეო საქმეთა მინისტრი, უსაქმობით მოწყენილი, ბერლინში იჯდა და წუწუნებდა გერმანიის დიპლომატიის ფორმალიზმზე და, როგორც მას ეჩვენებოდა, სიზანტეზე — სწორედ იმ დროს, როცა მისი მუყაითობა და დაქინება სასარგებლო იქნებოდა ტფილისში, სადაც ბერლინში მყოფ მინისტრის მაგიერობას ეწეოდნენ სრულიად შემთხვევითი პირები, პარტიის მეთაურთა კრეატურები.

ჩხენკელი ვერას გზით ვერ ურიგდებოდა გერმანიის მთავრობის სურვილს ჯერ რუსეთის თანხმობა მიეღო ამ კითხვაზე და მერე ეცნო საქართველოს დამოუკიდებლობა. იგი დაქინებით იმეორებდა, რომ საქართველოს მდგომარეობა განსაკუთრებულია, რომ მისი სახელმწიფოებრივი დამოუკიდებლობა ფორმალურად არასდროს არ ყოფილა გაუქმებული და, რომ ამიტომ, გერმანიას მოსკოვის მთავრობასთან შეუთანხმებლად შეუძლია ეხლავე იცნოს იგი. ბოლოს გადაეწყვიტეთ მიგველო ამ კითხვის შესახებ გერმანიელ რამელიმე ცნობილ იურისტის დასკვნა, რომლის აზრი, როგორც ჩემი მედროვნებმა, გაელენას იქონიებდა გერმანიის მთავრობაზე და გადალაზავდა დარკრიგეს ფორმალიზმს. ასეთი დასკვნა, ჩვენის თხოვნით, მოგვცა ცნობილმა მეცნიერმა, კრიმინალისტმა და საერთაშორისო სამართლის სპეციალისტმა, ბერლინის პროფესორმა ფრანც ფონ-ლისტმა. \*)

თავის საუცხოვოთ დაწერილ მსჯელობის საფუძველად ლისტის სდებს, რა თქმა უნდა, საქართველოს არა 1783 წლის წინამდგომ-

\*) Prof. D-r. Franz v. Liszt. Geheimer Justizrat. Die Völkerrechtliche Stellung der Republik Georgien. Ein Gutachten. Berlin 1918. დაბეჭდილია ცალკე წიგნაკათ.

რეობას (როცა დადებულ იქმნა ხელშეკრულება ირაკლი მეორისა და ეკატერინე მეორის შორის პროტექტორატის შესახებ) და არც მდგომარეობას, რომელიც წინ უძღოდა საქართველოს რუსეთთან შეერთებას (1801)—პოზიციები, რომელნიც „ფაქტის ნორმატიული ძალით“ იქმნენ გაუქმებული, არამედ 1918 წლის ვითარებას. მასის დასკვნა გამოჰყავს, რომ არ მოიპოვება იურიდიული დაბრკოლება გერმანიის მიერ საქართველოს ფაქტიურათ ცნობისა. \*)

მაგრამ, როცა ლისტი სწერდა თავის დასკვნას, პოლიტიკური დაბრკოლებებიც გადალახული იყო. 1918 წლის შუა ივლისში ჩვენ უკვე ვიცოდით, რომ მოსკოვის მთავრობა მზათაა გერმანიამ იცნოს საქართველოს დამოუკიდებლობა. გერმანია-რუსეთის დამატებითი ხელშეკრულება (ბრესტ-ლიტოვსკის) მრავალ შეფერხების შემდეგ, მას შემდეგ, რაც საბჭოთა წარმომადგენელმა იოფფემ ბერლინიდან მოიარა მოსკოვი, ხელმოწერილ იქმნა ბერლინში 27 აგვისტოს 1918 წელს\*). აქ, მე-13 მუხლში, ნათქვამია: „რუსეთი თანხმობას აცხადებს, რომ გერმანიამ იცნოს საქართველო, როგორც დამოუკიდებელი სახელმწიფოებრივი ორგანიზმი“.

---

\*) მაგრამ აი პროფ. ფონ-ლისტის (აწ უკვე გარდაცვალებულის; იგი გარდაიცვალა 1915 წ.) დასკვნების თარგმანი:

1) საქართველო ესლაც (1918 წ. აგვისტო) წარმოადგენს თავის-თავადს, სრულიად დამოუკიდებელს და ამით სუვერენულ სახელმწიფოს, და, როგორც ასეთს, საერთაშორისო სიპართლის უფლებით შეუძლია მოითხოვოს ცნობილ იქნეს სხვა სახელმწიფოთა მიერ.

2) საქართველოს რესპუბლიკა უკვე ნაცნობია, როგორც de facto არსებული სახლი წვერი სახელმწიფოთა ჯგუფისა, გერმანიის იმპერიის და მისი მოკავშირეების მიერ ან აშკარათ და ან შესატყვისის (კონკლიუდენტური) მოქმედებით.

3) ფორმალურად ცნობის საწინააღმდეგო იურიდიული მოსაზრება არ მოიპოვება. ცნობა არ იქნებოდა „არა მეგობრული მოქმედება რუსეთის მიმართ, რომელმაც აშკარათ და ზემოთ გამოაცხადა ხალხთა შეუზღუდველი თვითგამორკვევის უფლებების აღდგენა, სრულიად გამოყოფისა და დამოუკიდებელ სახელმწიფოს დაარსებამდე“.

\*) აქ ხელშეკრულებას, რომელმაც მცირე ხნის შემდეგ მიიღო რატიფიკაცია, ხელს აწერენ: გერმანიის მხრით ბ-ნი ფონ გინცგ (რომელმაც დაიჭირა ფონ-კიულმანის ადგილი საგარეო საქმეთა სამინისტროში) და დ-რ კრიგე; რუსეთის მხრით—იოფფე.

ებლა ყველა წესი შესრულებულია, ყოველი იქვე გაფანტულია: გერმანია დაუბრკოლებლათ, ფორმალურათ, „დიპლომატიურათ“ იცნობს საქართველოს. ასე სჩანდა. მაგრამ სხვა რამ მოხდა. „ბედის ჩარხი“ შეტრიალდა და „ცნობა“, რომელიც მომზადებული იყო დიდის გაქირვებით, რომელსაც მოუთმენლად ველოდით—იგი ცნობა გერმანიის მიერ არ შესრულდა!

მაგრამ მოვლენებს წინ არ გაუსწრობ: ჯერ-ჯერობით, 1918 წლის ზაფხულის მიწურულში სჩანდა, რომ ყველაფერი მზათ იყო გერმანია-საქართველოს ურთი-ერთ განწყობილებას გამორკვევისათვის და საქართველოს დამოუკიდებლობის ცნობასთან ერთად მათი გარკვეულ ფორმებში ჩამოყალიბებისათვის. სპეციალურათ ამ ფორმების შესახებ გვიხდებოდა დრო-გამოშვებით Wilhelmstrasse-ზე ბაასი. მაგრამ ამას განსაკუთრებით არ უჩქაროდით.

37

საკირო იყო წინასწარ გადაგვეკრა დაბრკოლებანი ოსმალეთთან. სიტყვა ეხება არა მარტო ოსმალეთ-საქართველოს დაბრკოლებებს. ისინი მრავალგვარი იყო. ოსმალეთის ფანდები თავს იჩენდა აფხაზეთში (ოსმალეებმა ჯარიც კი გადმოასხეს სოხუმში ივლისის დამდეგს), ბორჩალოს მაზრაში და სხვა. ეს შედარებით მცირე მუქარა აღვიღათ თავ-ასაცდენი ხდებოდა საქართველოს მთავრობის წინააღმდეგობით, განსაკუთრებით კი ტფილისში მყოფ გერმანიის მისიის ზეგავლენით, მაგრამ იგი მუქარა ძნელად ასაწერ აღელვებას იწვევდა ზოგიერთ ქართველ სახელმწიფო მოღვაწეში, რომელნიც არ იყვნენ საკმაოდ დინჯნი და გამოცდილნი. კონსტანტინოპოლის მომავალ კონფერენციისათვის უფრო საყურადღებო იყო ოსმალეთსა და საქართველოს შორის საზღვრების გამორკვევა. მათ შორის გერმანია ოფიციალურ შუამავლათ არ გამოსულა; და ნამდვილათ რა დათმობას მოითხოვდა გერმანია ოსმალეთისგან საქართველოს სასარგებლოთ, მე არ ვიცი. მაგრამ აზრთა გაცვლა-გამოცვლა სწარმოებდა.

ბერლინში ამ კითხვის გამო ბაასის დროს, ბუნებრივათ ისახებოდა საზღვარი საკომპრომისო ბრესტ-ლიტოვსკის ხელშეკრულების საზღვარსა (საქართველოს მაშინდელი მოთხოვნილება!) და

4 ივნისის 1918 წლის ბათუმის ტრაქტატის საზღვარს (ოსმალეთის შეხედულება) შორის. ეს საშუალო ხაზი დაუბრუნებდა საქართველოს ახალციხეს და არტაანის ოლქის ფოცხოვის ნაწილს. \*)

უქველია, რომ გერმანია აპირებდა დაეინებით მოეთხოვა ბათუმის თავისუფალ ნავთსადგურად გამოცხადება (ოსმალეთის ხელებიდან „გამოგლეჯას“ საქართველოს გადასაცემად იგი არ კისრულობდა) და საქართველოსთან მისი კავშირის გაადვილება

მაგრამ უმთავრეს დაბრკოლებას მოკავშირეთა—გერმანიასა და ოსმალეთს შორის—შეადგენდა კავკასიაში, როგორც საფიქრებელია, არა საქართველო, არამედ ამიერ-კავკასიის აღმოსავლეთი. ოსმალოების ყურადღება აშკარად სუსტდებოდა სირიისა და მესოპოტამიის საომარ ამოცანებისადმი, მას შემდეგ, რაც მათ დაიჭირეს აზერბაიჯანი, სადაც მათმა გავლენამ, როგორც ვნახეთ, პარალელურად გერმანელების გავლენისა საქართველოში, ფეხი მოიკიდა. მაგრამ უმთავრესი ქალაქი და აზერბაიჯანის ნავთის საგანძური—ბაქო, მიზეზი მისი მრავალი უბედურებისა, ჯერ კიდევ არ იყო აზერბაიჯანის რესპუბლიკის ხელში.

თურქები მრავალი საპატიო მიზეზის გამო ამ საშოვარისკენ მიისწრაფოდნენ. მოსკოვის მთავრობა კი გერმანიასთან 1918 წლის ზაფხულის მოლაპარაკებაში მოითხოვდა, დადებულ ყოფილიყო ამიერ-კავკასიაში (ე. ი. აზერბაიჯანში) გამმიჯნავეი ხაზი, რომლის აღმოსავლეთით ოსმალოებს არ უნდა ეწარმოებინათ საომარი ოპერაციები და რომელიც სწორეთ ბაქოს სტოვებდა ოსმალოთა ოკუპაციის გარეშე.

ასეთი ვალდებულება გერმანიამ მართლაც მიიღო თავის თავზე (მე 14 მუხლი 27 აგვისტოს დამატებითი ხელშეკრულებისა). თუ მე-13 მუხლში მოსკოვის მთავრობა ამბობდა: „იკანით, როგორც გსურდეთ საქართველოს დამოუკიდებლობა“, მე-14 მუხლში უმატებდა: „ოღონდ ოსმალოებს ბაქოში ნუ შეუშვებთ“.

---

\*) მოახერხებდა თუ არა გერმანია ოსმალეთისთვის ისეთი ხაზდვარი დაედა, კონფერენცია რომ შემდგარიყო ყოველ შემთხვევაში ეს ხაზდვარი იქნებოდა, რადგან ჯერ კიდევ 1918 წლის აგვისტოში ენ ვერ-ფა-ში კონსტანტინოპოლში ერთ-ერთ ქართველ დელეგატს პპირდებოდა ტერიტორიული და თომბის ხხვა მხარზე, ოღონდ საქართველოს უარი ეთქვა აბახთუმანზე და აწყურზე, ე. ი. ახალციხის მხარის იმ პუნქტებზე, რომელიც 4 ივლისის ბათუმის ტრაქტატით დირჩა საქართველოს (იხ. ზევით გვ. 127).



მაგრამ იმდენათ გერმანელები ვერ აფერხებდენ ოსმალეობის ბაქოში შესვლას, რამდენადაც... ინგლისელები, რომელნიც სწორეთ ამ დროს, ე. ი. 1918 წლის აგვისტოს ბოლოს გადმოვიდენ ბაქოში. მხოლოდ ამ გადმოსხმიდან არაფერი გამოვიდა (იხ. ზევით გვ. 104); ოსმალეობი 15 სექტემბერს, 1918 წელს ფებდაფებ შეჰყვენენ ბაქოში აზერბაიჯანის მოხალისეებს!

ყველა ეს დაბრკოლებანი და კითხვები, რომელნიც წინასწარ საჭირო იყო, მაგრამ არ ჰქონდათ გადაჭრილი მოკავშირეებს, \*) იწვევდენ კონსტანტინოპოლის კონფერენციის მუდმივ გადადებას. სხვადასხვა ხალხისა და სხვადასხვა რესპუბლიკის დელეგატები კონსტანტინოპოლში ისხდენ ზღვის პირას და უცდიდენ უკეთესს დროს. ეს „უკეთესი დრო“ კი არ დგებოდა.



---

\*) აღენიშნავ აგრეთვე ოსმალეობის მიერ ბათუმის ოლქში 1918 წ. ივლისში მოხდენილ რეფერენდუმს. პროტესტები, როგორც ამ რეფერენდუმის, ისე ცნობილ სამ სანჯაყში ოსმალეობის მოქმედების შესახებ განვაცხადეთ ჩვენ ბერლინში და საქართველოს მთავრობამ ტფილისში. აგვისტოს ბოლოს ბერლინში ქართველ მუსლიმანების დეპუტატებიც კი ჩამოვიდენ—ზია-ბეგ აბაშიძე და კადირ-ბეგ შერვაშიძე. ისინი აპირებდნენ კონსტანტინოპოლის კონფერენციისათვის შეგჩივლათ ოსმალეთის რეფერენდუმის გამო. ცხადია, ოსმალეობი შოიყვანდენ თავიანთ დეპუტატებს, რომელნიც სულ სხვა რამეს იტყოდენ.

## თავი მეთოთხმეტე

### სიფრთხილეს თავი არ სტკივა

38

გერმანიის მთავრობის მიერ საქართველოს ფორმალური ცნობა ახლოვდებოდა. საქართველოსა და გერმანიის მომავალი ურთიერთობის კითხვა საკმაო გარკვევით ისახებოდა მოლაპარაკებებში, ხოლო საქმიანი შეთანხმებების ხელის მოწერა აჩქარებდა მას. მართალია, კონსტანტინოპოლის კონფერენცია იდებოდა გაურკვეველ „შემოდგომისათვის“, მაგრამ მთავარი ვეზირის—თალაათ-ბეის 1918 წლის სექტემბერში მოსალოდნელი ჩამოსვლა ბერლინში, გვაძლევდა იმედს, რომ ჩვენი ოსმალეთთან სადაო კითხვებიც მოგვარდება. დღევანდელ დღეზე ზრუნვა ვეღარ გვტეხდა წელში: გერმანიის პოლიტიკურმა დახმარებამ და საკუთარმა ძალამ საქართველოს რესპუბლიკა მართლაც დააყენეს მოწესრიგების გზაზე.

ბერლინში ჩვენი მუშაობის შედეგებით მე გადავწყვიტე მესარგებლნა, რომ შემეცადნა დავახლოვებოდით გერმანიასთან მეზობლო დიდ სახელმწიფოთა მთავრობებს.

მაშინ საქართველო მოწყვეტილი იყო დასავლეთის დიდ სახელმწიფოებს არა მარტო დიდი ომის ფრონტით, რომელიც მიჰყვებოდა მთელ ევროპასა და წინა აზიას, არამედ რევოლიუციონური რუსეთის, უკრაინის და სხვათა გაუვალ, უსაზღვრო სივრცეებით. ტფილისი მოწყვეტილი იყო აგრეთვე ბაქოსა და თავრიზს, რაც საშვალებას სპობდა როგორმე კავშირი დაეჭირათ ინგლისელებთან ჩრდილო სპარსეთში. მაგრამ მოახდინეს კი ტფილისში ასეთი რამ ცდა? ბერლინში ამის შესახებ არაფერი გაგვიგონია.

დადგა დრო, სერიოზულად გვეფიქრნა ასეთის კავშირის დაკერის შესახებ, მით უმეტეს საერთაშორისო პოლიტიკის პერსპექტივების მიხედვით, როგორც იგი ისახებოდა 1918 წლის ზაფხულის მეორე ნახევარში.

ბერლინში ჩვენ იმ დღეებში ჩავედი, როცა გერმანიის საჟრანგეთზე შეტევის შედეგები წინასწარმეტყველებდნენ, როგორც ეს ეგონა გერმანიის და მრავალ სხვა ქვეყნების საზოგადოებრივ აზრს, ომის მალე დამთავრებასა და გერმანიის გამარჯვებას. \*) ომის ცნობებში ისევ თავი ამოჰყო მარნამ. პარიზს უშენდენ შორს მსროლელი ზარბაზნებიდან. რწმენა, — თავდაქერილი, მტკიცე რწმენა წარმატებისა ემჩნეოდა ყველას.

გერმანია ეხლა ეძიებდა საქმის გადაწყვეტას დასავლეთში, მას შემდეგ, რაც მისი ძალის წინაშე გაცაპტვერდა რუსეთის ფრონტი, და „შუა ევროპა“ მრავალი ტრაქტატით და შეთანხმებით ამაგრებდა თავის პოზიციებს თვალუწყვდენ სიერცხეზე — ფინლიანდიიდან სპარსეთამდე \*\*).

მგონი, ზაფხულის დამლევამდის, შეიძლება, 1918 წლის სექტემბრის შუამდე, გამარჯვების რწმენა გერმანელთა უპრავლესობაში არ შერყეულა. ყველაზე უარესი, რაც კი წარმოედგინათ, ეს იყო საპატიო ზავი, გერმანიისათვის სხვადასხვა ახალი შესაძენისა და სარგებლობის მინიჭებით. ამ ატმოსფერაში გვიხდებოდა ჩვენც მუშაობა.

კატასტროფა გერმანიას ყველასათვის მოულოდნელად დაატყდა თავს. საკითხავია, როდის გახდა თვალსაჩინო ბედის ჩარხის შებრუნება.

პირადათ მე მდგომარეობის შეტრიალება განსაკუთრებულად ვიგრძენი 24 ივნისის კიულმანის სიტყვის შემდეგ („ომი არ შეიძლება გადასწყდეს, მარტოოდენ იარაღის ძალით“).

ივლისის განმავლობაში მკვიდრდებოდა შთაბეჭდილება, რომ გერმანია ომს ვერ მოიგებს და გერმანია-საქართველოს ტრაქ-

---

\*) 27 მაისს 1918 წ. გერმანელებმა დაიწყეს ცნობილი იერიში Chemin des Dames-ზე. 30 მაისს მიაღწიეს მარნას.

\*\*\*) ეს მუშაობა ინერციით გრძელდებოდა მაშინაც კი, როცა წარმატებამ თვალსაჩინოდ იწყა გერმანიის ზელიდან გასლტვა; მხოლოდ უბედურებამ შეიხერა იგი მუშაობა და ცხად ჰყო მიხი უნაყოფობა.

ტატის დაჩქარება... არ არის საჭირო; რომ სასურველია თავის დაქვერდა და თან სასწრაფოდ გაფართოვება დიპლომატიური კავშირისა „შუა ევროპის“ საზღვრების გარეშეც. მაგრამ როგორ მოგვეყვანა სისრულეში ეს დებულება? ამ ამოცანის პრაქტიკულათ განხორციელება ჩემთვის, როგორც ბერლინში მყოფ საქართველოს დელეგაციის წევრისათვის, არ იყო ადვილი. საბედნიეროთ ივლისის დამლევს მე მომეცა ფორმალური მიზეზი (კერძო ხასიათისა) გავმგზავრებულეყავი ნეიტრალურ ქრისტიანიაში; გადავწყვიტე წასვლა, რომ ნორვეგიის სატახტო ქალაქში მყოფ წარმომადგენლების საშუალებით ჩვენი საქმეები გამეცნო დასავლეთის მთავრობებისათვის.

ამ გეგმის განხორციელება უნდა გადამედვა ბერლინში საქმიანობისათვის. გარდა ამისა, ჩვენი დელეგაციის მეთაური ჩხენკელი ამ გამგზავრების წინააღმდეგი იყო—რადგან იგი. ასეთს ნაბიჯს სთვლიდა დაჩქარებულათ და გერმანიის მთავრობისადმი უხერხულათ (!) და სხვა. ჩხენკელი, ისე როგორც ნიკოლაძე, განიციდიდენ. გერმანელთა წრეების ზედგაველენას და მათ სრულიად ურყევი რჩებოდათ რწმენა გერმანიის წარმატებისა. ნიკოლაძეს საბუთად მოჰყავდა საფრანგეთის მინისტრის მალეის ანგარიშები ომის წარმოებისა და გვარწმუნებდა, რომ საფრანგეთი დღეს თუ ხვალ დაეცემა. საპასუხო შენიშვნები, რომ საქმეს განაგებს არა მალე, არამედ ფოში, ერთიანი სარდლობა, რომ განსაცვიფრებლათ იზრდება ამერიკის მონაწილეობა ომში—მასზე არ მოქმედებდა. მაგრამ ნიკოლაძე ჩემი ხერხის მაინც მომხრე იყო. ბოლოს თავისი კურთხევა მომცა ჩხენკელმაც, და პასპორტისა და ვიზების მიღებისათვის რამოდენიმე კვირის წვალების შემდეგ, 28 აგვისტოს, ე. ი. რუსეთ-გერმანიის დამატებითი ხელშეკრულების ბერლინში ხელის მოწერის მეორე დღეს, (სადაც მოხსენებული იყო საქართველოს დამოუკიდებლობა) მე გავემგზავრე ნორვეგიაში.

მატარებელი სწრაფად მიექანებოდა ზღვისკენ. ყველგან ლეწენ; ყოველი მარცვალი აღრიცხულია. Sassnitz-აში საფუძვლიანი ჩემთვის შემსუბუქებული, გასინჯვა მოახდინეს. გემზე უკვე შეეცია, — კრონები, პური, შაქარი და სხ. ყველაფერი საუცხოვოთაა. გემს

ჰქვია „კოროლი გუსტავ მეხუთე“; აქ „კოროლის ოთახი“ კი არის...

ირველივე ვაცქერდები შვედებს—მაგარი, ჩასკენილი ხალხია; ყოველი სახე ერთეულს წარმოადგენს. არ მხედება, როგორც ზოგიერთ სხვა ქვეყანაში, მრავალი უფერული, უმნიშვნელო სახიანი პიროვნება.

29 აგვისტოს ქრისტიანიას მივალწიე, მაგრამ პირველად ლილ-ლეჰამერში უნდა ჩავსულიყავი. მიმზიდველი ადგილია; განთქმულია ჰავითა და მოსახლეობის კეთილი მოწესრიგებით. ცოცხალი, მწვანე, სათიბიანი, ტყიანი, მთა-გორაკიანი ბუნება—ჰურის ძნები ყანებში შემოზღუდულია კლდეებითა და წიწვით; იქვეა ტბა და ჩანჩქერი ძლიერი წყალვარდნილით.

პასპორტი არც აქ მოუკითხავეთ და არც ქრისტიანიაში. მეომარ ევროპაში დარჩენილა ასეთი ადგილებიც! ომი შორს, შორს გეჩვენებათ, როცა ჰოლმენკოლენის სიმაღლიდან, დილით ადრე, გადაიხედავთ ქვევით: ფიორდს ოდნავ ახლავს ნისლი, მაგრამ ყოველი ნაკეთი ნათლად სჩანს აივანთან მოზარდ ნაძვის მოაჯირში.

7 სექტემბერს ვინახულე საფრანგეთის ელჩი, ბ-ნი ბაპსტი \*) და ჩავაბარე მას საქართველოს დამოუკიდებლობის გამოცხადების ნოტა; იგი ყოფილა კავკასიაში და ისეთს მივარდნილ ადგილებშიაც კი, როგორიცაა სილნალი!

ელჩს მე გავაცანი უმთავრესი ამბები, რომელთაც ადგილი ჰქონდათ კავკასიის ფრონტის დაშლის შემდეგ და აუხსენი ჩვენი იუცილებელი საჭიროება მიგვემართნა გერმანიისთვის. რადგან ბ-ნი ბაპსტს ეჩქარებოდა ინგლისის საელჩოში, მე ვთხოვე გადაეცა სერ მანსფელდტ კ. ფინდლეისთვის ჩემი განზრახვა მასთან მიესულიყავი. ბატონ ბაპსთან შევთანხმდით ისევ შევხვედროდით ერთმანეთს. მეორე დღეს—მან მთხოვა „არ წავსულიყავ ინგლისის საელჩოში, სანამ მეორეჯერ ჩვენ არ შევხვდებოდით ერთმანეთს“.

\*) ზალგ, ამის შემდეგ, იგი დანიშნულ იქნა ელჩათ ტოკიოში.

საფრანგეთის ელჩთან მეორეთ მისვლა იყო ძლიერ საფუძვლიანი. მე პასუხის მიცემა მომიხდა სულ სხვადასხვა კითხვაზე. ბაასი შეეხო ჩრდილო-კავკასიის, დონის და სხვათა პროვინციებს. ეს იყო დრო ჯარის გადმოსხმისა არხანგელსკში, მურმანის სანაპიროებზე, და მე არ ვიყავი სავესებით უმართებულო, როცა ვუმტკიცებდი ბ-ნ ბაასტს, რომ გერმანია სამხრეთში არსებითად აკეთებს იმასვე, რასაც აკეთებენ მის წინააღმდეგ მეომარი მოკავშირენი ჩრდილოეთში, ე. ი. ხელს უწყობენ ბოლშევიზმის ლოკალიზაციას (ერთს ადგილზე შეჩერებას) მოსკოვის რუსეთის საზღვრებში და სახელმწიფოებრივი წეს-რიგის აღდგენას ყოფილი იმპერიის განცალკევებულ ნაწილებში. ჩემი მობაასე მეთანხმებოდა, რომ საქართველოს არ შეეძლო სხვა გზაზე მოქცეულიყო, ვიდრე მოიქცა, და უსამართლობა იქნებოდა, საქართველოს დამოუკიდებლობის გამოცხადებაში დაინახოს კაცმა „გერმანიის ხრიკები“.

9 სექტემბერს საელჩოს მრჩეველის ბ-ნი Esmond Ovey-ს თანდასწრებით მიმიღო ინგლისის ელჩმა.

დრო უჩვეულო იყო, და ამიტომ ელჩმა მშვიდათ და ალერსით მიიღო კაცი, რომელიც პირდაპირ მოსულიყო მტრულად განწყობილ ბერლინიდან და ოფიციალურის ტონით მოუთხრობდა, როგორც სრულიად ბუნებრივ ამბავს, საქართველოს დამოუკიდებლობის გამოცხადებაზე და ამ რესპუბლიკის იმედზე იქმნეს ცნობილი დიდი ბრიტანეთის მიერ, იმ სახელმწიფოს მიერ, რომელიც და სხვა. ფაქტიურმა ვითარებამ—გეოგრაფიამ და პოლიტიკამ—გვაძულა საქმე დაგვეწყო ბერლინიდან—გერმანიის დახმარებით ვცდილობთ მოვაწყოთ ოსმალეთის კავკასიაზე თავდასხმის მოგერიება, თორემ არსებითად ინგლისის საქმესა და მოწოდებას შეადგენს ჩვენი დახმარება და სხვა.

ფინ დღეიმ გამოსთქვა რწმენა, რომ ინგლისი მეგობრულათ არის განწყობილი საქართველოსადმი; პირადათ მას ბევრი რამ სმენია ამ ქვეყანაზე ოლივერ უორდროპისაგან\*)... მაგრამ საეჭვოა, რომ გერმანიას, ოსმალეთის მოკავშირეს, შეეძლოს რაიმე დახმარება გაუწიოს საქართველოს მუდმივი მტრის წინააღმდეგ ბრძოლაში!

\*) ო. უორდროპი (ამ ვამით სერ. ო. უ.) სწორედ ამ დროს ბრიტანეთის გენერალურ კონსულთ იყო ბერკენში; ეს შემთხვევა ჩვენთვის ძლიერ ხელსაყრელი გამოდგა!

პასუხი: რა თქმა უნდა, ზედმეტათ არ უნდა ვაფასებდეთ ოსმალეთის ვასალურ მდგომარეობას. ოსმალეთს პოლიტიკის საკუთარი საფუძვლები აქვს კავკასიაში... მიუხედავად ამისა, ფაქტიურად მოხერხდა შეჩერებულიყო ტფილისისაკენ ოსმალოების მოძრაობა.

ფინღელი იმ ცნობებიდან, რომელთაც თქვენ გვაძლევთ 4 ივნისის ბათუმის ხელშეკრულების შესახებ, მაინც სჩანს, რომ ოსმალოები იქერენ იმ პოზიციებს, რომელნიც ბატონობენ საქართველოსა და დანარჩენ ამიერ-კავკასიაზე!

პასუხი: სამწუხაროთ ეს ასეა. მაგრამ არსებულ მდგომარეობას მუდმივ რამეთ არ ვთვლით. 4 ივნისის ხელშეკრულებასაც არ მიუღია რატიფიკაცია. ჩვენი უახლოესი მიზანი იყო ხელნი შეგვეშალა ოსმალეთის მიერ საქართველოს ოკუპაციისათვის. ეს მოხერხდა. ბერლინის, კონსტანტინოპოლის და მოსკოვის მიერ საქართველოს დამოუკიდებლობის ცნობა კი ჩვენთვის საჭირო იყო მთავრობის უფრო დაჩქარებით კონსოლიდაციისათვის (განმტკიცებისთვის) და პრინციპიალური მოსაზრებით: საქართველოს დამოუკიდებლობა მიზანია, რომელიც ომის შემთხვევითი ვითარების საზღვრებს გადადის...

ფინღელი: მაგრამ თვით რუსეთის მთავრობა არ წარმოადგენს რუსეთის ხალხს, და რა მნიშვნელობა უნდა ჰქონდეს მის მიერ ცნობას!

სიტყვა ჩამოვარდა ბაქოზე. სერ მ. ფინღელის აზრით: „აშკარაა გერმანიამ მიახია ოსმალეთი ბაქოს“.

— საეკვოა. გერმანია ეს-ეს არის დაჰპირდა საბჭოთა მთავრობას შეაჩეროს ოსმალოები ბაქოს დაქერისაგან. გერმანია მაინც ანგარიშს უწევს რუსეთის სურვილებს, რომ გართულება არ გამოიწვიოს აღმოსავლეთის ფრონტზე! ოსმალოთა მისწრაფება ბაქოსაკენ საკმაოთ აიხსნება ახლოს მდებარე აუცილებელი დავლის მიმზიდველობითაც და ძლიერ საყურადღებო მდგომარეობით: თურქული სოლიდარობის ნიადაგზე ოსმალეთისა და აზერბაიჯანის დაახლოვებით. საერთოდ, დაუმატე მე, — ამიერ-კავკასიის საქმეებმა, ინტრიგებმა და გატაცებამ ჩვენს მხარეში მიიზიდა ოსმალეთის დიდი ჯარი და ყურადღება. ამ გარემოებით თქვენ მხოლოდ მოიგეთ, როგორც მესოპოტამიაში, ისე პალესტინაში.

ფინ.: დიდი მნიშვნელობა ექნებოდა, თქვენ რომ შეგედგინათ წერილობითი მიმოხილვა ამ საგნებზე. როცა თქვენს მემუარს შევისწავლი, გთხოვთ ხელ-მეორეთ მომელაპარაკოთ...

პასუხი: სიამოვნებით ავასრულებ თქვენს სურვილს. ამასთანავე, ხომ შეიძლება ჩავთვალოთ რომ, მე საქართველოს მთავრობის სახელით უკვე ოფიციალურათ ვაცნობე ინგლისის მთავრობას საქართველოს დამოუკიდებლობის გამოცხადება...

ფინ.: დიახ, თქვენ მიერ წაკითხულ ნოტას მე ვთელი ოფიციალურ საბუთად. თქვენ მიერ გადადგმულ ნაბიჯის შესახებ მე ეხლავე ვაცნობებ ლონდონში.

ასეთი იყო პირველი შეხვედრა დამოუკიდებელ ხაქართველოსა ბრიტანეთის ოფიციალურ დიპლომატიასთან.

მეორე დღეს მივიღე საფრანგეთის ელჩის ბარათი, იგი მთხოვდა ცნობები მიმეწვდინა მისთვის გერმანიისა და რუსეთის დამატებითი შეთანხმების შესახებ და მატყობინებდა, რომ ჩემი მასთან ყოფნისა და ჩემი განცხადების შესახებ მან უკვე დეპეშა გაუგზავნა საგარეო საქმეთა მინისტრს პიშონს პარიზში. მე, რა თქმა უნდა, შევეცადე ყოველგვარათ დამეკმაყოფილებია ბ-ნი ბაჰსტის ცნობის მოყვარეობა.

ომის დროს სკანდინავიის სატახტო ქალაქები მეომარ სახელმწიფოების დაზვერისა და კონტრ-დაზვერვის გული იყო. შედარებით პატარა ქალაქში, როგორცაა ქრისტიანია, ძლიერ ფრთხილად უნდა დამეჭირა თავი, რადგან მალე მიხდებოდა ბერლინში დაბრუნება.

საკირო ფორმალობის შესასრულებლათ მე შევეიარე გერმანიის გენერალურ კონსულთან. როცა ქალაქების მისაღებათ მეორეთ შევედი მასთან, მან გადმომცა გერმანიის ელჩის თხოვნა პირადათ შენახა იგი.

ბ-მა ფონ მუციუსმა ეხლახან დაიჭირა ქრისტიანიაში ელჩის ადგილი, რომელიც განთავისუფლდა ზაფხულზე, რადგან ბ. ფონ-გინცე დაინიშნა საგარეო საქმეთა მინისტრათ. იგი იაპონიის ომის დროს მსახურებდა რუსეთში, მსოფლიო ომის დაწყების პირველ წლებში — ოსმალეთში და მკიდრო კავშირი ჰქონდა ყველასთან, ვისაც შეეხებოდა ჩვენი საქმეები Wilhelmstrasse-ზე. ძლიერ ზრდილობიანათ მან მაგრძობინა, რომ, რადგან ნორვეგია გერმანიისადმი მტრულათ არის განწყობილი, სასურველია, მოვათავსო ნორვე-



ვიის პრესსაში წერილები, რომელნიც ცხადჰყოფდენ, თუ რა უანგარო დახმარებას უწევს გერმანია საქართველოს განთავისუფლების საქმეს და სხვა და სხვა... სურვილი ბუნებრივია! მაგრამ როგორ შეეასრულო? გამოსავალი აღმოჩნდა: წინაღობით მე გადავეცი ერთ ჩემს ძველს ნაცნობს, (რომელიც პეტერბურგში ინგლისის გაზეთების კორესპონდენტათ იყო) ბ-ნ ნორრეგორს ფაქტიური მასალა ოსმალეთ-კავკასიის ფრონტის შესახებ; ნორრეგორი ნორვეგიაში ცნობილი სამხედრო მიმომხილველია, რომლის წერილებს ხშირად გადაბეჭდენ ხოლმე ევროპის გაზეთები. იგი უფრო ემხრობა „შუა ევროპის“ ბანაკს, და დარწმუნებული ვიყავი, რომ იგი არ გაუშვებდა შემთხვევას შეექო გერმანია. მაგრამ ეს ხომ მისი საქმეა.

მემორანდუმი, რომელსაც მთხოვდა ინგლისის ელჩი მე დავაძაღე, და იგი ეცნობა დიდი სახელმწიფოების შეთანხმების წარმომადგენლებს. ამის შემდეგ მე აღაჩაფერი დამრჩენოდა, გარდა სასრაფოთ ბერლინში დაბრუნებისა, საიდანაც დეპეშით მაჩქარებდა ყოველი დროების გაშვებით აქ ჩარჩენილი საქართველოს საგარეო საქმეთა მინისტრი.

---

## თავი მეთუთხმეტე.

### მ ო ს ა ხ ვ ე ვ უ ი .

40

სამი კვირა დავრჩი ბერლინის გარეთ. როცა დავბრუნდი, დიდი ცვლილება ვერ შევამჩნიე იმ პირთა სულიერ განწყობილებაში, რომელთაც ვხვდებოდი. ინერციით ყველაფერი ხდებოდა ისე და ყველა ლაპარაკობდა იმ გვარათ, თითქოს არავითარი სახიფათო არ იყო მოსალოდნელი. თუმცა ომის მიმდინარეობა აშკარად უარესდებოდა, მე მგონია მაინც რჩებოდა რწმენა, რომ როცა გერმანია თავდაცვაზე გადავა, დიდხანს კიდევ გასძლებს და ყოველ შემთხვევაში ომიდან გამოვა პატივით და არ დაჰკარგავს თავის სახეს...

ჩვენი საკუთარი საქმეების მდგომარეობა კი ასეთი იყო: ჩემ მიერ შემთხვევით წარდგენილ გერმანია-საქართველოს ხელშეკრულების სქემატიურ გეგმის საფუძველზე, გერმანიის სამინისტროს დაემუშაებია გეგმა, რომელიც ჩვენ უნდა გაგვეხილა. რაც შეეხება ოსმალეთ-საქართველოს საზღვრების კითხვას—მას, როგორც სხვა მრავალ თემას, შეეხენ იმ თათბირებზე, რომელიც ხდებოდა საგარეო საქმეთა უწყებასა და ბერლინში ახლად ჩამოსულ ოსმალეთის დიდი ვეზირის—თალაათ-ფაშის შორის.

თალაათის ჩამოსვლის მიზანი იყო, რა თქმა უნდა, არა მარტო მიმდინარე კითხვების გადაწყვეტა, არამედ საერთოდ გამორკვევა, თუ როგორ შესძლოს გერმანიამ ამ გაკვირვების დროს ოსმალეთის გადარჩენა, როცა ინგლისელებმა დღევანდელ უმთავრეს ფრონტზე, პალესტინის ფრონტზე თვალსაჩინოთ უკან დაახევინეს ოსმალელებს.

გერმანიას კი აუცილებლათ ესაქიროებოდა, რომ მოკაეშირე—ოსმალეთი სწორეთ ეხლა, როცა ომის მთელი გამოსავალი დამოკიდებულნი იყო სიმტიციესა და სიმაგრეზე, არ შერყეულიყო.

15 სექტემბერს ოსმალოებმა და აზერბაიჯანელებმა აიძულეს ინგლისის დესანტი სპარსეთში დაბრუნებულიყო, და თვითონ დაიკავეს ბაქო. არსებითად ინგლისელების ეს უზერბული ცდა ამრთლებდა ოსმალეთის ოპერაციას და აადვილებდა გერმანიის მდგომარეობას საბჭოთა მთავრობის მიმართ: მოსკოვი, ცხადია, ვერ წარმოიდგენდა, რომ გერმანია, რომელიც ეომებოდა ინგლისს, ისე როგორც ოსმალეთი, შეაჩერებდა უკანასკნელს გერმანია-ოსმალეთის საერთო მტრის წინააღმდეგ ბრძოლაში, იმ მტრის, რომელმაც დაიკავა ბაქო.

ბალესტინეში კი ომის მსვლელობა ცუდით შეტრიალდა; თითქმის იმავე დროს, როცა ოსმალოების საქმე წარმატებით მიდიოდა ბაქოში, უმთავრესი მათი ძალები, გენერალ ლიმან-ფონ-სანდერსის სარდლობით იგერიებდა იერუსალიმის ჩრდილოეთით გენერალ ალენზის შეტევას. 20 სექტემბერს აიღეს ნაზარეთი—ოსმალოების უმთავრესი ბანაკი. მეტროპოლიდიდან და კოლონიებიდან გაწვეული ინგლისის ცხენოსანი ჯარი აქ სწავლობდა დაბადების (ბიბლიის) გეოგრაფიის პრაქტიკულ კურსს. ოსმალონი დღითი-დღე სუსტდებოდნენ.

ბუნებრივით, ასეთს წამში მოსალოდნელი იყო, რომ ოსმალეთი მეტის თავაზიანობით მიიღებს გერმანიის რჩევას, კავკასიაში არ მოითხოვოს იმაზე მეტი, ვიდრე შეძენილი აქვს ბრესტ-ლიტოვსკის ხელშეკრულების ძალით. სამინისტროში ამბობდნენ, რომ ამის იმედი აქვთ, მაგრამ ჯერ არ არიან დარწმუნებული. თითქოს ოსმალონი დაჰპირდნენ მათ, რომ დასკლიან თვით აზერბაიჯანსაც, სადაც დარჩება მხოლოდ ადგილობრივი თურქული ძალები, მართალია, ოსმალოთა ოფიცრების მეთაურობით.

მეორეს მხრით, გერმანიის წრეებიდანვე მივიღეთ ცნობა, რომ თალაათი საყვედურს უცხადებდა გერმანიას იმ „უპირატესობისთვის“, რომელსაც იგი აძლევდა საქართველოს და რომლის შედეგი იყო მარტოოდენ საქართველოს დასახელება რუსეთ-გერმანიის 27 აგვისტოს დამატებით ხელშეკრულებაში (იხ. ზევით გვ. 146). თითქოს გერმანია იძულებული შეიქნა დაჰპირებოდა დიდ ვეზირს დაუცონებლივ დაენიშნა კონსული აზერბაიჯანში და სომხეთში.

24 სექტემბერს მოხდა ჩვენი შეხვედრა თალაათთან: ამისთვის საკმაო იყო სასტუმრო „ადლონის“ ერთი სართულიდან მხოლოდ შერეო სართულში გადასვლა. დიდი ვეზირის კაბინეტში იმყოფებოდა კავკასიურ-ოსმალურ სახის ყმაწვილი კაცი, ფაქიზათ გამოწყობილი,—პამადა წასმულ თმიდან დაწყებული ლაიკის წალღებამდე ყველაფერი უბრწყინავდა: ეს იყო ოსმალეთის მემკვიდრის შვილი, მაშასადამე—სულთან ფარუხ-ეფენდის ძმისწული. იგი დაესწრო ჩვენს ბაასს და ერთი სიტყვა არ წამოსცდენია.

სახელგანთქმულმა ტრიუმვირმა, რომელმაც ფოსტის მცირე მოხელის ადგილიდან მიღწეა ვეზირობას და ამიტომ გახდა „უმაღლესობა“, განსაკუთრებულის პატივით მიგვიღო. ეს მოსული, მოშავო, გაოსმალებული ბულგარელი—მოელვარე თვალებიანი და სენტიმენტალობას სრულიად მოკლებულ სახის გამომეტყველებით ათასგვარათ იმეორებდა: „ჩვენ ყველაფერს მოვაწყობთ, ყველა სადაო კითხვას ყველასათვის საამოთ მოვაგვარებთ... ჩვენ ხელი-ხელჩაკიდებულნი უნდა ვიყოთ კავკასიაში. აი, ღღესაც კი იოფფე, რუსეთის ელჩი, მეუბნებოდა, რომ ისინი, რუსები, არ სცნობენ საქართველოს, თუმცა დაეთანხმენ გერმანიას. იგი ეცნო! ხომ უყურებთ, რომ ჩვენ უნდა შევკრათ კავშირი: და შემდეგ, ჩვენ ერთად ვაწარმოებთ დიდ პოლიტიკას იქ, აღმოსავლეთში... როგორც წინათ ბ-ნ ნიკოლაძესთან გექონდა ამაზე ლაპარაკი“.

„დიდი პოლიტიკა“ ნიშნავდა კავკასიის კონფედერაციას, მაგრამ კიდევ უფრო—აღმოსავლეთის თურქების პოლიტიკურ ორგანიზაციას ანატოლიიდან დაწყებული თურქესტანამდე.

„თავი დაანებეთ გერმანიას—ჩვენ მოგვემხრეთ“—აი როგორ უნდა გაგვეგო თალაათის სიტყვები.

— თქვენო უმაღლესობავ, სთვლით თუ არა შესაძლებლათ დადასტუროთ, რომ საზღვრების კითხვაში მიღებულია რომელიმე გარკვეული დებულება—მაგალითად, ბრესტ-ლიტოვსკის ხელშეკრულების დებულება?

— „მე არ შემძლია ეხლა დაწვრილებით გამოვთქვა ჩემი აზრი. მხოლოდ შემძლია დაგარწმუნოთ, რომ ყოველი ზომა იქნება მიღებული... ჩამოდით კონსტანტინოპოლში, და ყოველივე მოგვარდება“.

„ჩვენ არ შეგვიძლია კონსტანტინოპოლში წავიდეთ, სანამ არ გვეცოდინება, თუ რა მოგველის იქ. ბ-ნ ჩხენკელს შეუძლია პასუხისმგებლობა მიიღოს თავის თავზე მხოლოდ ისეთის გადაწყვეტილების შესახებ, რომელიც არ დაარღვევს ჩვენს სასიცოცხლო ინტერესებს. წინააღმდეგ შემთხვევაში, მგონი, უკეთესი იქნებოდა კითხვა გადუქრელად დაგვეტოვებინა“...

— „მე ვეცდები დავარწმუნო ჩემი ამხანაგები კონსტანტინოპოლში. მე მოვახსენებ სულთანს. ჩემი ცდის შესახებ ცნობებს მოგაწვდით, ისე რომ კონსტანტინოპოლში გამგზავრების წინ გეცოდინებათ შედეგები“.

გამომშვიდობების დროს კიდევ ერთი ულუფა ურთიერთ თავზიანობისა, გახსენება აღმოსავლეთით მეზობლობისა, ძმობისა და თითქმის ნათესაობისა და მოყვრობისა...

იმავე დღეს, საღამოს ჩვენ (ჩხენკელი, ნიკოლაძე და მე) სომხეთის დელეგატთან, დ-რ ა. ოგაჯანიანთან ერთად დავესწართ Anhalter Bahnhof-ზე თალაათის გაცილებას. მთელი Wilhelmstrasse იყო იქ... ბრკყვიალა მუნდირები, დაკვირვებული, სერიოზული სახის გამომეტყველება.

„არ გვიღალატებ... ხომ მართალია, რომ არ გვიღალატებ?“ — ეწერა მათ სახეებს. მაგრამ ერთხელვე მიღებული ზრდილობა ნიღაბს აფარებდა იმედებსა და იქვებს.

დიდმა ვეზირმა ერთხელ კიდევ გაიმეორა თავისი დაპირებანი; იგი გვეპყრობოდა ჩვენ, როგორც „თავისიანებს“. „აქ, ბერლინში ცივა! — სთქვა მან: — კონსტანტინოპოლში კი თბილა, საამოა“... „დიახ, იქ ჩვენ თავს ვიგრძნობთ, როგორც შინ, საკუთარ სახლში“.

„დილაღაც, ჩვენ ხომ ყველანი აღმოსავლეთის შვილები ვართ“.

ბალკანეთის მატარებელი გასრიალდა.

---

მეორე დღეს სამინისტროში ჩვენ გავიგეთ, რომ თალაათს ბერლინში არაფრისთვის არ მოუწერია ხელი. ოქმი კი არსებობს მისი თანდასწრებით შედგენილი და წაკითხული, რომელშიაც,

სხვათა შორის, შეტანილია დიდი ვეზირის განცხადება, რომ იგო ოსმალეთისათვის საჭიროთ სთვლის კავკასიაში დაემყაროს ბრესტ-ლიტოვსკის ხელშეკრულების საზღვრებს.

როგორც დ-რი გეპპერტი ამბობს, თალაათი აქ ჩამოვიდა სრული დარწმუნებული, რომ მიიღებს გერმანიის სრულს დასტურს (სანკციას) ბათომის 4 ივნისის 1918 წლის ხელშეკრულების ყველა საქმისას; მაგრამ ბერლინიდან წავიდა მტკიცე განზრახვით, რაც კი შეიძლება დააკმაყოფილოს საქართველოსა და კავკასიის სხვა-რესპუბლიკების სურვილი.

მაგრამ ყველა ეს იყო განზრახვა და დაპირება, რომელთაც იწვევდა ბერლინის ან და... პალესტინის ძალდატანება... საჭირო იყო მეტი გარკვეულობა. ჩვენ დაგვარწმუნეს, რომ გერმანიის მთავრობა შემდეგშიაც დაგვეხმარება კავკასიაში ოსმალეთ-საქართველოს საზღვრების დადების კითხვაში. გადასწყდა, რომ მე მარტო წავალ კონსტანტინოპოლში: თუ სასურველ შედეგს მივაღწიეთ, მაშინ „ხელის მოსაწერათ“ ჩამოვა ჩხენკელი.

ხელის მოწერა! ხელის მოწერა! ეხლა, როცა საქმე ხელის მოწერაზე მიდგა, ნიადაგი იწყებს რყევას.

#### 41

კონსტანტინოპოლში წასვლამდი საჭირო იყო ბერლინში მოგვეზადებია „ხელის მოსაწერათ“ ბევრათ უფრო მნიშვნელოვანი რამ—გერმანია-საქართველოს ხელშეკრულების პროექტი. 23 სექტემბერს ამ საქმის გამო მე ვიყავი დ-რ კრიგესთან. იგი ძლიერ კმაყოფილებით გამოიყურებოდა: როგორც ფორმალისტურ შეხედულების მქონე, იგი ჰფიქრობდა, რომ ეხლა, როცა რუსეთი დასთანხმდა, გერმანიამ იცნოს საქართველო, აღარათერს შეუძლია ხელი შეუშალოს ამ ცნობას. მომილოცა საქმის კეთილად დამთავრება და გადმომცა ჩემ პირვანდელ პროექტის საფუძველზე შემუშავებული ტექსტი გერმანია-საქართველოს ხელშეკრულებისა.

ჩვენი შენიშვნების წარდგენისა და მცირე დავის შემდეგ პროექტის საბოლოო ფორმა შემუშავდა და გაშალაშინდა 3 ოქტომბერს.

შესავალში აღნიშნული იყო, რომ საქართველოს დამოუკიდებლობის გამოცხადების გამო, ორივე მხარეს სურს დაამყაროს მკვიდრ საფუძველზე მეგობრული ურთიერთობა და ამ გზით ხელი შეუწყონ საქართველოს პოლიტიკურსა და ეკონომიურ განვითარებას.

პროექტის რვა თავიდან („მეგობრული ურთიერთობანი გერმანიასა და საქართველოს შორის“) პირველი შეიცავდა უპირველესად ყოვლისა, გერმანიის მიერ საქართველოს დამოუკიდებლობის ცნობას და დაპირებას, რომ ხელს შეუწყობს, რათა სხვა სახელმწიფოებმაც იცნონ იგი. (მუხ. 1) შემდეგ, აქვეა ნათქვამია, რომ ორივე მხარეს სურს მშვიდობიანი და მეგობრული ურთიერთობის დაკერა (მუხ. 2), და მათ ურთიერთობის სახელმძღვანელოთ მიღებულია ბრესტ-ლიტოვსკის ხელშეკრულების დადგენილებანი, რამდენათაც რაიმე სხვა არ არის ამ ხელშეკრულებაში დადგენილი (მუხ. 3).

მეორე თავი ეხება დიპლომატიურ და საკონსულო განწყობილების მოწესრიგებას (მუხ. 4-6). მესამე თავი შეეხება გერმანია-რუსეთის სახელმწიფო ხელშეკრულებებს, რომელნიც 1914 წლის ომამდე იყვნენ ძალაში. აქვე, წინასწარ მოთქმებული იყო, მათი შეცვლა ახალი შეთანხმებებით, „რომელნიც შეეფერებიან გარდაქმნილ შეხედულებებსა და ურთიერთობას“ (მუხ. 1-8).

მე-4 თავი შეიცავს ზოგად გადაწყვეტილებებს საქართველო-გერმანიის ეკონომიურ ურთიერთობის შესახებ. წინასწარ გაკვრეტილია სავაჭრო ხელშეკრულების დადება.

მე-5 თავში ლაპარაკია სამხედრო ტყვეებისა და დაკავებულ კერძო პირთა გაცვლა-გამოცვლაზე (მუხ. 11-12).

მე-6 თავი ეკუთვნის საქართველოში მცხოვრებ გერმანელ კოლონისტებს. თუ გერმანიის ქვეშევრდომობა მიღებული აქვთ 1920 წლის 31 დეკემბრამდე, მაშინ მათ უნდა მიეცეს თავისუფლება საქართველოს ქვეშევრდომობისაგან, თუნდაც ისინი დარჩენ საქართველოში (მუხ. 13). მათ უნდა დაუბრუნდეს ომის დროს რუსეთის კანონების ძალით წართმეული უძრავი მამული, სამთამადნო უფლებები და სხვა (მუხ. 14). მათ ენიჭებათ თანასწორობა დანარჩენ მოსახლეობასთან შესახებ სამუშაოსა, სარეწაოსა და სხვადასხვა, და აგრეთვე გადასახადებისა და ვალდებულებებისა (მუხ. 15).

მე-7 თავი განსაკუთრებულად უზრუნველჰყოფს გერმანიის საეკლესიო მრევლის, სკოლის და სამეცნიერო დაწესებულებათა უფ-

ლებებს (მუხ. 16-18). გერმანიის მეცნიერებს ნება ეძლევათ მოახდინონ საქართველოში არქეოლოგიური გათხრები. მათ განკარგულებაში რჩება ნახევარი იმ საგნებისა, რაც აღმოჩენილი იქნება მათ მიერ; თვით არქეოლოგიური გათხრა კი ხდება ადგილობრივი დაწესებულებებთან შეთანხმებით (მუხ. 19).

ბოლოს მე-8 თავის „დასკვნის დადგენილებებში“ ლაპარაკია ხელშეკრულების რატიფიკაციის წესრიგის შესახებ (მუხ. 20).

ხელშეკრულება იგი შევსებული იყო უფრო სპეციალური საერთოერთო ვალდებულებებით, რაც აღნიშნული იყო განსაკუთრებული ნოტებით; ეს ნოტები მხარეებს უნდა გაეგზავნათ ერთმანეთისათვის ზემოთ მოყვანილ ხელშეკრულების ხელის მოწერის დროს:

გერმანია ვალდებულებას ღებულობდა თავის თავზე დახმარებოდა საქართველოს მთავრობას, უკანასკნელის სურვილისამებრ, სახელმწიფო მმართველობის მოწყობისათვის მრჩეველების მიცემით. გერმანია ჰპირდება საქართველოს შეემსუბუქებია პირობები კერძოთ რკინის გზისთვის და ჯარის მოწყობისათვის საჭირო მასალების მიღების საქმეში.

შეორეს მხრით, საქართველოს მთავრობა ჰპირდებოდა გერმანიას, საერთო სახელმწიფო კონტროლის ჩარჩოების დაურღვეველათ, მიენიჭებინა გერმანიის საეკლესიო მრევლისათვის, სკოლებისათვის და სამეცნიერო დაწესებულებებისათვის თვითმართველობის სრული უფლება, არ შეევიწროებინათ ისინი ენისა და სწავლების გემის მხრივ და სხვა.

ასეთი იყო დედა-აზრი დადგენილებებისა, რომელნიც წინათ აღნიშნულ შეთანხმებებთან ერთად (შავი-ქვის გაზიდვის მონოპოლია, შავი-ქვის რკინის-გზა, ფოთის პორტი და სესხი) ხელს შეუწყობდენ საქართველოს სახელმწიფოებრივ დამოუკიდებლობის განმტკიცებას და დაეხმარებოდენ მის ეკონომიურ განვითარებას.

1918 წლის 3 ოქტომბერს ყველაფერი მზათ იყო. „ხელის მოწერა“-ლა აკლდა. ჩხენკელს მხოლოდ ეს ენატრებოდა: ამისთვის იტანჯებოდა იგი 2 ივნისიდან ბერლინში. მაგრამ საუბედუროთ „შეორე მხარეს“ ამის გაკეთება აღარ შეეძლო. ძველმა კანცლერმა (გრაფმა გერტლინგმა) და საგარეო უწყების სტატს-სეკრეტარმა (ფონ-გინცემ) სამსახური დასტოვეს. ახალი ჯერ არ იყო. და ისინიც ხომ საქართველოსთვის ვერ მოიცილიან ეხლა!



გერმანია მიექანება კანკლერის კრიზისიდან პარლამენტის კრიზისისაკენ; პარლამენტის კრიზისიდან—რევოლუციისაკენ. გამოირკვა, რომ არც ისე ადვილია „მოკლე ფრონტზე“ გადასვლა და იქ თავდაცვის დაწყება. ძლიერი, ფოლადის ზამბარი გერმანიის სახელმწიფოებრივობისა—გერმანული ნებისყოფისა, თანდათან შეკუმშვის მაგიერ უეცრად გატყდა.

42

თუ არ ვცდები, გერმანიის საგარეო საქმეთა სამინისტრომ ბულგარეთის მომავალ ჩამოშორების გარკვეული ცნობა პირველათ მიიღო 25 სექტემბერს, ე. ი. თალათ-ფაშის ბერლინიდან გასვლის წინა-დღეს. როცა უახლოეს დღეებში ყველამ დაიწყო ამაზე ლაპარაკი, სოფიიდან მოსულმა ცნობებმა, მართალია, გამოიწვიეს დიდი ალიაქოთი, მაგრამ საერთო სულიერი განწყობილება ბერლინში მაინც სრულიად არ იყო სასოწარკვეთილი: მხედველობაში მყავს არა ზალხის მასები, რომელნიც ასეთის ცნობებით, მგონი, არ იყვენ დაინტერესებული, არამედ მოხელეები და საქმის კაცები უმაღლესი საფეხურებისა, რომელთანაც ხშირად მიხდებოდა ბაასი 1918 წლის სექტემბრის უკანასკნელსა და ოქტომბრის პირველ დღეებში.

საქმე ის არის რომ, მეტათ ღრმა ჩივილი გერმანიის სამხედრო ძლევამოსილების რწმენა—ბულგარეთის ფრონტის გაწყვეტის კითხვას ადვილათ სჭრიდენ: იქ გაიგზავნება... უკვე გაგზავნილია ამდენი და ამდენი დივიზია! ესაა საქმაო!

დასავლეთ ფრონტზე—თავდაცვა მოკლე ფრონტზე; ამავე დროს—შინ „პარლამენტარიზმის“ ფრონტზე უკან დახევა.

ეს ორი უკან დახევა საშვალებას იძლევა უცადოთ და მოვიპოვოთ მისაღები ზავი.

ვიმეორებ: ყველა ელოდა, რომ ზამბარი შეიკუმშებოდა. მაგრამ გაწყდა.

ეს მოხდა—ანდა თვალსაჩინო გახდა—ერთი თვის შემდეგ. ამ ხანად კი — მხოლოდ იწყებოდა მასსიური ფსიხოლოგიის გარდაქმნა, იწყებოდა პოლიტიკური მერყეობა—უმთავრესად დასავლეთის ფრონტის გაქვივრებული მდგომარეობის გამო. რა თქმა უნდა, ბულგარეთის ამბები უფრო ნათლად გვაჩვენებდენ იმ ცვლი-

ლებას, რომელიც მოხდა იენისთან შედარებით, როცა ჩვენ აქ ჩამოვედით!

### 29 სექტემბერი.

...ამ გრილ, შემოდგომის კვირას, რა სიცოცხლეა, რა ხალხია ბერლინში! ყველა დამშვიდებულია, ჩვეულებრივ გამოიყურებიან... „შუა-ევროპა“ კი უეჭველია გაიბზარა! შეკრთა ბულგარეთი—და ამ კარებში შემოვარდება გამარჯვებას მოწყურებული რკინის ლაშქარი!

აქ კიდევ აქვთ იმედი, რომ გატეხილს გაამთელებენ. მაგრამ ფწყება მაინც მოულოდნელი ამბები და განსაცვიფრებელი ცვლილებანი.

ჩვენ აქ ჩავრჩებით სამშობლოსგან მოწყვეტილი. შეიძლება გერმანელებმაც დასტოვონ საქართველო.

### 30 სექტემბერი.

კონსტანტინოპოლში „ბულგარეთის მატარებლით“ წასასვლელად ყველა ნებართვა და ვიზა მიღებულია. საკიროა მხოლოდ მატარებელი გაემგზავროს, ჩაიაროს სოფია და მიაღწიოს კონსტანტინოპოლს. მაგრამ ვინ მოგვცემს ამის პირობას?

ვილჰელმი დასთანხმდა „სახალხო მთავრობაზე“—ხორვატები უსკიუბს მიუახლოვდნენ—ინგლისელები კამბრეში შევიდნენ!!.

ნუ თუ ლელოს ვერ გავიტანთ და უკანასკნელ წუთში წავიქცევით ჩვენი ცნობიანათ. Auswärtiges Amt-ის (საგარეო საქმეთა უწყების) პედანტები ყოყმანობდნენ, აკიანურებდნენ საქმეს—და ეხლა გერმანიის მიერ ცნობის ეფფექტი სრულიად სხვა იქნება.

გარემოება სავსებით იცვლება. საშიშარი არაფერია, უარის-საყოფელიც არაფერი გვაქვს... „გვიცნობენ“ სხვებიც, ოღონდ მტკიცედ გვინდოდეს დამოუკიდებლობა და ვიცავდეთ მას შინ.

უკანასკნელად ვნახე დ-რ კრიგეს ერთ-ერთი თანაშემწე: სა-  
ბოლოთ დავადგინეთ ტექსტი ჩვენი ხელშეკრულებისა, ოქმისა და  
ნოტებისა...

ჩვენი სასტუმროს დერეფანში წავაწყდი... ფელდმარშალ ფ-  
გინდენბურგის ზანდუკებს. იგი, ისე როგორც იმპერატორი, ქა-  
ლაქშია...

შეიდემანი, (ს.-დ.)—სტატს-სეკრეტარია იმპერიის; ჰაი, ჰაი,  
Umsturzgesetz! \*)



---

\*) 1878 წელს, ბისმარკის დროს სოციალისტების წინააღმდეგ განხატო-  
რებულით გიმოცემული ცნობილი კანონი.

## თავი მეთექვსმეტი

ნ ბ რ ე ვ ი ს უ უ ა უ ი .

43

პარასკევს, 4 ოქტომბერს 1918 წელს, როგორც იქნა, ბალკანეთის მატარებლით \*) გავემგზავრე კონსტანტინოპოლში. ამ მგზავრობიდან ძნელი იყო, ძირითადათ შეცვლილ პირობებში, რაიმე სიკეთის მოლოდინი: მაგრამ საყურადღებოთ გვეჩვენებოდა დაგვეფასებინა მდგომარეობა ახალი სამეთვალყურო ადგილიდან.

ჩემი მეზობელი კუბეში, სამსახურის გარეშე მყოფი ოსმალელი გენერალი, სახელათ მეხმედ-ფაშა, შიშით მელაპარაკებოდა პოლიტიკურ მდგომარეობაზე, მილოცავდა საქართველოს დამოუკიდებლობას, მაწოდებდა პურსა და შაქარს და აქვე, მატარებელში გამაცნო მცირე ხნის წინათ გარდაცვალებულ, სულთან მაჰმად-რეშადის გენერალ-ადიუტანტი, სალახ-ფაშა. ესეც სასოწარკვეთილებით აქნევდა თავს.

საერთოთ მატარებელში სქარბობდენ ოსმალეთის სხვა და სხვა ხარისხის ოფიცრები, მოქალაქე თურქები (უმალღესი მარკის ლე-

---

\*) „ბალკანეთის მატარებელი“, რომელიც აკავშირებდა ომის დროს ოთხ მოკავშირეთა ნატატო ქალაქებს ჩქარის მიმოსვლით (კვირაში ორჯერ) თავისებურ საკვირველებას წარმოადგენდა თავისი წყობილებით და დანიშნულ ადგილზე დროზე მისვლით. მისი მარშრუტი ეგრეთი იყო: ბერლინი—პრაგა—ვენა—ბუდაპესტი—ბელგრადი—სოფია—კონსტანტინოპოლი. მე მომიხდა უკანასკნელი „ბალკანეთის მატარებლის“ პასაჟირი ველოფილიყავი. „შუა ევროპის“ გადაკეთებამ 1919 წლის შემდეგ უმიზნოთ, ე. ი. შეუძლებლათ გახადა „ბალკანეთის მატარებელი“. მის მაგიერ წარმოიშვა „ბალკანეთის ექსპრესსი“ (პარიზი—კონსტანტინოპოლი).

ვანტინელები) და ოსმალეთის სამსახურში მყოფი გერმანელი ოფიცრები.

ბელგრადამდე მივდიოდით სწორეთ ცხრილის მიხედვით: აქ კი, კვირა დღის წინა ღამით, დავიგვიანეთ რამოდენიმე საათი. რადგან სამხედრო მატარებლებს ავესოთ ლიანდაგი, ჩვენი დაგვიანება სულ მატულობდა და ნიშში მივედით დილის 5 საათის მაგიერ შუადღის 5 საათზე.

სადგურთან ვეებერთელა შენობა—ან თოფხანა უნდა იყოს ან ყაზარმები—უჭირავს საავთმყოფოს. მიმოდინა პატარა რაზმები მებარგეებისა. მოღუშული ნაცრის ფერი ცა; განუწყვეტელი წვიმა; მთელ ქვეყანას გადაჰკვრია რალაც ტყვიისებური,—თანაც საგრძნობი გახდა, რომ იმედის მცირე ნაპერწყალი გაჩნდა მცხოვრებთა გულში—თითქოს გათამამდენ, ერთმანეთს ყურში ეუბნებიან ისეთს ამბებს, რომელიც წინად წარმოუდგენლათ მიაჩნდათ; დროებითი ბრძანებელნი ჰკარგავენ თავის-თავის რწმენას, დღეს თუ ხვალ წასასვლელათ დაიწყებენ მზადებას.

რონოდას მხლებელი საიდუმლოთ გვატყობინებს:—„მტერი ნიშედან 80 კილომეტრზე სდგასო“.

რას უნდა გრძნობდნენ სამშობლოში დაბრუნებულნი სერბები?..

... ნიშეში ძლიერ დიდხანს მოგვიხდა ცდა! რონოდა-რესტორანში გავიგეთ ფერდინანდ ბულგარელის ტახტიდან გადადგომა, მისი შვილის ბორისის ტახტზე ასვლა და ბულგარეთის დროებითი ხავის პირობები. ასე გატყდა ციხე!

საკმაოთ გვიან გვეუბნებიან, რომ „ბალკანეთის მატარებელი“ წინ აღარ წავა, რომ ხვალ დილით მსურველთათვის იქნება მეორე მატარებელი სოფიაზე, და უკან—ბელგრადზე.

სასეირო საყურებელი იყო ამ „არეულობის“ მიერ გამოწვეული მღელვარება. გერმანელი ოფიცრები—ყველა მიიმალა კომენდატურაში; ოსმალოები ცალკე თათბირობდნენ, თუ როგორ მოქცეულიყვნენ. „მოქალაქენი“ უკანვე თხოულობდნენ ბილეთებსა და ბარგს და უაზროთ მიმობოდნენ.

მე გადავწყვიტე სოფიაში წავსულიყავი და სრულიად დამშვიდებული დავწვი დასაძინებლად. ჩემმა ოსმალომ, შემატყობინა, რომ ისინი ყველანი ბრუნდებიან ბუდაპესტში და წავლენ კონსტანტაში. გერმანელები და ყველა დანარჩენი მგზავრი აგრგთვე:

ბრუნდებიან, რადგან ეშინიათ დაპატიმრებულნი არ იქნენ ბულგარეთში.

მეორე დილას (7 ოქტომბერს) გამოვეთხოვე ექსპრესსში მოხერხებულათ მოგზაურობას (ალარ არის „ბალკანეთის მატარებელი!“) და ნიშადან ზოგიერთ გაბედულ თანამგზავართან ერთად, რაღაც საექვო მატარებლით, რომელიც გამოურკვეველი იყო, რომელ უწყებას ეკუთვნოდა, გავსწიე სოფიაში. შემდეგ, მატარებელში ჩამოჯდა მრავალი დათხოვნილი ჯარის კაცი. მომაგონდა რუსეთი \*).

გზა-ტყევილზე გამწკრივებული იყო ყოველ გვარი ბარგით დატვირთული საბარგო. ეტლი: თივით, კონებით, საოჯახო ნივთებით, შეშით. ბულგარელებს, როგორც ეტყობა, არ უნდოდათ ხელ-ცარიელი დაბრუნებულიყვნენ სერბიიდან! აი, ნამდვილი ომი „ხელ-მომჭინე გლეხებისა“.

7 საათის მგზავრობის შემდეგ სოფიას მივალწიეთ. იგი ცოტა არ იყოს წააგავს რუსეთის საგუბერნიო ცენტრებს, მაგ., ხარკოვს, რასაც ხელს უწყობს განცხადებების შრიფტი. სადგურის ირგვლივ აუწყრელი ტალახია. შედარებით მოკაზმულია სასახლის უბანი, სადაც ამ დღეებში უსახელოთ დამთავრდა მეცხრამეტე საუკუნის ყველაზე უფრო უცნაური პოლიტიკური კარიერა.

სასტუმრო *Gd Hôtel de Bulgarie*-ში გვარიანათ შეიძლება ცხოვრება. ამ ქვეყნებს არ შეუძლიათ თავდადება და გერმანული პედანტიური მარხულობა!

მაგარი აგებულების, ტლანქი, უხეში სახეები; არავითარი სინაზე. „ნაზი“ ვერც აიტანდა ოსმალეთის მონობის საუკუნოებრივ თავხედობას.

---

სოფია ეხლა წარმოადგენს ჩიხს, საიდანაც ვერ გაძვრები და ზადაც გასაკეთებელი არაფერია; მართალია, ოსმალეთ-საქართველოს ზაზღვრებიც ალარ წარმოადგენს ისეთს... სადღეისო საკირბოროტო კითხვას; მისი გადაწყვეტაც ალარ იქნებოდა დამოკიდებული

---

\*) 90 სექტემბერს, 1918 წელს შვედული დროებითი ზავი ძალაში შედიოდა 10 ოქტომბერს. მაშინ იქნნი დათხოვნილი ბულგარეთის გენერალი სხიმუში ვეკოვი. დემოზილიზაცია კი, როგორც ეტყობა, თვითნებობით დაიწყო.

საქართველოსა და ოსმალეთისაგან; მაგრამ მაინც სჯობია გზის კონსტანტინოპოლისაკენ განგრძობა.

ოსმალეთი ჯერ კიდევ ომშია ჩაბმული: ყოველ წუთში შეიძლება დაიკეტოს ბულგარეთ-ოსმალეთის საზღვარი—ამიტომ უნდა ვიჩქარო.

## 8 ოქტომბერი.

5 საათზე წავა მატარებელი ფილიპოპოლზე (ბულგარეთის პლოვდივი) და კულელი ბურგასზე. დიდის გაქივრებით, კომისიონერის დახმარებით, ვშოულობ გასვლის ნებართვას და ოფიცერთა კუპეშიაც კი მოვეწყვე (!). რონოდა გაქედლია ჯარისკაცებით.

დემობილიზაციამ და ფერდინანდის გადადგომამ დაამშვიდა ხალხი; როგორც ამბობენ, ბოლშევიკური მოძრაობა, დაწყებისთანავე ჩაუქვრიათ. ამაზე არ შემძლია ვიმსჯელო, მაგრამ თვალთ უყურებ, რომ ჯარისკაცები სიმღერით მიეშურებიან თავთავიანთ სახლებსაკენ, მატარებლების დაძვრისას გაისმის „ვაშა-ვაშას“ ყიყინა! თვალსაჩინოდ ეტყობა, რომ ხალხი ომის დამთავრებით აღტაცებულია.

თანამგზავრი ოფიცრები ყველაფერს, რაც მოხდა, ხსნიან ხალხის დაქანცვით. „როგორ შეგვიძლია რამოდენიმე წლის განმავლობაში ავიტანოთ ომის სიმძიმე ჩვენ, ყოველივე მრეწველობას მოკლებულმა პრიმიტიულმა მიწის მუშა-ხალხმა, რომელსაც ძალით მიაჩიჩეს მთელი ფრონტი! თანაც, წინანდელ მტრებს კიდევ მიემატა საბერძნეთი! რა მოუხერხოთ მილიარდიან საომარ ვალებს!“

ლამით სინათლის აუნთებლათ მივდიოდით—ამბობენ, აეროპლანების ეშინიათ. სოფიაში ჯერ კიდევ ბევრი გერმანელია, მაგრამ უკვე ეტყობათ, რომ გასაფრენათ ემზადებიან; სასტუმროს გოგომ მრავალმნიშვნელოვანათ შეგვატყობინა, რომ „ჩვენთან დადგა საფრანგეთის მაიორი“-ო!

მოგვიკლდით ფილიპოპოლს. შეთხელდა მატარებლის მოსახლეობა; დარჩა ვინც დედეგაჩში, გიუმურჯინოში და ასეთ საამო ადგილებში მიდიოდა \*).

\*) ბულგარეთის ცენტრი შეერთებული იყო ამ, მაშინდელ (1918) ბულგარეთის, ქალაქებთან რკინის გზით, რომელიც გადადიოდა ოსმალეთის ტერიტორიაზე.

## 9 ოქტომბერი.

ღილით მივალწვიეთ ადრიონოპოლს—კამეჩები სძოვენ ველზე, მათ უკან შორს მოსჩანს ცნობილი მეჩითის კოშკები—და, როგორც იქნა, მივედით კულელი-ბურგასში. აქ გადავჯექი ოსმალურ ძლიერ მოხერხებულ რონოდაში, მაგრამ სელა საძაგელი აქვს. საქმელი სრულიად არ მოიპოება! ყველაფერი თითქოს კალიამ მოსპოვო.

გადამარჩინეს მარაგაინმა თანამგზავრებმა: ჩვენი სამწუხაროთ მოსაგონარი ექსპრესიდან მხოლოდ ისინი წამოვიდნენ კონსტანტინოპოლში: „სალონიკის“ ვაქარი, უნგარელი ოფიცერი დენშჩიკით („თუ გნებავთ ის გაგიწმენდს ტანთსაცმელს“) და ავსტრიული, ვენის საკავშირო ბანკის დირექტორი კონსტანტინოპოლში. ეს ავსტრიელი, ბ.ნი შ., ამ ზაფხულზე ტფილისში ყოფილა ავსტრო-უნგრეთის მისიის „ეკონომიურ“ მრჩეველათ. გონიერათ და თანაგრძნობით ლაპარაკობდა ჩვენს საქმეებზე, გამოსთქვამდა სურვილს იქ დაბრუნებულიყო და საფუძვლიანად ემუშაუნა („სასიამოვნო ხალხია ზოგი თქვენი მინისტრი, გენერალი და სხვა, მაგრამ რომანტიკოსები არიან და როგორც აზნაურობას სჩვევია, ვერ არიან საქმის-კაცები, სწორეთ ისე, როგორც ეს იყო ჩვენშიაც, უნგრეთში, 50—60 წლის წინათ!“). რაც შეეხება „რომანტიზმს“, იგი სცდებოდა.

სპანიოლი გვიამბობდა თავის საქმეებზე, კითხულობდა, იშოვება თუ არა საქართველოში აბრეშუმის ნაგდები (ესაა მისი სპეციალობა),—ო, რომ იცოდეს, თუ რამდენი სხვა და სხვა გვარის „ნაგდების“ შოვნა შეიძლება!—და აგინებდა სიონისტებს: ებრაელებისათვის პალესტინე კი არ არის საქირო, არამედ სიფართოვე და საშვალეა ყველგან იმუშაონ!

ერთ-ერთ სადგურზე ქანდარმმა გვაცნობა, თალაათ-ფაშის მთავრობის დაცემა \*) და თეფთიკ-ფაშის დიდ ვეზირათ მოსალოდნელი დანიშვნა (ეს—ზავია!). მინისტრებს ჩვენთან ბედი არ სწყალობთ: ისინი ხელში დნებიან თოვლის გუნდივით. ჯერ-ჯერობით ნოე ჟორ-

---

\*) მან თავი დაანება სამსახურს 8 ოქტომბერს, ბერლინიდან მისი წასვლის ორი კვირის შემდეგ.



დანია კიულმანზე, გენცზე და თალაათზე უფრო მაგარი გამოდგა! მაგრამ რატომ უნდა დაეცეს, მას ხომ არავინ ექიდება.



ძლიერ გვიან, სამხრეთის თბილ ღამეს ჩავედი კონსტანტინოპოლში. მაშინვე ეტლით გავსწიე პერაში. აქა-იქ კიდევ ღიაა ხილის მაღაზიები—ვაშლებსა და ყურძნის ახლოს მოკალათებულა ჩალის ფერი ნესვი. ახლად გაპომცხვარი პურის სუნი სდგას. სამხრეთი, ნაზი, ხილითა და ბოსტნეულით მდიდარი, სანახევროთ ქუჩაში მცხოვრები და უდარდელი, მეტათ თვალსაჩინო იყო. ორი ფეხ-მაგარი ცხენი მარდათ ადიოდა პერაზე—აი Peru-Palace. მაინც მივალწიე კონსტანტინოპოლს!

#### 44

10 ოქტომბერი.

მოველ, მაგრამ დავიგვიანე მთელი 64 საათი! ისევ უნდა გადავიჩვიო სისწორეს. ჩვენი კონსტანტინოპოლელი დელეგატი გ. გვაზავა \*) აქ თავს გრძნობდა, როგორც აგარაკზე. იგი ერთი დარჩა კონსტანტინოპოლში; ზაფხულში (!) აქ ჩამოსული ჩვენი დელეგაციის დანარჩენი წევრები უკვე შინ იყვნენ.

აქედან მოსჩანს ოქროს რკა: პირდაპირ—სულთან დამპყრობის მეჩითი; მარცხნივ—ბელლარი (აკვედუკი); მარჯვნივ—ბიზანტიური ციხის კედელი და ეიუბას მეჩითი. ლურჯი ცა, მცხუნვარე მზე, ბერლინის შემოდგომისა და ბალკანეთის ტალახის შემდეგ, ახალისებს ადამიანს! გადამრუნებული თასის გუმბათები, მინარეტების ისრები, კვიპაროზების თითისტრები, ნანგრევთა ხროვა და მქიღროთ დასახლებულ უბნებში მოულოდნელი მელოტი — მთელი

---

\*) ტფილისელი ვეჟილი, ყოფილი წევრი ამიერკავკასიის ხეივისა, საქართველოს ეროვნული საბჭოსა, დამუფუნებელი კრებისა და სხვა: ეროვნულ-დემოკრატი. ტრაპეზუნის კონფერენციაზე ამიერ-კავკასიის დელეგაციის შემადგენლობაში შედიოდა.

ეს ნაცნობი აღრევა შენობებისა და ქუჩების, ძველ გორაკებზე გამოქანდაკდენ უზარმაზარი ქალაქის დასრულებულ ფორმათ! ღვთაებრივი მზე, სამი ზღვის ტალღები, ორი ხმელეთი—აი ამდენს ხანს მრისხანე, ამდენს ხანს მოხერხებული, ეხლა კი დასუსტებული, მოხუცებაში უბრყვილო კონსტანტინოპოლი!

ჩემი ოთახის ფანჯრიდან მოსჩანს ქალაქის ბაღი, „მცირე ველები“, ინგლისის საელჩოს ჯერ-ჯერობით დაქვრივებული ფლაგშტოკი (ბაიროლის ტარი), ბოსფორსა და ოქროს რქის შორის წყალთა გამყოფი წამოზიდული ქვარნალი.

ქვევით ვხედავ ბათომის კონფერენციიდან ნაცნობ სახეებს; აი რასულ-ზადე; აი პ.—გაოსმალოებული ქართველი, რომელიც ეხლა აზერბაიჯანელებს მიჰკედლებია (ტკბილათ შეერგოს!); აი ჰაიდარ-ბეი ბამმატი და სხ. მაგრამ იქეთ და იქეთ—ყაზანის თათრები, თურქმენები, სარტები და სხვა თურქესტანელები—თავისებური დომხალი! და ასეთს ხსნილში დამძარული იყო ჩვენი დელეგაცია ამდენ ხანს!

გავეცანი „მეხმანდარს“ ე. ი. კავკასიის დელეგაციის ბოქაულს. იგი საპატიო პირია. მაგრამ ყოველ დელეგაციას თან ახლავს თავისი, ასე ვთქვათ „პაწია მეხმანდარი“.

... სამაგიეროთ აქ საუცხოვოთ გვეკვებავენ, შაქარი, ყავა, თეთრი პური, კარაქი—ყველაფერი, რაც ბერლინში იშვიათად და ფუფუნებათ იყო მიჩნეული—აქ ყოველ ნაბიჯზე იშოვება. სიძვირე დიდია, მაგრამ ყოველ შემთხვევაში ფერად-ფერადათ ჰყრია ბოქონეულის გროვა; ყველის მორგვეები და ხილი ხორცის გვერდით;—კონდიტერის გამოსაფენი ფანჯრები სავესეა ყოველგვარი ტკბილეულით.

გერმანია სცდილობდა ომისგან გამოწვეულ მარხულობაშიაც შეეტანა კანტის „კატეგორიული იმპერტივის“ მთელი სისასტიკე; მაგრამ ტკბილეულობაზე უარის თქმა კონსტანტინოპოლის მოთმინების უნარს აღემატებოდა; თუმცა უნგრეთსაც ემჩნეოდა მეტი თავისუფლება საკმელ-სასმელში: აქა-იქ მოსჩანდა თავქარიანი ფუნთუში და სხვა.

ბერლინში თითქმის ყოველი ვაშლის შექმაზე ცოდვის გრძნობას განიცდიან—აჰ კი ყოველ დღეს გვაქვს—ნესევი, ატამი, ყურძენი, ლელვი.

სომხეთის დელეგატები ცხოვრებენ ტოკატლიანის სასტუმროში. იქ ვნახე ავეტის აგარონიანი,\*) პაპაჯანოვი და სხვები.

## 12 ოქტომბერი.

ჩვენ გვინახულეს აქაური ქართველ-კათოლიკეთა კონგრეგაციის წევრებმა პიოს მეთაურობით; იგი ახალგაზრდა კაცია; განსაცვიფრებლად შავი. ყველანი ძირითადი მესხები არიან; უბრალო, კეთილი, მორწმუნე და დიდი პატრიოტი ხალხია.

შემდეგ ვიყავი გენერალ ფონ-ლოსოვთან, გერმანიის საელჩოში. მისაღებ ოთახიდან ფართო გადასახედავია სკუტარზე და ბოსფორზე. სხვათა შორის, კედელზე ჰკიდია იმპერატორ ვილჰელმის ესკიზით გაკეთებული გრავეურა; უცნობი „ბრწყინვალეთ შეიარაღებული“ უხმოთ იცავს შესავალს სასახლისას, სადაც მშვიდათ თამაშობენ ბავშვები და მუშაობენ ცოლები; გარედან კი მოფორთხავს ყოველგვარი უწმინდურება. იმპერატორის ხელის მოწერა იერუსალიმეთში.

ლოსოვს ულაპარაკნია იზზეთ-ფაშასთან ჩვენი მაზრების შესახებ და გვიჩვენებს საჩქაროთ გავათავოთ საქმე. მაგრამ ყველაფერი ეს ხომ უკვე დაძველდა!

## 13 ოქტომბერი.

აქ ჯერ კიდევ არ არის მთავრობა; მაგრამ ვეზირათ ეტყობა, იზზეტ-ფაშა იქნება. დრო როგორი დადგა! მდგომარეობა როგორი შეიქმნა! ჭეშმარიტად, ისტორია გაქენდა! სად არის ის დრო როცა პეტროგრადში სანგრებში ომის ნელა მიმდინარეობის გამო დაცინვით კითხულობდნენ: „Ah, messieurs, уж не assez — ли сидеть у Лабасса? ანუ ქართულათ რომ გადმოვილოთ აზრი: „სანგრებში ჩაჯდნენ, თუ საუკუნოთ დასახლდნენ?“.

ენა-მოსწრებულთ დიდი ხანია ბოლშევიკებმა ფრთები დააყრვენიეს; რუსეთი აღარ არის ომის მონაწილე; ხოლო ლაბასსესთან

\*) სომხეთის ნიკიერა მწერალი, შემდეგ პარზის დელეგაციის თავმჯდომარე-

„ჩამჯდარნი“ ეხლა გერმანიას უმზადებენ თითქმის კაპიტულიაციას და შუა ევროპის სახელმწიფოები უკვე აიძულეს დემოკრატიის ბაი-რალს შეფარებოდნენ.

სოფიასთან მიმოსვლა შეწყვეტილია: აქ უკვე ფრანგები არიან; ნიშეში სერბებია. გერმანია დასთანხმდა დასცალოს ბელგიისა და საფრანგეთის წინათ დაკავებული ნაწილები—ახლოვდება ზავი.

აზერბაიჯანის საგარეო საქმეთა ახალი მინისტრი, ალი-მარდან ბეგ თოფჩიზაშევი \*) ემზადება წავიდეს გერმანიასა და საერთოდ-ევროპაში. იგი მომხრეა აზერბაიჯანის სრული დამოუკიდებლობისა და მისი საქართველოსთან კავშირისა. აქვე იმუოვება იუსტიციის მინისტრი ხას-მამედოვი (ისიც სახელმწიფო სათათბიროს ყოფილი დეპუტატი). მისი სიტყვით აზერბაიჯანში სამაგალითო წეს-რიგია დამყარებული ეხლა, მას შემდეგ, რაც ნური-ფაშა (ენვერის ძმა) გაჩნდა განჯაში (ელისავეტპოლში). საერთოდ ოსმალეთი ბევრ რამეში ხელს უწყობს მათ. იქ ეხლა უკვე 20.000 ჯარი ჰყავთ (საკუთარი), მალე ასიათისიც იქნება. რუსეთთან და საქართველოსთან განახლდა საქონლის გაცვლა-გამოცვლა. ხალხში დისციპლინა უკრომ კაცრია, ვიდრე, მაგალითად, საქართველოში; მალე მოწვეული იქნება პარლამენტი და სხვა.

თუ ხ-ს დაუგდეთ ყური, იქ მეტის-მეტად კარგათ არის ყველაფერი მოწყობილი! ნამდვილათ კი, რამდენს სიმძიმეს წარმოადგენს იქ, თუნდაც მმართველობის ფორმა...\*\*) ორივე ჩემს მობაასს

\*) პირველი სახელმწიფო სათათბიროს ყოფილი წევრი, ცნობილი მოღვაწე, შემდეგ აზერბაიჯანის რესპუბლიკის დელეგაციის თავმჯდომარე პარიზში.

\*\*) 1918 წელს აზერბაიჯანში ნიადაგი საქმაოთ მომზადებული იყო ემირობის დასამყარებლათ. იგი, უეპველია, სავსებით შეესაბამებოდა მოსახლეობის უმრავლესობის შეხედულებასა და გრძობებს-მე, რა თქმა უნდა არ ღლაპა-რაკობ სამრეწველო, მუშურ. ბაქოზე.

ემირობაზე პრეტენდენტები, როგორც ეტყობა, კიდევაც იყვნენ ოსმალეთში (სწორეთ ისე, როგორც გერმანიაში იყვნენ ფინლიანდიის, უნგრეთის, ბალტიის მხარის და სხვათა გვირგვინების პრეტენდენტები. რაღაც მახსოვს, რომ ერთხელ აზერბაიჯანლებს ურჩიე მუსლიმანთა დინასტიების Stanley Lane-Poole (Mahommedan Dynasties 1894 წ.) ცნობილ კატალოგში მოქცენათ ეწინაპარი\* საქირო „შოამოშავალის“ გამოსარკვევათ. მაგრამ უჩემოთაც იტოდენ, რომ აღმოსავლეთ-ინდოეთში მოინახებიან სისხლითა და ტრადიციებით მითი ახლობელი ტომურიდები.

ბეჯითათ აქვს შესწავლილი რუსეთის უნივერსიტეტის მეცნიერება. სხვა გვარი კაცია რასულ-ზადე. სპარსეთის მოღვაწეები, რომელნიც მხოლოდ ერთის წუთით ვნახე ბერლინში, მისი ძველი მეგობრები ყოფილან. მათთან ერთად იგი სცემდა თეირანში სპარსულ ენაზე გაზეთს, შემდეგ რასულ-ზადემ თავისი მოღვაწეობა გადაიტანა კონსტანტინოპოლში და ბოლოს—ბაქოში. მან ერთნაირათ კარგათ იცის თავისი კილოკავი, ოსმალური და ფარსული ენები. მას ფართო შეხედულება აქვს აღმოსავლეთში კულტურის დემოკრატიზაციისა და ნაციონალიზაციის საჭიროების შესახებ. მაგალითად, სპარსეთის უბედურებას იგი (და არა მარტო იგი!) ხედავს იმაში, რომ გადაგვარებული ირანის სამხრეთი თავს იმაგრებს ხელ-უხლებელ, სიცოცხლით სავსე თურქულ ჩრდილოეთით, რომელსაც ძალით თავს მოახვიეს უცხო სპარსული ენა; უკანასკნელი კი თიშავს მალალ წრეებსა და ხალხის მასებს. რ-ს აზრით უნდა მონდეს სპარსეთის ორათ გაყოფა: ჩრდილოეთი და აზიერ-კავკასიის აზერბაიჯანი შეადგენენ ერთ ერთეულს, ხოლო ირანის სამხრეთი მეორე ერთეულს, რომელიც განვითარდება ავღანისტანის, ბელუჯისტანისა და ინდოეთის მიმართულებით. ამ ორ ერთეულს შეეძლება უნიით შეერთდეს—შემდეგ კი წინა-აზიის დანარჩენ სახელმწიფოებთან ერთად შევიდეს უფრო რთულ სისტემაში!

ყველაფერი ეს ძლიერ საინტერესოა; მხოლოდ ჩრდილოეთისა და სამხრეთის სხვადასხვაობას შეუძლია მიიყვანოს სპარსეთი ზედგავლენის სფეროთა უბრალო სხვადასხვაობამდი, როგორც ეს ახლო წარსულშიაც იყო! უპირველესად ყოვლისა, აუცილებელია არსებობდეს მაგალითის მაჩვენებელი სიცოცხლის უნარიანი, დამოუკიდებელი მუსლიმანური სახელმწიფო!

---

საერთოდ, ჩვენ მუსლიმანებს საუკეთესო იმედები აქვთ. როცა აქ ჩამოვიდნენ, უეცრათ მოხვდნენ მონათესავე დიდ სახელმწიფოს ბრწყინვალე სახელოვან სატახტო ქალაქში, და თურქების ფართო ოჯახის წევრებათ იგრძნეს თავი: ამ კავშირის შეგნებას სულიერათ უნდა გაემხნეებია ისინი და მიეცა თავის-თავის რწმენა. ოსმალეთის უკანასკნელმა ფათერაკმა ოდნავ შეუჩერა მათ აზრთა ფრენა, მაგრამ არ შეუმცირებია არც ოპტიმიზმი და არც იმედები.

დიახ, ოსმალეთ-აზერბაიჯანის დაახლოვება ისტორიული მნიშვნელობის არა მცირე ფაქტია: შედეგებიც მრავალგვარი იქნება. რა აღმოცენდება 1918 წლის თესლიდან ჯერ ძნელი სათქმელია.

ჩვენი მთიულების მდგომარეობა აქ, რა თქმა უნდა, სხვანაირია. მაგრამ კავშირი ძლიერ დიდი აქვთ გაბმული—ოსმალეთში ყოველ ნაბიჯზე მათ ხედებიან მონათესავენი. ეს ვინ არ იცის?

როგორ განცვიფრდებოდა შამილი, რომ 1918 წელს ენახა ევროპიულათ აღზრდილი და ფრანგულათ მოლაპარაკე, მთიულეთის რესპუბლიკის საგარეო საქმეთა მინისტრი ბამმატი!

როცა კალუგიდან.... მექაში მიმავალი შამილი კონსტანტინოპოლში შეჩერდა, სულთანმა აბდულ-აზიზმა, სადარბაზოთ ძილების დროს ხელზე აკოცა—ეს ნიშანია სამუსლიმანოს არაჩვეულებრივი პატივისცემისა სახელ-განთქმულ იმამისადმი. ნახევარი საუკუნის შემდეგ, მთის ხალხების დამოუკიდებლათ გამოცხადებას სიხარულით შეხედა მთელი აღმოსავლეთი—თვით ისეთი დიდი ხნის წინათ კავკასიიდან გადასახლებულნი, როგორიც არიან ეგვიპტეში ჩერქეზების დიდი გვარის შვილები.

მიუხედავათ ასეთის თანაგრძნობისა და ტრადიციებისა პრაქტიკული დახმარების იმედი ოსმალეთის მხრივ, მე მგონია, არ უნდა იქონიონ ჩვენმა მთიულებმა. მაგრამ ამ თემის გაღრმავების აღდილი აქ არ არის.

.... თუმცა მათი გეოგრაფიული მდებარეობა სახიფათოა, მაგრამ ჩრდილო კავკასიის მთიულები მაინც ცხოვრებენ თავის სამშობლოში.

რამდენათ უფრო უნუგეშოა იმათი მდგომარეობა, ვინც აქ, ოსმალეთში, ვერ სტოვებს თავის ტომობრივ შეგნებას, და თანაც ამჩნევს, რომ აქარ ექნებათ საკუთარი მომავალი. ასეთები კიდევ მოიპოვებიან წარსული საუკუნის მე-60-ცე და მე-70-თე წლების მასსიური ემიგრაციის შთამომავლობაში, იმ ემიგრაციის, რომელიც გამოწვეული იყო დასავლეთ კავკასიის ეგრედ წოდებულ დამშვიდებისა და დაპყრობის დროს. და მათ დარჩენიათ გარდა სევდისა და უკმაყოფილებისა მხოლოდ ჩოხა, მედიდური მიმოხრადა რამდე-

ნიმე ხახათი და სტვენით გამოსათქმელი ბგერა, და ესეც მარტო იმ პირთ, რომელნიც წინააღმდეგობას უწყევნ მათ წამრეცხავ ისტორიის ტალღას.

#### 14 ოქტომბერი.

სადარბაზოთ ვიყავით მაჰმუდ-ფაშასთან, ვგრედ წოდებულ ჩურუქსულში; იგი ქართველი გვარისშვილია—თავდგირიძე. თოფხანის მოედნის ზევით მდებარე ერთ-ერთ აღმართზე, ნახევრათ ევროპიულათ მოწყობილ სახლში ჩვენ მიგვიღეს მეტად ალერსიანათ. ფაშა წინათაც ყოფილა მინისტრათ; ეხლა უნდა შესულიყო თეფფიკ-ფაშის მთავრობაში, თუ კი იგი შესდგებოდა; მისი სიტყვით, იგი საქართველოსთვის მზათაა ყოველივე მოიმოქმედოს, რაც არ ეწინააღმდეგება ოსმალეთის ინტერესებს. ოსმალეთისაგან ეხლა მოსალოდნელია უფრო თავდაპირილი და ზომიერი პოლიტიკის წარმოება. თვითონ არა ერთხელ არწმუნებდა, ვისიც ჯერ არს, ბათომთან და საქართველოსთან კავშირის შენარჩუნების საქიროებას; დაგვირდა, ახალ ვეზირს მოლაპარაკებოდა, რომ სასურველია ეხლავე, დაუყონებლივ გადაწყვეტილი იქნეს ოსმალეთ-საქართველოს შორის არსებულ სადაო კითხვები. ტრადიციული ფინჯანი შავი ყავის შემდეგ, რომელიც მოგვართვა ხელზე მოსამსახურე-მეზღვაურმა ჩვენ გამოვემშვიდობებთ ალერსიან მასპინძელს. მუსაიფის თავი და ბოლო იყო ქართული, შუატანი კი ფრანგული.

საოცრათ გეჩვენება, როცა პერაზე სეირნობის დროს, ჰხედავ მოაჯირების უკან მიმალულსა და მიტოვებულს საელჩოებს. აი, მაგალითად, საფრანგეთის ძველი სამფლობელო: საყურადღებოა მისი ერთ მხარეზე შემოვლებული „პოლონეთის“ ქუჩა; აი, კეთილშობილი წინა-პირი რუსეთის სასახლისა—ეხლა მის სახელმწიფო ემბლემებს შენობაზე შემოხვეული აქვს შავი საბურავი.

ოსმალეთი იჩოქებს—იგი უკვე დაჩოქებულია „დასაეღეთის დემოკრატიების“ წინაშე; მას ბათომიდანაც გაადგებენ. მაგრამ არ მოხდეს რაიმე გაუგებრობა! და როგორ შევატყობინოთ ამ დემოკრა-

ტიებს ჩვენი სურვილები? მივმართეთ ნიდერლანდიის და შემდეგ შვეციის ელჩებს. ორივე საელჩო, როგორც მიღებულია, დამალულია ეზოსა და ბაღის შუაში; მოსამსახურეთა შემადგენლობა მრავალრიცხოვანია. ნიდერლანდელი იცავს საფრანგეთის და ინგლისის ინტერესებს, შვედელი—შვერთებულ შტატებისას. ორივე ძლიერ განცვიფრებული დარჩა, როცა ჩვენი თხოვნა მოისმინეს—ჩვენ ვთხოვდით: არ შეიძლება, გადავსცეთ დასავლეთის სახელმწიფოებს ცნობა, რომ, როცა ოსმალეთი დასკლის ბრესტ-ლიტოვსკის ხელშეკრულებით დაქერილ ადგილებს, და ასეთს დაკლას ოსმალეთს უეჭველია მოსთხოვენ,—ბათომი და ბათომის ოლქი მაშინვე დაიკაოს საქართველოს მთავრობამ?.

ყველაზე უფრო საფიქრებელია, რომ სახელმწიფოები თვითონ „ინებებენ“ ბათომის დაქერას, მაგრამ მაინც სასარგებლოა ჩვენთვის ვაცნობოთ მათ, რომ ამ დოვლათს ჩვენ ჩვენს საკუთრებათ ვთვლით, და მისი მართვაც შეგვიძლია.

ელჩები დაგვიპირდნენ, რომ „მოიფიქრებენ“.... თუ რა საშვალეობით შეასრულონ ჩვენი თხოვნა. მაგრამ ემჩნეოდა, რომ ასეთს თხოვნას ექსცენტრიულათ (გასაოცრათ) სთვლიდნენ.

„როგორ შემიძლია—შენიშნა ერთმა მათგანმა—იმ სახელმწიფოს ინტერესების წინააღმდეგ გამოვიდე, რომელთანაც ვარ მიღებული?“ „თქვენ ხომ, თქვენო აღმატებულებავე, ეხლა ყველა ხალხების მიერ ბრძანდებით მიღებული, ხალხების რომელნიც ცდილობენ დაამყარონ მშვიდობიანობის კეთილდღეობა!“ და სხვა.

მიაქციეთ ყურადღება—ვეუბნები ჩემს სასიამოვნო თანამგზავრს გ-ს, როცა უკან ვბრუნდებოდით—პატივცემული პირები, პატივცემული სახელმწიფოები, მაგრამ რა მოკრძალება გამოკრთის! რა ტონით უნდა ვილაპარაკოთ ჩვენ შვეციასთან და ნიდერლანდებთან შედარებით, ასე ვთქვათ, უპერანგობემა? მაგრამ ყველა ეს „დამოუკიდებლობანი“ მათთვის რაღაც გაუთვალისწინებელი რამ არის, და გოტის აღმანახი ჯერ სდუმს ჩვენს შესახებ! ამიტომ განიცდიან უხერხულ მდგომარეობას.

## 15. ოქტომბერი.

იმავე თხოვნით მივმართეთ ბულგარეთის ელჩს, გოლუშევს. მან იცოდა საქმის ვითარება, და დაგვიპირდა დეპეში გაეგზავნა თა-



ვის მთავრობისათვის სოფიაში ამერიკის წარმომადგენლისათვის გადასაცემათ, რომ საქმე ასე და ასეა, საქართველოს სურს.... და სხვა.

დიდხანს ვზივართ მასთან და ვარკვევთ ზავის შანსებს. ბულგარელს არ სწამს არც ერთა ლიგა, არც ომის სამუდამოთ მოსპობა, მაგრამ მზათ არის ყოველივე ეს „სინჯოს“.

---

შემთხვევით, სასტუმროში ჩემი თავი წარუდგინეს ახალ დიდ ვეზირს იზზეთ-ფაშას. ხვალ მიგვიღებს.

---

სომხეთის დელეგაციაში. ვარკვევთ საერთო საქმეებს. ეხლა გაუცოცხლდათ ყველა იმედი და მალე დაიწყებულ იქნება „ალექსანდროპოლისა“ და სხვა შავი დღეები. ადრე თუ გვიან ოსმალეობი დასცილიან, რაც კი რამ აქვთ დაკავებული სომხეთსა და საქართველოში. მაგრამ სად თავედება ერთი და იწყება მეორე? ნუთუ განსაზღვრა ჯერ კიდევ არ არის მომზადებული თფილისისა და ერევნის მთავრობების მიერ?

16 ოქტომბერი.

პატრები თითქმის ყოველ დღე შემოდიან ჩვენთან და გვიამბობენ ქალაქის ახალ ამბებს; მთავრობის ყველა უკმაყოფილოა, ოსმალეობს ყველა სწყეგლის, შაბათს ელიან ინგლისელებს (!)... ოსმალეთის პრესაში ყველაფერი თავაზიანათ ალაპარაკდა „დეცენტრალიზაციაზე“, „ავტონომიებზე“ და სხვა. ერთგვარის შიშით ემზადებიან სამსჯავროსთვის, რომ:

Quidquid latet adparebit

Nil inultum remanebit...

გვიან, გალატადან გაგზავნეს საქართველოში ყოფილი ტყვეები; შემდეგ წავედით მაღალ პორტაში. იზზეთ-ფაშამ პირდაპირ განაცხადა—ეხლა სხვა გვართ აღარც შეიძლება—რომ ყველაფერი,

რაც ბრესტ-ლიტოვსკის ხელშეკრულების ზედმეტათ არის დაკავებული საქართველოში, დაცლილი იქნებაო. რაც შეეხება იმ პროვინციებს, რომელიც მიღებულია ამ ხელშეკრულების ძალით (ბათომი), იმათ დააბრუნებენ, თუ მათი დაბრუნება აუცილებელი გახდა ეგრედ წოდებულ პრეზიდენტ ვილსონის პრინციპის ძალით. დაწვრილებით ამ კითხვებზე ჩვენ უნდა შეუთანხმდეთ საგარეო საქმეთა მინისტრს ნაბი-ბეის, რომელიც დიდი ვეზირის მოწვევით დაესწრო ჩვენს ბაასს.

მეორე დღეს, 17 ოქტომბერს, ჩვენ მოლაპარაკება განვაგრძეთ მინისტრთან და მინისტრის ამხანაგთან რეზად-ხიკმეტ-ბეისთან \*).

ახალციხის და სხვა მაზრების (ე. ი. ბრესტ-ლიტოვსკის ზავის „ზედ-მეტის“) დაცლის შესახებ მათ დაადასტურეს თანხმობა ეხლავე დასცალონ ისინი, თუმცა აღნიშნეს „ახსაკის“ მუსლიმანური თვისება; მოსახლეობის კეშმარიტი სურვილი და სხვა. „მიუხედავად ამისა, — განაცხადა რეზად-ხიკმეტმა, — ჩვენ უარს ვამბობთ იმაზე, რაც არ გამოდის ბრესტ-ლიტოვსკის ხელშეკრულების საზღვრებიდან, და გვსურს საუკეთესო მეზობლური განწყობილება ვიქონიოთ ქართველებთან, რომელნიც კავკასიაში წარმოადგენენ ყველაზე უფრო და სხვა“ — ამას მოჰყვა „ტკბილეული“. დაწვრილებით მოვილაპარაკეთ აგრეთვე აღნიშნული ტერრიტორიის დაცლის წეს-რიგზე, და მივიღეთ დაპირება, რომ ყველაფრის შესახებ გაცემული იქნება განკარგულება დეპეშით. \*\*)

შემდეგ გადავედით ბათომის კითხვის გარჩევაზე და შევჩერდით გუშინ იზზეთ-ფაშის მიერ ძლიერ პირობითად გამოთქმულ დებულებაზე: თუ ოსმალეთი იძულებული შეიქნა დასცალოს სამი სანჯაყი (ბათომი, არტაანი, ყარსი), მაშინ მზათაა ამ ტერრიტორიის ქართული ნაწილი დაუთმოს საქართველოს“. ამ საგნებზე ჩვენი თანამოსაუბრენი პასუხს გაურბოდენ და ლაპარაკობდენ რალაც უხალისოთ. მათ, მეონი, იმედი აქვთ შეინარჩუნონ „ვილსონის მეოხე-

\*) ამ, ან უკვე ვადაცემლებულ, დეპუტატს, დიდი სახელი ჰქონდა მოხვეჭილი.

\*\*) მართლაც, იმ ტერრიტორიების დაცლა, რომელთა შესახებ აქ არის ლაპარაკი, დაიწყო 1918 წ. 18 ოქტომბერს. იმავე დროს მოხდა პირველი შეტაკება სომეხთა და ქართველთა შორის გამოურკვეველ საზღვრების გამო. იხ. საქართველოს მთავრობის მიერ გამოცემული კრებული; სომეხ-ქართველთა ურთიერთობის ისტორიიდან 1918 წ. ტფილისი 1919.

ზით“ ის, რაც მიიღეს „ბრესტ-ლიტოვსკის საშვალებით“. მათის მხრით ეს გონებამახვილობაა!

იქედან მიეჭრით, ოქტომბრის უხე მზეზე, გერმანიის საელჩოში, გენერალ ფონ-ლოსსოვთან, მისივე თხოვნით. ა. ავერონიანიც იქ დაგვხვდა. იზნეთ-ფაშა ლოსსოვსაც უნახავს და იგივე დაპირებანი მიუღია როგორც ჩვენ. გვიჩრია სომხებთან ერთად წავსულიყავით დიდ ვეზირთან და სხვათაშორის დაგვედასტურებია, რომ დაკლილი ტერიტორიების გაყოფას საქართველოსა და სომხეთს შორის მოვახდენთ ჩვენ თვითონ რჩევა სიამოვნებით მივიღეთ.

ბოლოს, ფ. ლოსსოვმა გამოთქვა თავისი რწმენა, რომ საქართველოსა და სომხეთის დამოუკიდებლობის საქმეს მტკიცე ნიადაგი აქვს მოპოებული, ხოლო ჩრდილო კავკასიისა და აზერბაიჯანის დამოუკიდებლობის განხორციელების შესაძლებლობა — საექვოა.

ეს არის შეხედულება. მართალია იგი და რომელ ნაწილშია მართალი — ეს სხვა კითხვას შეადგენს.

---

შემდეგ, წავედით სომხებთან, რომ მოგველაპარაკნა, საერთო მოქმედებაზე, როგორც გვიჩრია აგარონიანთან თანადასწრებით. მაგრამ, როგორც მათმა მდივანმა გვითხრა, ისინი უკვე წასულიყვნენ... დიდ ვეზირთან და საგარეო საქმეთა მინისტრთან.

## 18 ოქტომბერი:

დღეს, მუსლიმანთა უქმე — სელიამლიკის დღეს (სამოა მზე, ხალხით სავსეა ქუჩები) შუადღეზე უეცრათ დაიგრიალა ზარბაზნებმა, ატკაცუნდა ტყვიის მფრქვეველები. „აეროპლანები, აეროპლანები“ — გაისმა ძახილი. ოქროს რკაზე მოსჩანდა გამსკდარი ყუმბარების თეთრი და შავი ნაძენძი, შემდეგ დავინახე აეროპლანები — ექვსამდე რიცხვით — რომელნიც სწრაფათ გადადიოდნენ სტამბოლს. ისმოდა ბრდგვენა აფეთქებისა — ერთ ადგილას, გორაკის წვერზე ავარდა ვეებერთელა ნაცრისფერ-შავი სვეტი კვამლისა. თავდასხმის მოულოდნელობა, ჰაერის მხედართა გაპბედაობა, რომელთაც ძირს დაიწიეს

სანამ ზევით ავიდოდენ, ზოგის დაბნევა, ზოგის ცნობის მოყვარეობა—და თან სროლა, რახუნი ზევიდან, ქვევიდან, ირგვლივ.....

ორი-სამი საათისშემდეგ თავდასხმა განმეორდა—ყრიდენ პროკლამაციებს, რომელნიც თეთრ წერტილებათ, ფერმკრთალი წინწყლების ჩანჩქერებათ მიმოქროდენ მალლა ჰაერში.

## 20 ოქტომბერი.

რალაც კომედია ხდება: რამდენიმე დღეა, ყოველგვარათ იმეორებენ და მტკიცდება კიდევ, რომ სმირნის ვალი რახმი-ბეი რაუფ-ბეის\*) მონაწილეობით მოლაპარაკებას აწარმოებს ინგლისთან. ოფიციალურათ ამ ცნობებს უარყოფენ, მაგრამ ისეთის ფორმით, რომელიც ადასტურებს მათ.

ოთხი წლის ხელში ქონების შემდეგ, გერმანელებმა დასცალეს ლილი, რუბე, დუე.

ოსმალეთი ქვეითდება, და ჩვენი მუსლიმანები ბუნებრივათ და აუცილებლათ უბრუნდებიან „კავკასიის კონფედერაციის“ წრეს.

მთიულებისთვის კავკასიის შეკავშირება ეხლა ყველაფერია. აზრი სწორია, ოღონდ მთიულების რესპუბლიკის საქმე საჭიროა უფრო დაწვრილებით იქნეს შესწავლილი და იქ, ადგილობრივ გადაწყვეტილი.

თურქებიც შეწუხებული არიან. უკმაყოფილებას აცხადებენ გერმანიასზე, რომელმაც აზერბაიჯანი თითქოს მიანება ბოლშევიკებს (დამოუკიდებლობის ცნობის კითხვაში); დაარღვია ოსმალეთის ინტერესები და სხვა. მათი ასეთი ცვლილება ადვილი გასაგებია.

## 21 ოქტომბერი.

აქ აღარაფერია გასაკეთებელი. მოლაპარაკების განგრძობა იქნებოდა სრულიად უნაყოფო. არც თფილისიდან, არც ბერლინი-

---

\*) რაუფ-ბეი, გამოჩენილი მებღვაური; 1918 წელს, ტრაპეზონის კონფედერაციასზე, ოსმალეთის დელეგაციის თავმჯდომარეთ იყო. შემდეგ, ანატოლიის მოძრაობის ერთი მთავარი მოღვაწეთაგანი იყო. ტომით აფხაზია, სოხუმის ოლქიდან.

დან ჩხენკელისაგან, არავითარი ცნობა არ მომდის. კავკასიის დელეგაციები ბრუნდებიან ბათუმში. წავიდე მათთან ერთად, თუ ბრაილში გავემგზავრო?

ორი კვირა არ არის, რაც აქ ჩამოვედი, მაგრამ მეტის ატანა აღარ შემიძლია. სხვა ყველა „მურახხასლარი“-კი 4 თვეა კონსტანტინოპოლში იმყოფება!

ჩვენი „პატარა მეხმანდარი“ მირჩევს წავიდე არა ხვალ, არამედ 26 უფრო სწრაფ-მავალი გემით „რეზად-ფაშათი“.

22 ოქტომბერი.

აზერბაიჯანელებისა და მთიულების უმრავლესობა დღეს მოეწყო გემზე და გასწია; ღმერთმა იცის, როდის მიაღწევს გემი ბათუმს.

23 ოქტომბერი.

მთელი ჩვენი ბერლინში ნამუშევარი ნუთუ უკვალთ წაიშლება? ფონ-ლოსსოვი საქმეს ასე არ უყურებს: მისის აზრით, რომელიმე ჩვენგანი სასწრაფოთ უნდა გაემგზავროს ჰააგაში და მოამზადოს „იმ“ ბანაკის სახელმწიფოები ბერლინის ჩვენი ხელშეკრულებების დასადასტურებლათ.\*)

მაგრამ, ეს ხომ ჩხენკელს უფრო ადვილათ შეუძლია მოიმოქმედოს ბერლინიდან, ვიდრე მე აქედან. კონსტანტინოპოლი ამ წუთში ყოველი მხრიდან მოწყვეტილია; და უკეთესი იქნებოდა, მე თფილისში დაებრუნებულიყავი. როგორც წინათ, ესლაც არავითარი ცნობა არ მომსვლია.

---

ქართველი კონგრეგაციის ძმა-პეტრეს თანხლებით წავედით პაპის დელეგატთან, მონსინიორ ანჯელო დოლჩისთან, პანკალდიში.

---

\*) ესლა (1923 წ.) შეუძლებლათ მოეჩვენება კაცს, რომ დინჯ ადამიანს ასეთი იმედი აქონდა!

იტალიური, კეთილშობილი სტილის სახლი ერთ-ერთ შესახვევის დაღმართში.

მდიდრულ სალონში ჩვენთან გამოვიდა მეტის-მეტი ალერსიანობით მონსინიორი—სისხლ-მეტი, ჯანსაღი, ვაჟკაცი, პრელატი. ვიბაასეთ საქართველოზე, კათოლიციზმზე საქართველოში, იმ ინტერესზე, რომელიც აქვს მისდამი პაპის ტახტს, ომზე, გერმანიაზე. რა განსხვავება მართლმორწმუნეობასა და კათოლიციზმის შორის? Filio-que etc?. თვით თეოლოგებმაც კი ვერ გაარკვიეს. კიდევ, ერთი საათი რომ დავრჩენილიყავით, ქუჩაზე კათოლიკებათ გამოვიდოდით.

## 24 ოქტომბერი.

სხვებთან ერთად გუშინ გემით წასულ ფარუხ-ბეგ ვიზიროვს \*) ვხვდები- ძლიერი ღელვის გამო ისინი ვერ გავიდნენ გაშლილ ზღვაში და დაბრუნდნენ ბოსფორში. მან, როგორც იყო, მოახერხა ნაპირზე გამოსულიყო, და ამით ძლიერ გახარებულია. აქანებს საშინლათ. საზოგადოების დაშლა უსიამო პირობებში იწყება.

---

კონსტანტინოპოლმა საბოლოოდ თავი მოიხარა დასავლეთის დემოკრატიების წინაშე. პრესსა გამუდმებით ლაპარაკობს, რომ ოსმალეთს განსაკუთრებული მოწოდება აქვს, შეითვისოს და განახორციელოს „პრეზიდენტ ვილსონის პრინციპები“ და სხვა.

## 25 ოქტომბერი.

დროებითი ზავი ახლოვდება. აქედან სასწრაფოთ იგზავნება გერმანიისა და ავსტრიის ნაწილები. უეჭველია, სრუტეები დღეს-ხვალ გაიხსნება; ინგლისის ფლოტი შემოვა შავ-ზღვაში; უნდა ვიფიქროთ, რომ გერმანელები დასტოვებენ საქართველოს; მაგრამ, ეხლანდელ პირობებში, ეს აღარ უნდა იყოს საშიშრო.

„რეშიდ-ფაშა“ ვიდევ იცდის. კარდიფის ნახშირს ხომ არ მოელიან მისთვის? დღეს აეროპლანებმა ახალი თავდასხმა მოახდინეს; მათ სროლა აუტეხეს. მთელი ცა მოფენილი იყო აფეთქების ძენძებით.

---

\*) თურქების დიდი მრეწველი და მებამბე, აწ უკვე გადაცვალებული.

26 ოქტომბერი.

გემის წასვლა გადადებულია გაურკვეველ დროისთვის. საუკუნეებით ზღვების მფლობელი არიან და ვერ მოუხერხებიათ კონსტანტინოპოლიდან ბათომამდე მიმოსვლის მოწესრიგება! ნუთუ ეს ომიც ვერ გამოასწორებს მათ.

... გერმანიის საელჩო მატყობინებს ჩხენკელის დეპეშას ბერლინიდან (18-საა გამოგზავნილი!) მთხვავს დაუყოვნებლივ დაებრუნდე ბერლინში. დასძენს მის ჩვეულებრივ სენტენციებს, რომ „ჩვენ ეხლა განსაკუთრებულის ენერგიით უნდა ვიმუშაოთ“-ო და სხვა.

თუმცა, მართალი რომ ვთქვა, თფილისი ძლიერ მიზიდავს, მაგრამ, მართლაც რომ საჭიროა ბერლინში დაბრუნება და იქედან დასავლეთში გამგზავრება. ზაფხულზე ჩემი ქრისტიანიაში ყოფნის შემდეგ, ჩემთვის ეს უფრო ადვილი იქნება ა. ჩხენკელისაგან ასეთი გადასვლის იმედი ფუჭია! ეხლა ყველაფერი უნდა გადაკეთდეს. ერთის სიტყვით, ვემზადებოდი ბათომში წასასვლელათ, ბერლინში კი წავალ!

28 ოქტომბერი.

ვილჰელმ II ტახტი შეირყა, სამსახურს თავი დაანება ლიუდენდორფმა. ომი დასრულდა?

29 ოქტომბერი.

ხვალ Tigris-ით მივდივარ ბრაილუში; დღეს უკანასკნელ საღამოს ვატარებ ამ საზღაპრო ქალაქში, ამ საკვირვილ დროს. გ-მ. გადაწყვეიტა ჩემთან წამოვიდეს—მას შეატყობინეს, რომ „რემედ-ფაშა“ არ წავა. ელიან დროებითი ზავის ხელის მოწერას, და ყველა დაიბნა.

30 ოქტომბერი.

Tigris-ზე ვარ. საძაგელი გემია, მაგრამ ეხლა ასარჩევი არ არსებობს! აქაც დიდის „პროტექციით“ მოვხვდით. ჩვენთვის კაიუ-

ტა არ არის; იძულებული შევიქენით ბარგი გემის ზედა ბანზე დაგვეწყო. ცივა, წვიმს, ავდარია. გ. შეწუხდა და ასეთს პირობებში მოგზაურობაზე უარი განაცხადა. ავთაც კი გახდება კაციო!—და ნაპირზე დაბრუნდა. კეთილმა პატერმა პიომ ჩემ მაგიერ შეასრულა ყველა ფორმალობა, რომელიც კი საჭირო იყო წასვლისათვის, მოიტანა ქალაღები და გამომეთხოვა.

აღილიდან გვიან დავინძერით, მაგრამ მალე შებნელდა და ლუზა გადავაგდეთ... ბოსფორში.

წვიმა არ ცხრებოდა. ეს სწორეთ რომ Pera-Palace არ არის!

## 1 ნოემბერი.

გემის მზარეულმა საკმაო სასყიდელი გამომართვა და დამითმო თავისი კაიუტა. მაგრამ საკმლის მოცემა არ შეუძლია, რადგან ერთი ფინჩხა ზედ მეტი არაფერი აქვს. ბანზე რამდენიმე ოფიცერია, რამდენიმე ათეული ჯარის-კაცი—სულ დარდანელიდან--და 5—6 კერძო პირი. კაპიტანი და მისი თანაშემწე გერმანელები არიან; გემის მოსამსახურენი—ბერძნები.

გუშინ მთელი დღე წვიმდა. დღეს ერთი გამოიხედა მზემ, და ისევ დაიწყო წვიმა. სალამოს მიუახლოვდით დუნაის შესართავს—რა სამწუხარო სურათია! სულში დავრჩებით მთელი ღამე და ხეალ აღმა აყვებით დუნაის.

---

ცისარტყელას დანახვაზე ჯარის-კაცები ამბობდენ: აი ზავის მოციქული! საწყლები: არ არის ტკბილი მუდამ დისციპლინისა, და მოვალეობის ასრულების მაგალითად ყოფნა!

## ბრაჰილა, 3 ნოემბერი.

ამ ქალაბან Tigris-ზე კონსტანტინოპოლიდან მოგზაურობა გაგრძელდა არა სამი, არამედ 5 დღე, და ორი ღამის მაგიერ ჩემს შემთხვევით ნაშოვნ კაიუტაში გავატარე ოთხი ღამე.



დილით, 2 ნოემბერს, გადიდარა. შევედით შესართავში; დაგვეწია და გაგვასწრო... „მინნა ჰორნმა“. აღმა მივჩოჩალობთ. მზე აცხუნებს, ადგილები საკმაოთ უდაბურია. ჩვენი მანქანა თვითნებობდა და უეცრათ, დამბლა დაცემულივით, გაჩერდა. შემდეგ დავვეწიეთ „M. Horn“-ს, რომელსაც რალაც მიზეზის გამო ლუზა გადმოეგდო. გვერდი ჩაუარეთ, მაგრამ დაგვაბრუნეს: კაპიტანმა, რომელსაც ვიცნობდი ფოთი—კონსტანცას მოგზაურობის შემდეგ, ხმა-მზარდით დაიძახა, რომ ჩვენთვის მას აქვს დეპეში. აღმოჩნდა, რომ მოსულა ბრძანება ყველა მგზავრი გადასხდეს „Minna Horn“-ზე და Tigris-ი კი სადღაც დაბრუნდეს. საერთო განცვიფრება, სასწრაფო მომზადება, ბარგის გადატანა...

ქიმიტ ქიმზე მივადექით ერთმანეთს: Minna Horn-ის ყველა ბანი სავსე იყო ჯარის-კაცებით ისინი მოჰყავდათ ფოთიდან (სჩანს, მიდიან საქართველოდან!). უეცრათ განკარგულება მოვიდა: ყველა დარჩეს Tigris-ზე, რომელსაც თავის მანქანის მდგომარეობის და ნახშირის უქონლობის გამო არ შეუძლია დაიწყოს ახალი გზა. ბევრი დრო დაეკარგეთ. განვაგრძეთ გზა. გათენებისას გავიარეთ საკმაოთ ლამაზი მდებარეობიანი ტულჩა. დღე მშვენიერი დადგა. უცნაური იყო რომ უცქერდით ბესარაბიის ნაპირს და არ ვიცოდით, თუ რა სახელმწიფოა იქ. ჩამოგვიარა გემმა „სხივმა“ უკრაინის ბაირალით. რენაში ცეცხლით დანგრეული რამდენიმე შენობაა. სადგურზე მრავალი რონოდა სდაგს.

გალაცაში მდინარის აუარებელი საომარი ხომალდებია; ბევრია კარქაპი ბერძნულის სახელებით ან და ასოებით. იქვეა რალაც ბორბლებიანი გემები, როგორც სჩანს, სერბიიდან მოყვანილი და ავსტრიელი ახალი მონიტორი. ბრაპილაში ერთი საათი მოუნდით ნაპირზე მიდგომას; კიდევაც დაღამდა. ნაპირიდან ბრძანება მოვიდა, კერძო მოქალაქენი ჩამოსულიყვნენ გემიდან, დანარჩენები კი იქვე დარჩენილიყვნენ—ხვალ მათ გააგზავნიან ნიკოლაევში. ეს ნიშნავდა, სხვა სიტყვით რომ ვთქვათ, ბერლინ-ბუდაპესტს შორის მიმოსვლის შეწყვეტას! ჩემი ჩამოსვლის შესახებ ცნობა უკვე გადმოცემული იყო კონსტანტინოპოლიდან, და მე მაშინვე მივიღე Hôtel Français-ის ოთახის ბილეთი.

აქ, სადილზე, რუმინელ ორკესტრის ხმაზე, გავიგე, რომ ბუდაპესტში რევოლიუცია მოხდა, მოკლულია გრაფი ტისსა... აი კიდევ ერთმა მონარქიამ ფეხი წაიკრა, და როგორ!

ბ რ ა ჰ ი ლ ა , 4 ნ ო ე მ ბ ე რ ი .

არაა ცუდი ქალაქი; ბევრია მწვანე; ეტყობა სიმდიდრე, რომელიც მოაქვს დუნაის: „მსხვილი-ბურჯუაზიული“ მდინარეა! ბრაჰილა-ფოთის ამ ზაფხულში ჩვეულებრივი მიმოსვლა შეწყდა. შეეხვდი აქ ჩარჩენილ ნაცნობებს—ისინი აპირებენ ოდესის გზით წავიდნენ საქართველოში. ამავე გზით ბრუნდება სამხედრო ტყვეების დიდი გუნდი.

კიდევ ერთი შეხვედრა: „მინნა ჰორნის“ კაპიტანი. მან მითხრა, რომ გენ.კრესის მცირე ჯარით ჯერ კიდევ თფილისშია. „რამდენი რამ შეიცვალა იმ ჩვენი მოგზაურობის შემდეგ!“ — ამბობდა კაპიტანი. მართლაც რომ შეიცვალა!

შეიძლება, მეც ოდესითა და კიევით მერჩია წასვლა? რალაც მიზეზის გამო ვირჩიე ბუქარესტში წავსულიყავი, რომ უნგრეთით მიმეღწია ბერლინს.

. 5 ნ ო ე მ ბ ე რ ი .

გაქირვებით გამოვიდე ბრაჰილიდან; პასსაჟირი ბევრია, მაგრამ მატარებლები გერმანიის სამხედრო მმართველობით ჯერ სისწორით დადიან. ღამით ჩავედით ბუქარესტში. სქელ ნისლში ვეძებდი თავშესაფარს, შემოვიარე რალაც ურმისებური ეტლით ყველა სასტუმრო—ამათ. ერთ სასტუმროს შესავალში ვთვლიმე დილაამდის, შემდეგ გაქირვებით მეორე სასტუმროში Galea Victoriei-ში ვიშოვე ბუნავი.

ყოველ ფეხის ნაბიჯზე გერმანიის სამხედრო დაწესებულებებია. მაკენზენის შტაბი ატენეუმ-პალასში. რუმინელებს მხიარული შეხედულება აქვთ. იომეს და ეხლა ყველაფერი მზა-მზარეული ჩაუვარდებათ პირში. მთელი რუმინეთის გაერთიანება—აი რა არის მოსალოდნელი.

მრავალრიცხოვანი ქალაქის „რიგიანი საზოგადოების“ პარიზისებური მოკაზმულობასთან ერთად ტყავის, ნაჭრის ქუდები და სხვა ამ გვარი, არა „ლათინური“, არამედ რუსული (უკრაინული) ნიშნები „მდაბიო ხალხისა“. ამ უკიდურესობათა შუაში—უბრალო რუმინელები, შავი, ულვაშები.

პარიზისა და მოლდავანობის შეერთება სიმბოლიურათ იხატება თუთუნის სახელწოდებაში—*delit de tutun*.

გაზეთებში ცნობაა უნგრეთის მიერ ომის შეწყვეტისა, და ავსტრო-უნგრეთის მიერ ფლოტის სამხრეთ სლავიანებზე (!) გადაცემის შესახებ და სხვა.

პირდაპირ განსაცვიფრებელია. 30 ნოემბერს ოსმალეთმა ხელი მოაწერა დროებით ზავზე: ბათომი და ბაქო გამარჯვებულ სახელმწიფოთა „განკარგულებაში“ გადადის.

მაგრამ როგორ მივალწიოთ ეხლა ინგლისელებსა და ფრანგებამდე? ბერლინში გასაგზავნ კერძო დეპეშებს არ ლეზულობენ, მაკენზენის შტაბის პოლიტიკურ განყოფილებაში თავს იდევს ჩემი ტელეგრამის გაგზავნა. დამპირდენ აგრეთვე შეეკითხონ, კიდევ გაიგზავნება დანარჩენ ნაწილებს საქართველოდან მოსაყვანათ გემი ფოთში თუ არა? ამ გემით წავიდოდი, თუ შეუძლებელია უნგრეთით წასვლა.

„სწორეთ რომ არ მოველოდი აქ, *Calea Victoriei*-ზე ჩარჩენას“. — ვეუბნები მორიგ ოფიცერს, „ჩვენც ხომ ყველა აქ ჩავრჩით!“ — მიპასუხებს იგი.

## 6 ნოემბერი.

წეს-რიგში მოპყავს. გერმანიაში შესვლისათვის საჭირო ქალაქდები. ყველა სამხედრო წესებს სისწორით ასრულებენ. *Peter Lloyd*-ის ერთ-ერთ ნუმერში წავიკითხე ოსმალეთის დროებითი ზავის სრული პირობები: ისინი სასიამოვნოა სომხეთისათვის, მაგრამ საქართველოსთვისაც საკეთილოა. აზერბაიჯანი მოიგონებს ოსმალეთს!

პათეთიური ცნობებია უნგრეთის რევოლიუციასზე. კოშუტის სულია-მაგრამ სადგურების და საპატიმროების დანგრევაც ურევია: ზოგ ადგილს ჯარის-კაცთა დეპუტატების საბჭოები დაუარსებიათ. ეს კი სხვა ოპერიდანაა.

მთელი სერბია განთავისუფლებულია. გენერალი დ'ესპერე, მგონი, უკვე ბელგრადშია.

7 ნოემბერი.

აქედან თავი უნდა ვიხსნა. დღეს-ხვალ მიმოსვლა შეწყდება—უნგრეთი აღარ უშვებს ქვანახშირს. სალამოს 9 საათზე ორშოვაზე უნგრეთის საზღვრამდე, მიდის მატარებელი. ქალაქები მოწესრიგებული მაქვს. მივდივარ.

... სადგურზე აუარებელი ხალხია. გერმანიის დარაჯები და რუმინის პოლიცია ძლივს იცავენ წეს-რიგს. კასასთან, მატარებლის წასვლის სამი საათის წინ, სდგას ხალხი; ამბობენ, ბილეთებიც აღარ დარჩაო. ბარგს არ ლებულობენ შესანახათ—საბარგო ოთახი ავსებულია! რა ვქნა, რა მოვახერხო? ვისიმე დახმარების იმედი ფუჭია!

... ტყუილი ნათქვამია, თითქოს სასწაული არ ხდებოდეს. სასწაული ხდება: ბილეთიც მივიღე და ადგილიც ვიშოვე სავსე კუპეში. რას უნდა მივაწერო? ან განგება და ან წმინდა გიორგი მიწ ყობს ხელს!

... რუმინელი საზოგადოება: საპატიო ქალი და ასეთივე ჯენტლმენი ფრანგულათ ლაპარაკობენ, თუ როგორ პირველ შესაძლებლობისთანავე წავლენ პარიზში; რუმინეთში დარჩენა პირდაპირ შეუძლებელია. მომღერალი ქალები ვენიდან, მაგრამ აქაური, ყველას უმასპინძლებიან ღვინითა და ბუტერბროდებით—ძალიან მოხერხებული საქმეა. ახალგაზრდა გერმანელი ოფიცერი იწყებს ენერგიული დიქტატორული ქცევით, მაგრამ მალე თავაზიანი ხდება. შემდეგ შემოიქრება რუმინელი ინჟინერი, დათხოვნილი ჯარის კაპიტანი, რომელიც ახალ ამბებს გვიამბობს. ამბები პასსაჟირებში გაცხარებულ სჯა-ბაასს იწვევს. მორგილომანის მთავრობა დაეცა; ახალი მთავრობის სათავეში იქნება—გენერალი კოანდა. (მართლა, ომი რუმინულათ არის „разреш!“). ბუკოვინა რუმინელთა ჯარმა დაიჭირა; მალე ტრანსილვანიაც მათ ხელში გადავა. „ბესსარაბიასთან ერთად რუმინის ეყოლება 18 მილიონი მცხოვრები! ჩვენს ყველაზე უფრო კადნიერ ოცნებასაც კი გადააქარბა“ და სხვა.

გერმანელთა ოკუპაცია, რა თქმა უნდა, იწვევს სამღურავს. მაგრამ მათ ბატონობას ეხლა ბოლო მოეღო. ოქროს წყაროა რუმინეთი, და გერმანელები არა ერთხელ მწუხარებით შოიგონებენ მას. „მაგრამ დაუფიწყარი დარჩება მათი უხეშობა—ამბობს ინჟინერი, დარმშტადტის ტენნიკუმის ყოფილი მსმენელი. მათ აქედან წაიღეს ნედლეულიც და ყველაფერი, რაც გნებავთ; ბევრი ჩარხი და

შამოდრავებელი გადასცეს ბულგარელებს — „ჩვენს ერთგულ მოკავშირეებს“ ხა, ხა, ხა! რაღა უნდა ვთქვა იმ ოფიცერზე, რომელმაც ჩემს სახლში, ჩემს სურათებს მიაკიდა გასაშრობათ მის მიერ მოკლულ მგლებისა და მელიების ტყავები“... ასეთს მუსაიფში, უძილოთ, მოუსვენრათ გადის ღამე. გავიარეთ პიტეში, კრაპოვო.

## 8 ნოემბერი.

გაზეთებიდან ვრცლად ვტყობილობ უნგრეთის რევოლიუციის ამბებს. როგორ მიუღია ბელგრადში გენერალი Franchet d'Esperey-ის კაროლი! გაწყვეტულა სჯობდა.

... აი დუნაი, რკინის კიშკარი, ადა-კალეს კუნძული—ოსმალეთის ნაკვეთი, ცოცხალი და დასურათებული გახსენება ოტტომანთა სახელოვანი დღეებისა... რუმინეთის საზღვარ (ვერჩიოროვა), შემდეგ კი უნგრეთის საზღვარი, ორშოვოში.

გასინჯეს პასპორტები; უნგარელი ოფიცერი თავაზიანათ ელაპარაკება საქართველოს მკვიდრს, მეკითხება, თუ როგორ ვზივარ.

მივდივართ ახალი რესპუბლიკის ტერიტორიაზე. ჩემთან კუპეში სხედან—უნგრეთის მოხელეები. მშვენიერ გუნებაზე არიან. „მოისპო ომი, ყოველგვარი ომი—ამბობს სასიამოვნო მოხუცი, დუნაის გემთა-სვლის ინსპექტორი. თავისუფლება. ყოველ ერს! მიწაც ყველას! უნგრეთში აწი აღარ იქნება მსხვილი მესაკუთრება“ და სხვა.

ვენელი მოწყალების დები (უფრო „სწავლა დაუმთავრებელი ფერშალი-ქალები“; ვილაცა წინადადებას იძლეოდა მათთვის ასე დაერქმიათ)—უნვიერსალური ტიპი ქალიშვილებისა, რომელნიც მოეწყვენ ომის ირგვლივ. მათთვის ომი იყო დიდი დაუმთავრებელ გართობა. მათთან იყო ვილაც სამხედრო მოხელე, რომელმაც რუმინეთის უკანასკნელ სადგურებზე მოასწრო გაეყიდა თავისი მოკაზმულობის საგნები.

შემოდინან სულ სხვა და სხვა პირები. უნგარელი ოფიცერი გუსარის შეხედულებით,—შემდეგ ექიმი გამოდგა.

დაღამდა: ვზივარ და მძინავს ქვასავით—მერხვეი, მერყევი, მერწყვი ქვასავით.

## 9 ნოემბერი.

ჯარის დათხოვნა საგრძნობია. ვიგვიანებთ საშინლათ. ყოველ სადგურზე არიან იარაღ-აყრილი, სამშობლოსთვის დაბრუნებული-ჯარის-კაცები. წარმომიდგენია, რა არეულებაა იტალიის ყოფილ ფრონტზე, საიდანაც დაიძრა სხვადასხვა მხარისაკენ სხვადასხვა ჯიშის შინ მიმავალი ჯარი.

აქ ქულზე ყველამ დაიწება ნიშნები ეროვნული ფერებით.

.... გვიან სალამოს მივედით ბუდაპესტში. მთელ ქალაქში არ მოიპოვება ერთი ოთახიც—ერთ და იმავე პასუხს გვაძლევენ ოცად-გილს. კოკისპირულათ სწვიმს. ებრუნდები სადგურზე—მეორე სადგურზე. ვტყობილობ, რომ ღამის 12 საათზე გადის მატარებელი ოდერბერგზე. მატარებელი მოაყენეს 3 საათზე. მოვეწყვე მესამე კლასის გაუნათებელ, ფანჯრებ ჩამტვრეულ რონოდაში. თანამგზავრები არიან—მაკედონიიდან მომამავალი გერმანიის სანიტარული რაზმი. ფანჯრებს საბნები ჩამოვაფინეთ, ვცდილობდით დაგვეძინა ძლიერ სიცივეში.

## 10 ნოემბერი.

მატარებელი გვარიანათ მიქენობს. მივდივართ მთიან ადგილზე—ტატრისა და ბესკიდის ქედების შუა. საათის ოთხზე მივედით რუტკუში, სადაც თავდება უნგრეთი. სისწორით ვერ შევიტყვე, რა სახელმწიფო იწყებოდა საზღვრის გადაღმა, რადგან სადგურზე გარდა უთვალავი, განთავისუფლებული „ცოცხალი ძალისა“, აღმოჩნდა აგრეთვე ბუფეტი, რომლისადმი ვიგრძენი უნებური გატაცება! უკანასკნელი ჩემი სადილის შემდეგ ბუქარესტში, Hôtel du Boulevard-ში, გავიდა სამი დღე და ღამე.

.... მატარებელი მაშინვე იერიშით აიღეს ჯარის-კაცებმა, რომელნიც ბრუნდებოდნენ გერმანიაში ან გალიციაში (კრაკოვით). მე მოხერხებულათ დავიპირე პოზიცია და მოგზავი გერმანელ ახალგაზრდა ქვეითებსა და პოლონელი ჯარის-კაცის საზოგადოებაში, რომელიც სასაცილოთ გვიამბობდა, თუ როგორ „დაჰკრეს ფეხი“ სერბიიდან.

ლამის სამ საათზე გაგვალეიდეს—„ოდერბერგი“. მაშ, ბერლინ-საც მივალწევ — გამიელვა თავში.

11 ნოემბერი.

ოდერბერგში სრული წეს-რიგია. ჩამომართვეს წიგნები და ქალღლები, დამპირდენ, რომ ბერლინში გადმომიგზავნიან. დილის 5 საათზე წავედი ბრესლაუს მატარებლით; ბილეთს ბერლინამდე არ იძლეოდენ—იქ არ უშვებენ, იქ რალაც საგანგებო ხდებო!

... ვზივარ ოფიცრებთან, რომელთაც ეტყობა დაბნევა. „იყო, რა თქმა უნდა,—ამბობენ ისინი,—დისციპლინის გადაკარბება, მაგრამ საერთოდ ხომ ყველაფერი კარგათ მიდიოდა“. რა ხდება ეხლა-მათ არ იციან. მაგრამ ცხადია, რომ გერმანიაში რევოლიუციაა.

ოპპელნში. გავიგეთ, ვილჰელმის გადადგომა, რესპუბლიკის დაარსება, დროებითი ზავის მიღებული პირობები.

ბრესლაუ. აქაური სადგური სამაგალითოა. ჯერ სწორი რიგინი მუშაობაა. საუზმეზე—ცოტა ტვინი და ისპანახი და პურის პატარა ნაჭერი—ნიშანი დიდი ერის დისციპლინისა და თავის-შეკავებისა... ბერლინში ეხლა უშვებენ. ვიძენ გაზეთებს და განვაგრძობ გზას. დაგვიანება დაეიწყეთ. თანდათან ვერკვევი აქაურ ვითარებაში და აღარ მიკვირს, როცა Alexanderplatz-ის სადგურზე მისვლის დროს, ვილამაც წამოიძახა: გესმით ტყვიისმფრქვეველის სროლა! ტყაცა ტყუცი, მართლაც ისმოდა, მაგრამ თავდაქერილი.

ჩავედით. სასტუმრო Adlon-ში არ შეიძლება წასვლა. იქეთ,კენ, გზაზე, არ არის კარგათ საქმე. ბარგის გადამზიდველის თანხლებით მივდივარ Continental-ში. წითელ ზორტიანი ჯარის-კაცი მეკითხება პასპორტს: მე რევოლიუციონურ ბერლინში ვარ.

## თავი მეჩვიდმეტე.

### გერმანიის ოკიენთაციის დასასრული.

46

თითქოს ზრდილობის დასაცავათ ისროდენ ერთი-ორი დღე, და შემდეგ ზოგმა საქმეს მიჰყო ხელი, ზოგმა კი — ლაპარაკს. ბულვარზე „ცაცხვების ქვეშ“ აქა—იქ დამტვრეულია ტყვიისმფრქვეველით ფანჯრები; თეთრი წინწკლები ბევრი სახლის ქვებზეა — მაგრამ რევოლუცია ჯერ-ჯერობით აქ იყო „უსისხლო“ ე. ი. . . . სისხლნაკლებიანი.

მეზღვაურთა გახრწნა, მორალური ქედის მოხრა მთავარი ბანაკისა, რომელმაც წინადადება მისცა მტერს დროებით ზავი დაედევით („ნერვებმა ველარ გაუძლეს“), დასავლეთის დემოკრატიათა ძალდატანებით იმპერატორის ტახტიდან გადადგომა — აი ძარღვი ამ გადატრიალებისა. გერმანიში ეხლა უმრავლესობა იმაზე ჰფიქრობს, თუ როგორ აიცილინონ ბოლშევიკების მიბაძვა.

. . . . სახის გამომეტყველება რამდენათ უფრო ჩვეულებრივი აქეთ, ვიდრე პეტერბურგში ჰქონდათ 1917 წლის თებერვალში ან ოქტომბერში. მაგრამ რა მისნური შეტრიალება მოხდა ისტორიისა — გერმანელები სტოვებენ რეინის მარცხენა ნაპირს, ფრანგები შედიან ელზასში — უომრათ, გაშლილი დროშებით, მოკავშირეები იქერენ კიოლნს, კობლენცს და მაინცს. დასრულდა ლოჰენცოლლერნების, ავტო-უნგარელი ჰაბსბურგების, გენერალიტეტებისა და კანცლერების ამბავი. მაგრამ რა მოხდება კიდევ?

ბერლინში მე დრო არ მქონდა მეფიქრა შუა ევროპის „სიდიადის“ შემდეგ ასე სწრაფათ და ღრმად „დაცემის“ შესახებ: უნდა



მემოქმედნა. „მოქმედება“ ეხლა ნიშნავდა ჩემთვის, რაც შეიძლება აწ ბამარჯვებულ სახელმწიფოთა სატახტო ქალაქების საჩქაროთ მიახლოვებას. მიზანი კი მოგზაურობისა, აშკარაა, იყო „კონტაქტის გარიგება“ ინგლისის და საფრანგეთის მთავრობებთან, რომელნიც დღეიდან ხდებოდენ ევროპის მთავარ გამკარგულელებათ.

გზის ის ნაწილი, რომელიც 1918 წლის ნოემბრის პირობებში მოითხოვდა განსაკუთრებულ სამუშაითო (სასპორტო) ძალას, სახელდობრ, კონსტანტინოპოლ-ბერლინი, მე ასე ვთქვათ „გადავლახე“. ეხლა საჭირო იყო გამემეორებია ჩემი ქრისტიანიაში მოგზაურობა და მომემკო მაშინდელი ნათესის ნაყოფი ე. ი. მიმელო ვიზა როგორც საქართველოს ემისსარს ლონდონში ჩასასვლელად.

რაც შეეხება ჩხენკელს იგი ეხლა—მხოლოდ ეხლა!—დარწმუნდა, რომ მისი ბერლინში დარჩენა... ცოტა არ იყოს გაკვიანურდა. საჭირო შეიქმნა გერმანიის სრული დამარცხება და რევოლიუცია, რომ იგი დარწმუნებულიყო; საჭირო შეიქმნა რევოლიუციის უცაბედი ტყვია, რომელმაც მისი ბინის ფანჯარა ჩაამტვრია, რომ მას იგი ბინა დაეცალა. მაგრამ შორს არ წასულა: ჩ. გადავიდა იმავე სასტუმრო ადლონის მეორე ოთახში, რომლის ფანჯრები ეზოში გადიოდა.

გადაწყდა, მოწინავეთ მე წაესულიყავ ლონდონსა და პარიზში, ამავე დროს „ფრთებზე“ სამოქმედოთ გაგზავნილ იქნენ მიხ. წერეთელი—სკანდინავიის სატახტო ქალაქებში, და მ. ა. სუმბათაშვილი—შვეიცარიაში: ისინი მეთოდურათ უშენდენ თავის პროპაგანდას „შეთანხმების“ დიპლომატებს ნეიტრალურ ქვეყნებში\*) ე. ი. განაგრძობდენ ქრისტიანიაში დაწყებულ მუშაობას.

რაც შეეხება ჩვენს გერმანიასთან შეთანხმებებს—პოლიტიკურსა და ეკონომიურს, რომლის შესახებ ზევით იყო ნათქვამი (მუხლები 35 და 41) ისინი პროექტათვე დარჩენ. პოლიტიკური შეთანხმება, რომელიც მზათ იყო 1918 წლის ოქტომბრის დამდეგს არც კი ყოფილა ოდესმე ხელმოწერილი; ამიტომ არასდროს ძალაში არ შესულან ჩვენ მიერ 12 ივლისს 1918 წელს ხელმოწერილი განსაკუთრებული ეკონომიური შეთანხმებანი; თვით ფორმალურ-

\*) რამდენიმე ხნის შემდეგ შვეიცარიაში გადავიდა ა. ჩხენკელიც; ნოემბრის დასაწყისს საქართველოს საგარეო საქმეთა მინისტრათ დანიშნულ იქმნა ე. გეგეჭკორი. სხვა რაიმე ცვლილება საქართველოს მთავრობის პირად შემადგენლობაში „გერმანიის ორიენტაციის“ დასასრულის გამო არ მომხდარა.

რი ცნობა საქართველოს დამოუკიდებლობისა გერმანიის მთავრობის მიერ პოლიტიკური ვითარების ძირითად შეცვლის გამო შეუძლებელი გახდა (რუსეთმა წინდაწინვე განაცხადა, რომ იგი ამ ცნობის შესახებ პროტესტს არ განაცხადებს—მუხ. 13 ბრესტ-ლიტოვსკის დამატებითი ხელშეკრულებისა).

11 ნოემბერს 1918 წლის დროებითი ზავის პირობების მიღებისა და რევოლუციის შემდეგ, გერმანიის პოლიტიკური დამცირება თუმცა მეტათ დიდი იყო, მაგრამ თვით საქმეში ღრმად ჩახედულ პირებსაც არ ჰქონდათ სავსებით და ნათლად შეგნებული ამ დამცირების ნამდვილი მოცულობა. მაგალითად, საგარეო საქმეთა სამინისტროში სწამდათ (ან გვაჩვენებდნენ, რომ სწამთ!), რომ შესაძლებელია საქართველო-გერმანიის პროექტების განხორციელება! „მხოლოდ ეცადეთ დაიყოლიოთ შეთანხმების სახელმწიფოები. თქვენთვის ეს საძნელო იქნება, რადგან ეს სახელმწიფოები ცდილობენ საჩქაროდ აღადგინონ მთლიანი რუსეთი და ამიტომ წინააღმდეგობას გაუწევენ ყოფილ განაპირა ადგილებს. გარდა ამისა ეხლა სომხები ბუნებრივად შეიქნებიან „ანტანტის“ საყვარელ ხალხათ. ეცდებიან მათ შეუშრონ ცრემლი, და მათი პრეტენზიები ბორჩალოსა და ახალქალაქის მაზრებზე თქვენთვის წარმოადგენს საშიშროებას“—ასეთი იყო დ-რ გეპჰერტის მოსაზრებანი ჩემი მასთან უკანასკნელი ბაისის დროს, 14 ნოემბერს 1919 წელს.

როგორც გ. სთქვა, გერმანიის ამ გაკვირვების დროს, საქართველოს მთავრობა მოექცა გენერალ კრესს თფილისში დიდის თავაზიანობით და ყურადღებით.\*).

„ჩვენშიაც აღრევის დრო დადგა“—შენიშნა გ—მა. „დიახ, ვამშვიდებდი მე, ეხლა თქვენ იმავე ამოცანას მოჰკიდებთ ხელს, რომლის მცირე მასშტაბით გადაჭრას ცდილობდა საქართველოს მთავრობა: დემოკრატია და სოციალიზმი „უბოლშევიზმით“. დაგვიანებულათ, მაგრამ შეიძლება მაინც მიუზღოთ საქართველოს დამსხურებისამებრ“ (\*\*).

\*) თფილისში გერმანიის მისიასთან კიდევ დარჩა 5(1) გერმანელი ჯარისკაცი; ცოტა ხნის შემდეგ ისინიც გადაგზავნულ იქნენ. გერმანელები დარჩენ საქართველოში სულ ხუთ თვემდე (1918 წ. ივნისი-ნოემბერი).

\*\*) 1918 წლის საქართველოს შესახებ ოფიციალურ გერმანულ მსჯელობაში უექვო სიმპატიას თან ერევა სამაგალითო მოხელეთა შიში, როცა უკანასკნელნი ამჩნევენ სხვადასხვა გვარ რევოლუციონურ უწყსობასა და საქართველოს მმართველთა ნაკლებ საქმიანობას. მაგრამ საიდან უნდა მოეპოვათ ეს საქმიანობა!

თავის მხრით. საქართველომ უკვე მიუზღო გერმანიას დამსახურებისამებრ: გერმანიის დახმარებამ, შეეძლეა, შეუმსუბუქა საქართველოს დამოუკიდებლობის პირველი თვეები, მაგრამ მას, რასაც „გერმანიის ორიენტაცია“ ეწოდებოდა, ევროპის პოლიტიკური ვითარების შეცვლის გამო, ეხლა უკვე დაეკარგა ნიადაგი.

47

ბრესტ-ლიტოვსკის ხელშეკრულება ყველა მისი დამატებითი შეთანხმებით გაუქმებულათ იქმნა გამოცხადებული (11 ნოემბერს 1918 წელს ხელმოწერილი გერმანიასთან დროებითი ზავის პირობების მე-15 მუხლი), როგორც მოკავშირეთა შეხედულებით, ისე გერმანია-რუსეთის ურთიერთობაში (მოსკოვის მთავრობამ აცნობა გერმანიის მთავრობას იმავე ნოემბერში, რომ ბრესტ-ლიტოვსკის ხელშეკრულებას იგი სავალდებულოთ აღარ სთვლის). თუმცა ამით საქართველოსა და სომხეთის საკეთილდღეოთ ზიანი აღგებოდა ოსმალეთის მიერ ახლად მოპოებულ უფლებებს სამს სანჯაყზე (ბათოში, ყარსი, არტაანი), მაგრამ მეორეს მხრით ამითვე ბათილდებოდა რუსეთ-გერმანიის 27 აგვისტოს „დამატებითი“ ხელშეკრულების მე-18 მუხლი, რომელშიაც არის ნიღაბ ჩამოფარებული ცნობა საქართველოს დამოუკიდებლობისა საბჭოთა მთავრობის მიერ (იხ. ზევით § 36). და, შეეძლეა, ეს იყო საერთაშორისო პოლიტიკაში საქართველოს დამოუკიდებლობის განმტკიცების რაოდენადმდე შესუსტება.

ყველა ცნობის, გადაწყვეტილების, დახმარების და წაქეზების ცენტრი გადატანილი შეიქნა დასავლეთში, პარიზში, სადაც უნდა შეკრებილიყო გამარჯვებულთა კონგრესი ან კონფერენცია. გზა პარიზისაკენ კი გადადიოდა ლონდონზე, არა მარტო მაშინდელი მიმოსვლის გეოგრაფიული პირობებით, არამედ პოლიტიკურადაც; ოსმალეთთან, აღმოსავლეთ აზიის ამ უმთავრეს მტერთან დროებითი ზავი დიდი ბრიტანეთის მიერ იყო მოგვარებული, და ამიერ-კავკასიის ქვეყნები მხედველობაში იყო მიღებული, როგორც ერთ-ერთი ასპარეზი ომისა 30 ოქტომბერს 1918 წელს\*) ბრიტანეთის აღმი-

\*) ეს კონვენცია ხელმოწერილია კუნძულ ლემნოსზე, მუდროსის ნავთსადგურში, „გამემწონის“ კიშზე; შედგენილია ინგლისურათ, და ხელს აწერენ ოსმალეთის მხრით რაჟუბ-ბეი (ეხლა 1923 წ. ანგორის მთავრობის მეთაური) და

რალის არტურ კოლსორპის მიერ (Calthorpe) ოსმალეთთან ხელმოწერილ დროებითი ზავის კონვენციაში. გარდა ამისა, მოკავშირეთა ჯარების აღმოსავლეთში დალაგების (დისლოკაციის) პირობებიც, და ინგლისის მისწრაფებაც განსაკუთრებული ადგილი დაეჭირა იქ, გვაფიქრებინებდენ, რომ ამიერ-კავკასიაში სტუმრათ მობრძანდებიან სწორეთ ინგლისელები და არა სხვა ვინმე. ამიტომ აუცილებელი იყო, რაც კი შეიძლება სასწრაფოთ დაგვემყარებია უშვალო ურთიერთობა ბრიტანეთის მთავრობასთან ლონდონში, მოგვეზადებია ამ მხრით „შეგუება“ დამოუკიდებელ საქართველოსა ახალი საერთაშორისო ვითარებასთან, მით უმეტეს, როცა ეს „ვითარება“ ინგლისის ჯარების სახით ემზადებოდა შემოსულიყო ჩვენს საზღვრებში.

ისინი, რა თქმა უნდა, შემოდიდოდენ როგორც „მოკავშირე სახელმწიფოთა ჯარები“ კავკასიიდან მიმავალ გერმანელებისა და ოსმალოების მაგიერ. მაგრამ არავითარი გარკვეული პოლიტიკა მოკავშირეებისა კავკასიის საქმეებში, რა თქმა უნდა, არ შეიძლებოდა ჯერ შემუშავებული ყოფილიყო: ინგლისელებს კი შესაძლებელია ასეთი პოლიტიკა ჰქონოდათ, და ამ პოლიტიკის გამორკვევა, მასთან შეთანხმება, ან და უბრალოთ რომ ეთქვათ, ამ პოლიტიკის გამოყენება საქართველოს დამოუკიდებლობის დასაცავათ და განსამტკიცებლათ—აი ეს იყო ძირითადი მორიგი კითხვა: მით უმეტეს რომ, თვით ტექსტი მულდროსის კონვენციისა კრინტსაც არ ძრავდა ამიერ-კავკასიის ახალ სახელმწიფოებრივ სხეულებზე.

ეს არ ნიშნავს, რომ იგი კონვენცია უყურადღებოთ სტოვებდა ამიერ-კავკასიას. პირიქით, იგი სთვლის ამიერ-კავკასიას დოვლათათ, რომელიც მოკავშირეთა ზედამხედველობაში გადავიდა. მე-11 მუხლი ეხება ამიერ-კავკასიის პროვინციებიდან (ისე როგორც ჩრდილო-დასავლეთ სპარსეთიდან) ოსმალეთის ჯარების გაყვანას. მე-15 მუხლი ლაპარაკობს, ამიერ-კავკასიის რკინის გზებზე ოსმალეთის მაგიერ მოკავშირეთა კონტროლის დაარსებაზე. გზები გადადიან მოკავშირეთა „თავისუფალ და სრულ“ განკარგულებაში (მოსახლეობის საპროვინცია მხედველობაში იქნება მიღებული). ბათომს დაიჭე-

---

რეზიუმე-ხიკმეტი, რომელიც წინათ მყავდა დასახელებული ტექსტი იხ. მაგ., ი-ლ ტომში: A History of the Peace Conference of Paris ed. by H. W. V. Temperley L. 1920. P. 495-7.

რენ მოკავშირენი. ოსმალეთი თანხმდება ბაქოს\*) დაკავებაზედაც.

არც აზერბაიჯანი და არც საქართველო არ არის აქ მოხსენებული: ამ დროს მოკავშირეებისთვის ისინი ოფიციალურათ არ არსებობენ. კავკასიის სომხეთი აგრეთვე არ არის მოხსენებული. სამაგიეროთ მე-21 მუხლში მრავალ-მნიშვნელოვანი გადაკვრით არის ნათქვამი, რომ მოკავშირეებს უფლება ეძლევათ დაიკავონ სომხეთის ექვსი ვალაიეტის ნაწილები, თუ იქ რაიმე არეულობა მოხდა.

როცა ოსმალეთი დაჩოქებულია, და ყოვლის შემძლე გამარჯვებული მტერი ასეთის გადაკვრით ლაპარაკობს, უმრავლესობისათვის უმკველი ხდება, რომ სომხებს დაპირებული აქვთ ექვსი ვალაიეტი. „განმარტების“ მცირე ძალდატანება, და დასკვნა აშკარაა: „მოკავშირეებს გადაწყვეტილი აქვთ შექმნან დამოუკიდებელი სომხეთი, და მას მიაკუთვნონ ოსმალეთის ექვსი ვალაიეტი“. \*) ალტაცებაში როგორ არ მოსულიყვნენ ერევნის სომხები, რომელნიც 1918 წლის ოსმალეობის შემორტევამ მეტად შებოქა? დასრულდა ოსმალეთის ოკუპაცია: მის მაგიერ ბრიტანეთის ოკუპაცია და „ექვსი ვალაიეტი“. ჩვენებმა გაიმარჯვეს და გაფართოვებაც შეიძლება: საქართველომ თავის თავზე იგრძნო ამ სულიერი განწყობილების ძალა, როცა 1918 წლის დეკემბერში ერევნის მთავრობამ ბრძანება მისცა თავის ჯარებს, დაეკავებიათ ყოფილი ტფილისის გუბერნიის—ბორჩალოსა და ახალქალაქის მაზრები. მაგრამ ეს შედარებით მცირე მნიშვნელობის ეპიზოდია.

ბევრათ უარესი იყო, რომ წმინდა სამხედრო საბუთის ტექსტში მეტად გაუფრთხილებლად ჩაქსოვილმა „ექვსი ვალაიეტის“ თეორიამ ოსმალთა შორისაც შექმნა „სულიერი განწყობილება“: არა ერთსა და ორს დანას ჩაეჭიდა ძარღვებიანი ხელი.

---

\*) ეს „თანხმობა“ ოსმალეთისა, მოკავშირეების მიერ ბაქოს დაკავების შესახებ, რომელიც სრულიად არ ეკუთვნოდა ოსმალეთს, უსათუოდ, წინათ განუზრახველათ, შემთხვევით იყო ნათქვამი. შემდეგში, ამ სიტყვაში პოულობდნენ რუსეთის საწინააღმდეგოთ მიმართულ ინგლისის ინტრიგებს. იხ. მაგ., საქმის კარგათ მკოდნე ავტორის, V. M. წერილი Times-ში 10 აპრილი 1920 წელი (The Future of Baky. Turkey and Azerbayan).

\*) ეს შეეფერებოდა არა მარტო, სომხეთის პოლიტიკურ მოღვაწეების ტრადიციებს, არამედ სომხების მომხრე ევროპისა, და ამერიკის მრავალ პირების წმინდა კაბინეტურ შეხედულებასაც.

შესაფერათ დაიწყო ერთ-ერთი ყველაზე უფრო საზიზღარი გამოთენა ახალი დროის პოლიტიკური დილენტატიზმისა: სომხეთის კითხვის გადაწყვეტა დასავლეთის დიდი დემოკრატიების მიერ. \*).



\*) ორტით თუ ბევრათ ოფიციალურ, ყოველ შემთხვევაში მეტად საბახუ-  
ხიზგებლო განცხადებების კრებული მოიპოვება სომხების ორგანიზაციების გა-  
მოცემებში, ზაგ., ბროშურაში *The Case of Armenia*, რომელიც დაბეჭდი-  
ლია 1919 წელს სომხეთის ეროვნულ კავშირის მიერ ამერიკაში (*The Arme-  
nian National Union of Amerika*). ეს განცხადებები ეკუთვნიან უმთავ-  
რესად 1918 წლის სახელმწიფო საქმეთა ხელმძღვანელებს, როგორცაა პრეზი-  
დენტი ვილსონი, ლლ.აიიდ-ჯორჯი, კლემანსო, ბალფური და სხვა; ამ განცხა-  
დებებიდან გამოდის, რომ სომხეთის განთავისუფლება ომის ერთ-ერთ მიზანს შე-  
ადგენს. განსაკუთრებით აღვნიშნავ რეზოლიუციას, რომელიც შეტანილი იყო  
10 დეკემბერს 1918 წელს ჩრდილო-ამერიკის შეერთებულ შტატების სენატში  
ცნობილ სენატორის ლაჯის (*Lodge*) მიერ; ამ რეზოლიუციის თანახმად მომავ-  
ალ დამოუკიდებელ სომხეთში უნდა შესულიყო ოსმალეთის სომხეთი (ექვსი  
ვილაიეთი და კილიკია), რუსეთის სომხეთი და სპარსეთის აზერბაიჯანის ჩრდი-  
ლო ნაწილი (სპარსეთის სომხეთი). მომავალი სომხეთის რუქას, რომელიც თან  
ახლავს აღნიშნულ გამოცემას, ჩრდილო-აღმოსავლეთის საზღვარი გაჰყავს მდი-  
ნარე მტკვარის ნაპირებით (დაახლოვებით ელისავეტპოლიდან კასპიის ზღვაში  
შერთვამდე). ამ რუქაზე სომხეთს ხაზდვრავს სამი ზღვა: შავი ზღვა, ხმელთა-შუა  
ზღვა და კასპიის ზღვა.

## თავი მეთერამეტე

### ბ ე ზ ი დ ა ს ა ვ ლ ე თ ე ე .

48

19 ნოემბერს 1918 წელს, ე. ი. გერმანიის კაპიტულიაციის დაახლოვებით ერთი კვირის შემდეგ, მე ბერლინიდან გავემგზავრე ქრისტიანიაში, სადაც ჩავედი 21 ნოემბერს. ინგლისის ელჩი ქრისტიანიაში არ იმყოფებოდა, და ჩემი თხოვნა ლონდონში ჩასვლის ნება-რთვის მოცემის შესახებ გადაგზავნა საქმეთა რწმუნებულმა ბ-ნმა ოვეიმ, რომელთანაც, როგორც საფრანგეთის ელჩთან ბ-ნ ედმონდ ბაპსთან, მე განვაგრძობდი ზაფხულში დაწყებულ ბაასს კავკასიის თემებზე. ბ. ოვეიმ მაცნობა, სხვათა შორის, რომ სექტემბრის ჩემი სერ მენსფილტ ფინდლეისთან ნალაპარაკების მოხსენების სპასუხით, ლონდონიდან ბრიტანეთის ადგილობრივ მისიას დაავალეს, შემკითხებოდენ მრავალ საკითხის შესახებ, რომელნიც შეეხებოდენ ამიერ-კავკასიისა და ჩრდილო-კავკასიის ფაქტიურ მდგომარეობას. ეს ცნობები მაშინ შეუძლებელი იყო მიეღოთ ჩემგან, ჩემი ბერლინში დაბრუნების გამო; ეხლა კი შევეცადე საჩქაროდ დამეკმაყოფილებია ლონდონის სამინისტროს ცნობის-მოყვარეობა.

ჩემი თხოვნა, ნება მოეცათ ჩემთვის საქართველოს მთავრობის დავალებით ჩავსულიყავი ლონდონში საქართველოს დამოუკიდებლობის ცნობის საქმეების გამო, აშკარაა, არ იყო სრულიად ჩვეულებრივი შუამდგომლობა. ამ შუამდგომლობას ჩემის თხოვნით, ინგლისის მთავრობის წინაშე, მხარი დაუჭირა ბერ-

გენიდან ბ. ოლივერ უორდროპმა. \*) ლონდონში კი ამ ნებართვის დაჩქარებისათვის უნდა ეზრუნა დ. ლამბაშიძეს, რომელსაც ჰქონდა საგარეო საქმეთა სამინისტროში ცოტა რამ კავშირი. პირველსაც და მეორესაც მე მიემართე ნორვეგიაში ჩასვლისთანავე. დეკემბრის პირველსავე რიცხვებში ნებართვა მოვიდა, და „თანახმად მათი უდიდებულესობის საგარეო საქმეთა მთავარი მდივნის ინსტრუქციებისა—მაშინ ასეთი პირი იყო ბალ-ფური—დიპლომატიურმა ვიზამ“ შეამკო ჩემი პასპორტი; ეს იყო დამოუკიდებელი საქართველოს შუაევროპის „ცეცხლისა და თუჯის მილებში“ ხუთი თვის სიარულის შემდეგ პირველი ნაბიჯის შედგმა იმ ბანაკში. „ნაბიჯს ვდგამდი“ მე, და ამას ხელი არ შეუშალა ისეთმა წამწყემდმა მოკმედებამ, როგორც იყო ჩემი ბერლინში ყოფნა. ერთად ერთი განმარტება, რომელიც თან სდევდა ჩემს ლონდონში შესვლას, იყო ის, რომ „მიცემა შეღავათიანი ვიზისა, სრულიად არ ნიშნავს საქართველოს მთავრობის ცნობას“. ამის ექვი არავის ჰქონებია: მე ხომ სწორედ იმ მიზნით მივდიოდი ლონდონში, რომ „მომემზადებია ნიადაგი“ ასეთის ცნობისათვის.

ნორვეგიასა და ინგლისს შორის ზღვით მიმოსვლა იმყოფებოდა სამხედრო უწყების უსასტიკეს კონტროლის ქვეშ. 7 დეკემბერს ბერგენში ჩასვლისთანავე ავიღე ბილეთი გემზე, რომელიც მიდიოდა

---

\*) ჯონ ოლივერ უორდროპმა, (ებლასერი ჯ. ო. უ.) დიდი ბრიტანეთის საკონსულო სამსახურისა და ინგლისის უნივერსიტეტის კულტურის თვალსაჩინო წარმომადგენელმა, ისე როგორც მისმა დამ, მისს მარჯორი უორდროპმა (გარდაიცვალა 1909 წ.) დიდი შრომა და დრო შესწირეს საქართველოს ისტორიასა და ლიტერატურას. მის ამ დარგის შრომებიდან აქ აღვნიშნავ მხოლოდ რუსთველის შესანიშნავ პოემის—„ვეფხისტყაოსნის“—ინგლისური პროზით თარგმნის ბრწყინვალეთ დაწერილს წინასიტყვაობას (*The Man in the Panther's Skin. A. Romantic epic by Shota Rustaveli. A close rendering from the Georgian attempted by Marjory Scott Wardrop. London 1912.* გამოცემა აზიის სამეფო საზოგადოებისა). თარგმანი ეკუთვნის მის დას. მეორე მისი შრომა არის—საკუთარი თარგმანი ვისრამიანისა; ესაა ძველი ქართული ვერსია სპარსეთის გამუსლიმანების წინა დროის ლიტერატურული მეტათ ყურადღასღებში ძველისა, რომელიც არ შენახულა პეხლევურ დედანში, მაგრამ რომელმაც მოაღწია სპარსულ (ლექსათ) და ქართულ (პროზაული) რედაქციით. (*Visramiani. The story of the loves of Vis and Ramin. A romance of ancient Persia. Translated from the georgian version by Oliver Wardrop. L. 1914.*



ინგლისში 9-ს. იმავე 7 დეკემბერს მე მოვახერხე მენახა და პირველად გამეცნო ოლივერ უორდროპი, ბრიტანეთის გენერალური კონსული ბერგენში, ეს იყო მისი ბერგენში ყოფნის უკანასკნელი დღე: ეხლა იგი ოჯახით ბრუნდებოდა ინგლისში.

რალაც განგებისაგან იყო მონიჭებული, რომ საქართველოს „ემისარი“ ბრიტანეთის საზღვრების სწორედ გადასავალზე შეხვდა საქართველოს ძველს, ნაცადს მეგობარს და მიიღო მისგან დახმარება. ო. უორდროპი, უეჭველია, მეტათ შეწუხებული იყო 1918 წლის საქართველოსა და გერმანიის დაახლოვებით; მაგრამ ღრმა სიყვარული საქართველოსადმი ყველაფერზე ძლიერათ მოქმედებდა მის გულში. ჩვენ შეგვეძლო იმედი დაგვემყარებია, რომ ის ლონდონში დახმარებას გაგვიწევს.

... ბერგენს ლამაზი მდებარეობა აქვს კლდეების ძირში, ფიორდთან. განზეელთა სტილის „გერმანელების ნავთსადგური“ მეტათ თავისებურია. ყველაფერშია საგრძნობი ზღვის მარილიანი სუნი, უფრო სისწორით—ოკეანესი, რომლის მეორე მხარეზე ამერიკაა;—დოვლათი, საქმიანი გამბედაობა, ჯერ შეურყეველი სიმარტივე ცხოვრების წეს-რიგისა და მთელი ცხოვრების ადვილათ მიმოხილვა—აი უპირატესობანი, რომელნიც თან ახლავთ კულტურულ პატარა ერებსა და ასეთსავე ქალაქებს!

9 დეკემბერს, ბნელ ღამეში, შეეცურეთ ზღვაში, რომელიც წინაზე ასე საშინელი იყო წყალქვეშა ნაგების მეოხებით, და რომელიც ეხლაც სავსეა ნალმებით.

დილით ადრე, როცა ჯერ კიდევ ყველას ეძინა, სრულ სიმშვიდის დროს, უეცრად მოისმა მოკლე, მოწყვეტილი ტაკანი და ხრიალი: რალაც მოხვდა გემს, თუ გემი რალაცას დაეჯახა. მოძრაობა ერთბაშად შენელდა. პირველი აზრი იყო—ნალმი! „ნალმი, ნალმი“—ყვიროდენ დერეფანში. საერთო სასოწარკვეთილება. დარბოდენ. ისმოდა გოდება ყოველ კუთხეში. „აშკარაა, ვიხზვებით“. ირტყამდენ მაშველ სარტყლებს.

გემი ისე გადაიხნიჭა, რომ ფეხზე გაჩერება ძნელი შეიქნა. „ზევით, ზევით ადით ყველა!“—გასცა ბრძანება ვილამაც. ერთის სიტყვით, განვიცადეთ ყველაფერი, რაც უნდა განიცადოს ადამიანმა, როცა ნალმი მოხვდება გემს. მაგრამ ეს არ იყო ნალმი: ჩვენ დავეჯახეთ წვეტიან ბრაგას, რომელიც არ იყო რუქაზე აღნიშნული და დავედევით მას. გვიბრძანეს ნაგებზე გადავმსხდარიყავით და, გადმოგვსხეს კოპერვიკში.

მეორე დილას გამოვედით გაშლილ ზღვაში და თავიდანვე მოვხვდით ქარიშხალში—ჩრდილოეთის ჯღვა განთქმულია ზამთრის ქარებით. გემის ირგვლივ უზარმაზარი, შავი ტალღები თეთრის ფაფართა და ძირით ირეოდნენ. მუდამ გვაქანებდა საშინლათ. ლოგინზე რომ ვიწვევით, ფეხებს ხან ზევიდან ქვევით უყურებდით, ხან ქვევიდან ზევით. და როცა ქანაობა იწყებოდა გვერდებიდან, მეორე პარალელურათ მდებარე ლოგინი ხან ზევით იყო, და ხან ქვევით.

ბოლოს, სალამოს 12 დეკემბერს, შევედით არხში და ავედით ზევით ნიუკესტლისკენ (ქართულათ—ახალციხე); ქარხნები ერთიმეორეს შეუწყვეტლივ მიჰყვება, საკვამლე მიწები, ნავის ასაშენებელი ადგილები—აი ქვა-ნახშირის, რკინის და საქმიანობის სამეფო, ერთ-ერთი მაცოცხლებელი წერტილი ამ საკვირველი კუნძულისა, რომელსაც იცავს მკურავი ბატარეები და სიმბარეები! 13 დეკემბერს დილით ნაპირზე გადმოვედით. ერთმა მოხელემ, რომელიც ჩემს ვიზას სინჯავდა, შენიშნა: „საქართველო, ეს, მგონი, რუმინეთთან ახლოს უნდა იყოს“—ო.

მივდივართ მწვანე ინგლისის მიწა-წყალზე; ყველგან გვხვდებიან მეომრები გამარჯვებულის მხიარული, ცოცხალი სახეებით; მივალწიეთ სადგურ კინგსკროსს.

ჩემთვის ძნელი არ იყო ხალხში მეცნო დ. დამბაშიძე, \*) რომელმაც იცოდა, რომ მე ჩამოვიდოდი. იწყებოდა „საქართველოს საქმეებისათვის სიარულის“ ლონდონის თავი.

49

მე არ ვაპირებ დაწვრილებით მოვყვე, თუ რა მოლაპარაკება და მუსაიფი სწარმოებდა ლონდონში საქართველოს დამოუკიდებლობის შესახებ.

შედარებით ბერლინთან მთავარი განსხვავება პოლიტიკური მდგომარეობისა იმაში იყო, რომ, როგორც ევროპის უმთავრეს სა-

---

\*) შვა უკვე მოხსენებულ დ-რ ვ. დამბაშიძისა, დავით დამბაშიძე, რომელიც წინათ იყო რუსეთ-ბრიტანეთის სეაქრო პალატის მდივანთ ლონდონში. მან ბერი რამ გააკეთა ინგლისის მთავრობისა და სეაქრო წრეებში ამიერ-კავკასიის რესპუბლიკების დამოუკიდებლობის იდეის გასავრცელებლად. იხ. იმის შესახებ საყურადღებო გვერდი Lieut.-col. Repington The first World War 1914—1918 Vol II p. 182.

ხელმწიფოებისთვის, ისე ჩრდილო ამერიკის შეერთებული შტატებისთვის, უდიდესს მნიშვნელობას ლეზულიადა რუსეთის სახელმწიფოებრივი წეს-რიგის აღდგენა. (საბჭოთა რეჟიმს, რომელიც უკვე ერთ წელზე მეტი არსებობდა, ბევრი უყურებდა, როგორც ანომალიას, რომელიც მოლოდინის წინააღმდეგ ძლიერ გაგრძელდა). ეს იყო დრო კოლჩაკის დიქტატურისა ციმბირში, სამხრეთში მოხალისეთა ძალების ორგანიზაციისა, დრო რუსეთის დიპლომატიის ყოფილი გაელენიანი წარმომადგენლების გაძლიერებული მუშაობისა ევროპის უმთავრეს ცენტრებში შეიარაღებული ჩარევის გამოსაწვევით ან და ფულითა და იარაღით დასმარების მისაღებათ იმ გენერლებისა და ორგანიზაციებისათვის, რომელნიც სხვადასხვა კუთხიდან ემზადებოდენ რუსეთის გადასარჩენად.

ეს მიმართულება რომ სრულის უარისყოფით ხედებოდა \*) ყოფილ რუსეთის განაპირა ადგილების დაპოუკიდებლობის იდეას, რომ ასეთი უარისყოფით შეხედულებას უნერგავდენ დასავლეთის სახელმწიფოების მთავრობებს—გუშინდელ მოკავშირეებს—რუსეთის მოღვაწეები, რომ ახლად წარმოშობილი რესპუბლიკები განიკდიდენ ყოველგვარ, სისტემატიურ შევიწროებასა, დაცინვასა და სარკაზმს—ეს ყველასათვის ცნობილია. ასეთი ატმოსფერა, რა თქმა უნდა, აბრკოლებდა მუშაობას საქართველოს დამოუკიდებლობის ცნობის კითხვაშიაც.

მიუხედავით ამისა, ეს მუშაობა მაინც არ იყო ისეთი უიმედო, როგორც ზოგიერთს წარმოედგინა. ძალიან მალე გამოიჩვენა,—და ჩვენ ვიყავით არა უკანასკნელი, რომელთაც ეს აღმოაჩინეს,—რომ ორივე ტენდენციის შეთანხმება შესაძლებელია, რომ დიდ ბრიტანეთს, კერძოთ, მშვენივრათ შეუძლია, თუ კი სურს, ხელი შეუწყოს რუსების მისწრაფებას რუსეთის აღსადგენად და იმავე დროს შესაფერის ყურადღებით მოექცეს ახლად წარმოშობილ რესპუბლიკებს. მე მართალი ვიქნები მგონი, თუ ვიტყვი, რომ ინგლისის პოლიტიკაში ამ დროს უპირატესობა ეძლეოდა რუსეთის აღდგენის მისწრაფებას; მაგრამ იქ არსებობდა აგრეთვე ნიადაგი ახალი რესპუბლიკებისადმი სიმპატიისათვისაც, როგორც პრინციპიალური მოსაზრებით (ლიბერალების, შრომის ჯგუფის და სხვათა რწმენა,

---

\*) ამაში ვხედავ საბჭოთა საწინააღმდეგო რუსული პოლიტიკის ერთ-ერთ უღრმესსა და საბედისწერო გაუგებრობას.

თვითგამორკვევის უფლებისა, დემოკრატიული საფუძვლებისა და სხვა) ისე, რამდენადმდე სპეციალური ინტერესებითაც. ბალტიის რესპუბლიკებისთვის მნიშვნელობას ღებულობდა დიდი სახელმწიფოების საზღვაო ინტერესების კითხვა ბალტიის ზღვაში; საქართველოს შეეძლო გამოეჩინა ძველი, ნაწილობრივ მივიწყებული წიაღი ყოფილი, ეგრედ წოდებული, ბიკონსფილდის იდეებისა, რუსეთისათვის წინა აზიაში შესვლის საზღვრების დადების საკიროების შესახებ და სხვა.

ერთის სიტყვით, პოლიტიკის მთავარ მიმართულებასთან ერთად—მთლიანი რუსეთის აღდგენის მომხრე პოლიტიკასთან ერთად, —არსებობდნენ მიზნები და ინტერესები, თუმცა მცირე ხარისხოვანი, მაგრამ საკმაოდ გამორკვეულნი, რომ გამომდგარიყვნენ განაპირა სახელმწიფოების დამოუკიდებლობის დაცვის საფუძვლად.

ამ გაორების გადასალახავად ცდა მდგომარეობდა ფედერაციის განყენებულ იდეაში, ე. ი. რუსეთის მთლიანობის აღდგენა ყოფილი იმპერიის განცალკევებულ ნაწილების ფედერატიული გზით შეერთებით. ეს იდეა, შთაგონებისა და გადაკვრით ლაპარაკის სახით, თავიდანვე ასრულებდა ერთგვარ როლს განაპირა ქვეყნების დელეგატებისა და ინგლისის განწყობილებაში (უფრო გვიან ამ იდეის შეთვისება დაიწყო რუსეთის ზოგიერთმა წრემაც, ცდილობდნენ კი იგი უვნებელი გაეხადათ); ინგლისის მთელი პოლიტიკა მაინც გამსკვალული იყო მთელი 1919 წლის განმავლობაში იმ გაორებით, რომლის შესახებაც ზევით იყო ნათქვამი.

მაგრამ, ამ დროს „მთლიანი რუსეთი“ მხოლოდ გეგმა იყო, დამოუკიდებელი საქართველო კი—მას რომ დაუბრუნდეთ—წარმოადგენდა სინამდვილეს, ფაქტს, რომლისთვისაც ანგარიში უნდა გაეწიათ... თუნდაც ბათომსა და ბაქოს შუა სარკინიგზო მიმოსვლის დასამყარებლად (მუდროსის დროებითი ზავის ძალით). ყველაფერი ეს ანიჭებდა კითხვას ვარკვეულ, სასიცოცხლო მნიშვნელობას, და ჩვენ საშვალეა გვეძლეოდა განგვეცადა იგი ყოველ მხრივ დიდი ბრიტანეთის მთავრობის წარმომადგენლებთან ერთად. თავის თავად იგულისხმება, რომ ჩვენ ვლაპარაკობდით აზერბაიჯანის მაგიერათაც, რომელსაც ჯერ არ ჰყავდა ლონდონში თავისი წარმომადგენელი, და ჩვენი ბაასის თემები, ხშირად გადალახავდა ამიერკავკასიის საზღვრებს.

ამ გვარად, „მთლიანი რუსეთის აღდგენა“ იყო ამ დღეების ერთი უმთავრესი გაბრუება; ჩვენთვის კი ბუნებრივი იყო ამ გაერ-

თიანების მისალმება და თან სურვილის გამოთქმა, რომ საქართველო და ამიერ-კავკასია ამ გეგმიდან გამორიცხულნი ყოფილიყვნენ.

წერილობითი და ზეპირი დასაბუთება ასეთის სურვილისა არ წარმოადგენდა განსაკუთრებულ სიძნელეს, და, ამ ნაირათ, ინგლისის მთავრობას შესაძლებლობა ჰქონდა საფუძვლიანად გაცნობოდა საქართველოსა და მისი მეზობლების პოლიტიკურ მისწრაფებებსა და საბოლოო მიზნებს სწორეთ იმ დროს, როცა ბრიტანეთის სამხედრო ნაწილები 30 ოქტომბრის, მუდროსის კონვენციის თანახმად ბინავდებოდენ ამიერ-კავკასიის სხვადასხვა ადგილას.

ლონდონში ჩვენი დიპლომატიური ურთიერთობის დასაწყისი, ამგვარად, თან შეხვდა ამიერ-კავკასიის რესპუბლიკებთან იქ, ადგილობრივ, 1918 წლის დასასრულს ინგლისელების მიერ პრაქტიკულათ გაცნობის დასაწყისს.

ჩვენ საშეალება მოგვცეს დეპეშით მიწერ-მოწერა გაგვემართა ტფილისთან; ჩემი ლონდონში ჩამოსვლა საქართველოს მთავრობას ეცნობა თავის დროზე, და მალე ამის შემდეგ ჩვენ შეგვეძლო შეგვეტყობინებია მთავრობისათვის „კეთილ განწყობილი მიღება, ჯერ de facto და შემდეგ ფორმალური ცნობის იმედი“ და აგრეთვე ის რომ „მთლიანი, განუყოფელი რუსეთის აღდგენის შესახებ გავრცელებული ხმები არ შეეხებიან საქართველოს, რომლის დამოუკიდებლობას ურყევი შანსები აქვს“.

ბოლოს, 31 დეკემბერს, 1918 წელს ჩვენ (ე. ი. მე და დ. ლამბაშიძემ) მივიღეთ Foreign Office-დან საგარეო საქმეთა მინისტრის აზნანავის სერ ლუის მალლეტის მიერ ხელ მოწერილი ნოტა, რომლითაც გვაცნობებდენ, რომ მათი უდიდებულესობის მთავრობა თანაგრძნობით შეხვდა საქართველოს დამოუკიდებელ რესპუბლიკათ გამოცხადებას და მზად არის დაიცვას მისი ცნობა სამშვიდობო კონფერენციაზე \*).

---

\*) ამ ნოტის არსებითი ნაწილი დეპეშით გადაეცა საქართველოს მთავრობას, და გამოიწვია საქართველოს საგარეო საქმეთა მინისტრის, გეგეკორის საპასუხო, სამადლობელი დეპეში (იანვარი 1919 წელი).

ასე მოხდა თანახმად შეცვლილი გარემოებისა, საქართველო-გერმანიის ტრაქტატის საბოლოო პროექტის მიღების სულ ათიოდე კვირის შემდეგ—გადასვლა საქართველოს პოლიტიკისა ახალ ლიანდაგზე. ჩემი მოვალეობა და როლი „მეისრისა“ დამთავრებული იყო; ეხლა უკვე საქართველოს მთავრობისგან თფილისში დამოკიდებული იყო „წარმატების გამოყენება“.

---

## თავი მეცხრამეტე.

### ქველი თემის ახალი ზარიაცია.

50

ჩვენი ტელეგრამმა, ლონდონში „კეთილგანწყობილ მიღების“ შესახებ, თფილისში მიუვიდა საქართველოს მთავრობას მეტათ კრიტიკულ დროს და ძლიერ სასარგებლო გამოდგა მისთვის.

სიტყვებით „კრიტიკული მომენტი“ მე სრულიად არ მსურს ვთქვა, ვითომც ნ. ჟორდანიას მთავრობის მდგომარეობა თვით საქართველოში ოდნავ შეირყა;—პირიქით, მისი მდგომარეობა იყო სავსებით მტკიცე; მხედველობაში მაქვს მხოლოდ იმავე დროს 1918 წლის დეკემბერში, სომხეთ-საქართველოს საზღვრებზე მომხდარ შეტაკებით გამოწვეული გართულება, ე. ი. სომეხთა ჯარის ყოფილ ტფილისის გუბერნიის ბორჩალოს მაზრაზე შეტევა, და ამიერ-კავკასიის საზღვრებში ინგლისის ჯარისა და მოკავშირეთა მისიების შემოსვლა.

ბოროტათ განწყობილი სხვადასხვა პირი ავრცელებდა ხმებს, თითქოს გამარჯვებულ მოკავშირეებს აზრათ ჰქონდათ გაეუქმებიათ ახლად დაარსებული რესპუბლიკები; ასეთი იყო ფანტასტიკური მაგრამ შიშის მომგვრელი ხმები. ინგლისის სარდლობას ადვილათ და მალე არ შეეძლო თავისი პოლიტიკური ტერმინოლოგია შეეწყო კავქასის ახალი წეს-რიგისათვის (სულ სხვა იყო დიდი მთავრის ნიკოლოზ ნიკოლოზის ძის დროს!) და ახალი მთავრობის გადაჭარბებულ თავმოყვარეობისათვის. იყო, რა თქმა უნდა, ზედ გავლენა, რომელიც განსაკუთრებულათ ცდილობდა ინგლისელების თვალში ენოთ საქართველოს მთავრობისათვის, და ამ მიზნით მოკვადათ უაზრო დამტკიცება, რომ საქართველოს მთავრობა ვითომც.

და სამარცხვინო მეგობრობას უწევდა გერმანელებსა და თვით ოს-  
ლოებსაც კი. არ შეუდგები ამ საგნის გამოკვლევას. საერთოდ, ბრი-  
ტანეთის გენერლები მალე შეეჩვიენ დამოუკიდებელ საქართველოს  
მთავრობის არსებობის ფაქტს იქ, სადაც ფორმალურათ უნდა ყო-  
ფილიყო რუსეთის სახელმწიფოს მხოლოდ ამიერ-კავკასიის პრო-  
ვინცია; საქართველოს მთავრობამაც აღარ ჩასთვალა ინგლი-  
სის რაზმის ჩამოსვლა და დაბინავება საქართველოს დამოუკი-  
დებლობის დარღვევით, რადგან ეს ხდებოდა ევროპაში მშვიდობიან-  
ობის დამყარების საერთო გეგმის თანახმად.... „ვილსონის“ სა-  
ფუძვლებზე და მშვიდობიანობის დამამყარებელ ერთობლივ სახელ-  
მწიფოთა სურვილით. ამ ნიადაგზე ასე თუ ისე აღინიშნა *modus  
vivendi*.

ინგლისისა და საფრანგეთის მისიების მეობებით შეწყვეტილ  
იქმნა სომხეთისა და საქართველოს შეტაკება, სწორეთ იმ დროს,  
როცა სომხეთის ჯარის ნაწილებმა, რომელნიც შორს იყვნენ ბორ-  
ჩალოს მაზრაში შესული, დაიწყეს უკან დახევა. დასასრული ამ შე-  
ტაკებისა, რომელიც, საბედნიეროთ, მხოლოდ 10 დღე გრძელდებო-  
და, ჩვენ ლონდონში გავიგეთ გაზეთ Times (10 იანვ. 1919 წ.)  
შემდეგი ცნობიდან: ბალდათი, 1 იანვარი. „19 იანვრიდან დაწყებუ-  
ლი სომხეთისა და საქართველოს ჯარებთა შორის მოხდა სამი ბრძო-  
ლა: ახალქალაქის მაზრის საზღვარზე, ეკატერინოფელდთან (ბორჩა-  
ლოს მაზრაში) და სადგურ სადახლოსთან (თფილის-ალექსანდროპო-  
ლის რკინის გზა). სამივე ბრძოლა გათავდა სომხების სრულ და-  
მარცხებით; ქართველებმა წაიყვანეს მრავალი ტყვე და წაიღეს ზარ-  
ბაზნები.—უკანასკნელი ცნობებით ქართველები განაგრძობენ შეტე-  
ვას; სომხები იძულებული შეიქნენ ალლავერდისაკენ დახეულიყვნენ.  
ქართველებმა ჩაიგდეს ხელში ჯავშნიანი მატარებლები და ტყვეები,  
მათ შორის რუსის ოფიცრები“.

ქართველი ჯარის ნაწილების მიერ ახალციხისა და ახალქალა-  
ქის მაზრების დაქერის შესახებ (ოსმალეთის შეიარაღებული ძალის  
წასვლისა და იქ დარჩენილ „ბანდებისაგან“ პროვინციების გაწმენ-  
დის შემდეგ) ცნობები ჩვენ უკვე წინათ გვქონდა გადმოცემული ბრი-  
ტანეთის სამხედრო სამინისტროსაგან.

ურთიერთ შეთანხმებით სამხედრო მოქმედება შეწყვეტილ  
იქმნა 1918 წლის დეკემბრის 31-დან\*). სომხები დაუბრუნდნენ თა-

\*) ამ მოქმედებას სიუჟეტო, რომ „ომი“ ეწოდოს. ყოველ შემთხვევაში დი-  
დი სისხლის მსხვერპლ-ა მან არ მოითხოვა. მით უკეთესი „მხარეებისათვის“!



ვის პირვანდელ მდგომარეობას, რომელიც მათ ფაქტიურათ ეკირათ ბორჩალოს მაზრის სამხრეთის ბოლოში, მას შემდეგ რაც 1918 წლის შემოდგომაზე იგი დასტოვეს ოსმალოებმა, და საიდანაც სომხებმა დაიწყეს შემოტევა. ამ ტერიტორიისა და ბორჩალოს მაზრის ჩრდილო ნაწილს შორის, რომელიც რჩებოდა საქართველოს მმართველობის ქვეშ, დადებული იყო ნეიტრალური ზოლი. ახალქალაქის მაზრაშიაც რჩებოდა ქართული ადმინისტრაცია.

ეს კომპრომისი მიღებული იყო საქართველოს მთავრობისა და მოკავშირეთა მისიების მიერ; შემდეგ იგი მიიღო სომხეთის მთავრობამაც, თუმცა გამოთქვა საწინააღმდეგო აზრები.

საერთოდ საკმაოდ სამძიმო დრო იყო; მოკავშირეთა მისიებმა ახალციხის დაცლაც კი მოითხოვეს ქართველებისაგან, მაგრამ საქართველოს მთავრობისაგან მიიღეს გადაჭრილი უარი; და თუმცა სომხეთთან შეტაკება გათავდა საქართველოსთვის კეთილად, მაინც საგრძნობი შეიქმნა ახალი ძლიერი ფაქტორის გამოჩენა, რომლის მოსაზრებანი გამოურკვეველი რჩებოდა და რომელიც, აშკარათ სჩანდა, საქართველოსადმი არ იყო მთლად მეგობრულათ განწყობილი. „ჩვენ მოწყვეტილი ვართ ევროპას“—ამბობდა გეგეუქორი საქართველოს პარლამენტში 3 იანვარს 1918 წელს, როცა იგი მოხსენებას აკეთებდა სომხების დავდასხმითა და მოკავშირეთა მოსვლით შექმნილ მდგომარეობაზე—„ჩვენ მოკლებული ვართ საშვალებას ვამცნოთ ევროპას და მის დემოკრატიას ყველა ის უსამართლობა, რომელიც აქ ხდება და რომელიც, კიდევ შეიძლება მოხდეს, მაგრამ ჩვენამდის უკვე აღწევენ შორეული ხმები, რომელნიც გვიწინასწარმეტყველებენ განთიადს“. „შორეული ხმა“ ამ შემთხვევაში იყო საქართველოს მთავრობის მიერ წინა დღით (ე. ი. 2 იანვარს) მიღებული დეპეში, რომელიც ჩვენ გავაგზავნეთ დეკემბრის ბოლოს და რომლის შესახებ ზევით გვქონდა ლაპარაკი (იხ. გვ. 209) ამ ცნობამ გამოიწვია პარლამენტის „მხურვალე ტაშის ცემა“: საქართველოს საგარეო საქმეთა მინისტრს ამ დღეს დიდი მოწონება ჰქონდა.

მეტად სამწუხარო იყო, რომ თავიდანვე, ე. ი. 1918 წლის დასასრულს არ განხორციელდა საქართველოს მთავრობის მიერ მოწვეული კავკასიის რესპუბლიკების კონფერენცია საერთო საქმეების გამო (მათ შორის შეტანილი იყო საზღვრების კითხვაც). წინადადება ამ აზრით მიცემული ჰქონდა რესპუბლიკებს 1918 წ. ოქტომბრის დამლევს, მაგრამ ისეთის ფორმით, რომელმაც გამოიწვია სო-

მებთა უკმაყოფილება. და მართლაც, ნ. რამიშვილის მიერ ხელმოწერილი „საწვევი“ ნოტის ტონი რამდენადმე გაახსენებდა კაცს... შინაგან საქმეთა სამინისტროს ცირკულიარს. (გეგეჭკორის დანიშვნამდე საგარეო საქმეთა მინისტრის მოვალეობას ასრულებდა ნ. რამიშვილი). მაგრამ თვით სურვილი მშვენიერი იყო, და, რა თქმა უნდა, სჯობდა სომხები შეთანხმებოდნენ საქართველოს მთავრობას კონფერენციის შესახებ, ვიდრე... დაეწყოთ შეტევა.

სამწუხარო იყო არა მარტო ის, რომ მაშინ განზრახული კონფერენცია არ შესდგა, არამედ კიდევ უფრო მეტათ ის რომ, საქმე დიდის ხნით გადადებული შეიქნა, რადგან ასეთი გადადება გამომდინარეობდა 25 დეკემბერს 1918 წელს ნ. ჟორდანიას, დიდი ბრიტანეთის გენერალ-მაიორის რეჰიკროფტის და საფრანგეთის პოლკოვნიკის შარდინიეს მიერ მიღებულ კომპრომისის უკანასკნელ მუხლიდან, რომელშიაც ნათქვამია: „ორივე სახელმწიფოს—საქართველოსა და სომხეთის—წარმომადგენლები მოკლე ხანში გაგზავნილი იქნებიან ევროპაში, სადაც საზღვრების შესახებ ყველა კითხვები გადაწყვეტილი იქნება დიდი სახელმწიფოების მიერ“. ამ გზით მეტად მოუსაზრებლად იქნებოდა, და მეტად დაუფიქრებლად ითვისებდნენ ილლიუზიებს, თითქოს დიდი სახელმწიფოები--ანდა, როგორც გეგეჭკორი ამბობდა—„ევროპის დემოკრატია“ ეცდებოდა საჩქაროდ გადაეწყვიტა... ბორჩალოსა და ახალქალაქის მაზრების კითხვა. ამ კითხვებისათვის კი სრულიად არავის სცხელოდა: მას „ცნობათ ღებულობდნენ“ და „აკერებდნენ საქმეებში“ იმ ბიუროში, რომელსაც ასეთი საქმეები ჰქონდა მინდობილი. საერთოდ, ამ კითხვას არავითარი შანსი არ ჰქონდა 1919 წელს გამოეწვია ვისიმე ყურადღება ევროპაში. ამგვარად, ამიერ-კავკასიის რესპუბლიკებმა უარყვეს გარჯა და შრომა ამ და ასეთის კითხვების გადაწყვეტა უშვალოდ ერთმანეთში მოლაპარაკებით დაემთავრებიათ, და წინდაუხედავათ და უდარდელად მოიმზადეს მომავლისათვის ახალი დაბრკოლება და ხიფათი \*).

\*) საქართველო-სომხეთის 1918 წლის დასასრულის კონფლიქტისა, და სომხების თავდასხმის საბუთები დაბეჭდილია კრებულში: „Документы и материалы“ ს უკანასკნელ ნაწილში. კერძოდ, კომპრომისის საფუძვლების შესახებ მიწერ-მოწერა იხ. №-№ 251-255. საქართველოსა და სომხეთის შორის მოლაპარაკების დაწერილებითი მასალები მთელი ამ დროისა, და ცდა საქართველოს წარმომადგენლის ერივანში ს. გ. მდივის, როგორმე აეცდინა შეტაკება, ე. ი. სომხების შეტევა იხ. მეორე კრებულში, რომელიც გამოცემულია საქართველოს მთავრობის მიერ 1919 წ.: Из истории армяно-грузинских отношений 1918 г.

ამ უთანხმოებათა შესახებ ჩვენ მიერ ლონდონში პირველი ცნობების მიღებისთანავე, გამოძეულა და ამოუკიდებელი სომხეთის პროგრამა, რომლის დაცვას სამშვიდობო კონფერენციაზე მთლიანი სომხეთის სახელით აპირებდა ბოლოს ნუბარ-ფაშა (მეთაური ეგრედ წოდებული ეროვნული დელეგაციისა, რომელიც დანიშნა სომხეთის კათალიკოსმა და რომელიც ჯერ კიდევ ლონდონში, ბალკანეთის კონფერენციების დროს 1912-1913 წელს პირველად გამოვიდა ევროპაში სამოქმედოთ). ეს პროგრამა, რუქის დამატებით, დაწვრილებით იყო მოყვანილი Times-ის ფურცლებზე (31 დეკემბერი, 1918 წ.).

ეგრედ წოდებული რუსეთის სომხეთის საზღვრები აშკარა შეცდომებით (შემცირებით) იყო ნაჩვენები, და უეჭველი ხდებოდა, რომ პროგრამის პატივცემულმა ავტორმა არ იცოდა, თუ რა ხდებოდა ამიერ-კავკასიაში. სამაგიეროდ ოსმალეთის ფარგლებში მომავალი სომხეთის საზღვრები ფართოდ იყო მოხაზული: ბითლისის და ვანის გარდა, სომხეთს მიკუთვნებული ჰქონდა სივასი, მერსინა, ადანა, ალექსანდრეტა და დიარბექირი. შავი-ზღვის ნაპირზე სომხეთი ისაკუთრებდა უმთავრესს ნაწილს, სამსუნსა და ბათომს შუა და სხვ. რა თქმა უნდა, ეს იყო მაქსიმალური მოთხოვნილება \*). მაგრამ ანგარიში მაინც უნდა გაგვეწია ამ გვემის ავტორის ოფიციალური მდგომარეობისათვის, და მისი განცხადებისათვის, რომ სომხეთს იმედი აქვს მიიღოს ინგლისისა და საფრანგეთის დახმარება (დროებითი) ანდა ამერიკის („მანდატი“); იგი გვარწმუნებდა კიდევ, რომ ახალი სომხეთი რამოდენიმე თვის შემდეგ რეალურ მოვლენათ იქცევა.

ასეთი სომხეთი აღარ იქნებოდა ამიერ-კავკასიის სომხეთი. ამიერ-კავკასიის გაერთიანების კითხვა ამ შემთხვევაში სულ სხვა გვარათ უნდა დაგვეყენებია. მეზობლათ ისეთი სახელმწიფოს გამოჩენის შესაძლებლობა, რომელსაც ხელთ ექნებოდა სომხეთის მანდატი, საზრდოს აძლევდა ახალ პოლიტიკურ „სპეკულიაციებს“. დასასრულ, თუ სომხების ეს პროგრამა შესრულდებოდა, აზერბაიჯანი

---

\*) თუ კი მხედველობაში არ მივიტებთ ამერიკის რეზოლიუციების გაერთიანებულს სამს (რუსეთის, ოსმალეთის და სპარსეთის) სომხეთს იხ. ზევით გვ. 202

1918 წლის ოსმალეთით გატაცების შემდეგ აუცილებლად ისევ დაუბრუნდებოდა კავკასიის წრეს და სხვა „შესაძლებლობებთან“ ერთად ყველა ეს საკმაო მასალას იძლეოდა სხვადასხვა გამოცანებისა და მოფიქრებისათვის.

არ ვიცი, სწამდათ თუ არა ახალი სომხეთის პროგრამის ავტორებს, იმ პროგრამის განხორციელების შესაძლებლობა; ვფიქრობ, რომ ისინი—ისე, როგორც ბევრი სხვა—გადაკარბებულია აფასებდნენ, მშვიდობის დამამყარებელ სახელმწიფოების ძალას, გავლენას და მოხერხებას. სამწუხარო იქნება, ვეუბნებოდი ჩემს თავს, თუ ჩვენი სურვილი—განვამტკიცოთ კავკასიის რესპუბლიკების დამოუკიდებლობა—ისეთივე ოცნება, ისეთივე ქიშკრა შეიქნა—ან და ოცნებათ და ქიშკრათ მოეჩვენათ მცოდნე და ფრთხილ პირებს—როგორათაც ეჩვენებოდათ ბევრს ნუბარის დეკლარაციაში გამოთქმული იდეა სომხეთის დამოუკიდებლობისა.

მაგრამ, ვიმეორებ: ამ გეგმასთან ძნელი იყო სომხეთზე ჩვეულებრივი წარმოდგენის შეთანხმება—სომხეთი ხომ უმთავრესად მიმართულია ამიერ-კავკასიისკენ: კილიკიაზე და „ექვეს ვილაიეტზე“ ოცნებას წინ უდგა ერევნის, ან „არარატის“ სომხეთის ცოცხალი სინამდვილე: სომხეთის სახელმწიფო უკვე არსებობდა და შენდებოდა თვით სომხების შრომით. მოსალოდნელი იყო, რომ ამ სომხეთს შეემატებოდა საგრძნობი ტერიტორია ოსმალეთისა, მაგრამ, ჩემის რწმენით, არა ისეთის მოცულობის, რომ შერყეულიყო გეგმა საქართველოს, აზერბაიჯანისა და სომხეთის საკავშირო ერთობისა, რაც ერთად-ერთი ფორმულა კავკასიის კითხვის გადასაწყვეტათ, ფორმულა შეთანხმებული პოლიტიკის და ისტორიის უფრო ფართო პერსპექტივებთან.

დიდი სომხეთი, გასავალი ხმელთა შუა ზღვაში—აი ზმანება, რომელსაც თითქოს აქეზებდა დიდი სახელმწიფოები, რომელსაც კურთხევას უგზავნიდა, როგორც მაშინ ეგონათ, ყოვლის შემძლებელი პრეზიდენტი ვილსონი; ამ წარმტაც ოცნებას შეუძლებელი იყო არ გადაებირა სომხეთის ერის ცოცხალი მისწრაფებანი კავკასიის ორიენტაციიდან; ყოველ შემთხვევაში მან შეასუსტა, მთელი 1919 წლისა და 1920 წლის უდიდესი ნაწილის განმავლობაში, ამ ორიენტაციის მიზნებისა და მისწრაფების ძალა. სომხებს ეგონათ, თუმცა ასეთი აზრი თავიდანვე შემცდარი და უსაფუძვლო იყო, რომ „ევროპა და ამერიკა“, კონფერენცია და საერთოდ ყველა, ვინც კი განაგებდა მსოფლიოს ბედს, განსაკუთრებულად მოეპყრობოდა

მათ, და რომ მათი კითხვა არ შეიძლებოდა გარეული ყოფილიყო, მაგ., ქართულ კითხვაში და სხვა. ერთის სიტყვით. სხვადასხვა მიზეზისა და გარემოების გამო, რომელნიც საესებით ცხად ჰყოფენ სომხეთის პოლიტიკას, იგი ბუნებრივად მიიმართა იმ გზით, რომელიც უფრო და უფრო შორდებოდა ერთად-ერთს, თუმცა-ღა ეკლიანს, მაგრამ წარმატების მიმნიჭებელ გზას: ეს გზა იყო—გზა კავკასიის რესპუბლიკების შეკავშირებისა, რომელიც დაამთავრებდა 1918 წლის მაისის დასასრულიდან დაწყებულ ამ რესპუბლიკათა სახელმწიფოებრივ განმტკიცების პროცესს.

რა თქმა უნდა, ასეთი შეკავშირება შესაძლებელი იყო მხოლოდ გარკვეულ საერთაშორისო პირობებში.

## 52

ამ კითხვის შესახებ მთავარი აზრი მე გამოვთქვი ჯერ კიდევ 1918 წლის გაზაფხულზე წერილში, რომელიც შეეხებოდა ბრესტ-ლიტოვსკის ხელშეკრულებას და რომელიც არა ერთხელ მოვიხსენე წინეთ; იქ იყო ნათქვამი: „კავკასიის ვიწრო ყელზედაც შეიძლება გადატანილ იქნეს ის იდეა ახალი რუსეთის საზღვრების შემოფარგელისა ახალივე სახელმწიფოებრივი სხეულებით, რომელიც საფუძვლად დაედვა ბრესტის ხელშეკრულებას“.

„ბუფერული სახელმწიფო ამიერ-კავკასიაში—დაეძინდი მე—რომელიც უფრო წარმოსადგენია, რომ იქნება რთული შემადგენლობის, გადასწყვეტს ამ ქვეყნის მოწესრიგების საქმეს; მას მნიშვნელობა ექნება აგრეთვე ანატოლიაში გერმანიის გავლენის განმტკიცებისათვის და „ბრესტის“ სისტემის—ინდოეთის მიახლოებისა და ქაირ-კალკუტას გზის დაცვის უზრუნველყოფისათვის“.

ამგვარათ, ჯერ კიდევ იმ დროს, შემუშავებული იყო ორმაგი ფორმულა, რომელიც ნაანგარიშევი იყო ომის სხვადასხვანაირი დასრულებისათვის.

დამოუკიდებელი საქართველო და კავკასიის კავშირი—ასეთი იყო ერთი უმთავრესი დებულებათაგანი ქართული პოლიტიკისა—ბერლინში 1918 წლის ზაფხულში; იგივე დედა-აზრი ეხლა უნდა განგვევითარებია და გამოგვეყენებია, მაგრამ *mutatis mutandis*—

გამოგვეყენებია იმ პირობების მიხედვით, რომელშიაც გერმანიის დამარცხების შემდეგ უხდებოდა პარიზის კონფერენციას ევროპისა და აზიის ნაწილის გადაკეთება.

კავკასია, ეს ბუნებრივი ჯებირი, რომელიც ჰყოფს ორი იმპერიალიზმის—რუსეთისა და ბრიტანეთის—სფეროებს—ასეთს თემას უგულოთ ვერ შეხედებოდენ ლონდონში იმ დროს, როცა ადგენდენ და ამუშავებდენ მრავალგვარ გეგმებს ევროპის გადასაკეთებლად, როცა აშენებდენ ახალ კედლებს და როცა აუარებელი გამოსადეგი მასალა მზა-მზარეულათ ეწყო და უცდიდა დახელოვნებულ ხუროთ-მოძღვარს... მაგრამ ამაოთ: ხუროთ-მოძღვარი არ გამოჩნდა.

კავკასიის ხალხების კავშირი, როგორც გამთიშველი ზოლი რუსეთსა და წინა-აზიის ქვეყნებთა შორის (ოსმალეთი და სპარსეთი), მომსპობი საერთაშორისო უთანხმოების უმთავრესი სივრცისა, და ამით სახელმწიფოთა შორის საომარი შეტაკების შესაძლებლობის ჩამომშორებელი—აი მეორე „ასპექტი“ იმავე აზრისა. მაგრამ ეს მოსაზრება შეთანხმებული იყო არა იმ პირთა შიშსა და საკმაოთ მოძველებულ ცრუმორწმუნობასთან, რომელნიც ვერ ივიწყებდენ რუსეთისა და ინგლისის მეტოქეობას წინა და შუა აზიაში—არამედ იმ პირთა მისწრაფებებთან და ზრახვებთან, რომელნიც აპირებდენ პრაქტიკულათ ემუშავნათ ერთ ა ლ ი გ ი ს შესაქმნელათ.

დასასრულ, ამიერ-კავკასიის მოწესრიგება, როგორც ერთი მთლიანი მხარისა, საერთაშორისო თავისუფალი, ყველა მიმართულებით, ტრანზიტისათვის; ამ საშვალებით ყველასათვის განურჩევლათ უზრუნველყოფა თავისუფალი ურთიერთობისა სპარსეთთან, კასპიის იქეთა ქვეყნებთან და სომხეთთან—ეს იყო ეკონომიური დასახულება იმავე საგნისა.

ასეთი იყო 1918 წლის ბოლოს საქართველოს რესპუბლიკის წარმომადგენლების მიერ ლონდონში გამოცხადებული პოლიტიკური დებულებების „რეპერტუარი“.

ბევრი რამ იყო საჭირო ასეთი გეგმის შესასრულებლათ: შეთანხმებული მუშაობა კავკასიის ახალი რესპუბლიკებისა—ეს უპირველესად ყოვლისა; მხურვალე დახმარება დიდი სახელმწიფოებისა; დასასრულ—ხელსაყრელი საერთო გარემოება.

ინგლისის მიერ გამოთქმული თანაგრძნობა ამ მხრით გვეჩვენებოდა განსაზღვრულ წარმატებათ. სომხეთ-საქართველოს კონფლიქტი ცუდ წინასწარმეტყველებას იძლეოდა: დანარჩენი ბურუსით იყო მოცული.

---

## თავი მეოცე.

### ლონდონში პარიზის კონფერენციის წინაღობით.

„ბოლშევიზმის“ უზარმაზარი საშიშროება გამეფებული იყო რუსეთის შუა-გულში, მისი ცხოვრების კვანძში. ეს აჩრდილი მოსვენებას არ იძლეოდა. დასავლეთის სახელმწიფოების პოლიტიკამ—ყოველ შემთხვევაში ოფიციალურმა მაინც—მხოლოდ მაშინ მიიღო შემდეგი სახე: ეს იყო პოლიტიკა „მავთულიანი ჯებირის გავლები-სა“ ანუ „ეკონომიური რგოლისა“ (ბლოკადა).

29 დეკემბერს 1918 წელს დეპუტატთა პალატაში საფრანგეთის საგარეო საქმეთა მინისტრი ბ. პიშონი, სხვა კითხვებთან ერთად, შეეხო ბათომში, ოდესსაში და რუმინიაში მოკავშირეთა ჯარების ყოფნას. მან გამოაქვეყნა ინსტრუქცია, რომელიც მიცემული ჰქონდა კლემანსოს საფრანგეთის გენერლებისათვის და რომლის აზრით, მოკავშირეთა ამოცანას შეადგენდა, უკრაინის, კავკასიის (ნაგულისხმევი იყო ჩრდილო კავკასია) და აღმოსავლეთ რუსეთის დაცვა ბოლშევიკების თავდასხმიდან, და თავდაცვითი ფრონტის შექმნა. ბოლშევიკების წინააღმდეგ შეტევას კი რუსებისავე საქმეთ სტოვებდნენ: მოკავშირეები მხოლოდ უზრუნველყოფდნენ მათ ასეთი ოპერაციებისათვის საჭირო მატერიალური საშვალეებით. პიშონი განსაკუთრებით შეჩერდა უკრაინის ბრძოლის უნარიანი ჯარის შექმნის კითხვაზე,

ასეთ ცნობას იძლეოდნენ 1919 წლის პოლიტიკის შესახებ; იგი პოლიტიკა იყო არა პირდაპირი და არა სრული ჩარევა რუსეთის შინა საქმეებში; და ასე ირკვეოდა „ტაქტიური გარემოება“, რომლის მიხედვით ჩვენც უნდა გვემოქმედნა.

1918 წელს საქართველო მტკიცეთ იცავდა ნეიტრალიტეტს რუსეთის სამოქალაქო ომის მიმართ, რომელიც უკვე სწეწდა რუსე-





თის ზოგიერთ ნაწილს. არ იყო არც პრინციპიალური საფუძველი, არც პრაქტიკული მისწრაფება ამ პოლიტიკის დარღვევისათვის. ამიტომ, არასდროს სიტყვაც არ თქმულა, და არც შეიძლებოდა თქმულიყო, რომ საქართველოს, როგორც ერთ-ერთ რგოლს, მონაწილეობა მიეღო იმ ჯგუფში, რომელსაც უნდა შეეხოთა საბჭოთა რუსეთი.

ამიერ-კავკასიის რესპუბლიკები, კავკასიის მთებით დაფარულნი, შეიძლება ითქვას, განზე იდგნენ იმ სამხედრო-პოლიტიკურ სისტემისა, რომელიც ეწყობოდა ან და გროვდებოდა საბჭოთა რუსეთის კიდურებზე. თუ ბაქოში ან თფილისში რაიმე იწყებდა მოუსვენრობას—მიზეზი უფრო იყო მოხალისეთა ლაშქრის, საბჭოთა მოწინააღმდეგე ძალების ჩრდილო-კავკასიაში თავის მოყრა.

აი რატომ იყო, რომ უმთავრესი ყურადღების შეჩერება შესაძლებელი ხდებოდა ძირითად კითხვებზე: საქართველოს დამოუკიდებლობის ცნობაზე, კავკასიის გაერთიანებაზე, მთლიანი რუსეთის აღდგენის სქემიდან ახალი რესპუბლიკების გამოორიცხვაზე (ეს „აღდგენა“ შეადგენდა საბოლოო მიზანს, როგორც „მოკავშირეებისადმი ერთგულად დარჩენილ“ რუსებისას, ისე თვით მოკავშირეებისას). უნდა გვემტკიცებია და მსმენელთა გონება შეგვეჩვიო, რომ რუსეთის აღდგენა სრულიად არ მოითხოვს მის ფარგლებში საქართველოსა და, საერთოდ, ამიერ-კავკასიის შეტანას. ეს აზრი უნდა ჩაგვენერგა სწორეთ იმათთვის, ვისი დახმარებითაც ცდილობდნენ აღედგინათ რუსეთი. თუ რა საბუთები გვქონდა,—ამის შესახებ წინათ იყო ნათქვამი.



პიშონის მიერ საფრანგეთის პარლამენტისადმი მიცემულ განმარტებების შემდეგ, მალე ინგლისის პრესაში გამოქვეყნდა ინგლისის ვერსია იმ მიზნებისა, რომელთა გამო ამიერ-კავკასიაში გაგზავნილ იქმნა ბრიტანეთის ჯარი. აი მიზნები: ოსმალეთს აუცილებელი უნდა დაეცალა ქვეყანა და უნდა შეწყვეტილიყო შეტაკებები ქართველებსა, სომხებსა და სხვა ერებთა შორის, რამაც თავი იჩინა ოსმალთა წასვლის შემდეგ; მეორე, საჭირო იყო უზრუნველყოფილი ჰქონოდათ კავშირი კასპიის ზღვის იქით მდგომ ინგლი-

სელ ჯარებთან ბაქო-კრასნოვოდსკით (წინათ მათ სურსათს უგზავნიდენ ბალდათიდან ხამადან—ენზელით) \*).

ყველა ეს განმარტებები და „ვერსიები“ მიმართული იყო, ეგრედ წოდებულ, საზოგადოებრივ აზრისადმი ე. ი. ცდილობდა შეხამებოდა ამ აზრს. არსებითად კი მნიშვნელოვანი იყო ის, რომ 1919 წლის დასაწყისში მიმოსვლა შავ-ზღვასა და აზიის წინა და შუა ქვეყნებთა შორის ჩავარდა ინგლისის სრულ ზედა-მხედველობაში.

ამიერ-კავკასიის ხალხების მთავრობებს ეხლა ეძლეოდათ საშვალეობა დაკვირვებით და სავსებით გამოერკვიათ კითხვა, საჭიროა მათთვის ამ ზედამხედველობიდან თავის განთავისუფლება, თუ პირიქით, პოლიტიკური მიზნებისათვის უმჯობესია ამ ზედა-მხედველობისგან რაიმე ხეირის გამოტანა.

#### 54.

ახლო აღმოსავლეთის პოლიტიკაში დიდი სახელმწიფოების ყოველი მოქმედება ჯერ კიდევ იყო გამოურკვეველი, უძარღვო და უსახო. ვერ გადაეწყვიტათ კითხვა, თუ რა დაემართება რუსეთს, რა ზომები უნდა მიიღონ რუსეთის მიმართ, და ეს უსაღსრობა უნებურათ იწვევდა ყველა მახლობელ კითხვებში ბურუსს. როგორ გაეყოთ ოტტომანთა იმპერიის მემკვიდრეობა—ამ კითხვაზედაც სახელმწიფოებს არ ჰქონდათ ნათელი და მწყობრი გადაწყვეტილება. ჩვენთვის, რა თქმა უნდა, ძირითადი მნიშვნელობა ჰქონდა სომხეთის კითხვას. ვინ მოჰკიდებს ხელს ბოლოს და ბოლოს სომხეთს? თუ ნუბარ-ფაშის და „მისი წარმომგზავნელთა“ უსაზღვრო „ასპირაციები“ მავნებელი იყო სომხეთის დამოუკიდებლობისათვის, როგორც სომხეთის ხალხის სახელმწიფოსთვის, რასაც საფუძველი ჩაეყარა ერევანში 1918 წელს, მთელი ეს გეგმა დიდი სომხეთისა არ იქნებოდა გულუბრყვილო და უსარგებლო თუ ვისმე იგი, როგორც ეკონომიური საგანი, ხელში ჩაუვარდებოდა მანდატის ან სხვა საშვალეობით.

---

\*) კასპიის ზღვის იქეთა მხარეში ინგლისის ჯარის გაგზავნის ოფიციალურ საფუძველათ (1918 წლის ზაფხულში) ასახელებდენ სურვილს, ხელი შეეშალათ გერმანელებისათვის თურქესტანის ბაშხის მიღებაში იხ. Times 10 იანვარი 1919 წელი.

საფრანგეთს, უეკველია, ამ დროს აინტერესებდა შესაძლებელი მანდატი სომხეთზე. ამასთან დაკავშირებით ლაპარაკი იყო ამიერ-კავკასიაზედაც. ამერიკის კანდიდატურა ძლიერ სერიოზული იყო. ყველა ამ „შესაძლებლობისთვის“ საჭირო იყო ანგარიშის გაწევა; ამასთანავე შეგნებული გეჰონდა, რომ ყველა უმთავრესი კითხვა, რომელთა შედეგი წინათვე განსაზღვრავდა კავკასიის ხალხების ბედ-ილბალს, მალე არ გადაწყდება, რადგან თვით კითხვები მეტათ დახლართული იყო (რუსეთი! ოსმალეთი!) და რადგან მთავარი საქმე — ევროპის დამშვიდება, — რომელსაც ესწრაფოდენ სახელმწიფოები, წარმოადგენდა სიძნელეს.

ამ მხრით 1919 წლის იანვრის დასაწყისის სურათი არ იყო მიმზიდველი. დროებითი ზავის დადების შემდეგ უკვე სრულდებოდა ორი თვე, მაგრამ დამშვიდება და დაწყნარება არ სჩანდა; ყველაფერი ბოროტათ, მუქარით გამოიყურებოდა; ბოლშევიკები ბალტიის მხარეში იწევდენ ლატვიაზე; რუსეთის ფრონტის მდგომარეობა ურალზე და სამხრეთში მეტათ გამოურკვეველი სჩანდა. პოლონეთი სრულიად აფორიაქებული იყო; ყოფილ ავსტრო-უნგრეთში საზღვრებს ავლებდენ, სადაც კი მოხერხდებოდა, de facto; გერმანიაში დიდი მოძრაობა ვითარდებოდა. არა თუ არავინ ემორჩილებოდა გამარჯვებულ მოკავშირეთა განკარგულებას, არამედ პირიქით, თითქოს ყველა ჩქარობდა მათი გადაწყვეტილებისთვის დაესწრო. გადაწყვეტილება კი ჯერ არაფერი მიელოთ და არც სჩანდა, თუ როდის დადგება მათი დრო.



ომით აფორიაქებულ ყოველ კუთხეში, ყოველ ქვეყანაში ჰქონდათ თავისი „კითხვები“, თავისი იარები, რომელიც ეჩვენებოდათ განსაკუთრებულათ საჩქაროთ და მტკივნეულათ. და ყოველ მათგანს ეგონა, რომ ახალი ძლიერი ინსტანცია, კონფერენცია მსოფლიოს უდიდესი სახელმწიფოები სა (რომლის უძლიერესი და უმაღლესი არა რა არს!) ყველა ამ კითხვებს გადაწყვეტს, და უპირველესად ყოვლისა სწორეთ... აი ამ კითხვას. ოლონდ უჩვენოთ... ჩვენდა საწინააღმდეგო გადაწყვეტილება არ მიილონ!

ასეთი გრძნობა უნდა განეცადათ განსაკუთრებულათ იმ მთავრობებს, ხალხებსა და ჯგუფებს, რომელთაც გეოგრაფიული დაშო-

რებისა და იმ რწმენის გამო, რომ „იქ. პარიზში უკვე გამოაქვთ გადაწყვეტილება... უკვე გადაწყვიტეს“, განსაკუთრებულათ ემინოდათ, რომ „უჩვენოთ არ გადაწყვიტონ“.

ამიერ-კავკასიაში მყოფ მოკავშირეთა სამხედრო მისიებს, აშკარაა. არ შეეძლოთ 1918 წლის დეკემბერში სცოდნოდათ, რომ კონფერენცია ოდესმე შეუდგება განხილვას კითხვისას... მაგალითად, ბორჩალოს მაზრაში სომხეთ-საქართველოს საზღვრებისას. მიუხედავად ამისა, როგორც ნათქვამი იყო, მისიებსაც ეჩქარებოდათ „გაეგზავნათ“—სწორეთ ამ მიზნით—ამიერ-კავკასიის რესპუბლიკების დელეგაციები პარიზში, და იქ ხომ—„კონფერენცია ყველაფერს გადაწყვეტს“.



როცა ასეთის სიჩქარით და ყოველივე დაბრკოლებების გადალახვით გაესწიე კონსტანტინოპოლიდან ლონდონში, მე ამას ჩავდიოდი უმთავრესად იმ მოსაზრებით, რომ საქართველოს მთავრობას ძლიერ დიდი დრო დასჭირდებოდა ევროპაში მწყობრი დელეგაციის გასაგზავნათ, და დელეგაციაც არ იქნებოდა განსაკუთრებულათ სწრაფ-მავალი. დიდხანს ითათბირებენ—ეფიქრობდი მე—თუ ვინ უნდა წავიდეს; შესაძლებელია მოიწვიონ „მცოდნე პირები“, რომ გამოარკვიონ, თუ რომელი გზით გაემგზავრონ; ვინ იცის, იქნებ, ვინმემ წინადადება შეიტანოს, რომ წავიდენ...პეკინის გზით და სხვა. განა ცოტა მიზეზი შეიძლება მოინახოს დროის დაკარგვისთვის! აპიტომაც მე მომიხდა საქართველოს მთავრობასთან შეუთანხმებლათ, ასე ვთქვათ, „ფაქტიური“ წესით ჩავსულიყავი ინგლისში, და იქ დ. ლამბაშიძესთან ერთად დამეწყო მუშაობა. იანვრის დასაწყისში ჩვენ შემოგვიერთდა კ. გ—ძე, რომელიც ნოემბერში თფილისიდან ჩამოვიდა ბერლინში და რომელიც წინათ ითვლებოდა საგარეო საქმნთა მინისტრის ამხანაგათ. ჩხენკელი ცდილობდა. შვეიცარიიდან გადმოელახა ფრანგების მიერ წინდაწინვე შედგენილი აზრის „მაგთულიანი ჯებირი“ და ჩამოსულიყო პარიზში, მაგრამ უშედეგოთ; ჩხენკელი კი იყო შეყვანილი საქართველოს დელეგაციის შემადგენლობაში, რომლის ტფილისიდან გამოსვლის შესახებ (დეკემბერი,

1918 წელი) ჩვენ ლონდონში მივიღეთ ცნობა იანერის შუა რიცხვებში. ეს დელეგაცია ისე იყო შედგენილი, რომ მას შეეძლებოდა ყოველი კითხვა „ავტორიტეტულად გადაეწყვიტა“ საქართველოს სახელით; დელეგაციაში შედიოდა ყოველი პარტიის წარმომადგენელი, მას ჰყავდა მრჩეველები, სპეციალისტები და სხვა... დელეგაციის სათავეში იდგენ კ. ჩხეიძე და ი. წერეთელი. კონსტანტინოპოლს ეს ვეებერთელა ორგანიზაცია ვერ გასცილდა, და მისი წევრებისა და მოხელეების უმრავლესობა იძულებული შეიქნა საქართველოში დაბრუნებულიყო.

---

## თავი მეოცდაერთე.

### ქოცხერენციის მკეხე.

55

16 იანვარს ჩავედით პარიზში; სამხედრო წესები ჯერ არ იყო მოხსნილი. დიდი ქალაქი თითქოს თვალს იფშენებდა ამ ომის ხანგრძლივი და შესაზარი ჩვენების შემდეგ. დასრულდა ყუმბარების შენა, თავდასხმა, სასიკვდილო მოუსვენრობა. გამარჯვება ისე უეცარი და ისე სრული იყო, რომ არავინ მოელოდა.

აღრიცხვით რიგდება შაქარი, პური—მაგრამ პური საკმაოდ უნდა იყოს. აღრე ჰქრება ელექტრონი. ბულვარები სავსეა ამერიკელებითა და ინგლისელებით. ლაშქარიდან ფრანგი ცოტაა ჯერ დაბრუნებული. ბევრია სამგლოვიარო მოკაზმულობა. ჰაერშია დაგუბებული უხმო გოდება; ალაფები (ტროფეები) ჩამწყრივებულია თანხმობის მოედნიდან გამარჯვების თალამდე; ეს არის თვალთ სახილავი ნიშნები ომისა.

---

მთლიანი რუსეთის აღდგენა, ფედერაცია—აი რა გვესმოდა მუდამ ლონდონში ინგლისელებისაგან. გამოცდილი წარმომადგენლები რუსეთის ძველი და ახალი (1917 წ.) დიპლომატიისა, რომელთაც ჰქონდათ აუარებელი ნივთიერი საშეალება და განწყობილება, მუშაობდენ პარიზსა და ლონდონში და ერთმანეთს უფარდებდენ რუსეთში მემარ გენერლების ცდასა და მოკავშირეთა საერთო პოლიტიკის გეგმას. საზონოვი პარიზში იყო, როგორც ყუ-

ბანისა და ციმბირის მთავრობების წარმომადგენელი. ყველა ეს მოლვაწე იბრძოდა, რომ კონფერენციაზე არ დაეშვათ ბოლშევიკები, რასაც მხარს უჭერდა საფრანგეთის მთავრობა; ინგლისი კი იმ აზრს ადგა, რომ საჭიროა მოწვეულ იქმნეს რუსეთში დაარსებული საბჭოდან დაწყებული ყველა მთავრობა. ემჩნეოდა, რომ კიდევ ადგენდნენ ამ მთავრობების სიასა თუ ნუსხას.

პირველსავე დღეს, 16 იანვარს, ჩვენ მივმართეთ კონფერენციის სამდივნოს. ბ-ნ დიუტასტას \*) კაბინეტის უფროსმა, ბ-ნმა არნავონმა ისე მოგვისმინა, თითქოს სამძიმარს გვეუბნებოდა. „რუსეთის და მისი ნაწილების კითხვა—აგვიხსნა მან, ჰენრიხ IV [და მარიამ მედიჩის ქორწინების სურათიან გობელენის ქვეშ—გამოყოფილია. თქვენ უნდა მოელაპარაკოთ პოლიტიკურ განყოფილებაში (საგარეო საქმეთა სამინისტროში) ბ-ნ ლ. ანდა, უკეთესი იქნება, მიმართოთ ამ კითხვების სპეციალისტს ბ-ნ კ-ს.

მეორე დღესვე (ე. ი. 17 იანვარს) ჩვენ ვიყავით ბ-ნ კ-სთან—ასეთ შემთხვევებში ძლიერ საინტერესოა „სპეციალისტებიდან“ საქმის დაწყება. თუმცა ლონდონში მე შემთხვევა მქონდა ძლიერ დაწვრილებით მელაპარაკნა საფრანგეთის ელჩთან, ბ-ნ პოლ კამბონთან, რომელმაც მეტად თავაზიანათ მიგვიღო, მაგრამ, რა თქმა უნდა, მხოლოდ ეხლა მოგვეცა საშეალება წარმოდგენა შეგვედგინა, თუ როგორი იყო საფრანგეთის მთავრობის ნამდვილი ჩვენდამი დამოკიდებულება. ამ დამოკიდებულების (1919—1920 წლებში) გამოხატვა შეიძლება „მრუდით“, რომლის დასაწყისი წერტილი მე მინდა აღვნიშნო; ამიტომ მე ნებას მივცემ ჩემს თავს დაწვრილებით მოვიყვანო პირველი ჩვენი ბაასი, მით უმეტეს, რომ შემდეგ მე თი-თქმის აღარ შევხედრივარ სალაპარაკოთ საფრანგეთის მთავრობის წარმომადგენლებს. \*\*) აი არსებითი მხარე იმ მუსაიფისა.

ა. საქართველოდან აქეთ გამოგზავნილია დელეგაცია. ჩვენ ცნობები გვაქვს, რომ იგი კონსტანტინოპოლში ჩამოვიდა. ინგლისის ხელისუფლებამ ნება დართო მათ, და ისინი უცდიან მხოლოდ საფრანგეთის მთავრობის ნებართვას. მიეცა თუ არა მათ უფლება ჩამოვიდნენ პარიზში?

---

\*) კონფერენციის გენერალური მდივანი.

\*\*) რადგან ჩამოვიდნენ ჩემზე უფრო რწმუნებით აღკურვილი დელეგატები.

კ. ჩვენ ამ დელეგაციის შესახებ არაფერი ვიცით. ასეთს თხოვნას ჩვენამდე არ მოუღწევია. მაგრამ ჩვენ უნდა ვიცოდეთ, თუ ვისთანა გვაქვს საქმე—არისნა ქართველები, რომელთაც გერმანიასთან უნდა ჰქონოდეთ კავშირი... ამ გვართ, დელეგაცია უნდა მოჰყავდეს ინგლისელებს (sic)?

ა. შესაძლოა ისინი ინგლისის გემით მოდიან.

კ. რომელი პოლიტიკური პარტიის წარმომადგენელია დელეგაცია?

ა. იგი არ წარმოადგენს პარტიას; იგია საქართველოს, საქართველოს მთავრობის, საქართველოს რესპუბლიკის წარმომადგენელი.

ჩვენ ვაცნობეთ, რაც ვიცოდით დელეგაციის შემადგენლობაზე და მივიღეთ დაპირება, რომ ჩხეიძესა და წერეთელს შემოუშვებენ („ოღონდ შემოიტანონ თხოვნა“), მაგრამ შემდეგ კ. მაინც დაგვიპირდა, რომ ჩხეიძისა და წერეთლის გამოშვებას კონსტანტინოპოლს დეპეშით აცნობებს.

კ. საქართველომ ხელშეკრულება დადვა ჩვენს მტრებთან: ოსმალეთთან და გერმანიასთან. საქართველოს კითხვა არ არის ისე მარტივი და ნათელი, როგორც, მაგალითად, ესტონიის კითხვა. ჩვენ არ ვიცით საქართველოს არც ნამდვილი საზღვრები და არც დამოკიდებულება მეზობლებთანა და რუსეთთან; ჩვენ ისიც კი არ ვიცით, თუ რას ფუქრობენ ქართველები თავის მომავალზე ანდა, მაგალითად, როგორია მათი აზრი რუსეთის სახელმწიფო ვალების შესახებ... როგორც სჩანს, საქართველოს სერიოზული უთანხმოება უნდა ჰქონდეს სომხებთან და თურქებთან...

სიძნელეს არ წარმოადგენდა აქვე მიგვეცა განმარტებები ყველა ამ კითხვაზე: ჩვენ სრულიადაც არ ვემზადებოდით ბრალდებულის სკამზე დაჯდომისთვის.

... კ. (ოდნავ შემკრთალი, მოღობილი) ბოლოს და ბოლოს ჩვენ სრულიადაც არ გვსურს ვთქვათ არა. ჩვენთვის მხოლოდ საჭიროა უფრო ნათელი წარმოდგენა შევადგინოთ კითხვაზე, რომ კონფერენციის ჩვენს დელეგატებს მიესცეთ სათანადო ინსტრუქციები.

შევთანხმდით, რომ ჩვენ ამთავითვე წარუდგენთ საგარეო საქმეთა მინისტრს ა) ოსმალეთთან და გერმანიასთან ჩვენი დამოკიდებულების ისტორიულ მიმოხილვას, ბ) მეზობლებთან ჩვენი განწ-



ყობილების კითხვის განმარტებას, გ) განმარტებას, თუ როგორი პო-  
ზიცია უჭირავს საქართველოს რუსეთისა (სამხრეთის) და ყუბანის  
მთავრობის მიმართ.

ყველა ეს საგანი განმარტებული იყო საბუთების მთელ რიგ-  
ში, რომელნიც მალე ამის შემდეგ გადაეცა საფრანგეთის მთავრო-  
ბას და ყველა დიდ სახელმწიფოს დელეგაციას, რომელნიც მონა-  
წილეობას იღებდენ კონფერენციაში: მათ კანცელიარიებში დაიწყო  
საქმე—„საქართველო“.

56.

დღის საჭირ-ბოროტო კითხვა, რომელიც ჩვენ გვეხებოდა და  
პარიზის კონფერენციის დაწყებისას იყო სწორეთ დასმული, უეჭვე-  
ლია, იყო პ რ ი ნ კ ი პ ო.

22 იანვარს 1919 წელს უმაღლესმა საბჭომ თანახმად პრეზი-  
დენტ ვილსონის წინადადებისა, გადაწყვიტა კონსტანტინოპოლის  
ახლო მდებარე, პრინციების ერთ-ერთ -კუნძულზე, მოეწვია ცალკე  
კონფერენცია ყველა მთავრობისა და პარტიისა, რომელნიც აღმო-  
ცენდენ რუსეთის ყოფილი სახელმწიფოს ფარგლებში ან აწარმოებ-  
დენ სამოქალაქო ომს. \*) თუ მათ შორის შეთანხმება მოხდებოდა,  
მაშინ „გაერთიანებულნი“ რუსეთის წარმომადგენლები შეხვდებოდნენ  
მოკავშირეთა წარმომადგენლებს.

მართალი უნდა ითქვას, რომ კონფერენციის ადგილის არჩე-  
ვაში ვერ გამოიჩინეს საკმაო ტაქტი—ბევრ რუსს ის ადგილი უნე-

---

\*) ამ კონფერენციის ნამდვილი წამოწყება ეკუთვნის ლლოპიდ-ჯორჯს.  
კითხვამ, თუ როგორ დაიბადა აზრი ამ განუხორციელებელი კონფერენციის მოწ-  
ვევისა შექმნა მთელი ლიტერატურა, განსაკრთრებით მას შემდეგ, რაც ამერიკის  
დელეგაციის ყოფილმა თანამშრომელმა ბ-მა William Bullitt-მა სენსაციური  
ცნობები გაუშვლავნა ჩრდილო ამერიკის სენატის საგარეო საქმეთა კომიტეტს 1919  
წლის სექტემბერში.

თავდაპირველათ განზრახული იყო მოეწვიათ პ ა რ ი ზ შ ი რუსეთის  
ფარგლებში ყველა დაარსებულ მთავრობის დელეგატი, საბჭოთა გამოუ-  
რაცხველათ. ამ წინადადებას (ინგლისურს) უარყოფით შეხვდა საფრანგეთი.  
ამის შესახები ნოტა ბ-ნი პიშონისა „სენსაციურათ“ გამოაშკარავა Humanité-მ.  
პიშონი წინააღმდეგი იყო ბოლშევიკების მოწვევისა, მაგრამ თანახმა იყო მოეწვიათ  
„რუსეთის სხვადასხვა ეროვნება“. ეს მოხდა კონფერენციის ოფიციალურათ გახს-  
ნის (18 იანვარი 1919 წ.) მცირე ხნის წინათ.

ბურათ აგონებდა „წმინდა სოფიაზე აღმართულ ჯვარს“ და რუსეთის იმედებს კონსტანტინოპოლზე! (აქ მხოლოდ კონსტანტინოპოლის სანახაობა იყო!) თვით აზრი— შეეკრიბათ რუსეთში ერთმანეთზე გადამტარებული ჯგუფების წარმომადგენლები ერთ ადგილზე, შესაძლოა, მეზობლათ იმ უდაბური კუნძულისა, სადაც ოსმალეთის 1908 წლის რევოლუციის შემდეგ მოზიდეს და ერთმანეთის შესაქმელათ დასტოვეს ძველი სტამბულის კარგათ ცნობილი უპატრონო ძაღლები — თვით ეს აზრი, თუ კი ვისმე მოესურვებოდა, შეეძლო აეხსნა, როგორც ბოროტი დაცინვა.

პრინციპოს პროექტის გამო ჩვენ მივმართეთ კონფერენციას შემდეგი განცხადებით: რადგან პრინციპოზე მოწვეულ რუსეთის პარტიებისა და ჯგუფების თათბირს მიზნათ აქვს დასახული, აღადგინოს დაკარგული ეროვნული მთლიანობა რუსეთის ხალხისა, და საქართველო არ შეადგენს მის ნაწილს და ცდილობს მიიღოს თავისი დამოუკიდებლობის საერთაშორისო ცნობა; ამიტომ საქართველოს არ აქვს საფუძველი მონაწილეობა მიიღოს აღნიშნულ თათბირში (28 იანვარი 1919 წ.),

ამგვარსავე მდგომარეობაში ამ კითხვის გამო იყო ზოგიერთი სხვა ყოფილი „ინოროდცები“ ეხლა ხალხები; ჩვენ ერთად ვაწარმოებდით „დაზვერვას“ „პრინციპოს“ კონფერენციის ნამდვილ მიზნების შესახებ; განსაკუთრებით ფრანგები სიამოვნებით აღნიშნავდნენ, რომ პრინციპოზე წასვლის მოწოდება შედგენილია ძლიერ ბუნდოვანათო \*), და საერთოდ არ მალავდნენ, რომ ბოლშევიკებთან ლაპარაკის სურვილი სრულიადაც არ აქვთ. \*\*)

პრინციპოს ყრილობა საკმაოდ წინდაუხედავათ დანიშნული იყო 15 თებერვლისთვის, მაგრამ არ შესდგა, რადგან ზოგს არ უნ-

---

\*) იეს წინადადება რომ ბუნდოვანია, სრულიად არ არის გასაკვირველი: იგი ხომ პრეზიდენტ ვილსონს ეკუთვნის. ასეთი შენიშვნის გაკეთების არ მოერიდა კონფერენციის სამდივნოს ერთ-ერთ უმაღლეს მოხელეს.

\*\*) ბოლშევიკებთან რაიმე საქმის დაჭერის სასირცხოების გამო, რის შესახებ მაშინ ბევრს უვიროდენ, კარგათ ამშვიდებდა თემთა პალატას ლლოპიდ-ჯორჯი; იგი მოაგონებდა მსმენელთ, რომ ჩრდილო-დასავლეთის (ინდოეთის) საზღვარზე ხშირათ გვიხდებოდა წეს-რიგის დამყარების მიზნით შეუთანხმდეთ... ყაჩაღებსა და კაცის-შეკვლელებსო. უფრო გვიან (1920 წ.), როცა იცავდა რუსეთთან სავაჭრო შეთანხმებას, იგი ამტკიცებდა: „იკი კაცის-შეამეღებთანაც გვქონდა ვაჭრობაო“.

დოდა საერთოდ მოლაპარაკება დაეწყო, ზოგი კი (საბჭოელები) არ წყვეტდა საომარ მოქმედებას. მთელ ამ ამბავს კონფერენციისთვის სახელი არ შეუმატნია. \*)

... ირკვეოდა, რომ, ეგრედ წოდებულ „რუსეთის და მასთან დაკავშირებულ კითხვების“ გარჩევამდი ჯერ კიდევ ბევრი დრო არის. საჭირო იყო მოთმინებით აღჭურვა და ნელა, „გულდასმით“ მუშაობა. ყველაფერი, რაც აუცილებელი იყო საქართველოს კითხვის გამოსარკვევად, საქართველოს დამოუკიდებლობის ასახსნელათ და დასაცავათ გამოითქვა ნოტების მთელ რიგში, რომელშიაც საგანი განმარტებული იყო კონფერენციისთვის საინტერესო საფუძვლებთან დაკავშირებით. კონფერენციის ახლო და გარშემო დაიწყო ის განსაკუთრებული სიცოცხლე და ფაცა-ფუცი, რომელიც არ იყო მოკლებული პოლიტიკურ მნიშვნელობას, თუმცა კონფერენციის მონაწილეთ იმდენათ ის კი არ ეხებოდა, რაზედაც კონფერენცია მართლდაც მუშაობდა, არამედ ის, რასაც კონფერენცია შესაძლებელი იყო ხელს მოჰკიდებდა, სხვადასხვა გარემოების მიხედვით.

57.

ასეთი მდგომარეობის გამო, საქართველოდან საქართველოს მთავრობის მიერ სპეციალურათ გამოგზავნილ დელეგაციის ჩამოსვლის კითხვას აღარ ჰქონდა პრაქტიკული მნიშვნელობა. მისი პარიზში ჩამოსვლა—იმ შემადგენლობით, რომელიც გამოვიდა თფილისიდან, ე. ი. მრჩეველებით, სპეციალისტებით და სხვა—მაშინ იქნებოდა სასურველი და საჭირო, თუ კავკასიის კითხვები, რაიმე მოსაზრებით, გახდებოდა კონფერენციის მსჯელობის საგნათ, მაგრამ ეს არ იყო განზრახული. მეორეს მხრით, იმ დროის პირობების მიხედვით, ყოველივე მოულოდნელობას შეიძლებოდა ადგილი ჰქონოდა ამიტომ ფრიად სასურველი იყო რომ პარიზში ყოველი შემთხვევისთვის ყოფილიყვნენ საქართველოს რესპუბლიკის წარმომადგენლები, მთავრობის მიერ სპეციალურათ ამ საქმისათვის გამოგზავნილი რწმუნე-

---

\*) პრინციპოს პლანი მეტათ ზერელეთ სრულდებოდა: სრულიად უგულოთ მოქმედებდენ თვით ის სახელმწიფოები, რომელთაც ფორმალურათ იგი მიიღეს. ამბობდენ, რომ იყო „საბოტაჟი“. იხ. საინტერესო თავი Light on Principe წიგნში Sisley Huddleston. Peace-making at Paris L. 1919.

ბულნი: მე და დ. ლამბაშიძე ვიყავით აქ მხოლოდ, როგორც „წინამორბედნი“.

ასეთ წარმომადგენლებათ ჩამოვიდნენ, როგორც იქნა, დიდის დაგვიანებით, სხვადასხვა კარანტინებში ჯდომის შემდეგ, ჩხეიძე და წერეთელი (1919 წლის თებერვალის სულ უკანასკნელ რიცხვებში).

მათი სახელები ჯერ კიდევ ბევრს ახსოვდა (მე ვლაპარაკობ არა სოციალისტ ფრანგებზე) მათ მიერ რუსეთის რევოლიუციის პირველ დროს პეტროგრადში დაქერილ მდგომარეობის გამო. უმთავრესად ახსოვდათ რომ ისინი იყვნენ ბოლშევიკების წინააღმდეგი. საფრანგეთის მთავრობის თვალში არსებითად მხოლოდ ამიტომ იყვნენ ისინი კეთილსაიმედონი. რომ მათ მქიდრო კავშირი ჰქონდათ საქართველოს მთავრობასთან, რომელმაც „სახელი შეილახა გერმანელებთან და ოსმალოებთან“ ამის ანგარიშს ვერ აძლევდნენ თავის თავს, რადგან ჯერ კიდევ ჯაროვანათ არ იყვენ საქმეს გაცნობილი. ისინი იყვნენ 1917 წელს უანექსო ზავის მომხრენი და სხვა; ისინი მხარს უჭერდნენ სტოკჰოლმის კონფერენციის მოწვევას—ეს უფრო საექვო რამეთ ეჩვენებოდა საფრანგეთის ოფიციალურ აზროვნებას; მაგრამ ასეთ წვრილმან რამეს ეხლა სერიოზულათ არავინ უკვირდებოდა. გამამხნეველათ მოქმედებდა სწორეთ ბოლშევიკების მოწინააღმდეგე მებრძოლთა სახელი; დამამშვიდებლათ მოქმედებდა მათი სწორეთ თავდაქერილი მინიმალი სოციალისტების რეპუტაცია.

მეორეს მხრით, ეს ცნობილი სახელები, რომელნიც დაკავშირებული იყვნენ რუსეთის პარტიების პოლიტიკურ უთანხმოებასთან, აბნევედა უცხოელებს. მათ იცნობდნენ, როგორც რუსეთის მოღვაწეებს, რომელნიც გამოდიოდნენ რუსეთის რევოლიუციის უზარმაზარს, ყველასათვის თვალსაჩინო სცენაზე (რამდენი რეპუტაცია გამოჩნდა და გაჰქრა აქ!) და ადვილათ ვერ გაერკვიათ, თუ რათ გამოჩნდნენ ისინი ეხლა ქართველ მოღვაწეებათ. ზოგიერთ უცხოელს (ინგლისელებს, ფრანგებს), რომელიც ცდილობდა ჩაკვირებოდა საქართველოს პოლიტიკურ დამოუკიდებლობის კითხვას, შეიძლებოდა, იკვირკი შეპარვოდა ამ ლოზუნგის სიღინჯეში, როცა ხედავდა ასეთს უცარს გარდაქმნას; დანარჩენებს, რუსებს, საშვალეება ეძლეოდათ ეყვირათ ლალატსა და სკანდალზე. გაუგებრობა განსაკუთრებულათ ღრმავდებოდა იმითი რომ რუსეთის წრეები მათ მიაწერდნენ მეტად დიდ როლს საქართველოს სახელმწიფოს საქმეებში: ზოგიერთი პირდაპირ ამბობდა „ჩხეიძისა და წერეთლის მთავრობა თფილისში“

და გულისხმობდენ საქართველოს მთავრობას. სინამდვილეში კი, თუ დავასახელებთ, ბეკრათ უფრო საფუძვლიანი იქნებოდა გველაპარაკნა ჟორდანიას, რამიშვილის, გეგეჭკორის მთავრობაზე. მაგრამ თავი და თავი იყო, რა თქმა უნდა, თვით საქართველო, რომლის ბაირალის ქვეშ უნდა დამდგარიყვნენ მათი პირადი სურვილის წინააღმდეგ ეს მოღვაწეები.

როცა ევროპაში აგზავნიდნენ საქართველოს სოციალ-დემოკრატიის\*) ამ სახელოვან წარმომადგენლებს, საქართველოს მთავრობას, უეჭველია, წარმოდგენილი ჰქონდა (დეკემბერი 1918 წ.)—და იგი არ იყო ეროად-ერთი—პარიზის კონფერენცია, როგორც უძალდესი სამსჯავრო, რომელიც მოწვეულია დაამყაროს კეთილის მყოფელი და სამართლიანი მშვიდობა. არეოპაგში—ეუბნებოდენ თავის თავს—პირველ ჰიანურს დაუკრავს პრეზიდენტი 14 მუხლით, მასთან ერთად „ინტერნაციონალი“, „საერთაშორისო პროლეტარიატი“, შეკავშირებული პროლეტარიატის წარმომადგენლები და სხვა. და როცა „ჩვენი კარლოსი“ (ჩხეიძე)\* და „ჩვენი კაკი“ (წერეთელი) გამოვლენ ამ არეოპაგის წინ, ვინ გაუძლებს? ვის არ წამოუვა ცრემლები და არ ჩაეხვევა მათ? ვინ ეტყვის მათ უარს „საქართველოს დამოუკიდებლობის ცნობაზე“?

უსათუოდ, ასე ესმოდათ საქართველოს დემოკრატიის „ფართო ფენებში“ მათი არჩევანი. და ასეთი შეგნება, უეჭველია, მართალი იქნებოდა, რომ ბრიტანეთის იმპერიის ინტერესებს, მაგალითად, იცავდეს კონფერენციაზე კ. კაუცკი, და საფრანგეთს გერმანიასთან სამართლიანი ზავის შესაკრავათ მოეწვია შუამავლათ ბრანტინგი... და საქართველოს არსაიდან ემუქრებოდენ თავზე დასხმით. ერთის სიტყვით, მე მინდა ვსთქვა, რომ მიმდინარე ისტორიის ერთ-ერთ მამოძრავებელი მითით მოხიბლულმა საქართველოს რესპუბლიკის მთავრობამ გამოგზავნა პარიზში ჩხეიძე და წერეთელი.

ეხლა რამოდენიმე სიტყვა თითუელ მათგანზე.

ჩხეიძე უსათუოდ შეეა რუსეთის მარტის რევოლიუციის მოღვაწეთა „სურათების გალლერეიაში“. ისტორიული სკოლა, რომე-

---

\*) რომელიც გამოვიდა რუსეთის სოც.-დემოკრატიული პარტიის შემადგენლობიდან მხოლოდ საქართველოს დამოუკიდებლობის გამოცხადების შემდეგ.

\*) ჩხეიძეს საქართველოში უძახიან „კარლოს“, რაც მას ზელს არ უშლის ამასთანავე იწოდებოდეს ნიკოლოზ სიმონის ძეთ.

ლიც მომავალში ქებას შეასხამს ამ რევოლუციის განთიადს (და მხოლოდ განთიადს!), ყურადღებით შეჩერდება მუშათა და ჯარისკაცთა დეპუტატების საბჭოს პირველი თავმჯდომარის სურათოვან ფიგურაზე. სხვა სკოლები სხვაგვარად მოეპყრობიან მას. კონფეტების რომელიმე მექარხნე ჩხეიძეს უსათუოდ შეიტანს იმ პირთა სიაში, ვისიც სახე აღიბეჭდება (დანამდვილებით არ ვიცი, როდის) „მონპასიეს“ კოლოფებზე. ვინმე სპეციალისტი კი დაიწყებს მტკიცებას, რომ მთელი „გაუგებრობის“ მიზეზი მხოლოდ ის იყოვო, რომ ჩხეიძეს დიდი ხნიდან წარმოდგენილი ჰქონდა (შეცდომით) რევოლუცია დაახლოვებით ეგრე: ჯერ უზარმაზარი შენჯღრევა, რომელიც მალე შეიცვლება საერთო ნეტარებით. საწარმოვო ურთერთობა განვითარდება სწრაფად და თავისთავად; ინტერნაციონალი ყოველ დაბრკოლებას ადვილათ გადალახავს, რის შემდეგაც დიდსულოვანი პროლეტარი და დარცხვენილი ბურჟუა—და თვით შეიდი დესიატინის მესაკუთრე, \*) ყოფილი აზნაურიც კი—მიუჯდებიან სასმელითა და საკმელით სავსე სუფრას; კოკისპირულათ წამოვა ღვინო კახური—და იგი, ჩხეიძე, იქნება სხვებთან ერთად, მორიგი ტოლუმბაში და სხ.

ისტორიკოსი (კრიტიკული სკოლის) დაუმატებს, რომ ჩხეიძე იმ ქვეყნის შვილი იყო, სადაც არ არსებობდა მრეწველობა და ამიტომ განახორციელებდა, ასე ვთქვათ, „მევენახეთა სოციალიზმს“, რომელსაც არ შეუძლია გაიმსქვალოს ნამდვილი—პროლეტარული რევოლუციის სულით და მოკლებულია ქეშმარიტ—რუსულ რევოლუციის შეგნებას. ეს ისტორიკოსი ბოლოს დაუმატებს, რომ მუშათა და ჯარისკაცთა საბჭოს პირველი თავმჯდომარე, რომელიც საკმაო ხერხს იჩენდა, რომ მესამე და მეოთხე სახელმწიფო სათათბიროში შემძვრალიყო, თავისი კარიერის უმაღლეს საფეხურზე ბევრ რამეში იმეორებდა დროებითი მთავრობის თავმჯდომარის უმთავრეს თვისებებს (როგორც მას გვისურათებენ მცოდნე პირები) — ბოროტების წინააღმდეგ ბუდიურ უმოქმედობისა და ანგარიშ-დაბნეული კაცის გულკეთილობას.

წერეთლის ადგილი „რუსეთის რევოლუციის პანთეონში“ და თვით უმაღლესი დადასტურება სახელისა—მისი სურათის და-

---

\*) მიწისმფლობელობის ნორმა საქართველოში 1918-1921 წ.

წებება მონპასიეს კოლოფებზე \*)—უეპველად უზრუნველყოფილია. მაგრამ მის კარიერაში იყო რაღაც განსაკუთრებული: უეცარი „მოვლინება“ მეორე სახელმწიფო სათათბიროში—სტოლიპინთან მჭერმეტყველობაში შეჯიბრება; ათის წლით ციმბირში მიმალვა; ისეთივე უეცარი, მაგრამ ტრიუმფით დაბრუნება პეტროგრადში—მაშინვე რევოლიუციის „საკურულო სავარძელში“ ჩაბრძანება; სიფიცხესთან უნაყოფო მისწრაფება ერთდამთავრებულ დროს ომისკენ, ზავისკენ, სოციალური წინააღმდეგობისკენ და ყველა ეს ბურჟუაზიასთან კავშირში, მარქსის მეთოდით რევოლიუციის მეცნიერულად გატარების სახელით; დამფუძნებელ კრებაში უკანასკნელათ კასანდრასებრი თავის დაქერა სხვა რევოლიუციონერებისადმი, რომელნიც აგრეთვე მისდევდნენ მეცნიერებას და მარქსს. და შემდეგ უეცრათ, მცირე სიჩუმის შემდეგ: „ამიერ-კავკასიის დემოკრატია ნებას არ მისცემს ოსმალეთის იმპერიალიზმს“... და კიდევ ამის შემდეგ— „ს ტ რ ა ტ ე გ ი უ ლ ი საზღვრები საქართველოსა — ბორჩალოს მაზრაში“...

პირველად მას გავეცანი აქ, პარიზში. თუმცა 1917 წელს, პირველი დეპარტამენტის სენატორათ ყოფნის დროს, მე სამსახურის ვალდებულებით დავესწარი, როცა სენატის წინაშე აფიცებდნენ დროებითი მთავრობის (მეორე მოწვევის) ახლად არჩეულ მინისტრებს და მათ შორის წერეთელსაც (სხვები იყვნენ: პროკოპოვიჩი, პეშხონოვი, ჩერნოვი, სკობელევი).

სახე ტანჯული, ასკეტიური—პირდაპირ გრეკოს ტილოდან არის ჩამოსული; შესაფერი მოდელია წმინდა ფრანცისკოს სურათისათვის, როცა იგი ღებულობს სტილიმატებს ან და ვინმე წმინდა სებასტიანესთვის ბიზანტიური სტილით, როცა მას ხვდება ისრები; მაგრამ როცა კარგად ჩაუკვირდებით, თქვენ ამჩნევთ თვალებს, რომელნიც გამოიყურებიან სულ ქვეშ-ქვეშ, მგლურათ.

ეს მეტად სიმპატიური მოღვაწეები, აშკარაა, ეკუთვნოდნენ სახელმწიფო პირთა იმ სკოლას, რომელიც მეტათ არის გავრცელებული საქართველოში და მისი საზღვრების გარეშეთაც, და რომელიც სახეში ჰყავს ქართველ მწერალს, საბა სულხან ორბელიანს

---

\*) მაგონდება, რომ 1904 წელს გამოშვებული იყო ტკბილისკერი—„კუროპატკინი“, შოკოლადი „ლენევიჩი“ და სხვა!

თავისი „სიბრძნე-სიცრუის წიგნის“ ერთ-ერთ არაქში \*). ძალი და მამალი დაძმობილდენ და სთქვეს: „სოფელი ავაშენოთო“. „როგორ ავაშენოთო?“ — იკითხა ძალმა. მამალმა უპასუხა: „შენ იყეფებ, მე — ვიმღერებ, და სოფელი აშენდებაო“.

სამწუხაროთა და სავალალოთ, როცა წმინდა რუსეთზე, მრავალი წლის „მამლების ყივილის“ შემდეგ, რომელნიც გარიჟრაჟს წინასწარმეტყველებდენ, მართლაც ამოვიდა რევოლიუციის განთიადი, იგი ქვეყანას მოეფინა არა უცხო ფერადიან სინათლეთ, არამედ გაათორებულ, კბილებ-დაღესილ კუდიან დედაკაცათ, რომელსაც გასისხლიანებულ ხელში ეჭირა რკინით შემოქმედილი კვეჟო! და მაშინ განთიადის მახარობელ მოუსვენარ მამლებსა და ძალებს, სასიკვდილოთ განწირულ წეს-წყობილების დაცემას რომ გულის შემზარავი ღმუილით შეხედენ, შემდეგ კი გახარებული ყუფით მიესალმენ რევოლიუციის მზის ამოსვლას — ყველა მათ ერთი-ლა დარჩენოდათ: გზა დაეთმოთ პოლიტიკური სამხეცეთის უფრო მტაცებელ, უფრო შეგუებულ წარმომადგენლებისათვის!

აღსრულდეს დარვინისა და მარქსის ნათქვამი!

მაგრამ, ეყოფა ქების შესხმა რუსეთის რევოლიუციის ამ ორ დიდებულს, რომელთაც თავი იხსნეს იძულებით თავზე მოხვეულ საქართველოს სივიწროვისაგან და გამოვიდენ ევროპის ფართო სივრცეში.

„პრინციპოს კონფერენცია“ რომ შემდგარიყო... და ამ „რუსეთის რევოლიუციის ლიდერებს“ (ასე უძახდენ მათ პარიზის ქრონიკორები) მასში მონაწილეობა მიეღოთ, მათ შეეძლოთ ჩვეულებრივ საზოგადოებაში ფრთა გაეშალათ. მაგრამ პარიზში იმ პირობებში, რომელშიაც ნამდვილათ მიმდინარეობდა მუშაობა, მე ვერ ვხედავდი, არსებითად როგორ შეიძლებოდა მათი ნიქის პრაქტიკულად გამოყენება.

ჩხეიძე რომ დაიქერდა უპოქმედობის \*\*) და ბედის მორჩილების პოზიციას, ეს ადვილათ შეიძლებოდა წინდაწინვე გვეფიქრა.

\*) არის ინგლისური თარგმანი: აგრეთვე რუსულიც (Книга мудрости и жни Грузинския басни и сказки XVII-XVIII стол. Саввы-Судхана Орбелiani Пер. проф. Цагарели Спб. 1878.)

\*\*) ეს, რა თქმა უნდა, არ უშლიდა მას თავდადებულათ და გულმოდგინეთ ჩამოეარა ყველა დელეგაცია და მნიშვნელოვანი პიროვნება, თავ-თავის-დროზე ყოფილიყო საქართველოს დელეგაციის მრავალტანჯულ „თავმჯდომარეთ“ და სხვა.



წერეთლისაგან კი მოსალოდნელი იყო, რომ ევროპის სოციალისტური პარტიების ხელმძღვანელებთან პირად დაახლოვებაში მეტს აქტივობას გამოიჩინდა (რასაც, რა თქმა უნდა, ეჭნებოდა თავისი მნიშვნელობა). სამწუხაროთ, მას არსებითად არ ჰქონდა არაერთი ინტერესი კავკასიის კითხვებისადმი, და საკმაოდ ვერ შეეგნო მათი საერთო მნიშვნელობა.

ორივე ადვილათ იხვეჭდა თავისთვის და საქართველოსთვის ევროპის პოლიტიკის დემოკრატიული წრეების მტკიცე სიმპატიას, მაგრამ გადამტერებულ იმპერიათა შეტაკებების დროს საქართველოს ეროვნული დამოუკიდებლობისათვის ბრძოლა მათთვის იყო მოულოდნელი და უცხო ამოცანა; ამისათვის მათ არც ძალა შესწევდათ.

---

## თაგი მეოყდაორე

რ უ ს ე თ ი ს ა ჩ რ დ ი ლ ი .

58

„საქართველოს რესპუბლიკის დელეგაცია“, როგორც ჩამოყალიბებული დაწესებულება, პარიზში მუშაობდა 1919 წლის მარტიდან 1920 წლის დამლევამდე. იგი იყო უმთავრესი წარმომადგენელი საქართველოსა საზღვარ-გარეთ და, გარდა პოლიტიკური კითხვებისა, აწარმოებდა აგრეთვე ზოგიერთ ეკონომიური ხასიათის საქმეებსაც; ფაქტიურათ იგი ასრულებდა საკონსულო მოვალეობებს, საკმაოდ ბევრს მუშაობდა პროპაგანდისა და ინფორმაციის სფეროში—ერთის სიტყვით, იგი იყო ერთი იმ „ირრეგულიალურ“ ეროვნულ-პოლიტიკურ დაწესებულებათაგანი, რომელნიც მამბეზარ მაქრატელათ ეხვეოდენ კონფერენციის ხეს; ზოგი მათგანი იყო სრულიად უსიცოცხლო, ზოგი ნელ-ნელა დასქვნა, ზოგი კი გახდა პოლიტიკური წარმომადგენლობის კანონიერ დაწესებულებათ.

მე არ ვაპირებ, თუნდაც მოკლეთ, გადმოგცეთ საქართველოს დელეგაციის ისტორია პარიზში. მე შეეჩერდები მხოლოდ უფრო თვალსაჩინო მის ნაბიჯებზე, რომელიც გადადგმული იყო იმ დროის საერთაშორისო პოლიტიკის მერყეობასა და ცვალებადობასთან შეფარდებით.

1919—1920 წელს მთელი კავკასიის მდგომარეობა საერთაშორისო პოლიტიკაში, თუ სავსებით არა, უმთავრესად მაინც დამოკიდებული იყო რუსეთის კითხვისაგან \*), ე. ი. დამოკიდებული

---

\*) განა არ არის განსაცვიფრებელი, რომ რუსეთის ეროვნული კითხვა, რომელიც ვლადიმერ სოლოვიოვისათვის იყო კითხვა დირსეული არსებობის შესახებ, რევოლუციის შემდეგ გადაიქცა არსებობის ვითვებით? მაგ-ამ ეს არის დროებითი მოვლენა!

იყო იმისგან, თუ რა მდგომარეობაში იმყოფებოდა, რა შანსები ჰქონდა და როგორ შეიძლებოდა დამთავრებულიყო სამოქალაქო ომი რუსეთში და რა პოლიტიკას ადგა ამ კითხვაში დიდი სახელმწიფოები.

რაც შეეხება თვით საქართველოს, მისი შინაური სიმტკიცე თანდათან ხდებოდა ყველასათვის აშკარა. 1917 წლის მარტში დროებითმა პარლამენტმა ადგილი დაუთმო დამფუძნებელ კრებას. სამეურნეო კავშირი ევროპანთან იწყებდა განახლებას. მრავალრიცხოვან ნაკლულოვანებათა და შეცდომათა მიუხედავად, როგორც ეტყობოდა, საქართველოში შეიძლებოდა გვარიანათ ცხოვრება.

რადგან თვით სახელმწიფოში დამოუკიდებლობის რეჟიმი განმტკიცებული იყო, პარიზის დელეგაციის ფორმალურ ამოცანას შეადგენდა, აშკარაა, მოემზადებინა მისი საერთაშორისო ცნობა,

ფაქტიურათ (ყოველ შემთხვევაში იმათთვის მაინც, ვინც კრიტიკულათ გაითვალისწინა საქართველოს დამოუკიდებლობის მომავალი, მთლიანი საერთაშორისო პოლიტიკის პირობებში) კითხვა არ ამოიწურებოდა, მარტო ევროპის სახელმწიფოების მიერ საქართველოს დამოუკიდებლობის ფორმალური ცნობით, არამედ ეს დამოუკიდებლობა უნდა შეფარდებულ ყოფილიყო (როგორც 1918 წლის ზაფხულში!) საერთაშორისო პოლიტიკის მომქმედ ფაქტორებთან, და ასეთის შეთანხმებით უნდა უზრუნველგვეყყო და განგვემტკიცებია იგი დამოუკიდებლობა.

ამ მხრით ზოგი რამ კეთდებოდა, ზოგი რამ უკვე გაკეთდა არა. მარტო ლონდონში, არამედ პარიზშიაც. მუშაობის მეთოდები ხომ წინათაც ნაცადი და გამოყენებული გვექონდა ბერლინში.

პარიზის დელეგაცია 1919 წ. იძულებული იყო განეგრძოს მუშაობა, რომლის საფეხურები იყო: ბათომი-ფოთი-ბერლინი-ლონდონი. შემთხვევით არ მომხდარა, რომ დელეგაციის თავმჯდომარემ, რომელსაც კონსტანტინოპოლში გარს ეხვია თვალსაჩინო სპეციალისტები და ბევრი დრო ჰქონდა, არ მიაქცია ყურადღება და პარიზის კონფერენციისათვის არ დაამზადა, საქართველოს მოთხოვნილებებისა და შეკითხვების თუნდაც მოკლე შინაარსი. შემთხვევით არ მოუხდვიათ ჩემთვის ეს საქმე: ასეთის მოქმედებით სწორეთ რომ უზრუნველი ხდებოდა მუშაობისთვის საჭირო თანამიმდევრობა. \*)

\*1 მე ვიყავი დელეგაციის ერთადერთი წევრი, რომელმაც „გადავლახე“ ყველა ეს „საფეხური“. საქართველოს მოთხოვნილებათა შინაარს მე აქ უძახი ჩვენს უმთავრესს მეორანდუმს, რომელიც მიერთდა პარიზის კონფერენციას 14 მარტს 1919 წელს. იხ. გვ. 246.

მეორეს მხრით, საქართველოს სოციალ-დემოკრატიის გამოჩინებულ წარმომადგენლებს ჩხეიძესა და წერეთელს, რომელნიც ჩამოვიდნენ პარიზში, არ შეეძლოთ არ შეეტანათ მუშაობაში თავისი პირადი, უფრო კი პარტიული პანგები; ეს გამომედღენდა უფრო იმის გარეშე, რაც კეთდებოდა და უნდა გაკეთებულიყო პირდაპირი ჩვენი ამოცანისთვის—საქართველოს დამოუკიდებლობის დაცვისათვის. აუცილებელ შედეგათ ამას მოჰყვა წინააღმდეგობა წერილობით ან სიტყვიერათ დასავლეთის მთავრობებთან ოფიციალურათ განცხადებულსა და იმავე თემაზე სოციალისტურ ორგანიზაციების წრეებში ნათქვამს შორის. ამ წინააღმდეგობაში, შეიძლება დიდი უბედურება არ ყოფილიყო იმდენათ მიკროსკოპიული იყო იგი „ევროპიულის მასშტაბით“. მაგრამ ამ გაორებაში, რა თქმა უნდა, თავს იჩენდა ის ორგანიული სენი, რომელიც კარგს რამეს არ უმზადებდა საქართველოს.

ეს დაიწყო ჩვენი ახლად ჩამოსული „ჩემპიონების“ მუშაობის პირველ დღეებიდანვე. მოძრაობის დასაწყისის ბუნებრივ სიმკვირცხლით მათ თავიდანვე ოდნავ გადალახეს მათთვის გამზადებული კალაპორტი. განცხადებებში, რომელიც მათ მისცეს საფრანგეთის სოციალისტებს, და რომელიც გამოქვეყნებული იყო, ნათქვამია, მაგალითად, რომ საქართველოში პარლამენტი და დამფუძნებელი კრება იმყოფებიან მუშათა დეპუტატების საბჭოს კონტროლის ქვეშ, და რომ მთელი ძალა უკანასკნელს ეკუთვნის. გამოთქმული იყო აგრეთვე დებულება რომ საქართველო არის „სოციალისტური“ რესპუბლიკა, რომ იგი დაუბრუნდება რუსეთის წიაღს, თუ იქ გაიმარჯვებს მენშევიზმის (sic) დოქტრინა და თან უმატებდენ, „ჩვენ წინააღმდეგობას გაუწევთ რუსეთის საქმეებში უცხოეთის ჩარევას“ და სხვა. \*)

ყველა ეს აზრი, რა თქმა უნდა, მშვენიერია. კერძოთ, „საბჭოსა“ და „პარლამენტის“ შესაზავების იდეა, შესაძლებელია ზოგიერთ პირობებში გამომდგარიყო თავ-დაცვის ფერათ, მაგრამ სულ სხვა ადგილას; მაგრამ არა პარიზში კონფერენციის დროს და არა ოფიციალური დეპუტატების ბაგეზე. „ჩვენ წინააღმდეგობას გაუწევთ“ იძლეოდა სალი იუმორისთვის მასალას, მაგრამ იგი ეხებოდა რუსეთსა და ევროპის ურთიერთ-განწყობილებას, და რუსეთის სა-

---

\*) იხ. Le Journal du Peuple, 13 მარტი 1919 წ., La France Libre, 13 მარტი; შეადარე Petit Parisien, 8 მარტი, იგივე წელი.

მოქალაქო ომს—ხოლო თანახმად საქართველოს მთავრობის ოფიციალური დოკტრონისა, საქართველოს ამ საქმეებში უნდა დაეცვა ნეიტრალიტეტი.

ამ ეპიზოდს მოკლეთ შეეხებ უმთავრესად იმ მიზნით, რომ მეჩვენებინა, თუ თავიდანვე როგორ აიძულებდა საქართველოს მთავრობის პარტიული პოზიცია წარმომადგენლებს ისეთი გამოსვლები და მანევრები ეწარმოებიათ, რომელნიც ეწინააღმდეგებოდნენ არა მარტო მთავრობისა და საქართველოს ინტერესებს, არამედ მათსავე ოფიციალურ საქმიანობას. ჩვენ კიდევ შევხვდებით ამ გაორების მაგალითებს, რომელნიც არსებულ პირობებში სრულიადაც არ ნიშნავდნენ ერთი და იმავე მიზნისკენ სხვადასხვა გზით სიარულს, არამედ ორივე გზაზე ბადებდნენ გაუგებრობას და გვიმზადებდნენ სასოწარკვეთილებას.

1919 წელში ჩვენი მუშაობის უმთავრეს საგანს შეადგენდა, განყენებულათ რომ ვთქვათ, საქართველოს (და კავკასიის სხვა რესპუბლიკების) დამოუკიდებლობის დაცვა, რადგან დაწყებული იყო მთლიანი რუსეთის აღდგენა. ასეთის ბაირალით დაიწყო მოქმედება დენიკინმა, კოლჩაკმა და ყველამ, ვინც იბრძოდა მოსკოვის წინააღმდეგ; ამ მოძრაობას სხვადასხვა მისწრაფებით და სხვადასხვა გვარათ თანაუგრძნობდნენ ევროპის უმთავრესი კაბინეტები და ჩრდილო-ამერიკის შეერთებული შტატების მთავრობა. პრაქტიკულათ ჩვენ უნდა დავხმარებოდით ტფილისის მთავრობის ცდას, როგორმე თავი დაეღწიათ რუსეთის ჯარების შესაძლებელ „შემთხვევით“ შემოსევიდან.

## 59.

საბჭოთა მთავრობის ოფიციალური მოძღვრება, ეგრედ წოდებულ, განაპირა, უცხო ტომთა შესახებ, არსებითად შეიცავდა ხალხთა თავისუფალ თვითგამორკვევის (რუსეთიდან სრულს გამოყოფამდე) უფლებას; ამ დოკტრინას ერთგვარი მსგავსება აქვს სამხრეთისა და ჩრდილოეთის ომის დროის, სამხრეთის შტატების იდეოლოგიის კალგუნას ცნობილ მოძღვრებასთან, რომლის ძალით ამერიკის შტატებს თავისუფლად შეეძლოთ ფედერაციის შემადგენლობიდან გამოსვლა.

რუსის თეთრების შეხედულება გამოითქვა დეკლარაციაში, \*) რომლითაც რუსული პოლიტიკური კონფერენცია პარიზში გამოვიდა სწორედ პრინციპის პროექტის ხანაში, ე. ი. 1919 წლის იანვარში. აქ სავსებით ნათლად იყო გამოცხადებული, რომ ახალმა რუსეთმა ნება-ყოფლობით დაუბრუნა პოლონეთს იმის ტერიტორია, მაგრამ მორჩა და გათავდა! შემდეგში ვეღარ შეუთანხმდება სახელმწიფოებრივი მთლიანობის დარღვევას. იგივე საბუთი განმარტავდა, რომ „სახელმწიფოს ჩარჩოებში (ე. ი. მთლიანი რუსეთის სახელმწიფოს) ეროვნებათა პოლიტიკური მდგომარეობა განსაზღვრული იქნება მათი კულტურული დონითა და მათი ისტორიული ტრადიციებით“; აქ არ იყო ნაჩვენები, თუ ვინ იქნებოდა კულტურის ამწონ-დამწონი („მოსამართლე ვინლა იქნება?“) და რა ისტორიული ტრადიციებია ნაგულისხმევი (რაინდულ-გერმანელი წყობილება ბალტიის მხარეზე? გეტმანობა? საქართველოს სამეფო?). უეჭველი ხდებოდა მხოლოდ, რომ თვით ფინეთსაც კი არ სთვლიდნენ დამოუკიდებლად. დანარჩენი სახელმწიფოები, რომელიც ფაქტიურად დაარსდნენ ყოფილი იმპერიის საზღვრებში, არც იყო ნახსენები. ასეთი საბუთები უნებურათ უადვილებდნენ განაპირა ადგილებს საკუთარი სახელმწიფოებრივი არსებობისათვის ბრძოლას.

როგორი იყო ევროპის სახელმწიფოების განწყობილება ამ კითხვისადმი? ინგლისელებთან, ფრანგებთან მუსაიფში მუდამ წამოიჭრებოდა კითხვა ახლად აღმოცენებულ განაპირა სახელმწიფოთა რუსეთთან ფედერატიულათ შეერთების შესახებ, რაც იქნებოდა საშუალო გადაწყვეტილება სრული ჩამოშორებისა და მთლიანი, ე. ი. ერთი სრულიად რუსეთის სახელმწიფოს შორის.

აქ იყო რამდენიმე მიმართულება. ახალი რესპუბლიკები, თავისი არსებობის ფაქტით, თანდათან ხდებოდნენ ერთგვარი მნიშვნელობის წევრათ, მათ შეეძლოთ ცოტაოდენი თანაგრძნობისა და დახმარების იმედი ჰქონოდათ; იკვრებოდა და შეიძლებოდა შეკრულიყო თვალსაჩინო ახალი ეკონომიური კავშირიც ამა თუ იმ დიდ სახელმწიფოსთან, და ამით შესაძლებელი ხდებოდა პოლიტიკური ყურადღების მიქცევაც.

---

\*) სახელი „თეთრი“ სიმოკლისთვის არის ნაჩმარი. დეკლარაციის ტექსტი იხ. Temps, 30,1. 1919.

ყოველ ამ მოსაზრების შესახებ არსებობდა იქვე და საწინა-  
აღმდეგო საბუთი; ევროპისათვის ძლიერი რუსეთის\*) მნიშვნელობა,  
თუნდაც საერთო ქაოსის დასამშვიდებლათ, იქვს გარეუ იდგა; მის-  
დამი სასიკეთოთ განწყობილი ტრადიცია მეტათ სიციცხლის უნა-  
რიანი გამოდგა; სახელმწიფოთა წრეში მის დაბრუნებას, მართლაც,  
ელოდენ—და მაშასადამე ამ მხრით მიიწვედა ყველა. ამიტომ ეგო-  
ნათ, რომ „ფედერაციის“ ფორმულა ყველას შეარიგებს.

ყველა ამ კითხვამ მწვავე მნიშვნელობა მიიღო იმ დროიდან,  
როცა აღმირალ კოლჩაკის და შემდეგ გენერალ დენიკინის სამხედ-  
რო წარმატებამ ბევრს საშვალება მისცა ეწინასწარმეტყველებინა  
საბჭოთა ძალა უფლების დაცემა და ახალი მთავრობით მისი შეცლა.

ამ დროს ახალ რესპუბლიკებს (ბალტიისა და ამიერ-კავკასიისას)  
საკმაოთ კარგათ იცნობდენ სახელმწიფოები. პარიზის კონფერენ-  
ციამ ნამდვილათ იცოდა, თუ რა სურდა და რისი იმედი ჰქონ-  
დათ მათ. რუსეთზე უფრო ადრე და უფრო კარგათ ამ რესპუბლი-  
კებში მოხერხდა ხალხურ წარმომადგენლობაზე აშენებული სახელ-  
მწიფოებრივი წეს-რიგის მოწყობა. ევროპის სახელმწიფოთა აგენ-  
ტებს ადგილობრივ შეეძლოთ თვალით ენახათ, შეედარებიათ, შეე-  
ფარდებიათ და დარწმუნებულიყვნენ.

ამ ახალი და ნამდვილი ხალხური რესპუბლიკების უგარან-  
ტიოთ, ვალდებულებათა მიუღებლათ, როგორც სამარადისო ქონე-  
ბის, „გადაცემა“ აღდგენის პროცესში მყოფ რუსეთის მთავრობი-  
სათვის,—ისეთი ზომა იქნებოდა, რომელიც უეჭველათ გამოიწვევდა  
დრტვინვასა და უკმაყოფილებას.

## 60.

არ დავიწყებ მსჯელობას, სამხედრო თვალსაზრისით, ვინ უფ-  
რო ახლოს იყო მიზანთან და ვინ მოქმედებდა მეტის პოლიტიკუ-  
რის გონიერებით, კოლჩაკი (1919 წ. გაზაფხულზე), თუ დენიკინი  
(იმავე წლის შემოდგომაზე)—ამ მეთაურების პირად სახელებს ვხმა-  
რობ, რა თქმა უნდა, მთელი კრებულის აღსანიშნავათ: პარიზის

---

\*) აზრი, რომ „ძლიერი რუსეთი“ შესაძლებელია საბჭოთა მოსკოვიდანაც  
აშენდეს, მნიშვნელობას დებულობს ერთის წლის შემდეგ, ე. ი. 1920 წელს.

კონფერენციის ხანაში „რუსეთის კითხვის“ განვითარების უმაღლესი წერტილი და რუსეთის საქმეებში სახელმწიფოთა კოლექტიური პოლიტიკის უმთავრესი მაჩვენებელი იყო — გამოთქმა იმ პირობებისა, რომელთა საფუძველზე თანხმდებოდნენ სახელმწიფოები (ბრიტანეთის იმპერია, ჩრდილო-ამერიკის შეერთებული შტატები, საფრანგეთი, იაპონია, იტალია) ეცნოთ, ეგრედ წოდებული, აღმირალ კოლჩაკის მთავრობა. \*)

1919 წ. მაისის დამლევს უმაღლესი საბჭოს მიერ დამუშავებული იგი პირობები, სხვათა შორის, წინათვე აღნიშნავდნენ (მუხ. 5), რომ რუსეთსა და მის განაპირა ადგილებზე ახლად აღმოცენებულ სახელმწიფოებრივ ორგანიზმთა შორის „ურთიერთი განწყობილება განსაზღვრული იქნება“ ხელშეკრულებათა წესით, ჯერ დიდი სახელმწიფოების და შემდეგ ერთა ლიგის დახმარებით.

თუმცა ამ საგნის შესახები ტექსტები და განცხადებები \*\*) ბუნდოვანი იყო, მაგრამ ჩემის აზრით, ახალგაზდა, განაპირა მთავრობებისათვის ეს იყო დიდი წარმატება და ნაბიჯის წინ გადაგმა: განაპირების კითხვა რუსეთის შინაური პოლიტიკისა და ნებისყოფის სფეროდან — საუკეთესო შემთხვევაში „რუსეთის სახელმწიფოს ხალხის“ ნებისა და პოლიტიკის სფეროდან — ხდებოდა საერთაშორისო კითხვათ. დიდი სახელმწიფოები ხელს უწყობდნენ რუსეთის აღდგენას და თან ესმოდათ, რომ რუსეთის აღდგენის მეთაურთა სახელმწიფოებრივი განვითარება ვერ უზრუნველყოფს სიბრძნეს, სამართლიანობასა და მშვიდობის მოყვარეობას განაპირა ქვეყნების ამოცანის გადაწყვეტაში, და ურყევი შედეგების მისაღწევათ, სრულიად ახალ გზაზე დააყენეს მთელი საქმე.

სწორეთ ამ დროს ბრიტანეთის დელეგაციის ერთ-ერთმა ექსპერტმა მითხრა: „მე მგონია, საქართველო და სხვა ქვეყნები, რომელნიც ასეთსავე მდგომარეობაში არიან, კმაყოფილი იქნებიან ჩვენ მიერ დადებულ პირობებით.“ შევნიშნავ, რომ ეს სრულის აუცილებლობით არ იყო გამოთქმული მოკავშირეთა ზემომოყვანილ ნო-

---

\*) ამას წინ უძღოდა ენერგიული „მხედრული“ დამზადება ნიადაგისა გეროპის პრესაში Times-ის მეთაურობით.

\*\*) დიდი სახელმწიფოების „განაპირა“ პოლიტიკის კითხვის შესახებ 1919 წელში სასარგებლო ცნობები აქვს Gaston Gaillard-ს. *Le Mouvement Panrusse et les Alloènes*. P. 1919. იქვე აღნიშნულია განაპირა ქვეყნების დელეგაციების სხვადასხვა ზოგადი მოქმედება.



ტის ტექსტში, მაგრამ მხედველობაში სწორეთ რომ ჰქონდათ საერთაშორისო გარანტიით ახალი რესპუბლიკების სახელმწიფოებრივი ავტონომიის დამტკიცება. ასეთი იყო ინგლისელების განმარტება. ასეთივე შეხედულება ჰქონდათ ამერიკელებს. მთელი ამ კითხვის დაყენება ხომ, არსებითად, ეკუთვნოდა ინგლისსა და ამერიკას.

ამერიკის დელეგაციაში დამიდასტურეს, რომ კოლჩაკისადმი ნოტაში სახელმწიფოები შეჩერდნენ განაპირა ქვეყნების არა სრულ დამოუკიდებლობაზე, არამედ ავტონომიაზე, ხოლო ურთიერთობა ავტონომიებსა და რუსეთს შორის იქნება საერთაშორისო კონტროლის ქვეშ. ნათქვამს, თითქოს დასამშვიდებლად, უმატებდნენ: „შეუძლებელია უარისყოფა, რომ ამ გადაწყვეტილებას აკლია თანამიმდევნობა და იგი პრინციპიალურათ საეკვოა, მაგრამ რა ვქნათ! სახელმწიფოებმა ვერ გადასწყვიტეს რუსეთის დანაწილება“.

ამაზე წინეთ ჩვენ ვცდილობდით (ამათ), რომ კონფერენციასთან დაეარსებიათ „კავკასიის საქმეებისათვის“, ბალტიის მაგალისამებრ \*), განსაკუთრებული კომისია. კოლჩაკის ხანამ ამ საქმეს ხელი შეუშალა — ყოველ შემთხვევაში, ასე მარწმუნებდნენ ამერიკის დელეგაციაში.

„ამ გვარათ, გადაწყვეტილია, რუსეთს უკანვე „მიეცეს განაპირები“ — შეეკითხე ერთხელ ამერიკის ექსპერტს (რუსეთისა და პოლონეთის საქმეებში,) პროფესორ ლორდს. „თქვენ რატომ-ღა ფიქრობთ, რომ რუსეთის თვითნებობაზე იქნებით მიტოვებული? არა, თქვენ მარტო არ დატოვებენ: სახელმწიფოები და ერთა ლიგა მოაწესრიგებს თქვენსა და მის შორის ურთიერთ განწყობილებას“.

სიხანს, ასეთი იყო ჩვენი კითხვისთვის ყველაზე უფრო მნიშვნელოვან დელეგაციების ნამდვილი შეხედულება. ეს შეხედულება ბუნებრივათ იწვევდა მსჯელობას იმის შესახებ, თუ როგორ მოქცეულიყვნენ მომავალში, გაერთიანებულსა და გაძლიერებულს

---

\*) უკვე აქ გამოირკვა მთელი უპირატესობა, რომელსაც ანიჭებდა ბალტიის რესპუბლიკებს გერმანიასთან მეზობლობა. კონფერენციას არ შეეძლო მათი კითხვები არ განეხილა, რადგან გერმანიასთან ზავის დადება შეადგენდა კონფერენციის უმთავრეს საქმეს. გეოგრაფიული (და მაშასადამე პოლიტიკური) მდგომარეობა საქართველოსა კი სხვაგვარი იყო.

რუსეთს... რომ წინააღმდეგობა გაეწია გამონახულ გადაწყვეტილებებისათვის.

აქვე დაუმატებ, რომ კოლჩაკის ხანამ დროებით შეაფერხა სომხეთზე (და კავკასიაზე) ამერიკის მიერ მანდატის მიღების კითხვაც.

---

განაპირა ქვეყნების მთავრობები უარყოფით შეხედენ ზემომოყვანილ გეგმას, რომელიც საერთოდ რალაც ჩანასახს წარმოადგენდა.

საქართველოს დელეგაციამ, ისე როგორც სხვებმა, ჯერ კიდევ 1919 წლის მარტში წარუდგინა კონფერენციას მემორანდუმი, რომელშიაც ფორმალურად იყო დასაბუთებული შუამდგომლობა საქართველოს დამოუკიდებლობის ცნობის შესახებ და აღნიშნული იყო, თუ რა ტერიტორიას მოითხოვდა იგი და სხვა. მემორანდუმს ხელს აწერდა საქართველოს დამფუძნებელი კრების თავმჯდომარე, რომელიც იმავე დროს იყო პარიზის დელეგაციის თავმჯდომარეც. დამფუძნებელი კრება ზემოთგაიხსნა ტფილისში 12 მარტს და პირველი თავისი აქტით ერთხმად დაამტკიცა საქართველოს დამოუკიდებლობის 1918 წლის 26 მაისის დეკლარაცია. ყველგან, მთელს საქართველოში დიდის აღტაცებით გადაიხადეს დამოუკიდებლობის პირველი წლის თავი, 26 მაისი; დამოუკიდებლობის შანსები, როგორც სჩანდა, დღითიდღე მრავლდებოდა და არა სუსტდებოდა. ამიტომ არ არის საკვირველი, რომ საქართველოს დელეგაციამ, როცა კონფერენციას აცნობა დამფუძნებელი კრების ზემოაღნიშნული აქტი, 1919 წლის 26 მაისის ნოტაში განაცხადა, რომ „თუ რუსეთის კითხვა გადაწყდება, საქართველოს რესპუბლიკის უფლებრივ არსებობას უნდა მიეკცეს სათანადო ყურადღება“, და რომ „თუ სახელმწიფოები რომელიმე მთავრობას მძიანიკებენ რუსეთის წარმომადგენლის უფლებას, საქართველო ფორმალურად და განსაზღვრულის წესით უნდა იქნეს გამორიცხული ამ მომავალი რუსეთის სახელმწიფოს ტერიტორიიდან“.

როცა გამოქვეყნდა საბუთები დიდი სახელმწიფოების მიერ აღმირალ კოლჩაკის მთავრობის ცნობის კითხვის შესახებ, „ახლად აღმოცენებული“ სახელმწიფოების წარმომადგენლებმა შეიტანეს კოლლექტიური განცხადება თავიანთი დამოუკიდებლობის დასაცა-

ვად. ეს 17 ივნისის 1919 წლის დეკლარაცია, რომელსაც ხელს აწერდენ თოფჩიბაშევი (აზერბაიჯანი), პოსკა (ესტონეთი), ჩხეიძე (საქართველო), მეჭიეროვიცი (ლატვია), ჩერმოვეი (მთიულთა რესპუბლიკა), დე-ლუტკევიჩი (ბელორუსია) და სიდორენკო (უკრაინა), უარყოფდა საერთო რუსეთის მთავრობის ავტორიტეტს ჩამოთვლილ რესპუბლიკების მიმართ და მოითხოვდა კონფერენციიდან მათი დამოუკიდებლობის ცნობას.

დასასრულ, კავკასიის რესპუბლიკების წარმომადგენლებმა აზერბაიჯანის, საქართველოს და მთიულთა რესპუბლიკების სახელით (სომხეთი ამ გამოსვლებში მონაწილეობას არ იღებდა) კონფერენციას მიმართეს 20 ივნისს ცალკე დეკლარაციით, სადაც აღნიშნავდნენ, რომ ისინი მხედველობაში ღებულობენ დიდი სახელმწიფოების მიერ „განაპირა“ კითხვის გადასაწყვეტათ გამოქვეყნებულ წეს-რიგს და თან ადასტურებდნენ, რომ ისინი მტკიცედ სდგანან დამოუკიდებლობის და რუსეთისაგან სრულ ჩამოშორების ერთხელვე დაჭერილ პოზიციიზე.

მაგრამ შედეგათ იმ უბედურებისა, რომელიც წილად ხვდა თეთრების მოძრაობას ჯერ კოლჩაკის და მერმე დენიკინის წინამძღოლობით, 1919 წლის გაზაფხულის დამლევეს ჩასახული პროგრამა, პროგრამა რუსეთისა და განაპირების კითხვის გადასაჭრელად, პროგრამა, ესოდენ მნიშვნელოვანი ახალი ევროპის არხიტექტონური „ანსაბლის“ გამოსარკვევათ, დარჩა განუხორციელებელი.

---

## თავი მეოცდასამე

### საქართველო და მოხალისეთა ლაშქარი.

61

რა რიგ საინტერესოც არ იყო პარიზის კონფერენციის აკადემიურ. მწვერვალებიდან მომავალი შესაძლებლობების გაქვრეტა, მთელი 1919 წლის განმავლობაში ჩვენ მაინც გვქონდა სავსებით პრაქტიკული მწვავე საგონებელი—როგორ გადაგვერჩინა საქართველო და ამიერ-კავკასია მოხალისეთა ჯარების თავდასხმიდან?

იმ ხანაში, რომელიც დაკავშირებული იყო დენიკინის სახელთან, ეს ლაშქარი სამართლიანად ითვლებოდა ერთ-ერთ უმთავრეს (1919 წლის შემოდგომაზე იგი უმთავრესი იარაღი იყო) ძალათა ახალი მოსკოვის (საბჭოთა) სახელმწიფოსთან ბრძოლაში. ეს არმია მრავალ მხრივ დამოკიდებული იყო მოკავშირეებისაგან, რომელნიც აწვდიდნენ მას ყოველგვარ დოვლათს. სახელმწიფოებთან ამ კავშირის გამო თითქოს შესაძლებელი იყო დამყარებულიყო ერთგვარი *modus vivendi* „თეთრებსა“ და ამიერ-კავკასიის რესპუბლიკათა შორის, მით უმეტეს, რომ „თეთრები“ მიისწრაფოდნენ ჩრდილოეთისკენ, რესპუბლიკებს კი ჰფარავდა კავკასიის მთავრეხილი, და ინგლისი, მოხალისეთა მეცენატი, იყო იმავე დროს რესპუბლიკათა ზედამხედველი, რომელსაც 1919 წლის პირველ ნახევარში ბაქოსა, ტფილისსა და ბათომში ჰყავდა თავისი ჯარის რაზმები. მაგრამ განსაზღვრული *modus vivendi* არას დროს არ დამყარებულა; მოხალისეთა ლაშქარი, თითქოს ემორჩილებოდა თავისი არსებობის და დანიშნულების შინაგან კანონს—სტიქიურად მიისწრაფოდა, რომ (პირდაპირი თავისი მიზნისათვის სრულიად უსარგებლოთ) როგორმე „მოკლე დარტყმით“ ძირს დაეცა საქართველო და აზერბა-

ჯანი, რომელთა დამოუკიდებლობას იგი, რა თქმა უნდა, არა სცნობდა \*).

ნე, რა თქმა უნდა, არ ვაპირებ მოვიყვანო თვით უმთავრესი ფაქტები ამ დახლართული, გაგრძელებული და მრავალმხრივ უაზრო ჩხუბის ისტორიიდან. მხოლოდ ვიტყვი, რომ მოხალისეებს გაუწიეს საკმაო ენერგიული წინააღმდეგობა. და გაფაციცებულმა ყურადღებამ, რომლითაც პარიზის კონფერენცია, პრესა და ევროპის საზოგადოებრივი აზრი შეხვდა ამ კონფლიქტს, რა თქმა უნდა, არ გააღრმავა რუსეთის გამაერთიანებლებისადმი სიმპატა. მაგრამ ეხლა, მგონი, ყველამ შეიცნო გენერალ დენიკინის შეცდომები საერთოდ კავკასიის პოლიტიკაში.

მაგრამ, თუ მოხალისეთა ლაშქარს ემჩნეოდა სურვილი უცრად დაეჭირა საქართველო და აზერბაიჯანი იმ ანგარიშით, რომ ევროპა ქედს მოიხრის მომხდარი ფაქტის წინაშე, საქართველოს მთავრობასაც მოსდიოდა შეცდომები, რომელთა თავიდან აცდენა არ იყო ძნელი.

აქ მე მხედველობაში მაქვს განსაკუთრებით სოკის ოლქში შექრა და ტუაფსეს დაკავება (1918 წლის ზაფხული). რათ შევბოდენ ამას? რომ „მოეგოთ“ ზედმეტი ტერრიტორია? ამ გზას აუცილებელი მოჰყვებოდა დავა არა მარტო მოხალისეთა ლაშქართან და საერთოდ მის მოიმიდე რუსულ ჯგუფებთან, არამედ ყუბანის ავტონომისტებთან, რომელთა მეგობრობა ქართველებისათვის განსაკუთრებულად ძვირფასი იყო და მთიულეტან, რომელთაც აგრეთვე ჰქონდათ (სხვა კითხვაა, თუ რა შანსებით!) პრეტენზიები ამ მიწა-წყალზე. ერთის სიტყვით, არა თუ ტუაფსეში, სოქაშიდაც ქართველებს არაფერი ჰქონდათ გასაკეთებელი. ადგილობრივი სხვადასხვა ორგანიზაციების რეზოლიუციები „საქართველოსთან ღრობით შეერთების“ შესახებ ამ მხრივ მდგომარეობას არ სცვლიდა. კითხვა

---

\*) 25 სექტემბერს, 1918 წელს საქართველოს რესპუბლიკის, ყუბანის მთავრობის და მოხალისეთა ლაშქრის წარმომადგენლების თათბირზე გენერალმა ალექსეევმა გადაჭრით განაცხადა: „მე საკითხთ ვთვლი განაცხადო, რომ მოხალისეთა ლაშქარს არაფერი აქვს საქართველოს დამოუკიდებლობის საწინააღმდეგო და მას სავსებით სცნობს; დეე იტოდეს საქართველომ, რომ ამ მხრით იგი სავსებით უზრუნველყოფილია“. „Документы и материалы“ გვ. 391. ეს ანდერძი შემდეგში ღრმა დავიწყებას მიეცა.

რჩებოდა წმინდა პოლიტიკური: სოკის ოლქის შემოერთება საქართველოს უმატებდა კიდევ ერთ შეხლა-შემოხლის სიპრტყეს და ასეთი სიპრტყეებით კი, საქართველო ისედაც საკმაოდ მდიდარი იყო \*).

როცა თავხედობით მოექცენ ისეთს ადგილს, სადაც არ უნდა ყოფილიყვნენ (ნ. რამიშვილის პრემიერობის დროს), შესაძლებელია, იფიქრეს, რომ დეოკრატული რესპუბლიკის სახელისთვის უკვე უხერხულია სოკის დატოვება. 1918 წლის სექტემბრის დამლევს ამ უსიამოვნო საქმის მოხალისეთა ლაშქართან (გენერალი ალექსეევის სიცოცხლეში) და ყუბანის მთავრობასთან (თავმჯდომარე—ბიჩი) მოსაწყისრიგებლად საქართველოდან ეკატერინოდარში გაემგზავრა ე. გეგეკორი გენერალი მაზნიაშვილის თანხლებით: ისინი იძულებული შეიქნენ დაეცვათ სრულიად უსამართლო საქმე („სოკი დროებით უნდა დარჩეს საქართველოს ხელში“ \*).

მაშინ კითხვა გადუქრელი დარჩა. უფრო გვიან, ინგლისელების დროს, საქმე შეტაკებამდის მივიდა. სხვადასხვა ხლადფორთის მერმე საქართველომ სოკის ოლქში დაიკავა საზღვარი მდინარე მეხადირის პირათ, ე. ი. შეინარჩუნა გაგრის ოლქის მფლობელობა. გენერალი დენიკინი კი მოითხოვდა ამ ოლქის ქართველების მიერ დაკლას (მხოლოდ 1905 წელს იგი სოხუმის ოლქს ჩამოაშორეს და ყუბანის ოლქს შეუერთეს) ე. ი. აფხაზეთის იმ ნაკვეთის დაკლას, რომელიც ეხლა საქართველოს ეკირა. ინგლისის მთავრობამ გაიყვანა დემარკაციული (გამყოფი) ხაზი, რომელსაც არ უნდა გადასცილებოდა გენერალ დენიკინის ჯარი და მოითხოვდა (11 ივნისი, 1919 წ.), რომ ქართველებს დაეხიათ მდინარე ბზიბის იქეთა ნაპირზე. „ამ პირობის შეუსრულებლობა—სწერდა ამის გამო გენერა-

---

\*) ზოგიერთი აღნიშნავდა, რომ სოკის ოლქი საჭირო იყო ქართველობის გადასახლებლად. ასეთი მისწრაფება იქითკენ მართლაც ემჩნევა. მაგრამ ვიმეორებ; საქართველოს მაშინდელ მდგომარეობაში საჭირო იყო ასეთი გართულების თავიდან მოშორება, რომელიც არ იყო აუცილებლობით გამოწვეული.

\*\*) მრავალმხრივ ძლიერ საყურადღებო ანგარიშები ამ და სხვა კითხვების შესახებ თათბირისა, რომელიც მოხდა 25 და 26 სექტემბერს 1918 წ., იხილ. „Документы и материалы“. აღნიშნავთ აქვე, რომ ვ. შულგინი ერთ-ერთ სხდომაზე უსაყვედურებდა გეგეკორს, მესამე სახელმწიფო სათათბიროში წარმოებულ ოპოზიციონურ მუშაობისათვის და ივიწყებდა, რომ ნიკოლოზ მეორე ტახტიდან ჩამოაგდო არა გეგეკორმა, არამედ მან, შულგინმა.

ლი კორი საქართველოს მთავრობას—გამოიწვევს საქართველოსადმი დიდი ბრიტანეთის კეთილ განწყობილების შეწყვეტას, და აიძულებს მათი იმპერატორებით უდიდებულესობის მთავრობას, უარი განაცხადოს გენერალ დენიკინის ხელის შეშლაზე, თუ იგი აღნიშნული ხაზის სამხრეთით წაიწვეს“. ამ მოწოდებაზე საქართველოს მთავრობამ უპასუხა, გაგრის ოლქის დროებითი ნეიტრალიზაციის გეგმით: მეხადირზე და ბზიბზე (ეს იყო სადავო სივრცე) უნდა დამდგარიყვნენ მოკავშირეთა გუშაგები, სანამ საზღვრების კითხვას არ გადასწყვეტდა კონფერენცია (ისევ „კონფერენცია“!).

საქართველოს დაცვისათვის უფრო ხელსაყრელი საზღვრის დაქერას ამართლებდა უცილობელი საშიშროება, რომელსაც ამ დროს წარმოადგენდა მთელი ამიერ-კავკასიისათვის მოხალისეთა ლაშქარი: სწორედ იმ ხანათ მოხალისეებმა დაიპირეს პეტროვსკი და დერბენდი, გათელეს მთიულთა რესპუბლიკა ჩრდილო კავკასიაში და დაიწყეს აზერბაიჯანის ტერიტორიის დაკავება. და თვით ის სივრცე, რომელიც ამ მიზნით უნდოდათ ქართველებს დაეპირათ, არ აღემატებოდა საქართველოს ტერიტორიალურ, გონიერ მოთხოვნილებას.

სადემარკაციო ხაზის გავლებით ბრიტანიის სარდლობა სცდილობდა დასასრული მიეცა მოხალისეების ამიერ-კავკასიაში შეკრისათვის და მათი სურვილისათვის გვერდებიდან შემოფარათ ბუნებრივი საზღვრი—კავკასიის მთაგრეხილი. თუმცა მოკავშირეთა სამხედრო ხელისუფლებას დიდი მნიშვნელობა და განმავლობა ჰქონდა, მაგრამ თვით საქართველომ და აზერბაიჯანმაც მიიღეს, როგორც სჩანს, თავისი თავდაცვისათვის საკუთარი ზომები. კერძოდ, მათ შეჰქრეს სამხედრო—თავდაცვითი კავშირი (16 ივნისი, 1919 წ.).

მოსალოდნელმა საშიშროებამ არაჩვეულებრივი აღელვება გამოიწვია მთელს საქართველოში: იგი თავს იჩენდა მეტად თავდაუქერლად პრესაში, პარლამენტში წარმომთქმულ სიტყვებში, რეზოლუციებში და სხვა.

ყველა ეს ფაქტი მე გავიხსენე იმის აღსანიშნავად, რომ საქართველოს დელეგაცია მიჰყვებოდა მთელი ხალხის მაჯისცემას და აკეთებდა, რაც კი რამ შეეძლო, რათა დაერწმუნებია ევროპის მთავრობები, უფრო სისწორით რომ ვთქვათ, უმადლესი საბჭო, რომ საჭიროა შეზღუდული იქმნეს მოხალისეთა მისწრაფება ამიერ-კავკასიის საზღვრებისაკენ.

კავკასიის სამი რესპუბლიკის 20 ივნისის 1919 წლის კოლექტიურ განცხადებაში (იგი მოხსენებული გვექონდა სხვა მიზეზით იხ. გვ. 247) განსაკუთრებულად არის ნათქვამი (მუხ. მე-6) იმ დაბრკოლებებზე, რომელსაც აყენებს სამხედრო ზაკრობა და მუქარა გენერალ დენიკინის ლაშქრისა ამ რესპუბლიკათა შინაური საქმეების მოწესრიგებასა და ცხოვრების ნორმალურ პირობების დაბრუნებას.

როცა საქართველოს, აზერბაიჯანისა და მთიულთა რესპუბლიკების დელეგაციები პროტესტს უდგენდენ უმაღლეს საბჭოს მოხალისეთა აგრესიულ მოქმედებისა და მუქარის შესახებ, ისინი თხოულობდენ, „ბრძანება მიეცეს მოხალისეთა ლაშქარს, რომელსაც ინახავენ და ამხნევენ მოკავშირეები არა კავკასიის ხალხებთან საბრძოლველად, დასცალონ წართმეული ტერიტორიები და პატივით მოეპყრან კავკასიის რესპუბლიკების უფლებებს“.

ამავე მიზნით, უშვალთ გადადგმულ ნაბიჯებიდან აქ მოვიხსენიებ მხოლოდ ამერიკის დელეგაციაში პრეზიდენტ ვილსონის ცნობილი მრჩევის პოლკოვნიკ ხაუზის (House) ნახვას, რომელიც სწორედ ამ შუამდგომლობას (შეეჩერებიათ მოხალისეები) სრულის თანაგრძნობით შეხვდა.

## 62

დემარკაციული ხაზი, რომლის გადატეხა ეკრძალებოდა გენერალ დენიკინს მოკავშირეთა სარდლობის მიერ, იყო ყველაზე უფრო ხელშესახები ნიშანი, რომ ამ დროს კავკასიაში არსებობდა უმაღლესი საბჭოს სამხედრო-პოლიტიკური კონტროლი.

როგორც წინათაც იყო მოხსენებული, საქართველოს მთავრობამ მდინარე ბზიბის უკან არ დაახვეინა თავის ჯარს, როგორც ეს უნდა მომხდარიყო ინგლისის, ე. ი. მოკავშირეთა სიტყვა-სიტყვით გაგებულ წინადადების თანახმად. მაგრამ არსებითად ეს იყო მცირე შელახვა გენერალ კორის მიერ ნაჩვენებ სადემარკაციო ხაზისა. რაც შეეხება მოხალისეებს, ისინი იდგენ დერბენტში, ე. ი. ბეკრად უფრო სამხრეთით, ვიდრე დემარკაციული ხაზი იყო გავლებული, რომელიც ებჯინებოდა კასპიის ზღვას პეტროვსკიდან 5 კილომეტრის დაშორებით. 1919 წლის ივლისის დამდეგს გენერალმა დენიკინმა აცნობა აზერბაიჯანის მთავრობას, რომ, თუ უკანასკნელი არ დაიწ-



ყებს მის წინააღმდეგ საომარ მოქმედებას, მოხალისეთა ჯარები არ გადავლენ დაღესტნის საზღვრებს, ე. ი. მდინარე სამურს; მიუხედავად ინგლისის სარდლობასთან აზერბაიჯანის იენისის სადერმაკაციო ხაზის დარღვევის შესახებ მიწერ-მოწერისა, ახალი ხაზი—სამურზე ფორმალურათ იქმნა შემდეგ ცნობილი.

იმავე დროს, ე. ი. როცა გენერალი დენიკინი ატყობინებდა აზერბაიჯანის მთავრობას, რომ კასპიის სანაპიროებზე არ გადალახავს მდინარე სამურს, იგი აცხადებდა, რომ აზერბაიჯანს სთვლის რუსეთის ნაწილათ, მაგრამ მის დამოუკიდებლობას სცნობს მანამდის, სანამ ამ კითხვას არ განიხილავს... სრულიად რუსეთის დამფუძნებელი კრება \*). რა თქმა უნდა, დენიკინის აზრი არ ეთანხმებოდა უმაღლესი საბჭოს განზრახვებს, როგორც ისინი გამოთქმული და წარდგენილი იყო კოლჩაკის მთავრობის ცნობის პირობებში, მაგრამ ცოტაოდენი წარმატება მიანიც სჩანდა უშვალო მოქმედების უარისყოფაში.

უფრო გვიან, საბჭოთა ჯარების საწინააღმდეგო მოქმედების გაცხოველების შემდეგ, გენერალ-დენიკინის განწყობილებას ამიერკავკასიის რესპუბლიკებისადმი რამოდენადმდე დაეტყო სიმშვიდე, რასაც აგრეთვე ხელს უწყობდა ბრიტანეთის მთავარ რწმუნებულის, ოლივერ უორდროპის ტფილისში ჩამოსვლა, და, საფიქრებელია, გენერალ ბარათოვის მისსია ბაქოსა და ტფილისში.



1919 წლის შუა რიცხვებში, პარიზის კონფერენციის გაცხადებულ მუშაობის დროს—ჩვენ, როგორც ზევით არის აღწერილი, მივალწიეთ ზოგიერთ შედეგებს—ჩვენ შეგვეძლო იმედი დაგვემყარებია სახელმწიფოთა და ხმარებაზე, თუ სრული დამოუკიდებლობის არა, მეტად ფართო ავტონომიის უზრუნველყოფაში.

რუსეთის გაერთიანება რომ განხორციელებულიყო იმ ძალებით, რომელნიც მხარს უჭერდნენ კოლჩაკსა და დენიკინს, მაშინ განაპირა ავტონომიების უზრუნველყოფა მოკავშირეთა დიდი სახელმწიფოების დახმარებით იქნებოდა უკანასკნელი საზღვარი შესაძლებე-

---

\*) ეს კიდევ უფრო შორეული გზა იყო, ვიდრე: „პარიზის კონფერენცია გადასწყვეტს“.

ლისა და მისაღწევისა. თუმცა რუსეთი ევროპისაგან ძლიერ იყო დამოკიდებული, მაგრამ როცა გაერთიანდებოდა და გაძლიერდებოდა, დაუშვებდა თუ არა იგი, სახელმწიფოთა კონტროლს ამ კითხვაში?

ამაზე მსჯელობა ეხლა უნაყოფო იქნებოდა, მაგრამ ვფიქრობ, რომ, თუ დენიკინის მთავრობას ისეთს რამეებზე, როგორც არის ავტონომია და ფედერაცია, პრინციპიალურად არაფერი საწინააღმდეგო არ უთქვამს, („ოღონდ რუსეთის სახელმწიფოს ჩარჩოებში და სრულიად რუსეთის დამფუძნებელი კრების ნებართვით“), უმთავრეს იმედს იგი მაინც ჯარზე და „ძალთა განწყობილებაზე“ („ევროპა შლის ჯარებს, ჩვენ კი ვკრებთ“) ამყარებდა, — რომელსაც საშვალება უნდა მიეცა რუსეთისთვის ყველა კითხვა, თავის სურვილისამებრ გადაეწყვიტა. ასეთი აზრი შევადგინე, მაგალითად, გენერალ დენიკინის ერთ-ერთ თვალსაჩინო თანამშრომელთან, პროფესორ კ. ნ. სოკოლოვთან ბაასიდან, რომელიც დენიკინის მთავარ დელეგატთან, გენერალ დრაგომიროვთან ერთად ჩამოვიდა პარიზში 1919 წლის ივლისში.

მე ისეთი შთაბეჭდილება მივიღე, რომ მომავალში საქმის სასურველად შეცვლის მოლოდინში გენერალ დენიკინის მთავრობა წინასწარ ეძლეოდა სიხარულს და სათანადოთ ვერ აფასებდა ყველა ასაწონ და აუწონელ ნაწილებს, რომელნიც შეადგენდნენ საერთოდ კავკასიისა, საქართველოსა და სხვა განაპირების კითხვას.

ამ შფოთის გამწვავება, ყველა მუქარა და უსიამოვნება, რომელსაც აყენებდა მოხალისეთა ლაშქარი საქართველოსა (ბლოკადა!) და აზერბაიჯანს მე საერთოდ მეჩვენებოდა პოლიტიკურ შეცდომათ; შეცდომა იგი არსებითად ნაყოფი იყო „იმისა, რომ არ სურდათ უკუეგდოთ ძველი შეხედულება—უარი ეთქვათ განაპირების დამონებულ მდგომარეობაზე და შეეგნოთ ის ცვლილებები, რომელიც შეიტანა რევოლიუციამ ამ კითხვაში.

რადგან გენერალ დენიკინის მიერ დაწყებულ საქმეს, აშკარაა, კერძოთ საქართველოს მხრით არავითარი საშიშროება არ მოელოდა, და რადგან საქართველოს 1919 წელში უცაბედათ დაკავების ცდა, შეიძლებოდა მოხალისეებისთვის არა სასიამოვნოდ დამთავრებულიყო (თუნდაც იმიტომ რომ ისინი დამოკიდებული იყვნენ ევროპის სახელმწიფოებისაგან, რომელთანაც ერთგვარი განწყობილება საქართველოს წარმომადგენლებსაც ჰქონდათ), მე ვფიქრობდი, რომ ამ ორ მხარეს (ე. ი. ამიერ კავკასიის რესპუბლიკებსა და მოხალისეთა

ლაშქარს) შეუძლია საერთოდ შესწყვიტოს ერთმანეთში შეტაკება და უთანხმოება. მე იმ აზრისაც კი ვიყავი, რომ საქირო იყო გვესარგებლნა დენიკინის დელეგაციის პარიზში ჩამოსვლით და მოგველაპარაკნა, წმინდა ფაქტიური მეზობლობის დამყარების შესახებ საქართველოსა და მისი ჩრდილოეთის მეზობლის შორის (ნეიტრალიტეტის პოზიციის შესაფერად). მაგრამ საქართველოს დელეგაცია ამ აზრს არ იზიარებდა; იგი ფიქრობდა, რომ ასეთი ლაპარაკი „რეაქციონულ ძალების“ წარმომადგენლებთან არ შეეფერება საქართველოს დემოკრატიას. რამოდენიმე ხნით ადრე, როცა გამოქვეყნებული იყო კოლჩაკის \*) მთავრობის ცნობის პირობები, დავაყენე კითხვა, წინდაწინვე გამოგვერკვია რუსული წრეებისა და ჩვენი ურთიერთი განწყობილება. „უკეთესია ეხლა, სანამ აღმირალ კოლჩაკის მთავრობა ჩანასახს წარმოადგენს, მოვაგვაროთ ეს საქმე, ვიდრე მაშინ, როცა ის გაძლიერდება. თუ კოლჩაკსა და დენიკინს კარგი მომავალი აქვთ, ჩვენ მხოლოდ მოვიგებთ, თუ ჩვენ ჩავიგდებთ ხელში ამ მოლაპარაკების ინიციატივას; თუ მათ მომავალი კარგს არაფერს უქადის, ჩვენ არაფერს წავაგებთ მდგომარეობის შესწავლის გამო: კონფერენციის თვალში ჩვენ მხოლოდ განვამტკიცებთ ჩვენს მდგომარეობას, რადგან ჩვენ ვიმოქმედებთ სწორეთ კონფერენციის მიერ გამოცხადებულ პრინციპების მიხედვით. ჩვენ დავეყრდნობით საქართველოს აშკარათ გამოთქმულის ნების ყოფას (საქართველოს დამფუძნებელი კრება) დამოუკიდებლობის შესახებ და ვეცდებით მეგობრულათ გაურკვიოთ ერთი-მეორეს მდგომარეობა“.

და სხვა.

მაგრამ წერეთელი და სხვები ამაზე არ დათანხმდნენ. წერეთელი ფიქრობდა, რომ „ასეთის მოქმედებით, ჩვენ ასე ვთქვათ, ვიცნობდით კოლჩაკს, გავაძლიერებდით მას (sic) და ჩამოვშორდებოდით სრულიად რუსეთის დემოკრატიის დაფასებას კოლჩაკისას“.

აზრთა ამ სხვადასხვაობას მაშინ, საბედნიეროთ, პრაქტიკული მნიშვნელობა არ მიუღია. მაგრამ ამ ამბავმა მაჩვენა, რომ ჩვენს პოლიტიკურათ მეტად გამოცდილ სოციალ-დემოკრატებს სრულიად არ სურთ დინჯი ანგარიში გაუწიონ მათ, ვინც ნამდვილად ჰქმნის მდგომარეობას (1919 წელს ეს იყო დენიკინი და კოლჩაკი; 1920—საბჭოები; მენშევიკების რუსეთი არ იყო მოსალოდნელი!)

---

\*) ისტორიის დაუდგრომელობის გამო სწორეთამ დროიდან კოლჩაკს ზურგი შეაქცია ომის ბედმა. სამაგიეროთ ამადლება დაიწყო გენერალმა დენიკინმა.

საქართველოს დამოუკიდებლობა მოითხოვდა თავდაცვის მრავალგვარსა და მოქნილს საშვალეებას. ყოვლად უვარგისი საშვალეება კი იყო, დღეს „თეთრებთან“ და ხვალ „წითლებთან“ (ამ ფერების სიძულვილის გ. მო) დინჯ მოლაპარაკების თავიდან აცდენა; უვარგისი იყო, რომ ერთის მხრით ვერ ახერხებდნენ დასავლეთ „იმპერიალისტებთან“ შეთანხმებას, რომელთაც შეეძლოთ რუსეთთან მოლაპარაკების გაადვილება,—და ამავე დროს სასოებას ამყარებდნენ, ცოტათი თუ ბევრათ, ლეგენდარულ „ევროპის მთლიან დემოკრატიაზე“.

ამ თავის უმთავრეს საგნის დასასურათებლათ, ნებას მივსცემ ჩემ თავს, მოვიყვანო მუსაიფი, რომელიც მქონდა ერთ თვალსაჩინო რუს დიპლომატთან 1919 წლის ოქტომბერში, როცა დენიკინის საქმის წარმატება განსაკუთრებულათ მტკიცე ეგონათ.

ვლაპარაკობდით რუსეთის აღდგენის მიმდინარეობაზე. „ეხლა, —ამბობოა ჩემი თანამოსაუბრე—ყველა ასი თუ არა, ასიდან 90 შანსი მაინც არის, რომ რუსეთის აღდგენა სამხრეთიდან დაწყებული, წარმატებით დამთავრდება. („მეტი სიფრთხილე იქნებოდა 30 შანსი გვეანგარიშნა“ — შევნიშნე მე).

— უკრაინის კითხვა როგორღაც ჰქრება—დამოუკიდებლობის იდეა იქ ნელ-ნელა იკარგება. ზოგიერთები დენიკინს უახლოვდებიან. ბელორუსიაზე ლაპარაკი არ ღირს. პოლონეთის საზღვარი? ეს მომავლის კითხვაა. ჯერ როგორმე მოუაროთ თავს. რუსეთი შეიკრებს ძალას და მაშინ ვნახავთ. ფინლიანდიის დამოუკიდებლობას, იმედი მაქვს, ეხლავე ვიცნობთ. რაც შეეხება ბალტიის სახელმწიფოებს, თუმცა ბევრი იქ ისე მოქმედებს, თითქოს რუსეთი სრულიად დაღუპულიყოს, მაგრამ იქაც არიან ადამიანები, რომელნიც იცნობენ ნამდვილ რუსეთს. ბესსარაბია? ჩვენ თანახმა ვართ პლებისციტი მოვახდინოთ სამხრეთ ნაწილში. რუმინელების შეხედულება აქ პარიზში მაინც ჩავშალეთ“.... „საქართველოში დაუშვებთ თქვენ პლებისციტს?“ „მე პირადათ ვერ ვპოულობ ვერაფერ საწინააღმდეგო საფუძველს?“ „ეს ძლიერ საინტერესოა“.

მე გამოვთქვი აზრი, რომ რუსეთის სახელმწიფოს აღდგენა არ მოხდება ერთბაშად, არამედ უფრო მოსალოდნელია იგი იქნება გრძელი, რთული, პროცესის ნაყოფი; რომ ნამდვილმა, რუსულმა რუსეთმა ჯერ უნდა გამონახოს თავის სოციალური წონასწორობა, თავისი ეროვნულ—ეთნიური მთლიანობა (არსებობს მთელი სამი რუსეთი!), და ამ აშკარა და ძლიერ ღრმა განხეთქილების შესაფერისი

პოლიტიკური ფორმა; რომ ყველაფერ ამაში „განაპირა“ რესპუბლიკებს, კერძოდ საქართველოს, არ სურს, არ შეუძლია, დისინი არც არიან მოვალენი მონაწილეობა მიიღონ.

შემდეგ ვილაპარაკეთ, თუ რამდენათ სასურველი და შესაძლებელია არა ფორმალურათ, არა ოფეციულურათ აზრთა გაცვლა-გამოცვლა მომხდარიყო ჩვენსა (ახალ რესპუბლიკებსა) და მათ შორის ორივე მხარის კეთილმეზობლურ არსებობის შესახებ. მაგრამ ამ აზრს განხორციელება არ ღირსებია: თეთრების მოძრაობამ სწრაფათ დაიწყო მინელება.

---

## თავი მეოცდამთხე.

### ინგლისი რუსეთსა და კავკასიის შუა.

63

საქართველოსა და რუსეთის „სამხრეთიდან რესტავრატორების“ ურთიერთი განწყობილება მკიდროთ არის გადახლართული იმ კითხვასთან, თუ რა როლს ასრულებდა ინგლისი ყველა ამ საქმეებში—სამხრეთ რუსეთისა და კავკასიის საქმეებში.

ინგლისი, როგორც ცნობილია, საკმაოდ ენერგიულად მხარს უჭერდა გენერალ დენიკინის მიერ დაწყებულ საქმეს. თუ როგორ თვისდებოდა საბჭოთა საწინააღმდეგო („ჩერჩილის“) ხაზი მეორე მიმდინარეობასთან (პრინკიპო-ბალლეტის მისსია მოსკოვში \*)—გამოცოცხლება „პრინკიპოს“ იდეებისა 1919 წლის ნოემბერში, რომელიც 1920 წელს ბ-ნ კრასინს ჩაიყვანს ლონდონში, და გამოიწვევს ინგლის-რუსეთის შეთანხმების დადებას 1921 წელს)—ეს თემა მეტად საყურადღებოა, მაგრამ ჩვენ აქ არ გვეხება.

სამაგიეროდ, ჩვენთვის არსებითად საჭიროა მხედველობაში ვიქონიოთ ინგლისის პოლიტიკის მეორე „ბიფურკაცია“ (გაორება), საკმაოდ გასაგები, თუ არ დავივიწყებთ ალურიცხველ, მრავალგვარ ტრადიციებს, ინტერესებსა და მისწრაფებებს, რომელთაც შეიცავს ორი სიტყვა: „ბრიტანეთის იმპერია“.

ბოლშევიკებთან ბრძოლაში რომ მოხალისეებს ეხმარებოდნენ—ამას უკარნახებდა დასავლეთის სახელმწიფოებსა და მათ

---

\*) Mr. Bullitt-ი (ინგლისელებისა და ამერიკელების თანხმობით) 1919 წლის მარტში ჩავიდა მოსკოვში, რომ გაეგო, თუ რა საფუძველზე შეიძლება მოსკოვის მთავრობასთან ზავის პირობების დადება.

შორის ინგლისს ღრმა და საკმაოდ საერთო მისწრაფებები; განაპირა, ახალი რესპუბლიკების მხარის დაქერა, თავის მხრით, შესაძლებელია შეესაბამებოდა ზოგიერთ სეროიზულ ინტერესებსა, ან და ჩვეულებრივ წარმოდგენებს.

დიდი ბრიტანეთი სხვა სახელმწიფოებთან ერთად გამოდიოდა რუსეთის განაპირების კითხვებში არა მარტო არბიტრსავეთ (მსაჯულსავეთ). ომის დამთავრების პირობებმა 1919 წლის ნოემბერში, ინგლისი გახადა მისისიებისა და საოკუპაციო რაზმების მეოხებით, ადგილობრივი მნიშვნელობის თვალსაჩინო ფაქტორათ, რომელსაც შეეძლო დიდი გავლენა ჰქონოდა 1918 წლის დასასრულს შექმნილ ფაქტიურ მდგომარეობაზე, თუნდაც იმავე კავკასიაში.

ყოველი მხარე, მაგალითად, საქართველოსა და მოხალისეთა უთანხმოებაში, მოელოდა დახმარებას ამ „ფაქტორიდან“. დახმარებას, რომელსაც ინგლისი გაუწევდა მეორე მხარეს, პირველი უყურებდა, როგორც მოცემული დაპირების დარღვევას. ზოგიერთი აღშფოთებული იყო, მაგალითად იმით, რომ „აქეზებენ განაპირებს, ხელს უწყობენ რუსეთის, მოკავშირე რუსეთის, დაწეწას“ და სხვა; სხვები გულის წუხილით აღნიშნავენ, რომ „რუსეთში დემოკრატიის სურვილების წინააღმდეგ, აქეზებენ რუსულ რეაქციას, აქ კი, საქართველოში, ხელს უწყობენ თვით-გამორკვეულ ეროვნების მტრებს“ და სხვა.

ამიტომ კავკასიაში ჩამოსული ინგლისის გენერლები ორ ცეცხლ შუა ჩავარდნენ; რევოლიუციის მიერ წარმოშობილ ახალ დემოკრატიების პოლიტიკურ მანერებს ისინი ვერ ეგუებოდნენ, ხშირად შეცდომაში შედიოდნენ და მიზანს ხან გადააცილებდნენ და ხან ვერ უწვდებოდნენ; საერთოდ ისინი მოქმედებდნენ კავკასიაში წინაღმობსენებულ ორმაგი, ანუ უკეთ რომ ვთქვათ, ორნაირი ინგლისური პოლიტიკის მიხედვით.

განსაკუთრებით პირველ ხანებში იყო მდგომარეობა არა სასიამოვნო. 1918 წლის დასასრულს ინგლისელების ბაქოში ჩამოსვლის შემდეგ, მაგალითად, გამოქვეყნებული იყო მოკავშირეთა ჯარების სარდლის, გენერალ ტომსონის პროკლამაცია, სადაც ნათქვამია: ამით კავკასიის მოსახლეობას ეძლევა ცნობა, რომ მოკავშირეთა ჯარების კავკასიაში გამოგზავნას მიზნათ აქვს საზოგადოებრივი უზრუნველყოფის დამყარება კასპიისა და შავ ზღვათა შორის მდებარე რუსეთის ამ ტერიტორიაზე“ და სხვა.

განმარტება, რომ კავკასია კასპიისა და შავ ზღვათა შორის მდებარეობს, რა თქმა უნდა, წინააღმდეგობას არ იწვევდა. მაგრამ აღნიშვნა, რომ ეს ტერიტორია „რუსეთის“ არის იმ უბედურების მომასწავებლათ მიიღეს, რომ „ჩვენ გვიპირებენ რუსეთს მიგვცენ“. „ჩვენ“ კი სთვლიდნენ თავის თავს დამოუკიდებელ, ხელ-დაუდებელ სახელმწიფოთ. გარდა ამისა; სადღა თვითგამორკვევის უფლება, პრეზიდენტი ვილსონი, „ომი მცირე ერთა არსებობის“ უფლებისათვის“ და სხვა?

მოხსენებული პროკლამაციის გამოცხადება საქართველოში ვერ მოახერხეს. ეორდანია მთავრობამ განუცხადა ტფილისში ჩამოსულ ბრიტანეთის მისსიას; რომ საზოგადოებრივი წეს-რიგის დასაცავად საქართველოს არ სჭირდება ინგლისის ჯარის ჩამოსვლა, რადგან წეს-რიგს საკმაოდ იცავს თვით საქართველოს მთავრობა, — რაც სიმართლეს შეეფერებოდა. მაგრამ, როგორც ზევით იყო აღნიშნული (იხ. გვ. 212), ამიერ-კავკასიის სხვადასხვა ადგილებში ინგლისის ჯარის ჩამოსვლის უფრო შესაფერი ახსნა ადვილი გამოსანახავი იყო. მას შემდეგ კი, რაც დიდი ბრიტანეთის მთავრობამ რეციტაქტურად განუცხადა თავისი სიმპატიის საქართველოს დამოუკიდებლობის საქმეს (იხ. ზევით, გვ. 209) განვითარება საქართველოსა და ბრიტანეთს შორის განწყობილებისა, საერთოდ გაადვილდა. ინგლისელებმა ფაქტიურათ, მაშინ იცნეს საქართველოს მთავრობა (ეგრედ წოდებულ „ფაქტიური ცნობის“ ბევრად უფრო ადრე); გენერალ მილნმა; მოკავშირეთა ძალების სარდალმა შავი ზღვის რაიონში, ტფილისში ყოფნის დროს, 1919 წლის მაისში „მოკავშირეთა სახელით“ განმეორებით მიმართა ნ. ეორდანიას; როგორც საქართველოს მთავრობის მეთაურს.

მაგრამ ერთმანეთის სრული გაგება მაინც არ იყო.

შესაძლებელია, რომ ინგლისის გენერლები კავკასიაში სოციალურად და პოლიტიკურად უფრო ახლო გრძობდნენ თავის თავს სამხრეთ რუსეთის გენერლებთან, რომელნიც არას დროს არ ივიწყებდნენ გაეხსენებიათ მათთვის ორ ზღვას შორის მდებარე რუსეთის ტერიტორია. მეორეს მხრით, ის; რასაც ინგლისის გენერლები ლაპარაკობდნენ, და განსაკუთრებით ის, როგორ ლაპარაკობდნენ ისინი, შესაძლებელია, ზოგჯერ სრულიადაც არ შეეფერებოდა ინგლისის მთავრობის ნამდვილ განზრახვებს. მათ სხვადასხვაგვარ განცხადებაში ქართველებს ზოგჯერ უჭირდათ გარკვეუ-



ლიყენენ. მათ აირჩიეს მარტივი მსჯელობა: გენერალი დენიკინი ემუქრება საქართველოს, და ინგლისი მხარს უჭერს გენერალ დენიკინს: აშკარაა, „ბრიტანეთის იმპერიალიზმი“ მოკავშირეა „სრულიად რუსეთის რეაქციისა“. და „სრულიად რუსეთის რეაქციისადმი“ თავდაუქერელ სიძულვილის გამო, იქვით შეჰყურებდენ „ბრიტანეთის იმპერიალიზმსაც“.

საქართველოს მთავრობა ცდილობდა ხალხის თვალში დაეცვა თავისი ღირსება (რაც, რა თქმა უნდა, ძლიერ საქებურია!) და ავტორიტეტი; ამიტომ გადაქარბებულის პირდაპირობით ყველას თვალში სჩრიდა თავის დამოუკიდებლობასა და ხელუხლებლობას; მთავრობა ნაკლებ ყურადღებას აქცევდა, რომ დამოუკიდებლობისათვის საჭიროა საერთაშორისო წინასწარი მომზადება. საზოგადოებრივი აზრი და ქუჩა, რომელსაც დემაგოგიურად ხელმძღვანელობდენ, გადასროლილ ლოზუნგებს კიდევ უფრო უხეშად გამოსთქვამდა და ხშირად აშკარათ გამოდიოდა „ბრიტანეთის იმპერიალიზმისა და სრულიად რუსეთის რეაქციის“ წინააღმდეგ.

რომ ინგლისი საქართველოში (1919 წელს) მოხალისეთა ლაშქრის მიმართ და მოხალისეთა ლაშქრის წინააღმდეგ ასრულებდა იმავე როლს, რასაც გერმანია 1918 წ. ოსმალეთის მიმართ — ეს საქმათ ვერ შეეგნო ახალგაზრდა რესპუბლიკას. და, მგონი, შეცდომა არ იქნება ითქვას, რომ საქართველოს დემოკრატია 1919 წელს „ბავშურის სიცელქით“ უკვე „არყვევდა კვარცხლბეკს“ უფრო რთული დიპლომატიური ანგარიშიანობისას და მისი მთავრობა კი შესაძლებელია უკვე არღვევდა მცნებას: „ნუ ჩააფურთხებ ქაში, დასალევ წყლისთვის გამოგადგებო“.

მოხალისეთა ლაშქრის საქართველოზე შემოტევამ გამოიწვია ერთსულოვანი ყიფინა: „ძირს რუსეთის რეაქცია ამიერ-კავკასიაში!“, რასაც აუცილებლივ თან სდევდა: „ძირს დასავლეთის იმპერიალისტები!“ საქართველოს ბუნებრივ მოკავშირეთ, როგორც ეტყობა, ამ მოძრაობაში იყო საერთაშორისო სოციალიზმი, რომელთანაც საქართველოს სოციალ-დემოკრატიულ მთავრობას ჰქონდა მტკიცე პირადი კავშირი. ევროპის სოციალისტებმა, რა თქმა უნდა, უარი არ უთხრეს თავის ქართველ მეგობრებს — „რუსეთის რეაქციის“ წინა-

აღმდეგ (სიტყვიერ) დახმარებაში, მაგრამ ამასთანავე ისინი გამოდიოდნენ „დასავლეთის იმპერიალისტების“ ე. ი. ინგლისის \*) წინააღმდეგაც.

საქართველოში საერთაშორისო სოციალიზმზე სხვა, უფრო ზოგად, იმედებსაც ამყარებდნენ. ფიქრობდნენ, რომ ამ გზით გაადვილდებოდა დამოუკიდებლობის განმტკიცებაც.

იბადება კითხვა: შეეძლო თუ არა ინტერნაციონალს საქართველოს დამოუკიდებლობის ცნობის საქმეში და ამ დამოუკიდებლობის უზრუნველყოფის პირობების შექმნაში სარგებლობა მოეტანა?

პარიზის კონფერენციის დროს არ იყო საკირო არც გამოკვლევა და არც დიდი ფიქრი, რომ აღამიანს დაენახა, რომ ამ საქმეში ინტერნაციონალს სარგებლობის მოტანა არ შეუძლია, რადგან მისი გავლენა გამარჯვებულ, დიდი სახელმწიფოების მთავრობებზე ძლიერ მცირე იყო. ვერსალის ხელშეკრულება ამის დამამტკიცებელია.

„უსარგებლობას“ შეიძლებოდა შერიგებოდა კაცი—ოლონდ კი „ზიანი“ არ მოეტანა. სამწუხაროთ ზიანიც იყო. მე არ ვამბობ, რა თქმა უნდა, სხვადასხვა პატარა ეპიზოდზე, უფრო კომიკურზე, როგორცაა, მაგალითად, პრესსაშიაც \*) გამოქვეყნებული და საქართველოს საქმისათვის სრულიად ზედმეტი განცხადება „საქართველოს მინისტრის—ჩხენკელისა“ ლიუცერნის კონფერენციაზე (თებერვალი, 1919 წელი); „ჩვენ წავეართვით მემამულეებს უსასყიდლოთ მიწა—ამიტომ ჩვენი დამოუკიდებლობა უნდა იქნეს ცნობილი“. შესაძლებელია სოციალ-დემოკრატიული პარტიისათვის მეტად მნიშვნელოვანი იყო თავის წრეში ეთქვათ: „ასე კი ნუ ჰფიქრობთ—ჩვენ-შიაც ხომ... უსასყიდლოთა“. კლემანსოს, ვილსონის და ლლოპიდ-ჯორჯის წინაშე საქართველოს დამოუკიდებლობის დაცვის ასეთი საშვალეობა თითქოს... სუსტია.

მაგრამ ავიღოთ უფრო მნიშვნელოვანი საგანი—წერეთლის თხოვნით 1919 წელს 28 აპრილს ამსტერდამის ყრილობაზე მიღებული რეზოლიუცია საქართველოს დამოუკიდებლობის ცნობის შესახებ.

---

\*) იხ. კრებული *La Géorgie indépendante* Ed. du Parti Soc. Dém. de Géorgie თბილისი 1919.

\*) იხ. *Echo de Paris*, თებერვ. 1919.

იგი გადაქრით ამტკიცებს საქართველოს დამოუკიდებლობას. მაგრამ მოითხოვს სრულ დამოუკიდებლობას, რომელიც „უარყოფს მზრუნველობას ერთის ანდა რამოდენიმე სახელმწიფოსას და უცხო ქვეყნის ყოველგვარ კონტროლს მისი დემოკრატიული დაწესებულებებისას“\*) ეს ნიშნავდა იმას, რომ ინტერნაციონალი უარყოფდა ყოველგვარ სისტემას, რომელიც უზრუნველყოფდა საქართველოსთან რომელიმე დიდი სახელმწიფოს თანამშრომლობას მანდატის (დროებითი) სახით—რაც განსაზღვრულის საზომით აუცილებლად შეიცავს მზრუნველობის ელემენტსაც. მაგრამ ძლიერ მალე საქართველოს მთავრობას (და თვით წერეთელსაც) მოუხდა მანდატის გამოთხოვა (იხ. ქვევით). აქ იყო, მაშასადამე, არა მარტო „უსარგებლობა“; აქ ზიანიც იყო, და, უმთავრესად, „მორალური ზიანი“.

ყოველ კითხვაში, რომელთაც თვალსაჩინო პრაქტიკული მნიშვნელობა ჰქონდათ საქართველოს მომავლისათვის „ინტერნაციონალი“ და მისი მომხრე მუშათა გავლენიანი ორგანიზაციები აუცილებლად და საბედისწეროთ დგებოდა და უნდა დამდგარიყო საქართველოს სახელმწიფოებრივი ინტერესების საწინააღმდეგო გზაზე: ასე იქნება „ინტერვენციის“ (საერთოდ) კითხვაში, თავდაცვისათვის იარაღის მოცემის კითხვაში, საქართველოდან „სასწრაფოდ ჯარების (ინგლისის) გაყვანის“ კითხვაში.

ბოლოს, უფრო გვიან, როცა წინააღმდეგობა მეორე და მესამე ინტერნაციონალთა შორის გამწვავდება, ზომაზე მეტი კავშირი საქართველოს მთავრობისა მეორე ინტერნაციონალთან, საქართველოს გახდის მესამე ინტერნაციონალის ჯერ ნიშანში ამოსაღებ საგნათ და მერმე მსხვერპლათ. მაგრამ აქამდე ჯერ შორსაა.

საქართველოს დამოუკიდებლობის საქმე უფრო მაგარი გამოდგა, ვიდრე... არაკის მეუღაბნოვს შუბლი; მიუხედავად იმისა, რომ დათვი—ინტერნაციონალი, ყოველთვის საუკეთესო განზრახვით, ისროდა ზოგჯერ მძიმე ლოდებს, საქართველოს დამოუკიდებლობა მაინც იქნა ცნობილი ევროპის სახელმწიფოთა მიერ.

---

\*) ამ რეზოლუციის ტექსტი მოიპოვება იმავე კრებულში: La Géorgie indépendante.

## თავი მეოცდახუთე.

### ს ა მ ი მ ე ზ რ ბ ე ლ ი .

65.

საერთო გამოსვლებში—კავკასიის და სხვა „განაპირა“ დელეგაციების გამოსვლებში (ზემოთ § 60)-ს ო მ ხ ე თ ი არ იღებდა მონაწილეობას. უშეალო საშიშროება ჩრდილოეთიდან ამ რესპუბლიკას ჯერ არ დატყდომია თავს; ერთად, განსაკუთრებით აზერბაიჯანთან, მოხალისეთა ლაშქრის წინააღმდეგ გამოსვლა არ შეეფარდებოდა მის გეგმებს. სულმოკლე ანგარიშიანობით, მას შეეძლო იმედი ჰქონოდა რომ დახმარებას მიიღებს იმათგან, ვისგანაც მეზობლები ელოდნენ მხოლოდ დაქცევასა და არეულებას. გარდა ამისა სომხეთს იმედი ჰქონდა, დიდი სახელმწიფოების დახმარებით სწორეთ ეხლა შეესრულებია ოსმალეთში მრავალ საუკუნეების ზრახვანი, და ასეთს წამს მეზობლების დავიდარებაში ჩარევა იმავე დიდ სახელმწიფოების მეორე „პროტეჟესთან“—გენ. დენიკინთან, სჩანს, მას არ ხიბლავდა. \*)

პირიქით, აზერბაიჯანს, თუ მეტათ არა ისე მაინც ეშინოდა ჩრდილოეთის შემოსევისა, როგორც საქართველოს. ეს, რა თქმა უნდა, იწვევდა ამ ორი რესპუბლიკის პოლიტიკურ დაახლოვებას, რაც საერთოდ ბუნებრივია, რაც აიხსნება მრავალი მიზეზით, ინტერესითა და მისწრაფებით, ხოლო 1919 წელს მით უფრო ადვილათ შესასრულებელი იყო ამ დაახლოვების განხორციელება, რომ ოსმალეების დაცემისა და მათი აზერბაიჯანიდან წასვლის შემდეგ უკანასკნელი უბრუნდებოდა თავის კავკასიის წრეს.

\*) მოხალისეთა ლაშქართან ერევნის მთავრობის წარმომადგენლათ იყო მე-3-მე სახელმწიფო სათათბიროს ყოფილი წევრი ს ა გ ა ტ ე ლ ი ა ნ ი .

16 ივნისს 1919 წელს თფილისში დადებულ იქმნა ორ მეზობელ რესპუბლიკათა შორის საკავშირო ხელშეკრულება, რომლის ძალით ისინი ვალდებულებას ლებულობდენ თავის თავზე (მუხ. 1) „ერთად წინააღმდეგ მთელი თავისი შეიარაღებული ძალით და ყოველი მათ ხელში მყოფი საშეაღებით ყოველგვარ თავდასხმას, რომელიც ემუქრება დამოუკიდებლობას ანდა ტერიტორიალურ მთლიანობას ხელშეკრულების დამდებ ერთ-ერთ ან ორივე რესპუბლიკისას“. ხელშეკრულება დადებული იყო მ-ის წლით (მუხ; 5). მხარეები ვალდებულათ ხდიდენ თავის თავს მორიგებით ანდა არბიტაჟის საშეაღებით გადაეწყვიტათ მათ შორის საზღვრებზე შესაძლებელი აღძრული დავა (მუხ. 4). აქვე აღნიშნული იყო, რომ სომხეთს უფლება ეძლევა ორი კვირის განმავლობაში შეუერთდეს ამ ხელშეკრულებას (მუხ. 10). \*

როცა საქართველოსა და აზერბაიჯანის დელეგაციამ პარიზის კონფერენციას აცნობა ზევით გადმოცემული ხელშეკრულების ტექსტი, მან გამოსთქვა იმედი, რომ „ეს კონვენცია, რომელსაც დასახული აქვს წმინდა თავდაცვითი მიზნები, იმ ნაწილში, რომელიც შეეხება ომში შეერთებულ მოქმედებას, არავის დასჭირდება, და რომ ამიერ-კავკასია გარეშეთა ყოველივე თავდასხმისაგან უზრუნველი იქნება, გენერალ დენიკინის ოპერაციებზე მოკავშირეთა სახელმწიფოების კონტროლის წყალობით“. ამასთანავე დელეგაცია კონფერენციის ყურადღებას აქცევდა შეთანხმების მეოთხე მუხლზე, რომლის საშეაღებით შესაძლებელი ხდებოდა საჩქაროთ გამიჯვნა საქართველოსა და აზერბაიჯანის ტერიტორიებისა. \*\*)

---

\*) ხელშეკრულებას ხელს აწერენ საქართველოს მაგიერ გეგეკჯორი ორამიშვილი, გენერლები ოდიშელიძე და გედევანიშვილი; აზერბაიჯანის მაგიერ—ჯაფაროვი, გენერლები მესხიან და როვი და სულკევიჩი (უკანასკნელი მუსლიმანია, ტომით ლიტველი მურზა, მსახურებდა აზერბაიჯანში).

\*\*) სამწუხაროდ „შესაძლებელი“ კიდევ არ იქნა „შესრულებულს“. 16 ივნისის ხელშეკრულება კი „დასჭირდა“ 1920 წელს, როცა აზერბაიჯანის წინააღმდეგ (და მასთანავე საქართველოს წინააღმდეგაც!) წამოვიდა სხვა ძალი რომელიც არ იმყოფებოდა მოკავშირე დიდი სახელმწიფოების კონტროლის ქვეშ—დასჭირდა, მაგრამ იგი არ გამოუყენებიათ!

1918 წლის დასასრულის შეტაკებანი, რა თქმა უნდა, ხელს ვერ შეუწყობდენ სომხეთისა და საქართველოს დაახლოვებას, — რაც მეტად სასურველი და სრულიად ბუნებრივი იქნებოდა.

ფუქსავატი იმედი, რომ პარიზის კონფერენცია „ყველაფერს გააჩივებს და ყველაფერს გადაწყვეტს“, და სხვათა შორის, თავს შეიწუხებს ამიერ-კავკასიის სახელმწიფოების საზღვრების დასადებათ — ეს იმედი ასუსტებდა თფილისშიაც და ერევანშიაც, აგრეთვე ბაქოში სტიმულს, საკუთარის საშვალებით ეცადნათ დაჩქარებით გადაეწყვიტათ საზღვრებისა და სხვა მიზეზების გამო ამტყდარი შფოთი; გარდა ამისა, სომხეთი შეიძლება ჰფიქრობდა (შეცდომა, იქნებ, სრულიად გულწრფელი იყო), რომ მისი მდგომარეობა განსაკუთრებულია; რომ მის მიმართ გამარჯვებულ სახელმწიფოებს ვალდებულება აქვთ ნაკისრები, სხვა მეზობლების მიმართ კი არ არსებობს ასეთი ვალდებულება; რომ მას, ამიტომ, „მისცემენ“ ხელსაყრელ საზღვრებსა და სხვა,

უნდა დავსძინოთ, რომ 28 მაისს 1919 წ. (ერევნის რესპუბლიკის დამოუკიდებლობის გამოცხადების პირველ წლის თავზე) განსაკუთრებული აქტით გამოცხადებული იქნა ერთ მთლიანათ შეერთება სომხეთის ტერიტორიებისა, რომელნიც მდებარეობენ ოსმალეთისა და ამიერ-კავკასიის სომხეთში. ამნაირათ, სომხეთის რესპუბლიკა ფორმალურათაც გადადიოდა წმინდა კავკასიის პოლიტიკის სფეროდან ოსმალეთის კითხვის საფრთხეებითა და წყალქვეშა კლდეებით სავსე ზღვაში, სადაც, ცხადია, ვერ შეებდავდენ ვერც აზერბაიჯანი და ვერც საქართველო.

აი ეს მიზეზიც აბრკოლებდა ამიერ-კავკასიის გამიჯვნას. თუ სომხეთი ოსმალეთის ტერიტორიაზე იქნებოდა საგრძნობლათ გაფართოებული, სომხეთის მეზობლები ვერ პოულობდენ საფუძველს იმავე დროს იგი გაფართოებულიყო აზერბაიჯანისა და საქართველოს მიწა-წყლითაც. და ეს გაურკვეველობა, დიდი ვახდება სომხეთი, თუ პატარა დარჩება, სამივე რესპუბლიკის საუბედუროთ იწვევდა გამიჯვნის შეფერხებას.

არსებითად, საქართველოსა და მის მეზობელთ შორის საზღვრების დადების კითხვა არ შეიძლებოდა ან მეტათ რთულ ანდა ნაკლებათ შესწავლილ კითხვათ ჩათვლილიყო. რა თქმა, უნდა, არც კეთილი ზრახვებისა და მეტათ ლიბერალური განცხადებების ნაკლებობა ემჩნეოდა! მაგრამ საჭირო იყო სხვა რამ, სახელდობრ, და-

ქინება, დიდი ჩაკირკიმატებული მუშაობა, მოთმინება, ერთის სიტყვით, დინჯი ნებისყოფა. იგი არ აღმოჩნდა. 1919 წელს არაფერი უშლიდა, პირიქით, ყველაფერი ხელს უწყობდა, მაგალითად, აზერბაიჯანისა და საქართველოს საზღვრების დადებას. მაგრამ არაფერი გაკეთებულა. სომხეთთან შეთანხმების მიღწევა უფრო ძნელი იყო. მაგრამ აქაც, უდრეკი ნებისყოფა, უეკველია, მოახერხებდა გონიერისა და სამართლიანი საზღვრის გაყვანას, მხოლოდ, რა თქმა უნდა, საქართველოს უარი უნდა ეთქვა „სტრატეგიული საზღვრებით“ \*) უზრუნველყოფაზე, ხოლო სომხეთს უნდა უკუეგდო ისეთი არა სერიოზული აზრები, როგორიცაა, მაგალითად, „რადგან სომხებმა ქართველებს დაუთმეს ბორჩალოს მაზრის მესამედი (ქართული), ქართველებმა თავისი ტერიტორიით უნდა დააკმაყოფილონ აზერბაიჯანი“. \*\*) ერთ ვნულ პრინციპზე ზედ-მეტათ დაყრდნობაც (საქართველოს ტერიტორიის მიმართ ეს ნიშნავდა: სადაც კი სომხები დაესახლენ, თუნდაც მეცხრამეტე საუკუნეში იგი სომხეთისთვის უნდა გადაეცათ) თვით სომხებისთვისვე იყო ყველაზე უფრო საშიშარი: ასეთის გზით კარგს ვერაფერს მიაღწევდენ ოსმალეთში! მათი დებულების შეცდომა—რომ გამარჯვებული მოკავშირეები სომხეთზე განსაკუთრებულათ იზრუნებენ—ძლიერ მოკლე დროში აშკარა უნდა გამხდარიყო.

სომხების მეთაურები არ შეიძლება ზომიერ გზაზე არ დამდგარიყვნენ, რადგან მეტად დაინტერესებული იყვნენ, კეთილგანწყობილი მშვიდობიანობა ჰქონოდათ საქართველოსთან, ერთადერთ მეზობელთან, რომლის მიწა-წყალი არ გასვრილა „ამოქლეთისა“ და „ამოწყვეტის“ სისხლით. ერთის სიტყვით, თუ არ ვცდები, აქაც შეიძლება 1919 წელს ივე მოგვარებულ იყოს გამიჯვნის საქმე, რომელიც მოსახერხებელი გახდებოდა, როგორც მაშინაც და წინათაც ბევრი ჰფიქრობდა იმ პირობით, რომ სომხეთისთვის დაეთმოთ ბორჩალოს მაზრის ყბად-

---

\*) თავდაცვისთვის მომარჯვებული საზღვრები საქართველოს უნდა ეძებნა არა სომხეთის საწინააღმდეგოთ, არამედ სომხეთსა და აზერბაიჯანთან ერთად. მაგრამ ამ კითხვის გარჩევა შორს წამიყვანდა.

\*\*) იხ. კრებულში: Из истории армяно-грузинских отношений 1918 წელი. თფილისი 1919 გვ. 11.

აღებული სამხრეთი ნაწილი, და სომხეთს თავის მხრით უარი განეცხადებია იმდენადვე ყბად-აღებულ ახალქალაქის მაზრაზე.

66.

მაგრამ სომხებს რომ ემჩნეოდათ უკიდურესი ჯიუტობა-დაუჯერებლობა, ამაში დავრწმუნდი პარიზში, როცა დავესწარი სოციალისტური საშვალელებით სომეხ-ქართველთა საზღვრების გამო დავის გადაწყვეტის ცდას.

1919 წლის მაისის დასაწყისში ინტერნაციონალის ბიურო (რომელიც შემდეგ მეორე ინტერნაციონალათ გახდა) არჩევდა მიქაელ ვარანდიანის \*) საჩივარს, უფრო სწორათ რომ ვთქვათ, დაბეზღებას საქართველოს მთავრობაზე, რომელიც ვითომდა ავიწროებს სომხებს. „იმპერიალისტობას“ იჩენს, და აშკარათ არღვევს ამის წინაზე ბერნის სოციალისტური კონფერენციის \*\*) მიერ მიღებულ პრინციპებს. ამ საჩივრს გამო ბიურომ პასუხის საგებლათ მოიწვია ორივე მხარე, მოუსმინა ერთსა და მეორესაც, რის შემდეგ საქართველოს დელეგაციაში მოხდა თათბირი სომხებთან (10 მაისი), მაგრამ შეთანხმებას ვერ მიაღწიეს. აქ იყო ა გ ა რ ო ნ ი ა ნ ი, რომელიც

---

\*] სომხეთის ცნობილი მოღვაწე და პატრიოტი, რომელიც დიდხანს ცხოვრებდა ევროპის სოციალისტურ წრეებში. შემდეგ სომხეთის წარმომადგენლათ იყო რომში.

\*\*] ამ კონფერენციაზე ჩხვიძემ ხელი მოაწერა რეზოლიუციას, რომლის ძირით, სადავო აუცილების გამოჯენის დროს არაერთარი ეკონომიური, ისტორიული, სამხედრო და სხვა მოსაზრებანი არ უნდა იქმნეს მხედველობაში მიღებული. ყველაფერი წყდება ეროვნული საფუძვლითა და მოსახლეობის ხმის მიცემით. ამ დადგენილების სიტყვა-სიტყვით გაგების შედეგათ გამოდის, რომ, თუ სომხებმა დავა განაცხადეს, მაგალითად, თფილისის გუბერნიის ახალქალაქის მაზრაზე, სადაც სომხების (ისმალეთის სომხეთიდან გადმოსახლებულისი) შეადგენენ უმრავლესობას, და, მაშასადამე „ეროვნული“ საფუძველი არსებობს, დარჩენილი მოსახლეობის დაკიფხვა, და საქმე გადაწყვეტილია. თუ ამ დროს დაირღვევა სასიტოცხლო ინტერესები მეზობლისა, მით უარესი ამ მეზობლისთვის. თქმა არ უნდა, რომ საქმის ასე წაყვანა მომაკვინებელი იქნებოდა თვით სომხებისთვის, როგორც ისმალეთში ისე ამეარ-კავკასიის სხვადასხვა მხარეში, სადაც სომხები არეული არიან მუსლიმანებთან. მაგრამ საქართველო-სომხეთის ჩარჩოებში, — ბორჩალოს და ახალქალაქის მაზრების დაეაში — ასეთი მოქმედება სასარგებლო იქნებოდა სომხებისათვის.



დავტოვე კონსტანტინოპოლში, ოგანჯანიანი; რომელიც კიდევ უფრო ადრე დავტოვე ბერლინში, ვარანდიანი და სხვა. სამივე თამამად შეიძლებოდა გამოქანდაკებული ყოფილიყო ასსირ-ბაბილონის რომელიმე ბარელიეფზე.

მათი შეხედულება იყო მეტათ მარტივი: ისინი მხოლოდ განცვიფრებას გამოსთქვამდნენ, რომ ქართველები, სოციალ-დემოკრატები, საერთოდ ბედავენ მოითხოვონ ის ადგილები; სადაც ქართველები არც არიან და არც ოდესმე ყოფილან.

მეორე დღეს კამათი ხდებოდა „მოსამართლეთა“ წინაშე; მომოსამართლეებათ იყვნენ: ა. გენდერსონი, რ. მაკდონალდი, \*) კიდევ ერთი სახელოვანი სოციალისტი-ინგლისელი; კ. ვიუსმანსი, რენოდელი, ჟ. ლონგე. \*\*)

გაშმაგებულმა კამათმა დიდხანს გასტანა. სომხები თავისას იმეორებდნენ ქართველების ძალდატანებაზე; მათ მიერ გერმანელი ხიშტების დახმარებით სადავო პროვინციების დაპყრობაზე და სხვა. წერეთელი გაუმასპინძლდა ვახსენებით, რომ სომხები ვერაგულათ დაეცენ საქართველოს დეკემბერში. ერთის სიტყვით, „კეთილმეზობლური“ ლაპარაკი გამოვიდა.

შემდეგ საქართველოს მხრით სომხებს მისცეს წინადადება, ეხლავე აერჩიათ საარბიტრაჟო კომისია, რომელიც საფუძვლათ მიიღებდა ბერნის გადაწყვეტილებას და ხელს მოკიდებდა პლებისციტთან და სადაო ადგილებთან დაკავშარებულ ყველა კითხვისა და უთანხმოების გარჩევა-გადაწყვეტას. ამავე დროს ორივე დელეგაციას, საქართველოსას და სომხეთისას, ამ შეთანხმების შესახებ უნდა ეცნობებია პარიზის კონფერენციისათვის.

როგორც ეტყობოდა ეს აზრი მოეწონა „მოსამართლებს“. (ძლიერ გულგრილათ თავმჯდომარეობდა გენდერსონი და ოდნავის გაკვირვებით შეჰყურებდა უბრალო რამეზე „სამხრეთელ აპილპილების“ სურათებს). ფლამანდიელებისა და ვალლონების ჩხუბებს შეჩვეულმა გიუსმანსმა საქართველოს წინადადების საფუძველზე ბო-

---

\*) ეხლა (1924 წ.) — დიდი ბრიტანეთის პრემიერი და შინაგან საქმეთა მინისტრი.

\*\*) ინტერნაციონალის ბიურო ამ დროს საერთოდ სარგებლობდა თავის მუშაობისთვის ქართული დელეგაციის ხელმართ-მოყვარეობით. მაშინ ვერ მოვახერხე გამომეგრკვია, ვინ ვის მფარველობდა, ინტერნაციონალი საქართველოს, თუ საქართველო ინტერნაციონალს? 1919 წელს უკანასკნელის საქმე ცუდათ იყო.

ლოს შეიმუშავა შეთანხმების მუხლები და ცდილობდა დაეჯერებინა სომხები. ძნელი იყო რაიმე საწინააღმდეგო პასუხის გაცემა, და სომხებმა მოულოდნელათ დაიწყეს ლაპარაკი სომეხ-ქართველთა შეტაკების დამნაშავეთა პასუხის გებაში მიცემის შესახებ და მოითხოვეს გიუსმანის მიერ შემუშავებულ მუხლების გარდა, მიღება კიდევ ერთი მუხლისა, სახელდობრ, რომ პლემბისციტის წინ სადავო ადგილებიდან გაყვანილი ყოფილიყო საქართველოს ჯარი და ადმინისტრაცია, ჩვენ და გიუსმანსი კი ვფიქრობდით, რომ ეს და სხვა ამგვარი კითხვა უნდა გადაწყვიტოს სწორეთ საარბიტრო კომისიამ.

მაგრამ სომხების ჯიუტობა (განსაკუთრებით ვარანდიანის) ისეთი გამოდგა, რომ გიუსმანმა პირდაპირ უსაყვედურა მათ, შეთანხმება არ გასურთო.

ამგვარად, ამ ცდიდან არაფერი გამოვიდა. მაგრამ საყურადღებო სანახაობას წარმოადგენდა ინტერნაციონალიზმისა და სოციალიზმის ბაირალს ამოფარებული ეროვნული ვნებათა ლეღვის შეხლა-შემოხლა, რომელიც თავის თავად ჯანსაღი და, შეიძლება, მარტივიც კი იყო. \*)

---

\*) სიერთოდ საქართველოსა და სომხეთს შორის 1919—1920 წლებში დამყარდა ისტანი განწყობილება (თუმცა ამ ქვეყნებში გაბატონებული პარტიები—საქართველოს სოციალ-დემოკრატები და სომხების დაშნაკელები--არ წყალობდენ ერთმანეთს). 1918 წლის ნოემბრის კონფერენციის შემდეგ, რომელიც არ შესდგა (იხ. ზევით გვ. 214) საქართველოს მთავრობამ კავკასიის რესპუბლიკების საერთო საქმეების განსახილველით ზელმეორეთ, 1919 წ. მაისში, მოიწვია კონფერენცია. პროგრამა საუტხოვო იყო, მაგრამ მუშაობას ზელი შეუშალა მოხალისეთა ლაშქრის ზუქიარამ. უფრო გვიან 1919 წლის აგვისტოში, სომხებისა და მუსლიმანების სისხლიან შეტაკებების გამო კონფერენციის მუშაობა საქართველოს მთავრობის წინადადებით, განაზღდა.

## თავი მეოცდაექვსე

### მანდატარის (ხელმძღვანელის) ძეგნაში.

67

პარიზის კონფერენციის ყველაზე უფრო საინტერესო და მნიშვნელოვანი კითხვა იყო—მანდატების კითხვა.

ერთა ლიგის დებულება უფრო სპეციალურად იხსენიებს ორ გეარ მანდატს: კოლონიებში გერმანიის ყოფილ სამფლობელოების თავის გამგებლობაში აღებას, და თანამშრომლობა-მზრუნველობას ზოგიერთი ქვეყნის მიმართ, რომელიც შედიოდა სრულიად დასაწილებელ ოტომანთა იმპერიის ფარგლებში. მაგრამ ეს კატეგორიები, თანახმად The Covenant of the League of Nations-ის მე-22 მუხლისა, მხოლოდ კერძო, თუმცა ყველაზე უფრო მნიშვნელოვანი დამატებებია საერთაშორისო ზოგადი პროგრამისა, რომელიც გამოთქმულია ამგვარათ:

„ომის მეოხებით ხელმძღვანელ სახელმწიფოთა გამგებლობისაგან გამოსულ კოლონიებისა და ტერიტორიების მიმართ, რომელნიც დასახლებული არიან ისეთი ხალხებით, რომელთაც ქვეყნიერების დღევანდელ სამძიმო პირობებში (under the strenuous conditions of the modern world) დამოუკიდებლათ არსებობა არ შეუძლიათ, \*) უნდა მიღებულ იქმნეს ის პრინციპი, რომ ასეთი ხალხების კეთილდღეობა და განვითარება შეადგენს ცივილიზაციის უწმინდესს ამოცანას, და რომ ამ ამოცანის შესრულების გარანტიები უნდა იქნეს შეტანილი ამ დებულებაში.

---

\*) „To stand by themselves“, ფრანგული ტექსტი მცირედით განსხვავდება „non encore capables de se diriger eux-mêmes“.

ამ პრინციპის პრაქტიკულათ ასრულებისათვის საუკეთესო სა-  
შვალეობა იქნება ის, რომ ასეთი ხალხების მზრუნველობა მიენდოს  
მოწინავე ერებს, რომელთაც თავისი გამოცდილებით, ქონებით ან  
გეოგრაფიული მდებარეობით საუკეთესოდ შეუძლიათ იკისრონ ასე-  
თი პასუხისმგებლობა, და რომელნიც თანახმა არიან მიიღონ ვალ-  
დებულება; მზრუნველობას ისინი უნდა ასრულებდნენ, როგორც  
მანდატარები (ხელმძღვანელები) ლიგის სახელით.

მანდატის (ხელდების) ხასიათი სხვადასხვაგვარის უნდა იყოს,  
იმისდამხედვით, თუ რა განვითარება აქვს ხალხს, როგორია ტერ-  
რიტორიის გეოგრაფიული მდებარეობა, ეკონომიური პირობები და  
სხვა ასეთივე მდგომარეობანი...!“

ასეთი იყო კონფერენციის მიერ შეთვისებული ოფიციალური  
მოდერნება მანდატების კითხვის შესახებ. იგი იყო კეთილშობილი  
განზრახვის ნაყოფი (თუ ჩავთვლით, რომ სიტყვებს სერიოზულათ  
ლაპარაკობდნენ!), რომ მოწინავე (გამარჯვებული, მდიდარი, ძლიე-  
რი!) ერებს გაენაწილებიათ შრომა, რათა, რაც შეიძლება სასწრა-  
ფოთ, ზოგიერთ ხალხისათვის მიენიჭებიათ კარგი ადმინისტრაციის  
სიკეთე (კოლონიალური, „შავი“ მანდატები), ზოგიერთისათვის კი,  
— დამოუკიდებელი, თავისუფალი, კულტურული არსებობის სიკეთე  
(„თეთრი“ მანდატები).

ამიერ-კავკასიას, რასაკვირველია, ახლო ეხებოდა სომხეთის  
მანდატი. თუნდაც მანდატი მხოლოდ ოსმალეთის სომხეთზე ყოფი-  
ლიყო გავრცელებული, იქ ერთ-ერთი დიდი სახელმწიფოს როგორც  
მანდატარის გამოსვლა მაინც დიდი მნიშვნელობის იქნებოდა მე-  
ზობელ რესპუბლიკებისათვის. თუ ოსმალეთის სომხეთი და ერევ-  
ნის რესპუბლიკა ე. ი. ყოფილი რუსეთის სომხეთი შეერთდებოდნენ,  
მაშინ ხომ მანდატარი (ხელმძღვანელი) სრულიად ჩაერეოდა კავკა-  
სიის პოლიტიკის წრეში.

თუ რამდენათ ღრმად აინტერესებდა საქართველოს ეს კითხ-  
ვა, ამაზე შემდეგ ვიტყვით. ეხლა შესაფერი იქნება მხოლოდ აღი-  
ნიშნოს, რომ გარდა მანდატების სპეციალურად შემოფარგლულ  
წრისა (გერმანიის ყოფილი ახალშენები და ყოფილი ოტტომანთა  
იმპერიის ნაწილები—სომხეთი, პალესტინე, მესოპოტამია) პარიზის  
კონფერენციის ღროს სინამდვილეში რამდენჯერმე აღიძრა ლაპარა-  
კი სხვა მანდატებზედაც, რაც ეთანხმებოდა კონფერენციის დედა-  
აზრს. მე მხედველობაში მაქვს სწორედ ამიერ-კავკასია. მაგრამ სა-  
ნამ საქმის ამ მხარეს გამოვარკვევდეთ, საჭიროა რამდენიმე სიტყვა

ვთქვათ იმაზე, თუ როგორ უყურებდა საქართველო, ან და უფრო სისწოროთ. როგორ უყურებდა საქართველოს მთავრობა ამ კითხვას. ამას მით უფრო აქვს მნიშვნელობა, რომ საქართველოს მთავრობა თუ არ გამოიჩინდა განსაზღვრულ ინიციატივას, ისე მანდატის შესახებ კითხვა, რასაკვირველია, არც კი შეიძლებოდა პარიზში დასმულიყო.

ცხადია, რომ ოფიციალური შეხედულება გამოთქმული იყო 1918 წლის 26 მაისს საქართველოს დამოუკიდებლობის აქტში, რომელიც ერთხმად იქმნა დამტკიცებული საქართველოს დამფუძნებელი კრების მიერ 19 მარტს 1919 წელს. აქ გარკვევით იყო მიღებული დამოუკიდებლობა და სუვერენიტეტი. საქართველოს საზოგადოებრივ აზრს მხოლოდ ასე ესმოდა კითხვა. მაგრამ ვინაც საქართველოს საქმეების გაძლოლა იკისრა, იგი ვერ დაკმაყოფილდებოდა, რა თქმა უნდა, მარტოდენ ფორმალური ლოზუნგით. აუცილებელი იყო არა მარტო დამოუკიდებელი სახელმწიფოებრივი წეს-რიგის შექმნა შინ, საქართველოში, არამედ როგორმე უნდა მოეხერხებიათ მიეღოთ რუსეთის თანხმობა მთელი იმპერიის შემადგენლობიდან საქართველოს უკვე მომხდარ გამოსვლის შესახებ და ეზრუნათ, რომ პირველ ხანებში, სანამ ქვეყანა მტკიცეთ მოეწყობოდა, მოეპოვათ გარე შე დახმარება, რომელიც გაამაგრებდა დამოუკიდებლობას.

1918 წელს იყო ცდა გადაეწყვიტათ სწორედ ეს ამოცანები გერმანიის დახმარებით. როგორც გამოცდილებამ დაამტკიცა, მართებული იქნებოდა ორივე ამოცანა დაეკავშირებიათ ერთმანეთისათვის: ვისაც სურს და შეუძლია დაეხმაროს საქართველოს დამოუკიდებლობის საქმეს, მან, უპირველესად ყოვლისა, უნდა ხელი შეუწყოს რუსეთისაგან დამოუკიდებლობის ცნობის მიღებას. და ვისაც ამის ძალა შესწევს, მას შეეძლება პირველი კითხვაც მოაგვაროს.

1919 წელს, როცა დიდათ სწამდათ პარიზის კონფერენცია, ვილსონის საფუძვლები და სხვა, შეიძლება ვისმე ეფიქრა, რომ თავიდათავი საქმე ფორმალური ცნობის მიღებაა, დანარჩენი კი, როგორმე მოგვარდება. როგორც სჩანს, საქართველოშიაც ასე უყურებდნენ მდგომარეობას. მაგრამ ეს, რასაკვირველია, შეცდომა იყო. საჭირო იყო წინდაწინვე ეფიქრათ ვისგანმე დახმარების მიღებაზე, იმ მოსაზრებით; რომ რუსეთი (თეთრი იქნება იგი, თუ წითელი), აუცილებლივ მონიღომებს აღადგინოს თავისი მდგომარეობა კავკა-

სიაში. გარეშეთა დამოუკიდებლათ ვერც ერთი ახალი სახელმწიფო ვერ მოეწყობოდა „ღღევანდელი ქვეყნიერების სამდიმო პირობებში“: \*) 1919 წლის დასაწყისში „თვითგამორკვეული ხალხები“ ყველა გამოუწიკლისოთ სარგებლობდენ ასეთის დახმარებით, თუმცა დახმარების ფორმებს ზოგჯერ ნიღაბს აფარებდენ.

თვით რუსეთს არ შეეძლო ზურგი შეეჭცია უფრო მდიდარ და უფრო ბედნიერი ერების დახმარებისათვის: ნუ თუ ბუნებრივი არ იქნებოდა მიგვემართა უმაღლეს ინსტანციისათვის, ევროპის მომწესრიგებელ სახელმწიფოებისათვის და გვეთხოვა არა მარტო ცნობა, არამედ დახმარება და დაცვა?

საერთოდ იმ აზრს უნდა დავდგომოდით—მე პირადათ ასე ვმოქმედებდი—რომ ქვეყანას, რომელსაც საქართველოს მსგავსი გეოგრაფიული მდებარეობა უჭირავს (რუსეთსა და ოსმალეთს შორის) და რომელსაც რევოლიუციამდე არ ჰქონებია სახელმწიფოებრივი ორგანიზაციები (როგორც, მაგ., ფინლანდიას), უეჭველად სჭირდება გარდა ოფიციალური ცნობისა, რომელიმე დიდი სახელმწიფოს უფრო გარკვეული, უფრო სპეციალური დახმარება. დამარცხებულ გერმანიას აღარ შეეძლო ამ ამოცანის შესრულება. შეეძლო მისი მაგიერობა ვისმე გაეწია?

გასაგებია, რომ არც ჩხეიძესა და არც წერეთელს კითხვის ასე დაყენება არ შეეძლო; მათთვის ძალაში რჩებოდა დაპირისპირება იმპერიალიზმობისა და პროლეტარიატისა, რევოლიუციონური დემოკრატიისა. ისინი გაძაგრული იყვნენ ამ ფორმულებით, როგორც ევროპიელ ამხანაგების, ისე საქართველოში „სამწყსოს“ წინაშე, რომელიც აღზრდილი იყო სწორედ ამ უმწეო და გამარტივებულ ფორმულებზე. ამიტომაც ისინი იყვნენ, ყველა მათი ღირსების მიუხედავათ, ნაკლებათ შესაფერი პირები რომ მოეპოვათ საქართველოსთვის რომელიმე დიდი სახელმწიფოს თავგამოდებული დახმარება; და თუ რაიმე მიზეზის გამო—თუნდაც, მაგალითად, როცა ბუნებრივი გონიერება მოულოდნელად დასძლევდა გაზეპირებულ ფრაზებს—ისინი დაადგებოდენ „იმპერიალიზმთან შეთანხმების“ გზას, ისინი ყოველთვის ვარდებოდენ ყალბ, ორქოფულ მდგომარეობაში.

---

\*) ამ მელანქოლიური შენიშვნის ღრმა და მრავალგვარი აზრი (იხ. გვ. 271) ყველასათვის არ შეიქნა ნათლად გასაგები.

„მანდატის“ კითხვა საქართველოს დელეგაციამ პირველად განიხილა შემდეგი გარემოების დროს. ჩვენი მემორანდუმი—საქართველოს დამოუკიდებლობის ცნობის უშუამდგომლობით—წარდგენილი ჰქონდა კონფერენციას. დელეგატებმა (უმთავრესად ჩხეიძემ), ჩამოიარა „პიროვნებანი“ და ამ დარბაზობას აშკარათ ემჩნეოდა სავალდებულო და მოსაბეზრებელი ფორმალობის ხასიათი. დელეგაციაში \*) მე არ მექირა ოფიციალური ადგილი, თუმცა სინამდვილეში თანამშრომლობას ვეწეოდი; (მე იმ ხანებში შევადგინე, მაგალითად, ზემორე აღნიშნული ძირითადი მემორანდუმი, რომელიც წარედგინა საქართველოს სახელით პარიზის კონფერენციას); ამიტომ, რასაკვირველია, მე მსურდა გამეგო საქართველოს რწმუნებულთა არსებითი გეგმები და აზრები. ამ მიზნით, 23 მარტს, 1919 წელს ჩხეიძემ მიმიწვია დელეგაციის კერძო თათბირზე, რომელზედაც მოხდა აზრთა შემდეგი გაცვლა-გამოცვლა.

ა ვ. აუცილებლად საჭიროა გამოვარკვიოთ უმთავრესი კითხვა: რა მიზანს ვემსახურებით აქ? დამოუკიდებლობის ფორმალურ ცნობას და „განათლებულ ერთა ოჯახში მიღებას“, როგორც ამას ცდილობენ ისეთი ახალი სახელმწიფოები, როგორიც არიან ჩეხია, სამხრეთი-სლავია? თუ ჩვენ პირველ ხანებში გეპირდება გარეშე დახმარება და მას უნდა ველოდეთ „მანდატო“-ისაგან? როგორც სჩანს ყველა თანახმაა, რომ საქართველოს თავისი ძალებით ახლო მომავალში არ შეუძლია უზრუნველჰყოს თავისი თავი ყოველგვარი გარეშე საშიშროებისაგან. თუ მივიღებთ, რომ დახმარება რომელიმე დიდი სახელმწიფოსი საჭიროა, მაშინ არ გვაქვს საფუძველი ზურგი შევაქციოთ „მანდატს“, მით უმეტეს, რომ მანდატი სრულდება ერთა ლიგის, ე. ი. უმაღლესი ინსტანციის დავალებით და ზედამხედველობით, იგი მანდატი განსაზღვრული დროით იძლევა, ხოლო მისი შინაარსი წინასწარ შეიძლება შემოფთვარგლოთ მანდატორთან პირდაპირი მოლაპარაკების საშუალებით. არსებობდა, ეს „მანდატი“ შეიძლება შეეთანხმოს საქართველო-გერმანიის ურთიერთობის შარშანდელ ჩვენს სქემას. მაგრამ, რა თქმა უნდა, საქმის დამწყები უნდა ვიქნეთ ჩვენ და სხვა...

---

\*) შემდეგ, 1919 წლის მაისში, მე „კომპტაციის წესით“ შემიყვანეს დელეგაციის შემადგენლობაში.

ამას მიჰყვებოდა ნათქვამიდან გამომდინარე პრაქტიკული გეგმის განმარტება.

ი. წერეთელი. ჩვენ დამოუკიდებლობის თვალსაზრისზე ვდგევართ. ჩვენი ხალხი ისე შეეჩვია ამ აზრს, რომ ძნელია ეხლა სხვა რამ მიაწოდო. ყოველ შემთხვევაში მანდატით ან პროტექტორატით საქმის დაწყება არ უნდა იყოს მართებული. მოვითხოვთ ჩვენი დამოუკიდებლობის ცნობა და შემდეგ, როცა ყოველივეს ავწონ-დავწონით, შევეთანხმებით, ვთქვათ, ინგლისს. დავეკითხოთ მას, რას უპირებს ჩვენში მყოფ ჯარებს, ვთხოვთ არ გაიყვანოს იგი.

ჩხეიძე. დიპლომატია საერთოდ ძნელი საქმეა, ეხლა კი, სრულიად თავსამტერვევი გახდა. ავიღოთ თუნდაც ეს „მანდატი“, — შეიძლება დამოუკიდებლობასთან მისი შეერთება? და სხ.

რა თქმა უნდა, „მანდატისა“ და „ერთა ლიგის“ ტერმინებთან დაკავშირებით იბადებოდა მრავალი იქვი და ფიქრი; მაგრამ მე მაინც იმ აზრის ვიყავი, რომ ზოგიერთ შემთხვევაში, განსაკუთრებით იმ ქვეყანაში, რომელმაც დაამტკიცა პოლიტიკური თვითმარ: თველობის უნარი უფრო კარგად, ვიდრე სადმე სხვაგან, „მანდატი“ ასრულებს თავის დანიშნულებას — სანამ ახალი სახელმწიფო მოეწყობოდეს, იყოს დროებითი დამხმარეთ.

„ნუ დაივიწყებთ უმთავრესს, — დავსძენდი მე: ჩვენ არ შეგვიძლია დავიგვიანოთ და ვიცადოთ — საქიროა საქართველო წინდაწინვე უზრუნველყოთ მოულოდნელობისაგან“.

საერთოდ, ჩვენი მთავარი დელეგატები, როგორც აღმოჩნდა, სრულიადაც არ იყვნენ „მანდატის“ პრინციპიალური მოწინააღმდეგენი. მაგრამ მათ სურდათ მოეცადნათ. ამ დროს კი, ჩვეულებრივის ხერხით წერეთელმა „გაიყვანა“, 28 აპრილის 1919 წელს, ამსტერდამის რეზოლიუცია, რომელიც სრულიად აშკარად გამოდიოდა საქართველოს „სრული დამოუკიდებლობის“ ყოველგვარ შეზღუდვის წინააღმდეგ, როგორიც არ უნდა იყოს კონტროლი თუ „მზრუნველობა“ ევროპის სახელმწიფოებისა (იხ. ზემოთ). შესაძლებელია, რომ ასეთი პოზიცია სჭირდებოდათ საქართველოს სოციალისტების მეთაურებს ინტერნაციონალში თავისი პი-



რადი მდგომარეობისათვის. საქართველოს საქმეს ამით ცუდ სამსახურს უწევდენ.

ამ პოზიციის ორკოფობა ძლიერ მალე გამოაშკარავდა: მოხალისეთა ლაშქრის მუქარამ თვალსაჩინო გაკვეთილი მისცა საქართველოს მთავრობას ტფილისში და მის სრულუფლებიან რწმუნებულებს პარიზში, რომ მარტო „დამოუკიდებლობა“ არ კმარა თავდაცვისათვის, და დახმარება რომელიმე „იმპერიალისტური“ სახელმწიფოსა, არც თუ ისე უმნიშვნელოა.

ზევით ნათქვამი იყო, თუ თვით საქართველოში როგორ გართულდა განწყობილება ინგლისელებთან (მთავარ „იმპერიალისტებთან“). დენიკინის საწინააღმდეგო საქართველოს ფრონტი გაგებულ იყო როგორც „სოციალისტური“ ფრონტი; საქართველოს მთავრობის წინამძღოლი ვერ ბედავდა ტფილისის სასახლეზე აფრიალებულ წითელ ბაირალს გამოთხოვებოდა, როგორც ბავშვი ვერ იმეტებს საყვარელ სათამაშოს. ყველა ეს იყო ნიშნები, რომელნიც კეთილად ვერ იმოქმედებდნენ რომელიმე დიდ სახელმწიფოსთან დაახლოვებაზე!

ასეთი დაახლოვების მოთხოვნილება კი მწვავეთ საგრძნობი გახდა. მაგრამ როცა წერეთელმა (ამ შემთხვევაში მისივე თხოვნით მე თან ვახლდი) ბრიტანეთის დელეგაციაში დაიწყო ლაპარაკი „დემოკრატიულ რესპუბლიკისა“ და „ბრიტანეთის იმპერიალიზმის“ შორის უფრო მკიდრო კავშირის დამყარების შესახებ, გაიგონა დაშორებულ პასუხზე კიდევ მეტი. იმ პირისაგან, რომლის ხელის მოწერით 1919 წლის დეკემბერში მივიღეთ საქართველოსადმი თანაგრძნობის განცხადება, ჩვენ მოვისმინეთ აღიარება, რომ „სიმპატიები იყო“, მაგრამ ეხლა იგი... „უფრო ცოტაა“. (მუსაიფი სერ ლუი მალლეტთან, 26 ივნისი 1919 წელი).

მაგრამ შეცდომა იქნებოდა ბრიტანეთის მთავრობის ჩვენდამი გულის გაგრილება მივაწეროთ მხოლოდ თვით საქართველოში არსებულ „შეუფერებელ, დასავლეთის იმპერიალიზმისადმი“ მტრულ სულიერ განწყობილებას.

იყო უფრო ზოგადი მიზეზები, რომელთა გამო 1919 წელში დიდმა ბრიტანეთმა უარყო აქტიური პოლიტიკა საქართველოში (და საერთოდ ამიერ-კავკასიაში), სახელდობრ: მთლიანი რუსეთის აღდგენის პოლიტიკასთან ერთად ამიერ-კავკასიის რესპუბლიკების დამოუკიდებლობის თავგამოდებული დაცვის სიძნელე (იმ მხრით, რომ საბოლოოთ ჩამოშორებოდნენ რუსეთს); ბრიტანეთის ლომის

ზედმეტათ დატვირთვა ყოველგვარი საზრუნავითა და პასუხისმგებლობით და დასასრულ, ეკონომიის საჭიროება, რასაც ომის დამთავრების შემდეგ ძლიერ დაჟინებით მოითხოვდა ინგლისის საზოგადოებრივი აზრი \*).

და საერთოდ, თუმცა ამიერ-კავკასიაში ინგლისის ისეთი პოზიციის შექმნა, რომელიც შეთანხმებული ყოფილიყო დამოუკიდებელ რესპუბლიკებთან, ბრიტანეთის იმპერიისთვის სხვადასხვა თვალსაზრისით წარმოადგენდა დიდ ინტერესს, მაგრამ მას არ ჰქონდა საარსებო მნიშვნელობა.

ნათქვამი საქმაოა რომ ავხსნათ, თუ ბრიტანეთის მანდატის იდეას რატომ არ მიეცა პრაქტიკული წარმატება 1919 წლის შუაში.

69

ამიერ-კავკასიიდან ინგლისის ჯარების წასვლით შეშფოთებულს საქართველოს მთავრობას სრულიადაც არ სურდა მოხალისეთა ლაშქართან სასიამო მარტობაში პირის-პირ დარჩენა განეცადა და ზურგს არ აუხვევდა, თუ ინგლისელებს რომელიმე სხვა „იმპერიალისტები“ შესცვლიდნენ. ინგლისელების მაგიერ ამიერ-კავკასიაში მოსვლის სურვილი განაცხადა იტალიამ, და იტალიის ჯარების მომავალი ჩამოსვლა ოფიციალურადაც იყო გამოცხადებული. ზოგიერთი მოსაზრებით იმის თქმაც კი შეიძლება, რომ ამიერ-კავკასიის ყელზე იტალიის, როგორც მანდატორის დამკვიდრება იქნებოდა. იმ დროისთვის (1919 წ.) ყველაზე უფრო პრაქტიკული, მრავალ-გვარ პირობებთან და ინტერესებთან შეთანხმებული ფორმა... ბრიტანეთის მანდატისა საქართველოზე და აზერბაიჯანზე!

იტალიას არა აქვს ნედლეული, და „ნედლეულის ძებნა“ ერთი უმთავრესი მიზანთავანი იყო იტალიის საგარეო პოლიტიკისა უკანასკნელ წლებში. იტალიელების მხრით წამოყენებულიც კი იყო იდეა „ნედლეულის საერთაშორისო გადაყოფისა“, როგორც ერთა ლიგის ერთი ამოცანათავანი. გონების ასეთი მიმართულების დროს ბუნებრივად დაიბადა აზრი, იტალია მიეწვიათ კავკასიის სიმილი-

---

\*) 1919 წლის ზაფხულიდან ინგლისი, დაკმაყოფილდა ამიერ-კავკასიაში მხოლოდ ბათუმის დაკავებით; ამგვართ იგი საქმაოთ უზრუნველყოფილი იყო იმ შემთხვევისათვის, თუ შემდეგ გადაწყვეტდა უფრო ახლო მონაწილეობა მიეღო ამიერ-კავკასიის რესპუბლიკების პოლიტიკაში.

რეთა დასამუშავებლად. განსაკუთრებულ ყურადღებას აქცევდნენ ქვა-ნახშირს, იტალიის უმთავრეს საზრუნავ საგანს.

აქ არაფერს ვიტყვი, თუ რა კავშირი არსებობდა იტალიის „კავკასიაზე ორიენტაციისა“ და ევროპის პოლიტიკის გაყოფასა და კომპენსაციებთა შორის, რაც გარდუეალი იყო 1919 წლის პირობებში. იტალიის დაინტერესება ისე სერიოზული სჩანდა, რომ ერთ დროს შემხდური მიმართულებაც დაიბადა—სახელდობრ, საქართველოს მთავრობის იტალიაზე ორიენტაცია. ამ მიმართულებამ სიძლიერით იჩინა თავი, მაგრამ მალე გაჰქრა.

საქართველოს „ბუნებრივ სიმდიდრისადმი“ ინტერესი იტალიელებმა გამოამჟღავნეს საქართველოს დელეგაციის თავმჯდომარე ჩხეიძესთან პარიზში პირველ შეხვედრისთანავე. „როგორაა ქვა-ნახშირის საქმე თქვენში?“—ეს იყო მთავარი კითხვა, რომელიც დაუყენეს მუშათა და ჯარის-კაცთა საბჭოს ყოფილ თავმჯდომარეს იტალიის სრულუფლებიანმა დელეგატმა პარიზში მარკიზმა Salvago Raggi-მ და აგრეთვე მარკიზმა della Torretta-მ (მაშინ მრჩეველ დელეგატთა იყო) ჯერ კიდევ 1919 წლის მარტში. ამ შეხვედრის ცოტა ხნის შემდეგ ინგლისურ წყაროებიდან ცნობა მოვიდა, რომ აზრათ აქვთ ამიერ-კავკასიაში ინგლისური ჯარი შესცვალონ იტალიურით. აპრილის დამლევს, პოლკოვნიკ გაბბას მეთაურობით, ტფილისში გაემგზავრა იტალიის მისსია, რომელშიაც შედიოდნენ სამხედრო და არა სამხედრო პირები. ამ შემთხვევის გამო მარკიზმა დელლა ტორრეტამ საქართველოს დელეგატებს მისცა (2 მაისს) განმარტება, რომ მისსია გაიგზავნა, ქვეყნის საღსრების გასაცნობათ და საწარმოვო და საერთოდ ეკონომიური კავშირის მოსაგვარებლათო. „შესაძლებელია—დასძინა მან—ინგლისის ჯარები გამოყვანილი იქნეს საქართველოდან, და ისინი შესცვალონ იტალიელების ჯარებმა; ამ შემთხვევაში იტალიელები, რა თქმა უნდა, არ ჩაერევიან საქართველოს შინაურ საქმეებში და მათი იქ ყოფნა დაემორჩილება იმავე პირობებს, რა პირობებითაც იყვნენ ინგლისელები. საქართველოს დამოუკიდებლობის ცნობას კონფერენციაზე იტალია ყოველგვარათ შეუწყობს ხელს“. ამ ოფიციალურმა განცხადებამ დაადანტურა ცნობები, რომელიც ჩვენ წინათ გვექონდა მიღებული.

10 მაისს საქართველოს მთავრობის თავმჯდომარემ (ჟორდანია) მიიღო გენერალ ტომსონისაგან („ბრიტანეთის ჯარების უფ-

როსი ამიერ-კავკასიაში) ცნობა ინგლისის ჯარების მომავალ წასვლისა, და იტალიელი ჯარების მიერ მათი შეცვლის შესახებ. ასეთივე განცხადება გამოცეს ბაქოშიაც. \*)

საქმე სახუმარო აღარ იყო, მით უმეტეს, რომ ამ ხანებში „დენიკინის მუქარა“ უფრო და უფრო მწვავე ხდებოდა.

ჯერ კიდევ ივნისის დასაწყისში ტფილისიდან პარიზში გაიწვიეს პოლკოვნიკი გაბბა. იტალიის მთავრობას დინჯათ უნდა გადაეწყვიტა საპასუხისმგებლო კითხვა, გაგზავნოს თუ არ გაგზავნოს ამიერ-კავკასიაში ჯარი? ეს კი უდრიდა კითხვას, მიიღოს თუ არა. იტალიამ მანდატი ამიერ-კავკასიაზე და კერძოთ საქართველოზე.

იდუური დასაბუთება არ წარმოადგენდა რთულ საქმეს.—დახმარებოდენ ახალგაზრდა ერებს, რომელთაც დამოუკიდებლობა მოიპოვეს, განემტკიცებიათ დამოუკიდებლობა—განა ეს არ შეესაბამებოდა გაერთიანებული იტალიის უკეთილშობილეს ტრადიციებს, გარიბალდის ანდერძს?

ასეთი განცხადებების რიცხვი, როგორც ქართველების, ისე იტალიელების მხრით, მრავალი იყო. მატერიალური სარჩულიც აშკარად სჩანდა: იტალია გზას პოულობდა მისთვის საჭირო ნედლეულისა და სათბობისაკენ, და ექსპედიციის ხარჯები სავსებით იქნებოდა უზრუნველყოფილი კონცესიებით.

მაგრამ მხედველობაში მისაღები იყო რუსეთის აღდგენა, რაც: 'მოახლოვებულათ ეჩვენებოდათ. ქრონოლოგიურათ იტალიის მანდატის „ყოფნა არ ყოფნის“ კითხვა სწორედ იმ დროს წამოიჭრა, როცა არჩევდენ, თუ როგორ პოლიტიკას უნდა დასდგომოდა კონფერენცია რუსეთის საქმეში (კოლჩაკის მთავრობის ცნობის პირობები) და სწორედ იმ დროს, როცა დაიწყო კონფლიქტი კავკასიის რესპუბლიკებსა და მოხალისეთა ლაშქრის შორის.

კონფერენციის პროგრამა რუსეთის კითხვაში, არსებითად, არ უარყოფდა არც იტალიის ჯარების გაგზავნას (ინგლისელების მაგიერათ) საქართველოსა და აზერბაიჯანში და არც იტალიის „მანდატს“. მაგრამ ამ ნიადაგზე მოხალისეთა ლაშქართან შეტაკების „ტაქტიური“ შესაძლებლობა მაინც რჩებოდა. ამგვარათ, კითხვა

\*) როგორც მაშინ ამერიკის დელეგაციაში გადმოგვცეს, ერთის მიერ მეორის შეცვლა კონფერენციაზე მოხდა მხოლოდ იტალია-ინგლისის შეთანხმებით.

ბოლოს და ბოლოს—როგორც ყოველთვის, ასეთ შემთხვევებში ხდება—წყდებოდა წაგება-მოგების შეფასებით.

იტალიის მანდატის მომხრეები ფიქრობდნენ, რომ საკმაოა მოკავშირეთა ჯარების მარტოოდენ საქართველოში ყოფნა, რათა საქართველო და აზერბაიჯანი დაცულნი იქნენ გარეშეთა ყოველივე შემოტევისაგან, და დიდს იმედებს აპყარებდნენ ამიერ-კავკასიაში იტალიელების გავზენაზე, რომელთა ოკუპაცია იქნებოდა დროებითი, სანამ საერთო „მშვიდობიანობა“ დამყარდებოდეს და სანამ ადგილობრივი ძალები მოეწყობოდეს. დიდის საფუძვლიანობით გამოსთქვა ეს აზრი საქმის კარგათ მცოდნე პუბლიცისტმა—დ. ანდრიულლიმ „Corriere della Sera“-ში; იგი დასძენდა, რომ ერთადერთი, რაც იტალიას არ შეუძლია და არ შეეფერება—ეს გახდეს კავკასიაში ადმირალ კოლჩაკის გიპოტეტიურ რუსეთის „ფედერაციის“ ჟანდარმათო.

სკეპტიკოსების აზრით კი, იტალია კაპიტალით არ იყო იმდენათ მდიდარი, რომ თავს ედვა თუნდაც მარტოოდენ საქართველოს საწარმოვო ძალთა განვითარება, და რომ მანდატის მიღება გამოიწვევს რუსეთის იმპერიალიზმთან შეტაკებას და სხ.

ეს შეხედულება თვალსაჩინოთ იყო გამოთქმული ბ. ენრიკო ცელლის მიერ მილანის „Secolo“-ში.

---

როგორც ცნობილია, იტალიის მანდატის კითხვა უარყოფით \*) გადასჭრა ნიტტის მთავრობამ. აქ თავისი როლი შეასრულა რუსეთში „თეთრგვარდიელთა“ მოძრაობის გადაქარბებულმა

---

\*) იტალიის სამხედრო მისიამ ტფილისში ოფიციალური განცხადება გამოაქვეყნა, რომ იტალიის ჯარები არ ჩამოვლენ 5 აგვისტოს 1919 წ. თავის ცნობილ წიგნში *Europa senza pace* თვით ნიტტი თავის დამსახურებათ სთელის, რომ საქართველოში ექსპედიციის გავზენაზე უარი განაცხადა, როგორც კი გახდა იტალიის მთავრობის მეთაური (ივნისი, 1919 წ.). როგორც ის ამბობს, ამ დროს უკვე გასაგზავნათ მზათ იყო მთელი კორპუსი (მე-12-ტე) ორი ქვეითა დივიზიისა და ალპების ნაწილების შემადგენლობით. ამ ექსპედიციაზე უარის ყოფის გამო, ვითომც ნიტტის თავს დაატყდა მრავალი შტრობა, მაგრამ მან გადაარჩინა იტალია საშინელ ავანტიურასა და მოსოვის მთავრობასთან გარდუევალ შეტაკებას. სად და როგორ მოხდებოდა—1919 წლის ზაფხულზე—ეს შეტაკება საბჭოთა ჯარებთან—ნიტტი არ განმარტავს. ეს არც არსებითა მისი დებულებებისათვის. მის ვერსიაში სხვა შეუფერებლობაც არის. იხ. *L' Europe sans paix* გვ. 186-188.

შეფასებამ, მაგრამ დიდი მნიშვნელობა ჰქონდა აგრეთვე იტალიის მაშინდელ მძაფრ სურვილს, საჩქაროო მოეხდინა დემობილიზაცია. საერთოდ 1919-1920 წლებში იტალია იყო მეტად მოდუნებული და შელახული, რომ „გაეებენა“ საქართველოს მანდატის აღება; შესაძლებელია, რომ მუსსოლინის იტალია გაბედავდა.

იტალიის მისიის საქართველოში ჩამოსვლისა და იქ მის ყოფნას მაინც ჰქონდა ერთგვარი მნიშვნელობა, როგორც საქმიანობის, ისე პოლიტიკის მხრით: ომის შემდეგ იტალიელებმა პირველად მოაწყვეს ზღვით მიმოსვლა ევროპასთან, გახსნეს ბანკი, ბეჯითად ვაჭრობდნენ და სხვა. ევროპის სახელმწიფოების მიერ საქართველოს რესპუბლიკის ცნობის საქმეში, იტალიის თანაგრძნობა იყო, რა თქმა უნდა, სასარგებლო და იგი შეუმჩნეველათ მომზადდა 1919 წ.

---

## თავი მეოცდამეორე

ა მ ე რ ი კ ი ს მ ი რ ა ჟ ი .

70

სრულიად განსაკუთრებული მნიშვნელობა ჰქონდა საქართველოსთვის სომხეთზე ამერიკის მანდატის კითხვას. ამ ნაბიჯის სასარგებლოთ ეწეოდნენ დიდ პროპაგანდას; მის განხორციელებას ერთ დროს უეჭველათ სთვლიდნენ; ამიტომ ჩვენც უნდა გამოგვეჩვენო, თუ როგორი იქნება ამერიკელების განწყობილება საქართველოსა და საერთოდ კავკასიის რესპუბლიკების მიმართ. ამერიკის დელეგაციის ექსპერტებთან მუსაიფში (მაისი—ივნისი 1919 წ.) ამ კითხვას ხშირად დაწვრილებით ვარჩევდით.

იმ დროს ბევრი ამერიკელი მიდიოდა სომხეთში; გზათ უნდა გადაეარათ საქართველო; ჩრდილო-ამერიკის შტატებს ტფილისში და სხვა ადგილებზე ჰყავდა საკონსულო წარმომადგენლები; ამ აგენტებისა და ფილანტროპიულ ორგანიზაციების მოღვაწეთა საშვალეებით, ამერიკის დელეგაციამ პარიზში კარგად იცოდა, თუ რა ხდებოდა ამიერ-კავკასიაში.

ამერიკელებმა მალე დაათვასეს, თუ რა კავშირი არსებობდა საქართველოს დამოუკიდებლობის კითხვასა და სომხეთზე ამერიკის მანდატის განხორციელების შორის.

„ამგვარათ, თქვენ გსურთ სრული დამოუკიდებლობა—მითხრა ერთხელ ერთმა ამერიკელმა ექსპერტმა,—თქვენმა ფინანსთა მინისტრმა კი ჩვენებს განუცხადა ტფილისში, რომ სხვების დაუხმარებლად თქვენ ვერაფერს გახდებით... ნუ თუ თქვენი დამოუკიდებლობის ცნობა მოგცემთ რაიმე საღსარს, რომელიც თქვენ არა გაქვთ?“

„ღიად, ჩვენ გვკვირდება როგორც ფინანსიური ისე სხვაგვარი დახმარება. დამოუკიდებლობის ცნობა, რა თქმა უნდა, ერთბაშათ არ მოგვეცემს სიმდიდრეს, მაგრამ თუ იმავე დროს საქართველო უზრუნველყოფილი იქნა ნამდვილი დახმარებით, შესაძლებელი გახდება ბუნებრივი სიმდიდრის დამუშავება დაიწყოს. ეს კი შემდეგ მოგვეცემს საშვალებას. რა ფორმას მიიღებს დახმარება ეს სხვაა“ — „მანდატი თუ? თქვენ ხომ ერთგვარი ზედამხედველობის წინააღმდეგ არ ხართ?“ — „არა! ისეთი მანდატი, მაგალითად, როგორცაა დროებითი დავალება, დახმარება გაგვიწიონ ფინანსების მოწესრიგებაში — სრულიად არ ეწინააღმდეგება დამოუკიდებლობას“.

განსაკუთრებულათ, რა თქმა უნდა, შეეხებთ, საქიროებას პოლიტიკურათ ხელი შეეწყობთ საქართველოსთვის, რაც სომხეთში ამერიკის წარმატებით მუშაობის ერთ-ერთ პირობათ ჩავთვალეთ.

ამ ბაასის დასასრულს ჩვენ მივედით შემდეგ დასკვნამდე: იმ შემთხვევაში, თუ ერთა ლიგის დებულებას რატიფიკაცია უყო (დაამტკიცა და მიიღო) ჩრდილო ამერიკის შეერთებულმა შტატებმა\*), და თუ ამერიკამ მიიღო მანდატი სომხეთზე, მაშინ არ არის შესაძლებლობა მოსპობილი, რომ შეერთებული შტატები თავის თავზე მიიღებს აგრეთვე ზოგიერთ ვალდებულებას საქართველოს მიმართაც.

ასეთი მომზადების შემდეგ ერთმანეთს შეხვდნ საქართველოს დელეგატები და პოლკოვნიკი House (11 ივნისს 1919 წელს); თუმცა უმთავრესი თემიდან იძულებული ვიყავით გადაგვეხვია „ტაქტიური“ მუქარისაკენ — დენიკინის თავდასხმისაკენ (იხ. ზევით გვ. 251), მაგრამ ამერიკის მანდატის შესახებ კითხვა მაინც აღიძრა პრეზიდენტ ვილსონის მთავარ თანამებრძოლთან ამ შეხვედრის დროს\*\*).

---

\*) ვერსალის ხელშეკრულება 1919 წლის 23 ივნისისა, რომლის ორგანიზულ ნაწილს შეადგენდა ერთა ლიგის დებულება, შეერთებულ შტატების სენატში განსახილველად შეტანილ იქნა 1919 წელს 10 ივლისს. ყველას ახსოვს ტრაქტატის მიღების, თუ უარყოფისათვის ამერიკაში წარმოებული ისტორიული ბრძოლა, რომელმაც გათელა პრეზიდენტ ვილსონის სიცოცხლესთან ერთად მრავალთა იმედი ევროპასა და აზიაში. ვერსალის ხელშეკრულება საბოლოოდ უარყო სენატმა 1920 წლის 20 მარტს.

\*\*\*) ცოტა ხნის წინათ (28 მაისს) აზერბაიჯანისა და მთიულთა რესპუბლიკების დელეგატები მიიღო პრეზიდენტმა ვილსონმა.



კითხვა პირობით ისმოდა: „თუ ამერიკა ხელს მოკიდებს სომხეთის საქმეებს, დაეხმაროს საქართველოსაც“. ამის მეტის გაკეთება, აშკარაა, ჩვენ არ შეგვეძლო. მაგრამ ამის გაკეთება აუცილებელი იყო: ჩვენ ანგარიში უნდა გაგვეწვია შეერთებულ შტატების აღმოსავლეთში მოსალოდნელ გამოსვლისათვის; იგი გამოვიდოდა ხალხების თავისუფლებისა და საქმიანობის მასწავლებლათ და მშვიდობიანობისა და წეს-რიგის დამამყარებლათ.

სომხეთზე ამერიკის მანდატი რომ განხორციელებულიყო, საქართველოს, როგორც სომხეთში მიმავალი მთავარი გზა, შეიქნებოდა შეერთებული შტატების ყურადღების საგნათ. \*) გაადვილდებოდა საქართველოს დამოუკიდებლობის საერთაშორისო ცნობა, საერთოდ განმტკიცდებოდა მისი მდგომარეობა, და მას საშვალეობა მიეცემოდა პოლიტიკურ ზედმეტ დუღილიდან გადასულიყო უფრო ნაყოფიერ ეკონომიურ შრომაზე (ეს შეიძლება ითქვას ყოველ ქვეყანაზე, რომელიც კი ამ შემთხვევაში მოხვდებოდა ამერიკის საქმიანობის ზედგავლენის სფეროში). აღმოსავლეთ ანატოლიაში ოსმალეთისაგან დამოუკიდებელი სომხური ზოლის დაარსება, მოსპობდა ოსმალეთისა და საქართველოს უშვალო მეზობლობას, რაც საშვალეობას მისცემდა საქართველოს უფრო მჭიდროთ შეეკავშირებია თავისი მუსლიმანური პროვინციები დანარჩენ ქრისტიანულ ნაწილთან.

„ორარსება“ სომხეთის თანდათანობით დამშვიდების შემდეგ კი მოსალოდნელი იყო, რომ თავიანთ სომხეთში დაბრუნდებიან საქართველოში მრავლათ შემოხიზნული ლტოლვილები, რომელნიც ხელოვნურათ აღიდებდენ ისედაც მრავალრიცხოვან რიგებს სომხების უმცირესობისას და სხვა.

სამწუხაროთ, სომხეთზე ამერიკის მანდატის იდეას ბევრი დაბრკოლება შეხვდა, თუმცა მართალია, სომხეთმა მიიღო ფილანტროპიული ხასიათის ძლიერ ფართო დახმარება. სახელმწიფოთა უმაღლესმა საბჭომ განსაკუთრებულ კომისრათ დიდის და გაურკვეველი რწმუნებებით გაგზავნა ამერიკის პოლკოვნიკი ჰასკელი, რომელიც მოკავშირეთა სახელით განსაკუთრებულ ოფიციალურ დახმარებას უწევდა სომხეთში მომუშავე ყველა პიროვნებასა და ორგანიზაციას. უმთავრე-

---

\*) ამერიკის დახმარება საქართველოს მიმართ წარმოდგენილი ჰქონდათ, როგორც მხოლოდ დიპლომატიური მხარის დაქვეა და ფინანსიური ხელის შეწყობა. საქართველოში წესრიგის დასაცავათ, რა თქმა უნდა, არავის დახმარება არ იყო საჭირო. სრულიად სხვა ფერადებით იხატებოდა ამერიკის მანდატი სომხეთზე.

სად, მგონი, მას უხდებოდა ყოფილიყო უმაღლესად დანიშნულ „გამდენათ“ რონოდებისა, რომელნიც ფქვილით, შესქელებული რძით და სხვა დოვლათით დატვირთულნი მიდიოდენ ბათომიდან სომხეთში.

„შესქელებული რძე... მანდატის მაგიერ“—მგონი, ასე შეიძლება მოკლეთ დახასიათდეს ამერიკის ზრახვების და სომხეთის კითხვის ფარგლებში მასთან დაკავშირებული იმედების შედეგი!\*)

აქვე მოვიხსენებ, რომ ერთად ერთი ოფიციალური ქალაქი, რომელიც მიიღო საქართველოს დელეგაციამ 1919 წლის განმავლობაში პარიზის კონფერენციის უმაღლესი საბჭოსაგან, კლემანსოს ხელმოწერით, შეეხებოდა სწორეთ საქართველოზე სომხეთში საქონლის გადატანის კითხვას, და იგი გამოწვეული იყო საჩივრით, ვითომცდა საქართველო ხელს უშლიდეს ამ გადატანას.

1919 წლის ნოემბერში ჰასკელი თბილისიდან ჩამოვიდა პარიზში, რომ „მოხსენება გაეკეთებინა კონფერენციისათვის“ ამიერ-კავკასიის საქმეებზე. შესაძლოა, ინტერესს არ იქნეს მოკლებული, რომ მოვიყვანო ამ კომისრის ზოგიერთი განცხადება, რომელიც მისგან გამიგონია (5 ნოემბერს). სადღეისო საჰაერო-ბორჯოთა კითხვებათ იგი სთვლიდა ამიერ-კავკასიის ეკონომიურ გაჭირვებას „დენიკინის საშიშროებას“, დაღესტანის აჯანყებას. „უპირველესად ყოვლისა საჭიროა სავაჭრო კავშირის გაცხოველება“: ამისთვის უნდა მოეწყოს ნედლეულის მოზიდვა ნავთსადგურებში და სხვა. პოლიტიკური პირობები საქართველოში კარგია. ბოლშევიზმი არ არის. წესრიგი დაცულია. საქართველოს მთავრობასთან საუკეთესო განწყობილება მაქვს. ამერიკის ზოგიერთ მისიონერს უყვარს მხოლოდ სომხებზე ლაპარაკი... ჩვენ სამხედრო მისიის წევრები თანაბარ სიმპატიას ვგრძნობთ ამიერ-კავკასიის ყველა ერებისადმი.

.... მე დავრწმუნდი, რომ საქართველოს მართლაც სურს დამოუკიდებელი იყოს. მაგრამ იგი არ არის წინააღმდეგი, რომელიმე კარგი მთავრობის დახმარება იქონიოს,—მაგალითად, ინგლისის ან ამერიკის მთავრობის. 25—30 წლის შემდეგ საქართველოს, რა თქმა უნდა, შეეძლება რაიმე კავშირი დაიჭიროს რუსეთთან.

.... აიღებს ამერიკა მანდატს თუ არა—ეს არ ვიცი; ეს დიპლომატების საქმეა. ჩემს მოვალეობას შეადგენს—პრაქტიკული კითხვების გადაწყვეტა, კავკასიის ხალხების დახმარების გაწევა“.

---

\*) რა თქმა უნდა, ამერიკელების დაუვიწყარ დამსახურებას შეადგენს, რომ მათ სომხების ობლები ათი-ათასობით შეივრდომეს და აღზარდეს.

რადგან მოახლოვდა დრო, როცა შეერთებულ შტატებს საბოლოოდ უნდა გადაეწყვიტა სომხეთის მანდატის საპასუხისმგებლო კითხვა, პრეზიდენტმა ვილსონმა გადაწყვიტა, გაეგზავნა სპეციალური ექსპედიცია სომხეთისა და მომიჯნე ქვეყნების „აღიღობრივ დასათვალიერებლათ“; ექსპედიციას უნდა შეედგენა ანგარიში „პოლიტიკურ, სამხედრო, გეოგრაფიულ, ადმინისტრატიულ, ეკონომიურ და სხვა მოსაზრებათა შესახებ, რომელნიც დაკავშირებული არიან ამერიკის შესაძლებელ ინტერესებთან და ამ ქვეყანაში პასუხისმგებლობასთან“ (ასეთია პრეზიდენტის ინსტრუქციის ტერმინები).

ადმინისტრაციის და ეკონომიკის სხვადასხვა დარგების სპეციალისტთაგან შემდგარ (მარტო მთავარი მოხელე იყო 14) ექსპედიციის სათავეში დანიშნული იქმნა გენერალი ჯემს გ. ხარბორდი (გენერალი პერშინგის შტაბის ყოფილი უფროსი). სისწრაფით, რომელსაც უნდა გაეკვირვებია „მძინარე, მიხრწნილი აღმოსავლეთი“, ამ მისიამ გადაჭრა ანატოლია კონსტანტინოპოლიდან ადანამდე, მოინახულა კილიკია, ჩრდილო სირია, და შემდეგ ავტომობილებით გადაიარა დიარბექირი, ხარფუთი, სივასი, ერზინჯანი, ერზერუმი და ყარსი, ჩავიდა ერივანში და ეწვია თფილისს, ბაქოსა და ბათომს. გარდა ამ მთავარი გზისა იყო დამატებითი გზებიც. დაეკითხენ ყველა შეხვედრილ ხალხებისა და სახელმწიფოების მთავრობებს, ჯგუფებს და ორგანიზაციებს. 30 დღე გაგრძელდა ეს არა ჩვეულებრივი განსაკვიფრებელი ექსკურსიის ნაყოფათ გამოვიდა გენერალ ხარბორდის ამერიკაში დაბრუნების დროს, გემ „მართა ვაშინგტონის“ ბაქანზე შედგენილი და 1911 წლის 16 ოქტომბრით ხელმოწერილი ანგარიში.

გენერალ ხარბორდს პარიზში ჩვენ ვერ შევხვდით (მისი წამოსვლის წინ) სრულიად შემთხვევითი მიზეზების გამო; მაგრამ მისი მისიის წევრები ჩვენთან ხშირად შემოდიოდნენ სხვადასხვა ცნობებისათვის. თფილისში ამერიკელები მიიღეს შესაფერისად, და შემდეგ გენერალი ხარბორდი ამერიკის პრესაში განსაკუთრებულათ იხსენიებდა ქართველების სუფრაზე გალობას და მათ დახელოვნებას საზეიმო ბანკეტების მოწყობაში. იგივე ხარბორდი დიდის ქათინაურებით ამკობს—დ. ლამბაზიძეს.

... მაგრამ, რა თქმა უნდა, ყველაფერ ამაზე უფრო მნიშვნელოვანია მისი უკვე მოხსენებული ანგარიში და დასკვნები \*). ანგარიში მეტათ საყურადღებოა. ბევრია მასში შეცდომა და გაუგებრობა, მაგრამ საერთოდ, საკმაოთ მიუდგომელი დაფასებაა მთელი რიგი ღარიბი, ჩამორჩენილი, ომით, გადატრიალებებით და ცუდი მართველობით დაქცეული ქვეყნებისა ძლიერი, მდიდარი, განათლებული, საქმიანი და მოვაჭრე რესპუბლიკის შვილების მიერ.

სივასში ამერიკის მისსია შეხვდა მუსტათა-ქემალს და ოსმალეთის ეროვნულ მოძრაობის სხვა მოღვაწეებს, რომელიც მაშინ — სექტემბერს 1919 წელს, მხოლოდ იწყებოდა. მუსტათა-ქემალს მაშინ ევროპაში იშვიათად თუ ვინმე იცნობდა. ამ შეხვედრას დიდი მნიშვნელობა ჰქონდა გენერალ ხარბორდის დასკვნების დამუშავებაში.

... მაგრამ მე უნდა დავკმაყოფილდე ჩვენი რესპუბლიკების შესახებ ამერიკელების მიერ შედგენილ უმთავრეს დასკვნებით. სამივე რესპუბლიკის მთავრობები დასავლეთის თვალსაზრისით მათ სრულიად უვარგისათ ეჩვენებათ. კერძოთ საქართველოში აღნიშნულია „ბოლშევიზმის ზედგავლენა“ — „რევოლუციის წითელი დროშა, რომელიც ეროვნულ დროშის ზევით არის აღმართული“, მეპატრონეთაგან უსასყიდლოთ მიწების ჩამორთმევა და გლეხებისადმი ფულათ მიყიდვა. აზერბაიჯანს არა ჰყავს მმართველობისათვის საჭირო განათლებული კაცები; სომხეთი — ნანგრევებს წარმოადგენს.

---

\*) გენერალი ხარბორდის ძირითადი ანგარიში გამოაქვეყნა, როგორც საბუთი, შეერთებული შტატების სენატმა 1920 წ. ვაშინგტონში შემდეგის სათაურით: „ახლო აღმოსავლეთის ვითარებანი“. (Conditions in the Near East. Report of the American Military Mission to Armenia. by Maj. Gen. James G. Harbord. U. S. Army). თუ არ ვცდები, ჯერ გამოუქვეყნებელი დარჩა ცალ-ცალკე სპეციალისტების მიერ შედგენილი 11 დამატება, რომლის შინაარსი შემდეგია: 1) პოლიტიკური ფაქტორები და პრობლემები, 2) მთავრობები ოსმალეთში და ამიერ-კავკასიაში, 3) სახელმწიფო და კერძო ფინანსები ოსმალეთში და ამიერ-კავკასიაში, 4) ვაქრობა და მრეწველობა იქვე, 5) საზოგადოებრივი ჯანმრთელობა და სანიტარია, 6) მოსახლეობა; სამრეწველო და სხვა თვისებები; ცხოველების ყოფა-ქცევა, 7) ჰავა, ბუნებრივი სიმდიდრე, მესაქონლეობა, მეურნეობა, 8) გეოგრაფია, სამთო-მადნო საქმე და საზღვრები; 9) ბეჭვდითი სიტყვა ოსმალეთში და ამიერ-კავკასიაში; 10) მანდატარის სამხედრო ამოცანები, 11) ტრანსპორტი და მიმოსვლა მცირე აზიასა და ამიერ-კავკასიაში, მე-12-ტე დამატება — ბიბლიოგრაფია.

მაგრამ ეს დაფასებანი, უნდა ითქვას, საკმაო პირობითია, და შავი ფერადები უფრო შესქელებულია, ვიდრე სხვა უცხოელებს 1918 - 1921 წლების მრავალრიცხოვან და სხვადასხვაგვარ მსჯელობებში, რომელთაც მე ვიცნობ.

ამ სამი ქვეყნის პოლიტიკური მიმართულება ასეა დახასიათებული: საქართველო დაქინებით მოითხოვს დამოუკიდებლობას; რუსეთის სომხეთი, საფიქრებელია, ხმას მისცემდა რუსეთის მანდატს\*). აზერბაიჯანს იზადავს ოსმალეთი და იგი არ ენდობა ქრისტიანებს, თუქვა განათლებულ ნაწილს გარეშე ზედამხედველობის აუცილებლობა ესმის და სხვა.

ერთის სიტყვით, ყველას სჭირდება მანდატარი, მაგრამ საჭიროა, რომ მანდატი ერთი იყოს მთელ ამიერ-კავკასიაზე.

უმთავრესი კითხვის შესახებ, შესახებ ოსმალეთის სომხეთისა, — გენერალ ხარბორდის დასკვნები მეტათ უიმედოა. ზოგჯერ შეიძლება იფიქრო, რომ იგი სპეციალურათ გაგზავნეს სომხეთის მანდატის მოსაშალათ. იგი ამტკიცებს (თუმცა აქ ახალი არაფერია), რომ განხრახულ სომხეთში, ოსმალთა რიცხვი ჯერ კიდევ სომხების იძულებით გადასახლებამდე შეადგენდა უმეტესობას, და უმეტესობათ დარჩება, თუნდაც დაბრუნებულ იქნეს ყველა ლტოლვილი. სომეხმა არ იცის მეზობელთან შეგუება. ხარბორდი ქებას უძღვნის სომხების კეთილ თვისებებს; მაგრამ დასძენს, ამერიკელ მისსიონერებს ოსმალეთში ურჩევნიათ სომხებსო.

მთავარი დასკვნა გენერალ ხარბორდისა არის: ახლო აღმოსავლეთში დადებითი შედეგების მიღწევა შეიძლება მხოლოდ მაშინ, თუ ერთი სახელმწიფოს ხელში იქნება მანდატი მთელი ამიერ-კავკასიისა, ოსმალეთის მთელი სომხეთისა, საერთოდ მცარე აზრისა, კონსტანტინოპოლისა და რუმელიისა — ერთის სიტყვით მთელი ოსმალეთისა და ამიერ-კავკასიისა!

ეს გეგმა სავსებით ეთანხმებოდა ჩვენს იდეას („თუ სომხეთი, მაშინ საქართველოც“); მაგრამ იგი „თანამიმდევნო“ მანდატების იდეას უკიდურესობამდე აფართოვებდა... თითქმის უგნურებამდე მაჰ-

---

\*) ხარბორდის იფიქვდება დაუმატოს, რომ 1919 წელს რუსეთი, ისეთა როგორც შას ესმის, რომ ყოფილიყო, მას თვითონ არ მოუხდებოდა სომხეთის ნახვა.

ყავდა (აღმოსავლეთში დიდი სახელმწიფოების ინტერესების განმტკიცებელი თვალსაზრისით).

მანდატის განხორციელების თვით გეგმა გენერალ ხარბორდს შედგენილი აქვს საინტერესოთ. თავის მოხსენებას ასრულებს იმით, რომ მას მოჰყავს შეერთებული შტატების მიერ მანდატის მიღებისათვის 14 მოსაზრება და მანდატის უარყოფისათვის 13 მოსაზრება.

კითხვის მეტათ ფართო დაყენებამ სომხეთის მანდატის საქმე წინდაწინვე დასალუპავათ განამზადა; თვით შეერთებულ შტატებში უკვე დიდი ხნის წინ თავი იჩინა პრეზიდენტ ვილსონის გეგმებისა და ზრახვების მიმართ მტრულმა სულიერმა განწყობილებამ; ეს იყო მეტათ სამწუხარო სომხეთისა და მისი მეზობლებისათვის. საქმე თავიდანვე იყო გაფუჭებული სომხეთის სრულიად შეუსაბამო სქემით, რომლის მიხედვით ერევნის რესპუბლიკაში შეტანილი იყო ოსმალეთის მთელი შვიდი ვილაიჰეტი და კილიკია. თუ აქედან დაიწყებდნენ მსჯელობას, მაშინ აუცილებელ შედეგათ გამოვიდოდა გენერალ ხარბორდის დასკვნა—რომ საჭიროა მანდატში შეტანა ერთ-ერთად მთელი ოსმალეთისა; მაგრამ ხომ შეიძლებოდა უფრო თავდაპერილი (და საჭიროც იყო!) პროგრამის შედგენა ე. ი. ერევნის სომხეთი და ნაწილი მომიჯნე ვილაიჰეტებისა.

გენერალ ხარბორდის დასკვნებს ჯერ მაინც საიდუმლოთი ახავდნენ. მანდატის კითხვას პირდაპირ უკავშირებდნენ უფრო ზოგად კითხვებს—ამერიკის მიერ ვერსალის ზავის რატიფიკაციას და მის მიერ „ერთა ლიგის“ მიღებას. დიდი გზა რჩებოდა კიდევ გასავლელი.

მაგრამ უკვე 1919 წლის 20 ნოემბერს, პარიზიდან ამერიკის დელეგაციის წასვლის \*) ცოტათი უფრო ადრე, ერთ-ერთი დელეგატთაგანი მარწმუნებდა, რომ გენერალ ხარბორდის აზრი საქართველოს შესახებ საეგვებით კეთილ-მოყვარულია, და თუ შეერთებულ-

---

\*) შეუძნეველი, ჩვეულებრივი წასვლა! რალა დარჩა 1918 წლის დასასრულისა და 1919 წლის დასაწყისის პრეზიდენტ ვილსონის პარიზში, ინგლისში და სხვ გან სახალხო ტრიუმფებიდან, რომლის მოწმე მილიონ თანამედროვეებთან ერთად მეც ვიყავი!

მა შტატებმა აიღო სომხეთის მანდატი, ის ყურადღებას მიაქცევს ამიერ-კავკასიასაც და სხვა.

ცოტა ხნის წინათ სომხეთის დელეგაციის თავმჯდომარემ აგარონიანმა სიტყვა-სიტყვით იგივე მითხრა. „ლონდონი — მისის აზრით — რამეფერათ მოვახერხოთ მალე მოვაწყობთ სომხეთის მთავრობის ზედამხედველობა, თუნდაც მარტოოდენ ვანზე და ალაშკერტის ველზე, რომ ამით საფუძველი ჩაუყაროთ გაერთიანებულ სომხეთს. ამერიკაში გაგზავნილი ჩვენი მისია ვაშინგტონში ჩასვლის დღესვე მიიღო ჩრდილო ამერიკის შეერთებული შტატების სენატის კომიტეტმა. ყოველი მხრიდან მიიღო ჩვენმა დელეგაციამ დარწმუნება, რომ სომხეთის ბედი ყოველ შემთხვევაში იქნება უზრუნველყოფილი. ხარბორდმა და ჰასკელმა ასეთივე აზრი გამოსთქვეს. მუსტაფა-ქემალის ეროვნული მოძრაობა რამოდენადმდე არის bluff (გაბერილი ამბავი) და სხვა“.

უნდა გამოვტყდეთ, რომ მეტათ, ფრთხილი ადამიანიც კი დაიჯერებდა ამერიკელების დარწმუნებებს. მაგრამ განა ვასაკვირველია, რომ ეს „მანდატი“ სამწუხარო გაუგებრობათ გახდა, როცა „გაუგებრობა“ გამოდგა ვაშინგტონში ვერსალის ხელშეკრულება და კერძოთ ერთა ლიგის დებულება და საფრანგეთის ხელშეუხლებლობის გარანტიების პროექტი ინგლისს—ამერიკისა?

და უმთავრესი კი ის არის, რომ როგორც რუსული ანდაზა ამბობს—სანამ მზე ამოვა ნამი თვალს ამოგქამს (რაც ქართულ ანდაზას უდრის „პეტრეს მოსვლამდი, პავლეს ტყავი გააძერესო“). მზე არ ამოვიდა.

1919 წლის დასასრულს რომელიმე დიდი სახელმწიფოს მიერ მანდატის მიღებით ამიერ-კავკასიის რესპუბლიკების მატერიალურ და პოლიტიკურ დახმარების კითხვამ უკვე დაჰკარგა უშვალლო, პრაქტიკული შესაძლებლობის მნიშვნელობა: ძლიერ ბევრი დაბრკოლება უშლიდა ხელს ამ აზრის შესრულებას; დიდი ბრიტანეთისა და იტალიის გაუბედავი პოლიტიკა, რაც გამოწვეული იყო ფიქრით, რომ შესაძლებელია რუსეთის აღდგენა, როგორც „მოკავშირე სახელმწიფოსა“, და აგრეთვე თვით მომავალი „მანდატარების“ შინაგანი შევიწროებული მდგომარეობა; უთანხმოება და სხვადასხვაობა, ამიერ-კავკასიის რესპუბლიკების მოქმედებისა;

სიახლე და მოულოდნელობა კითხვისა; ევროპის მთავრობების ამ კითხვისთვის მოუმზადებლობა; ევროპის ზედ-მეტე დატვირთვა უფრო ნაცნობ, უფრო დიდ და არა ნაკლებ თავსაბტერევი ამოცანებით; დასასრულ, ამერიკის გაჭიანურებული მანდატი, რომელიც ყველაფერს აფერხებდა და არაფერს იძლეოდა—აი მიზეზები, რომელნიც 1919 წელში შეუძლებლათ ხდიდენ ამიერ-კავკასიის კითხვების საერთაშორისოთ გადაწყვეტას.

---



## თავი მეოცდარეე.

შ ლ ი ს ბ ო ლ ო ( 1 9 1 9 ).

72

როგორც წინათ ნათქვამიდან სჩანს, ამიერ-კავკასიის რესპუბლიკათა დამოუკიდებლობის განმტკიცების საშეაღებათა კითხვა, და ამ დამოუკიდებლობის გამარჯვებულთა ევროპისა და აზიის პოლიტიკის საერთო მიმდინარეობასთან შეთანხმების კითხვა, მაინც რამდენადმდე იპყრობდა ინგლისის, იტალიის და შეერთებული შტატების ყურადღებას.

რაც შეეხება საფრანგეთს, საერთოდ, იგი უფრო მტკიცედ და უფრო გარკვევით იდგა, რაც შეიძლება მალე, რუსეთის აღდგენის აუცილებლობის ნიადაგზე („თეთრების“ მიერ საბჭოთა მთავრობის ჩამოგდებით).

ეს მოძღვრება აიძულებდა საფრანგეთს, მეტის სკეპტიციზმით და მეტის სიფრთხილით მოპყრობოდა ახალ რესპუბლიკებს. საქართველოს დელეგაცია პარიზში საკმაოდ მუყაითად მუშაობდა სხვადასხვა პოლიტიკურ წრეში, რომ გაეფანტა ყალბი რწმენა, რომელიც თითქმის ურყევი სჩანდა. ვერ ვიტყვით, რომ ამ მხრივ დიდ შედეგს მივალწიეთ, რაც ქვევით მოყვანილ შემთხვევიდან სჩანს.

საფრანგეთსა და ამიერ-კავკასიის შორის საქონლის გაცვლის გაძლიერების პრაქტიკულმა კითხვამ შექმნა ისეთი მდგომარეობა, რომ საჭირო შეიქნა გამორკვეულიყო საფრანგეთის მთავრობის ოფიციალური შეხედულება ამ ორ მოკავშირე რესპუბლიკაზე. საქართველოსა და აზერბაიჯანის \*) დელეგაცია პარიზში ამ საქმეს ერ-

\*) თავმჯდომარე თოფჩიბაშევის გარდა დელეგაციის წევრები იყვნენ: გაჯინსკი (1919 წელში), მეხტიევი, შეპიხ-ულ-ისლამ-ზადე, გაჯიბეკოვი, მაგერამოვი.

თად აწარმოებდა. სხვადასხვა მიზეზების გამო, რომელიც შეიძლება აქ არ მოვიხსენიოთ, აღნიშნული შეხედულების გამოსარკვევათ არჩეულ იქმნა წერილობითი შეკითხვა, რომელიც დაუსვა საგარეო საქმეთა მინისტრს მაშინ ცნობილმა დეპუტატმა (ეხლა კი—სენატორმა) დე-მონზიმ.

1919 წლის 6 სექტემბრის Journal Officiel-ში ბატ. პიშონის გამოკვეყნებული პასუხი თანახმად დასმულ კითხვებისა, შეიცავდა შემდეგ ოთხ მუხლს:

1. კავკასიის რესპუბლიკები საფრანგეთის მთავრობის მიერ არ არიან იურიდიულად ცნობილნი.

2. საფრანგეთის მთავრობას ეს რესპუბლიკები არ უცვნია ფაქტიურად. მდგომარეობა კავკასიაში არის საკმაოდ არეული და დაუდგრომელი. ამგვარად, ამიერ-კავკასიის რესპუბლიკის არსებობა ამ ხანად მერყევით გვეჩვენება. რაც შეეხება საქართველოს, იგი რუსებთან და სომხებთან ბრძოლაში იმყოფება;

3. თანახმად საფრანგეთის ტრადიციებისა და ინტერესებისა ამ ქვეყნებში, საფრანგეთის მთავრობა განუწყვეტლივ უცხადებდა სიმპატიას კავკასიის მცხოვრებთ. კავკასიის სხვადასხვა ხალხების დელეგაციებს ნება მიეცათ ჩამოსულიყვნენ პარიზში. საფრანგეთის მთავრობას ეხლაც ჰყავს თავისი წარმომადგენელი ბაქოში, ბათუმში და ტფილისში. ტფილისშივე იმყოფება სამხედრო მისსია, რომელიც გაგზავნილი იყო, სანამ დაიწყებოდა სეპარატისტული მოძრაობა.

დასასრულ მე-4 მუხლში ნათქვამია, რომ საფრანგეთის რესპუბლიკის მთავრობა მზათ არის ხელი შეუწყოს საფრანგეთისა და კავკასიის ქვეყნების შორის საქონლის გაცვლას.

პიშონის პასუხში ყველაზე უფრო საყურადღებო იყო განმარტება, რომ საფრანგეთის სამხედრო მისსია გაგზავნილი იყო ტფილისში „სანამ დაიწყებოდა სეპარატისტული მოძრაობა“, რაც გულისხმობდა განსხვავებას ინგლისის, იტალიის და სხვების მისიებთან შედარებით, რომელნიც, მართლაც, გაგზავნილნი იყვნენ ამიერ-კავკასიის რესპუბლიკების დამოუკიდებლად გამოცხადების შემდეგ. პიშონის პასუხის კილოს მნიშვნელობა ჰქონდა, რადგან მაშინდელი პოლიტიკა რუსეთის მიმართ ხელს არ უწყობდა „სეპარატიზმებს“.

საფრანგეთის მინისტრის განმარტებებს განსაკუთრებული წეილით უპასუხა საქართველოს დელეგაციამ, რომელშიაც, უპირვე-

ლესად ყოვლისა, აღნიშნული იყო, რომ „ამიერ-კავკასიის რესპუბლიკა“, რომლის მდგომარეობაც, პიშონის აზრით, ესოდენ „მერყევიანია“, საერთოდ ბუნებაში არ არსებობს (ჯერ კიდევ 1918 წლის 26 მაისიდან!); რომ „საქართველოსა და სომხეთის შორის არსებულ ზოგიერთ უთანხმოების მიუხედავად, ეს ქვეყნები არ იმყოფებიან ბრძოლაში (!); რომ, როგორც ყოველთვის, საქართველო არის თავშესაფარი ადგილი სომხებისთვის, რომელთაც სდევნიან სხვა ქვეყნებში, და საქართველოს გზით აქვს სომხეთს მიმოსვლა ევროპასთან; რომ სომხეთის მეზობელთა შორის, ყოველ შემთხვევაში, არ არის ერი, რომელთანაც სომხებს ჰქონდეთ ისეთი კეთილგანწყობილება, როგორც ქართველებთან“.

ჩვენის აზრით, დახასიათება „არეული და დაუდგროველი“ არ შეიძლებოდა ერთგვარად გავრცელებული ყოფილიყო ამიერ-კავკასიაზე და ჩრდილო-კავკასიაზე, რადგან უკანასკნელი მაშინ წარმოადგენდა ან სამოქალაქო ომის ასპარეზს, ან მოხალისეთა ლაშქრის დასაპყრობ მიზანს. შემდეგ ვემყარებოდით ფაქტებს, რომელნიც ადასტურებდნენ საქართველოს სახელმწიფოებრივი ცხოვრების თანდათან მოწესრიგებას, პირობებს, რომელშიაც მართლაც მიმდინარეობდა საფრანგეთთან საქონლის დაწყებული გაცვლა-გამოცვლა და აღნიშნავდით, თუ რა უარყოფითი მნიშვნელობა ექნებოდა საფრანგეთის საქმიანობაზე საფრანგეთის მთავრობის განწყობილებას საქართველოს მიმართ, მთავრობის უარის-თქმას ფაქტიურათ, ან იურიდიულათ იცნოს საქართველო.

დასასრულ, მაინც იყო გამოთქმული რწმენა, რომ „უარყოფილი არ იქნება ცნობა დემოკრატიისა, რომელმაც მეტად მძიმე პირობებშიაც კი გამოიჩინა თავისი სიმტკიცე“.

უახლოესმა მომავალმა გვიჩვენა, რომ ჩვენ არ ვცდებოდით.

საქართველოს დელეგაციის მრავალგვარ მუშაობას პარიზში თავისი მნიშვნელობა ჰქონდა კონფერენციის „დერეფნების“ რთულ და მრავალსახიან აუდიტორიის წინაშე საქართველოსა და კავკასიის კითხვის პროპაგანდისათვის; საერთოდ ყველა განაპირა დელეგაციების შრომა წინააღმდეგობას უმზადებდა რუსეთის არა-ოფიციალური დიპლომატიის ყოველივე დათმობის უარისმყოფელ ცენტრალ-

ლიზმს. გადამწყვეტი მნიშვნელობა მაინც ფაქტებს რჩებოდა, რომელნიც უფრო და უფრო ხმამაღლა ლაღადებდენ კოლჩაკისა და დენიკინის საომარ-სახელმწიფოებრივ წამოწყების დამარცხებას. მეორეს მხრივ, მრავლდებოდა სხვადასხვაგვარი მეთვალყურეთა მოწმობანი საქართველოს სახელმწიფოს სიმტკიცისა და სიცოცხლის უნარიანობის შესახებ.

1919 წლის ზაფხულის დამლევს ამიერ-კავკასიაში უკვე აღარსად იყო, გარდა ბათუმისა, ინგლისის ჯარი. ინგლისის სარდლობის წარმომადგენელი ძლიერ მეგობრულათ გამოეთხოვენ საქართველოს მთავრობას; ოლივერ უორდროპის (ეხლა სერ ო. უ.) დიდი ბრიტანეთის მთავარ კომისრათ თფილისში ჩამოსვლამ ხომ მეტათ კეთილი გავლენა იქონია ინგლისისა და ამიერ-კავკასიის რესპუბლიკების ურთიერთს განწყობილებაზე. თვით დანიშნა ამ თანამდებობაზე საქართველოში ესოდენ პატივცემულ ადამიანისა, რომელიც ამასთანავე წინათაც ცნობილი იყო როგორც რუსეთის მეგობარი, ამტკიცებდა, რომ ინგლისი ყურადღებით ეპყრობა საქართველოსა და მეზობელ ქვეყნების საზოგადოებრივ აზრსა და თან ცდილობს, რამდენათაც კი შესაძლებელია, შეამციროს რუსეთთან უსიამოვნება. შეხვედრამ, რომელიც მოუწყვეს ო. უორდროპს თფილისში, სადაც იგი ჩამოვიდა 1919 წლის აგვისტოს დამლევს, გამოაშკარავა, თუ როგორ აუღეს ალლო ამ დანიშნას საქართველოში.

დიდი მნიშვნელობა ჰქონდა ცოტა ხნის შემდეგ მიღწეულ შეთანხმებას სომხეთსა და აზერბაიჯანს შორის; ეს შეთანხმება იყო ცდა სამუდამოთ მოესპოთ საზღვრების გამო მომხდარი მწვავე უსიამოვნება. ბევრი იშრომეს ბრიტანეთის კომისარმა და სპეციალურათ ამერიკის პოლკოვნიკმა რეჰიმ ამ შეთანხმებისთვის, რასაც ხელი მოაწერეს 1919 წლის 17 ნოემბერს ხატისიანმა და უსუბეკოვმა. ამ საქმეში მხურვალე თანამშრომლობას ეწეოდა საქართველოს საგარეო საქმეთა მინისტრი გეგეჰკორი. ამიერ-კავკასიის რესპუბლიკები ამ შემთხვევაში აღდგენ ერთად-ერთ სწორ გზას; გამოსაცნობი იყო მხოლოდ, მოეპოვება თუ არა მათ მთავრობებს საკმაო სიმტკიცე, ხერხი და... შრომის უნარი, რომ მოაგვარონ აუცილებლათ გადაუდებელი კითხვები: ტერიტორიალური გამიჯვნა და დამყარება მართლაც კეთილმეზობლურ განწყობილებისა სამ რესპუბლიკათა შორის, როგორც დასაწყისი მათი პოლიტიკური ნისწრაფებების შეთანხმებისა და ეკონომიური კავშირისა. ამის გარეშე მათი მომავალი შეუძლებელი იყო.

მაგრამ 1919 წლის დამლევს ყველა წინასწარი ნიშანი კეთილი იყო, და შეუძლებელი ხდებოდა ფაქტიურათ არ მიღება იმისი, რაც უკვე ფაქტიური იყო. როგორც კი თვალსაჩინო შეიქნა, რომ რუსეთის იმპერიის აღსადგენათ მოწყობილი და დასავლეთ სახელმწიფოების მიერ გამაგრებული რუსეთის საომარი ექსპედიციები დამარცხდა, აღარ შეიძლებოდა ამას არ მოყოლოდა ამიერ-კავკასიის რესპუბლიკების ფაქტიური ცნობა, რასაც აგვიანებდნენ მხოლოდ რუსეთის მთლიანობის აღდგენის მოლოდინის გამო. დამაბრკოლებელი პირობის ჩამოშორებასთან ერთად „ცნობა“ გამომდინარეობდა ბუნებრივად, თითქმის ავტომატიურათ ნამდვილი ფაქტების, დღის ინტერესების და ჩვენი მიზნების—ყველაფრის ერთად დაყინებულის მოთხოვნით.

---

## თავი მეოცდაცხრე.

„ზ ა ძ ი უ რ ი“ ც ნ ო ბ ა.

74.

„მაღე აპირებს კონფერენცია დასასრული მისცეს ჩვენს მოლოდინს? ეხლა 20 ნოემბერს (1919 წ.) რუსეთის ბოლშევიკები სრულის ძლევა-მოსილებით მიიწვევენ მოხალისეთა ლაშქარზე. მათი გამარჯვება უკვე მრავალი წლით გადაწყვეტს სამოქალაქო ომს არა მარტო რუსეთში, არამედ, უეჭველია, ცეცხლითა და მახვილით ისინი დაამყარებენ „საბჭოებს“ მთელს ქვეყანაზე, და უპირველესად ყოვლისა, რა თქმა უნდა, შემოგვესევიან ჩვენ... ამგვარათ, ჩვენ გვემუქრება ბოლშევიკების დაპყრობა. თუ ბედმა თავისი სისხლიანი პირი დენიკინს მოუბრუნა და დენიკინმა შესძლო კომუნისმის დაჩოქება, მაშინაც უეჭველია, რომ იგი თავის ძლევა-მოსილ ხმალს ჩვენკენ შემოატრიალებს და ძალით დაგვიპყრობს, რამდენი გავლენაც არ უნდა მოახდინონ მანე მოკავშირეებმა! და აი ჩვენ არ გვესმის, რა სურს კონფერენციას“?

ასე მწერდა კერძო წერილში დაკვირვებული მეთვალყურე, კეთილშობილი, ნიქიერი, უდროოთ დაღუპული 1923 წელს, თავადი კონსტანტინე აფხაზი. \*)

---

\*) მეცხრამეტე საუკუნის საქართველოს ეროვნული შგნების უმთავრესი გამომხატველის, თავიდი ილრაქავკავაძის (1837—1909) დისწულმა კონსტანტინე აფხაზმა, სახელმწიფო საბჭოს არჩეულმა წევრმა, პატიოსნათ დი დირსეულათ დაასრულა 1917 წელს აღმოსავლეთ საქართველოს თავად-აზნაურობის წინამძღოლთა წრე, რომელიც ასზე მეტის წლის წინათ დაიწყო თავადმა ჯორსევან ქავკავაძემ (1801 წლამდე იყო საქართველოს მეფეთა მინისტრათ რუსეთის სასახლეში).—1923 წლის მაისში საბჭოთა საწინააღმდეგო შეიარაღებული აჯანყების მოწყობაში ბრალდებული, იგი, 15 სხვა სახელოვან მეომართა და მამულიშვილებთან ერთად, მოკვდა ვაჟ-კაცურის სიკვდილით.

მართლაც: რა სურდა კონფერენციას?

1919 წლის დამლევეს კომუნისტების ბატონობისაგან „თეთრების“ შეიარაღებული ძალებით რუსეთის განთავისუფლების საქმე თითქმის წაგებული იყო. გენერალ იუდენიჩის ცდა აეღო პეტროგრადი სწორეთ იმ დროს სრულის დამარცხებით დამთავრდა; აღმირალი კოლჩაკი გადაგდებულ იქმნა შუა ციმბირში. გენერალ დენიკინსაც უმტყუნა ომის ბედმა; მის ჯარებს უფრო და უფრო მირეკდენ სამხრეთისაკენ.

მართალია, 18 დეკემბერსაც კი, ლოპინ-ჯორჯი, როცა ლაპარაკობდა რუსეთის საქმეებზე, გამოთქვამდა, რომ თეორეტიულათ შესაძლებელია ბედი ისევ სამხრეთის ჯარების სასარგებლოთ შეტრიალდეს, მაგრამ იგი მოაგონებდა თემთა პალატას, რომ „ამჟამად არ არსებობს არც ერთი მთავრობა, რომელსაც შეეძლოს რუსეთის სახელით ილაპარაკოსო“.

ბევრი რამ შეიცვალა, მართლაც, მას შემდეგ, რაც იხილადენ პირობებს ევროპის მიერ გენერალ კოლჩაკის, როგორც რუსეთის მთავრობის, ცნობის შესახებ!

მოკლენათა სწრაფმა მიმდინარეობამ ხელი შეუშალა, მეორეს მხრით, ახალ ცდას ყოფილი რუსეთის ყველა ფაქტიურ მთავრობების კონფერენციის მოწვევისას, რაც დარცხვენილი გადაკვრით განზრახული იყო 1919 წლის ნოემბერში\*).

„ჩარევის უარყოფის პოლიტიკა“— ასეთი იყო ოფიციალური აღნიშვნა პროგრამისა, რომელიც შეითვისეს მოკავშირეებმა რუსეთის კითხვის შესახებ ლონდონში 1919 წლის დეკემბრის პრემიერთა თათბირზე.

მისი დამატება იყო „მავთულიანი ჯებირის“ სისტემა, ე. ი. პრინციპიალური მიღება იმისა, რომ დახმარება მიეცეს დიდ სახელმწიფოთაგან იმ განაპირა სახელმწიფოებს, რომელთაც სურთ და შეუძლიათ თავი დაიციონ საბჭოთა ჯარების თავდასხმისაგან. დაიწყო უფრო ნათლად გარჩევა ორი საგნისა: შინაური სამოქალაქო ომისა თვით რუსეთში (ომი წითლებსა და თეთრებს შორის), რომელშიაც გადაწყვეტილი იყო არ ჩარეოდენ, და თავის-თავის დაცვა ახალი რესპუბლიკების მიერ, რომელნიც დაარსდენ მსოფლიო ომის

---

\*) იხ. ლოპინ-ჯორჯის მიერ 8 ნოემბერს ლონდონის ლორდ-მერის ბანკეტზე წარმოთქმული სიტყვა, და ამ სიტყვით გამოწვეული შიშქა-მოთქმა.

შემდეგ, (ეროვნულათ არა რუსული), და რომელსაც დაპყრობის მიზნით თავს ესხმოდენ საბჭოთა ხელისუფალნი.

მაგრამ ამის შემდეგ ამაოთ დაფიწყებდით გარკვეულობისა და თანამიმდევრობის ძებნას მოკავშირეთა პოლიტიკაში. რუსების გენერლების მარცხით სასოწარკვეთილმა და მრავალი სხვა საზრუნავით დატვირთულმა დიდმა სახელმწიფოებმა სისწორით არ იცოდენ, თუ როგორ ემოქმედნათ. ჯერ კიდევ არ კარგავდენ იმედს, რომ როგორმე მოახერხებდენ გენერალ დენიკინისა და განაპირა სახელმწიფოების მოქმედების შეთანხმებას.

ბრიტანეთის კომისრათ, სამხრეთ რუსეთში, პარლამენტის წევრის—მაკინდერის გაგზავნა, როგორც სჩანდა, ამ საქმეს უნდა დახმარებოდა. მაგრამ გენერალ დენიკინის მთავრობა წინანდებურად ვერ ურიგდებოდა განაპირა ქვეყნების დამოუკიდებლობას. თუ მან თანხმობა განაცხადა (17 დეკემბ. 1919 წ.), დაეწყო მოლაპარაკება, მხოლოდ ყოველ „ახლადამოცნებულთან“ ცალკე, და უცხო სახელმწიფოთა წარმომადგენლების დაუსწრებლად (იხ. The Times, 22, XII).

... მოხალისეთა ლაშქრის საქმე განუწყვეტლივ უკან-უკან მიდიოდა. 1920 წლის იანვრის დასაწყისში საბჭოთა მთავრობამ მიმართა საქართველოსა (და აზერბაიჯანს) ფორმალური წინადადებით, შეეკრათ სამხედრო კონვენცია მოხალისეთა წინააღმდეგ საერთო მოქმედების შესახებ. ე. გეგეჭკორმა უპასუხა (12 იანვარს), რომ საქართველოს არ შეუძლია მონაწილეობა მიიღოს სამოქალაქო ომში, რომელიც სწეწს რუსეთს.

ასე გადიხლართა წითელი რუსეთის სურვილი, ამიერ-კავკასიის სიმბატეები თავისაკენ გადაებირებია და ევროპის ცდა გაემთავრებია სამხრეთ რუსეთში შერყეული „თეთრი“ ფრონტი.

საქართველო და აზერბაიჯანი რომ არ დაიწყებდენ გენერალ დენიკინთან ერთად ბრძოლას—ეს იქვს არ ბადებდა \*) მაგრამ ეს რესპუბლიკები ბოლშევიკებიდან თავის-თავის დაცვას მოჰკიდებენ ხელს თუ არა? ახლა სწორეთ ეს კითხვა წამოიჭრა, რომელსაც ჰქონდა არა მარტო ადგილობრივი მნიშვნელობა.

---

\*) 1919 წლის დეკემბერში უკვე გაჩაღდა კონფლიქტი მოხალისეთა და საქართველოს შორის; ესლა მიზეზათ გახდა საქართველოს ბაირადით მყოფ გემების გატაცება.



წითელი ჯარებით ამიერ-კასპიის მხარის დაქერისა და ჩრდილო-კავკასიაში მათი წარმატების შემდეგ ამიერ-კავკასიის ემუქრება საბჭოთა ძალები, რომელთაც ამიერ-კავკასიიდან ეღება კარი სპარსეთისაკენ და სხვა. მთელ წინა აზიაში დაიწყება მოძრაობა. პირიქით, ამიერ-კავკასიის რესპუბლიკების გამაგრება, მათთვის საშუალების მიცემა, რომ გაუმკლავდნენ საბჭოთა შემოტევას, დაიფარავს საშიშროებისაგან მეზობელ ქვეყნებსაც სამხრეთში.

საქართველო და აზერბაიჯანი წუთით იპყრობენ საერთო ყურადღებას. ვინ იცის, იქნებ, კავკასიით დაფარულმა ამ რესპუბლიკებმა გაუწიონ ყველასათვის სასურველი და სასარგებლო წინააღმდეგობა. მაგრამ ისინი ხომ... როგორ მოხდა? ისინი ხომ ჯერ ცნობილნიც არ არიან! ცნობამ, ეგებ, გაამხნეოს, წააქეზოს! ეს პრაქტიკულადაც აუცილებელია: როგორ შეიძლება დახმარების გაწევა არა ცნობილ მთავრობების? გარდა ამისა, მათი ცნობა—de facto—იქნება არსებითად იმის ცნობა, რაც მართლაც არის...

ვინ რა უნდა სთქვას ასეთის ცნობის საწინააღმდეგო? რუსეთის მთლიანობისა და განუყოფელობის დოქტრინიორებმა? მათი ავტორიტეტი მეტათ შერყეულია მას შემდეგ, რაც მოხდა 1917 წ.

12 ივნისს 1920 წელს მოკავშირეთა დიდი სახელმწიფოების უმაღლესმა საბჭომ დაადგინა იცნოს საქართველოსა და აზერბაიჯანის მთავრობები de facto მთავრობებათ. ამბავი მეორე დღესვე დილით მე კერძოდ შემატყობინა დიდი ბრატანეთის დელეგაციის ერთ-ერთმა წევრმა. \*) წერილობითი, ოფიციალური ცნობა ჩვენ მაშინ არ მიგვიღია. ცოტათი უფრო გვიან, 15 იანვარს, საქართველოსა და აზერბაიჯანის დელეგაცია ტელეფონით მიიპატივეს ორსეის ნაპირზე ბ-ნ კამბონთან. უნდა ითქვას, რომ ყოველივე ეს ხდებოდა მეტად სასწრაფოთ და ურიგოთ. ჩვენ არსებითად არც კი ვიცოდით, თუ რისთვის გვიწვევდნენ.

ამგვარათ, ამ ადგილზე პირველად ყოფნის (როცა „არა ცნობა“ საკმაოთ გარკვევით ვიგრძენით (იხ. ზევ. გვ. 227) სწორედ ერ-

---

\*) ამბავი de facto ცნობის მიღების შესახებ ძლიერ სასწრაფოთ იქმნა გადაცემული ტელისში. 12 იანვარს ბატ. ო. უორდროპმა უკვე შეატყობინა ლორდ კერზონის სახელით საქართველოს მთავრობას, რომ კერზონის ინიციატივით უმაღლეს საბჭოში შეტანილია წინადადება საქართველოსა და აზერბაიჯანის რესპუბლიკების de facto ცნობის შესახებ და რომ ამ წინადადებას ვრთსულოვანი თანაგრძნობით შევხედნენ საფრანგეთი და იტალია.

თის წლის შემდეგ მოგვიხდა ისევ მოსკლა, ეხლა ირაკლი წერეთელთან და აზერბაიჯანის დელეგატებთან, თოფჩიბაშევთან და მაგერამოვთან ერთად, რომ მოგვესმინა ჩვენი ცნობის შესახებ კონფერენციის სახელით გადმოცემული ჩვენდამი ამბავი.

ბ-ნმა ჟიულ კამბონმა მიგვილო ერთგვარის ზემოთ; მარჯვნივ მას ჰყავდა ბ. ფილოპე კერრი (მას სთვლიდენ ლლოპიდ-ჯორჯის უმთავრეს შთამგონებლათ) და მარცხნივ — მარკიზი დელა ტორრეტა.

ბ. კამბონი მიესალმა ამიერ-კავკასიის რესპუბლიკების დელეგატებს და განაცხადა, რომ უმაღლეს საბჭოს გადაწყვეტილებით საქართველოსა და აზერბაიჯანის რესპუბლიკის მთავრობები არიან ცნობილინი დამოუკიდებლათ *de facto*. დღეიდან კონფერენციას საშვალება ექნება მოწესრიგებული განწყობილება დაიპიროს აღნიშნულ რესპუბლიკათა დელეგაციებთან, დელეგაციებს კი თავის მხრით... შეუძლიათ წარმოუდგინონ კონფერენციას საჭირო მასალები, ნოტები და სხვა. \*) დასასრულ, ბ. კამბონმა წინადადება მისცა ბატონ დელეგატებს, გამოეთქვათ თავისი შენიშვნები, თუ ასეთი რამ აქვთ.

წერეთელმა დელეგაციების მადლობა გამოუცხადა უმაღლეს საბჭოს ცნობის ყოვლად მოწყალე მონიჭებისათვის და იმედი გამოსთქვა, რომ სახელმწიფოები საჭირო პოლიტიკურსა და ფინანსიურ დახმარებას გაუწევენ ამიერ-კავკასიის რესპუბლიკებს. კერძოთ საქართველოს ძლიერ სჭირდება სურსათით დახმარება, რადგან იგი დიდი ხანია მოწყვეტილია მსოფლიოს.

თოფჩიბაშევმა ყურადღება მიაპყრო, რომ აზერბაიჯანმა პირველად განახორციელა მუსლიმანურ ნიადაგზე რესპუბლიკის დაარსების ცდა, აღნიშნა მისი დაწესებულებების დემოკრატიზმი და საარჩევნო უფლების ქალთათვის მინიჭება.

ამის შემდეგ რამდენიმე შენიშვნა მე გამოვთქვი. უმთავრესი მათგანი შეეხებოდა საჭიროებას, უფრო გარკვეულათ განგვემარტა იმ ცნობის აქტის დედა-აზრი, რომელიც უმაღლეს საბჭოს სახელით გადმოგვცა მაშინ ბ. კამბონმა. „მთავრობების *de facto* ცნობა, აშკარაა, აღნიშნავს არა მარტო აზერბაიჯანისა და საქართველოს

---

\*) ჩვენ მთელი 1919 წელი გართული ვიყავით ასეთი „ნოტების, მასალების გაგზავნაში“ და სხვა, ისე რომ მონიჭებული უპირატესობა არაფერს გვმატებდა!

მთავრობების ფაქტიურ მთავრობებათ ცნობას; არა, ეს ცნობა შეეხება თვით სახელმწიფოებრივ ორგანიზაციებს, ე. ი. ახალ რესპუბლიკებს, რომლის ორგანოებიც არიან აღნიშნული მთავრობები. სხვა სიტყვებით რომ ვთქვათ, უმაღლესმა საბჭომ de facto იცნო ახალი დამოუკიდებელი სახელმწიფოები, ახალი რესპუბლიკები, რომელთა ტერიტორიები წინათ შედიოდნენ, ეხლა კი აღარ შედიან, რუსეთის იმპერიის შემადგენლობაში. აქედან გამომდინარეობს ფაქტიური ცნობა ყოველივე იმისი, ყველა იმ ორგანიული მოქმედების, რომლის საშეაღებით ხორციელდება და მტკიცდება დამოუკიდებელი არსებობა საქართველოსა და აზერბაიჯანის.

ჩემს შენიშვნაზე ბ. კამბონმა მიპასუხა „მთავრობების de facto ცნობის“ პირველი დეკლარაციის განმარტებით და გამოსთქვა ის აზრი, რომ ჩემი განმარტება უმაღლესი საბჭოს აქტისა, სწორია, რომ მართლაც ცნობას მხედველობაში აქვს ახალი რესპუბლიკები, რომელთა დამოუკიდებელი არსებობა დღეიდან de facto ცნობილია დიდი სახელმწიფოების მიერ.

მიღებული ცნობის მნიშვნელობის, როგორც აზერბაიჯანისა და საქართველოს სახელმწიფოებრივი დამოუკიდებლობის ცნობათ განმარტება, მით უფრო საჭირო იყო, რომ საქმის ეს მხარე მიჩქმალული რჩებოდა, რადგან მაშინ მეომარ კომმუნისმის წინა აზიის ქვეყნებში შექრის მეტად ეზინოდათ.

უმაღლესი საბჭოს წარმომადგენლებთან ჩვენი შეხვედრის დანარჩენი ნაწილი დაეთმო ძლიერ ელემენტარული ხასიათის კითხვებსა და პასუხებს ამიერ-კავკასიის რესპუბლიკების თავდაცვის უნარიანობის შესახებ. კითხვების მთავარი მომცემი იყო ბ. ფ. კეროი.

75

ეხლა, რალაც უეცრად, ყველამ იგრძნო, რომ საჭიროა დახმარება გაეწიოს საქართველოსა და აზერბაიჯანს, რომ ისინი მსხვერპლი არ გახდნენ ჩრდილოეთიდან შემომტევე და აღმოსავლეთიდან (ამიერ-კასპიის მხარიდან) დამუქრებულ ბოლშევიკებისა.

გონება დამჯდარი Temps 1920 წლის 14 იანვარს სწერდა:

შეუძლებელია, მოკავშირეები შეურიგდნენ, რომ თავდასხმით ან ბოლშევიკური შეთქმულებებით მოსპობილ იქნეს ფაქტიური დამოუკიდებლობა, რომელიც უკვე ორი წელიწადია,

რაც მოიპოვეს ძირითადი რუსეთის ირგვლივ მცხოვრებმა ხალხებმა. ეს შეეხება არა მარტო ბალტიის მხარის ერებს. ეს დებულება შეეხება აგრეთვე კავკასიის ხალხებსაც, რომელთა პოზიცია მეტათ მნიშვნელოვანია და მეტათ გახსნილია იმ დროს, როცა თვალსაჩინო ხდება ბოლშევიკების მისწრაფება ოსმალეთისა, სპარსეთისა და ინდოეთისაკენ. სიამოვნებით გავიგეთ, რომ უმაღლესმა საბჭომ იცნო ფაქტიური დამოუკიდებლობა სომხეთისა, \*) საქართველოსა და აზერბაიჯანისა“...

მეორე დღეს (15 იანვარს) თითქმის ოფიციალურათ შეატყობინეს ლონდონს, აღმოსავლეთის სახიფათო მდგომარეობა, რადგან ბოლშევიკებმა თურქესტანში საომარი მარაგი დაიწყეს, კასპიის იქეთა მხარეში კი მოიმაგრეს ფეხი. განსაკუთრებით სახიფათო მდგომარეობაში მყოფათ სთვლიდენ ამიერ-კავკასიის რესპუბლიკებს; მთავრობაც და მოსახლეობაც წინააღმდეგია ბოლშევიკებისო. მაგრამ საკმაო შეიარაღებული ძალა არ ჰყავთ დამცემთა უკუგასადევნათო.

იმავე დღეს, საღამოს, ლონდონიდან მოულოდნელათ გამოიწერეს და პარიზში წავიდენ, სადაც უმაღლეს საბჭოს ჰქონდა მორიგი სხდომა ბრიტანიის სამხედრო მინისტრი ჩერჩილი, ფელდმარშალი სერი გენრი ვილსონი, საზღვაოსნო საქმეთა პირველი ლორდი უ. ლანგი და აღმირალი ლორდი ბიტტი. მეორე დღეს საფრანგეთისა და ინგლისის მთელი პრესა აღნიშნავდა ამ ცნობებით გამოწვეულ არევ-დარევასა და შეშფოთებას.

„ამ ამბებთან დაკავშირებით უმნიშვნელო არ არის ცნობა, რომელსაც დღეს ვაქვეყნებთ—შენიშნავდა The Times-ი 16 იანვარს, —რომ მოკავშირეებმა იცნეს de facto რესპუბლიკები საქართველოსა და აზერბაიჯანისა. ბათომი, შავ-ზღვაზე, ერთად-ერთი ადგილია ამიერ-კავკასიაში, სადაც დგას ბრიტანეთის ჯარი; ის არის საქართველოს ნავთ-სადგური, ხოლო ბაქო, კასპიის ზღვაზე, არის ნავთ-სადგური და სატანტო ქალაქი აზერბაიჯანისა“ და სხვა.

ამის შემდეგ შეიქნა ლაპარაკი კავკასიაში მოკავშირეთა ჯარების ახლო-მომავალში გაგზავნის შესახებ (200,000-მდეო, ამბობდენ!), საერთოდ სერიოზულ და გადამწყვეტ სამხედრო ხასიათის ზომებზე. კიდევ უფრო გვიან, აგრეთვე მოულოდნელათ დაიწყეს უკან დახევის განგაში: შეშფოთება და მუქარა გადაჭარბებულათ იქმ-

---

\*) ნამდვილათ სომხეთის ცნობა მოხდა ცოტათი უფრო გვიან, 18 იანვარს 1920 წელს.

ნა გამოცხადებული, ჯარების გაგზავნის შესახებ აღარ ლაპარაკობდენ, და ყველაფერი ჩადგა ჩვეულებრივ კალაპოტში.

ნებას მივსცემ ჩემს თავს, ვაგაცნოთ ამ ისტორიისა—ალიაქოთის რამოდენიმე წვრილმანი, რომელიც ბევრს კიდევ ახსოვს და რომელიც ესოდენ დამახასიათებელია ჩვენი წონასწორობა-დაკარგულ დროისა, როცა ნერვებ-აშლილობა და თავქარიანობა ზოგჯერ შეიპარება საესებით ჯანსაღ და მტკიცე სახელმწიფოთა ხელმძღვანელ წრეებშიაც კი.

უბრალოდ არ არის, რომ ჩვენს დროში ხშირათ ვაგახსენდება კაცს ძველის კანცლერის ოქსენშტიერნის მიზანტროპიული შენიშვნა: *nescis, mi fili, quantilla prudentia homines regantur.* რაც თავისუფლათ რომ გადავთარგმნოთ ნიშნავს: ვერ წარმოიდგენ შეილო, თუ რამდენათ უგნურათ ხელმძღვანელობენ ადამიანებს. \*)

შაბათს, 17 ინვარს, დილით მიგვიწვიეს სათათბიროთ ფელდ-მარშალ სერ. გ. ვილსონთან, \*\*) სასტუმრო კლარიჯში, რომელიც მდებარეობს ელისეს ველზე. აზერბაიჯანის დელეგაციას აქვე ჰქონდა თავისი მდიდრულათ მორთული ბინა.

გარდა ფელდმარშალისა თათბირს დაესწრენ აღმირალი ბიტტი და ინგლისის საგარეო საქმეთა სამინისტროდან ბ. რობერტ ვანსიტტარტი. იქვე იყვნენ მეზღვაურთა და ხმელეთის ჯარის შტაბის რამოდენიმე ოფიცერი.

ხანგრძლივი მსჯელობის საგანი იყო გამორკვევა, თუ რა მატერიალურათ დახმარება დასჭირდებოდა საქართველოსა და აზერბაიჯანს საბჭოთა ჯარების შემოტევის დროს.

კავკასიაში მოკავშირეთა ჯარების გაგზავნის შესახებ ლაპარაკი არ უოფილა; არც არაფერი თქმულა საქართველოსა და აზერბაიჯანის სხვა რაიზე მოქმედებაზე გარდა მართოდენ მათ თავდაცვაზე. ჩვენის მხრით აღნიშნული იყო მნიშვნელობა სასურსათო დახმარებისა.

---

\*) ანდა: *quam parva sapientia regitur mundus.* ოქსენშტიერი-სახელოვანი თანამშრომელია გუსტავე-ადოლფისა.

\*\*) ამ გენერალმა, რომელსაც ბრიტანეთის იმპერიის ერთ-ერთ უდიდეს სამხედრო მოღვაწეთ სოვლიან, შემდეგ სამსახურს თავი დაანება, პარლამენტის წევრათ გახდი, და 1922 წელს მოკლულ იქმნა პოლიტიკური მკვლელის მიერ.

ჩვენ ვცდილობდით განგვემარტებია საერთო პოლიტიკური მდგომარეობაც; უსათუოდ, ეს განმარტებები ჩვენი თანამოსაუბრეთათვის უფრო საინტერესო იყო, ვიდრე წმინდა სამხედრო ცნობები, რაც, უეჭველია, მათ უფრო კარგათ იცოდენ, ვიდრე ჩვენ.

პოლიტიკურის მხრით ჩვენ დიდ მნიშვნელობას ვაძლევდით სამი რესპუბლიკის საკავშირო შეერთებას, და ამიტომ გამოვთქვით აზრი, რომ აუცილებელია სომხეთის რესპუბლიკის დამოუკიდებლათ დაუყონებლივ ცნობა სახელმწიფოთა მიერ. არსებითად, ჩვენ გამოვდიოდით ამიერ-კავკასიის სამი რესპუბლიკის მკიდრო კავშირის გეგმიდან იმ აუცილებელი პირობით, რომ მათ დიდი სახელმწიფოები მართლაც გაუწევენ მატერიალურ დახმარებას. ჩვენ გამოვთქვამდით იმედს, რომ, თუ ასეთი მთლიანი ფრონტი შესდგა, შესაძლებელია მოხდეს ერთგვარი შეთანხმება საბჭოთა რუსეთთან; ასეთს შეთანხმებას ჩვენ ვთვლიდით ერთად-ერთ ალტერნატივათ მეორე ე. ი. „ინტერვენციით“ კითხვის გადაჭრისას (ამიერ-კავკასიაში ევროპის შეიარაღებული დიდი ჯარების გაგზავნა).

როცა აღმირალმა ბიტტიმ კითხვა მისცა, შეუძლია თუ არა აზერბაიჯანს სხვისდა დაუხმარებლათ მოაწყოს თავისი სამხედრო-საზღვაოსნო თავდაცვა (კასპიის ნაპირებზე), თოფჩიბაშევის პასუხი იყო: არა, არ შეუძლია.

19 იანვარს ჩვენ ისევ მიგვიწვიეს ორსიის ნაპირზე, ეხლა უმაღლეს საბჭოს პლენარულ სხდომაზე. თავმჯდომარეობდა კლემანსო— ეს იყო უკანასკნელი დღეები მთავრობაში მისი ყოფნისა. ირგვლივ „დიდი“ ომში გაპარჯებულთა და მშვიდობიანობაში კი ძლიერ დამარცხებულთა სულ ნაცნობი („ილიუსტრაციებით“) სახეებია: ლლოპიდ-ჯორჯი, ლორდ კერზონი, ჩერჩილი, ჟიულ კამბონი, ნიტტი, ფოში, ბიტტი, სერ გენრი ვილსონი და მრავალი სხვა.

მარშალი, ფელდმარშალი და „ზღვის პირველი ლორდი“ სხედან ჩვენს უკან, ცალკე მაგიდაზე. რამდენი ზარბაზნის ტუჩი, ხიშტი, ხრმალი, ნაღმი და სხვა მოგვექცა ზურგში?—ვეკითხები მეზობელს.

„ახალგაზრდა რესპუბლიკების“\*) დღეეგატები დასვეს თავმჯდომარის პირდაპირ. ჩხეიძესა და წერეთელს ეხლა შეეძლოთ პირის-პირ ეცქირათ ევროპის საქმეების გადამწყვეტი დიდი სახელ-

---

\*) საქართველოდან ვიყავით: ჩხეიძე, წერეთელი და მე; აზერბეიჯანიდან— თოფჩიბაშევი და მაგერამოვი.

მწიფოების „ინტერნაციონალისტების“, რომელიც რამოდენადმდე განსხვავდებოდა მათი ქართულ-რუსული ოცნების სათნო „ინტერნაციონალიდან!“

მოხუცმა კელტმა, რომელიც ასეთის ნიჭით და ცეცხლით ან-სახიერებდა მრავალრიცხოვან თაობას ხანში შესულ ჩასკვნილ ფრანგებისას, რომელნიც 1914—1918 წლების ომს უყურებდნენ, როგორც 1870—1871 წლების ომის ეპილოგს, ამ კელტმა წარმოსთქვა რამდენიმე მისასალმებელი სიტყვა.

ლაპარაკი იმავე საგანზე იყო: როგორია კავკასიის რესპუბლიკების ძალა, რა დახმარება სჭირდებათ თავდაცვის გაძლიერებისათვის, თუ მოხდა თავდასხმა. „სამხედრო“ განმარტებებს ნაქართველოს მხრით იძლეოდა წერეთელი, აზერბაიჯანის მხრით — მაგერამოვი. თავმდებლობას ვერ ვიკისრებ, მათი ამ საქმეში მომზადების შესახებ. მაგრამ კითხვები მარტივი იყო.

სხდომა, სანამ ჩვენ იქ ვიყავით, არ წარმოადგენდა რაიმე საინტერესოს. ხელახლავ განცხადებულ იქმნა, რომ აუცილებელია სომხეთის დამოუკიდებლობის ცნობა; მეტი, ვიდრე შეეფერებოდა, გამოთხოვნილ იქმნა დახმარება ყუბანისა და მთიულთათვის და სხვა. არავითარი სამხედრო-პოლიტიკური წინადადება საქართველოსა და აზერბაიჯანის წარმომადგენლებისთვის არ მიუციათ.

პრესაში კიდევ უფრო დაჟინებით დაიწყეს ლაპარაკი კავკასიაში მოკავშირეთა დიდი ჯარის გაგზავნისა და იქაური რესპუბლიკების საბჭოთა ჯარების საწინააღმდეგო საღვთო ომში მონაწილეობისათვის მოწოდების შესახებ და სხვა. საქართველოსა და აზერბაიჯანის დელეგაციები იძულებულიც კი გახდნენ წერილობით უარეყოთ ეს ხმები (იხ. Temps, 31 იანვარი 1920 წ.)

მაგრამ ძლიერ მალე მას შემდეგ, რაც უეცრათ განგაში ატყდა აღმოსავლეთში ახალი ექსპედიციის გაგზავნის კითხვის შესახებ, ინგლისის გაზეთებმა ნახევრათ ოფიციალურათ მიიღეს ცნობა, რომ არავითარი ჯარის ამიერ-კავკასიაში გაგზავნა არ არის განზრახული (27 იანვარი). ხმაურობა ატყდა უბრალო რამიდან.

მთელი აღიაქოთი (მისი დაყენებით, მოსკოვის დაშინება ხომ არ უნდოდათ?) გამოწვეული იყო, მგონი, ინგლისის ზოგიერთი მოღვაწის სურვილით („სამხედრო გადაწყვეტის“ მომხრეების) შეეფერხებინა ინგლისელი სხვა მოღვაწეების ცდები მშვიდობიან შეთანხმების გზას დადგომოდენ საბჭოთა მთავრობის მიმართ. „შემრიგებ-

ლებმა“ აჯობეს „სამხედრო პარტიას“. პირველნიც და მეორენიც დაინტერესებულნი იყვნენ უმთავრესად რუსული კითხვით და თითქმის იქვის თვალთ უყურებდნენ ამიერკავკასიის რესპუბლიკებს. მაგრამ ამ უკანასკნელებზედაც საჭირო შეიქნა ლაპარაკი—ვერაფერს მოუხერხებ გეოგრაფიას! სამაგიეროთ მცირე რიცხოვანმა წრემ, რომელსაც ესმოდა ამიერკავკასიის რესპუბლიკების დამოუკიდებლობის ნამდვილი მნიშვნელობა ახლო აღმოსავლეთის საქმეების მტკიცე ნიადაგზე დაყენებისათვის, ეხლა საშუალება მიიღო ესარგებლნა კეთილგანწყობილ „ტაქტიურ“ ვითარებით და აქძულენა უმაღლესი საბჭო ბოლოს და ბოლოს ეცნო de facto დამოუკიდებლობა საქართველოსი, აზერბაიჯანისა და ყოფილი რუსეთის სომხეთისა. \*)

ლორდი კერზონი \*\*) თითქოს მოწოდებული იყო ამ საქმის წამომწყებათ, მისი განხორციელება კი, უეჭველია, გაადვილა მთავარი დაბრკოლების ჩამოშორებამ: დაიკარგა იმედი რომ მთლიანი რუსეთი მალე იქნება აღდგენილი მარჯვნივ. ამასთანავე, იტალიაში ცოტათი უფრო ადრე პარლამენტმა გამოთქვა სურვილი ურთიერთი განწყობილება დაეკირათ ყოფილი რუსეთის ყველა ფაქტიურ მთავრობებთან; საფრანგეთიც კი სხვებთან ერთად იმ აზრს დაადგა, რომ ეხლა დამოუკიდებლობის ცნობას ექნება ზნეობრივი და პოლიტიკური გამაგრების მნიშვნელობა ახალი რესპუბლიკებისათვის, რომელთაც არ გაიზიარეს საბჭოთა ხელისუფლება.

ეს de facto ცნობა, უეჭველია, იყო დიდი მოვლენა როგორც საქართველოსა და მეზობელ რესპუბლიკების ხალხთა სახელმწიფოებრივ შეგნების ისტორიაში ისე რუსეთის მთლიანობის კითხვის ევროპიელთა პოლიტიკის ისტორიაშიდაც. ამ მთლიანობის მოძღვრებაში მოვლენებს შეჰქონდათ კიდევ ერთი შესწორება, რომელიც შეეფერებოდა საქმის ვითარებას, სამართლიანობას და სახელმწიფოთა პრაქტიკულ ინტერესებს.

## 76

იმ რუსულ წრეებში, სადაც მომავალი რუსეთი ვერ წარმოედგინათ, თუ არა „ძველებურათ“ ცენტრალისტურ სახელმწიფოთ,

---

\*) საქართველომ და აზერბაიჯანმა რომ სომხეთზე უფრო ადრე მიიღეს ცნობა—ეს მხოლოდ მოეჩვენება ადამიანს ისტორიის პარადოქსათ.

\*\*) მან მიიღო საგარეო საქმეთა პორტუგელი ბალეთურის შემდეგ, 24 ოქტომბერს 1919 წ., ლლოპიდ-ჯორჯის კაბინეტის უკანესენელთ გადაკეთების დროს



ამიერ-კავკასიის რესპუბლიკების დამოუკიდებლობის ცნობა მიიღეს, რა თქმა უნდა, უარისყოფითა და მტრულათ.

მაგრამ ამ იდეების მთავარ მებრძოლს, გენერალ დენიკინს მაინც ანგარიში უნდა გაეწია დიდი სახელმწიფოების გადაწყვეტილებისათვის (მგონი, ზოგი რამ როლი შეასრულა ინგლისის კომისარის რჩევამაც).

ეკატერინოდარში მოწყობილ ყაზახთა კონფერენციაზე (1920 წლის იანვრის დამლევს) გენერალმა განაცხადა, რომ იგი იბრძვის უპირველესად ყოვლისა, მთლიანი რუსეთისათვის; მაგრამ მან განცხადება მისცა მოკავშირეებს შესახებ განაპირა ხალხებისა, იმ აზრით, რომ, პირველი, იგი სცნობს განაპირა მთავრობების დამოუკიდებლობას *de facto*, მთავრობებისას, რომელნიც ბრძოლას აწარმოებენ ბოლშევიკების წინააღმდეგ, და მეორე, მომავალი ურთიერთობის განსაზღვრა რუსეთსა და განაპირა ხალხთა შორის მოხდება ტრაქტატის საშუალებით, რომელსაც ისინი შეჰკრავენ სრულიად რუსეთის მთავრობასთან, ხოლო დიდი სახელმწიფოები იმოქმედებენ როგორც შუამავლები \*).

შედარებით დეკემბრის განცხადებასთან (სადაც, მართალია, ორმხრივი პირობითი ურთიერთობის დამყარება მიღებულია რუსეთსა და განაპირა ქვეყნებთა შორის, მაგრამ უარყოფილი იყო დასავლეთის სახელმწიფოთა შუამავლური მოქმედება (იხ. ზევ. გვ. 300) ეს სერიოზული ნაბიჯი იყო წინ იმავე აზრისკენ, რასაც ამბობდა პარიზის კონფერენციის 1919 წლის მაისის დამლევის მოსაზრებები (ეგრედ-წოდებული პირობები აღმირალ კოლჩაკის მთავრობის ცნობისა; იხ. ზემოთ თავი მეოცდარე).

მაგრამ გენერალმა დენიკინმა აქვე გაუკეთა შენიშვნა, რომელიც ზემომოყვანილ აზრს უკარგავდა ყოველივე გარკვეულობას: „რადგან—ამბობს იგი—პოზიცია, რომელიც დაიჭირა კონფერენციამ საქართველოსა და აზერბაიჯანის მიმართ 14 იანვარს, საბაბს აძლევს უკანასკნელთ იფიქრონ, რომ სიტყვა ეხება ახალი ორგანიზმების დამოუკიდებლად ცნობას, მე განვაცხადე პროტესტი; მაგრამ დღეს მივიღე ოფიციალური განმარტება, რომ სახელმწიფოებმა იცნეს დამოუკიდებლობა მთავრობებისა *de facto*, და არა დამოუკიდებლობა განაპირა სახელმწიფოებისა, სწორედ ჩემის წინადადებისამებრ. ეს არ არის შეურთიებლობა—ეს არის

\*) The New Russia, № 4. 1920. 1,157.

რუსეთის სახელმწიფოს უმაღლესი ინტერესების დაცვა, და ჩემი წინააღმდეგობა სრულიად არ სპობს შესაძლებლობას ამ ნიადაგზე დავმყაროთ მეგობრული და კეთილმეზობლური ურთიერთობა. \*)

12 იანვრის აქტით საქართველოსა და აზერბაიჯანის მთავრობები ნაცნობი იყვნენ de facto სწორედ იმ აზრით, რომ ახალი რესპუბლიკების სახელმწიფოებრივი ფაქტიური დამოუკიდებლობა იქმნა ნაცნობი.

როცა საქართველოს ერთ-ერთმა დელეგატმა, 15 იანვარს, ბ. ეიულ კამბონს სთხოვა, უფრო დაწვრილებით გადაეცა კონფერენციის დადგენილება და დაედასტურებია, რომ დადგენილება ეხება სწორედ ახალი რესპუბლიკების რუსეთისაგან დამოუკიდებლობას, ეს ხდებოდა, რა თქმა უნდა, იმ წინააზრით, რომ იქნება ისეთი „განმარტებებიც“, რომლითაც შესაძლებელი გახდება ცნობის მნიშვნელობის შესუსტება. ეს სიფრთხილე, როგორც შემდეგ აღმოჩნდა, არ იყო ზედმეტი.

იაპონიის მთავრობამ არ დააყოვნა შეერთებოდა უმაღლესი საბჭოს 12 იანვრის დადგენილებას;\*\*) შეერთებული შტატების მიერ ამ აქტის უარისყოფა გენერალ დენიკინს, მისდა ღრმა სანუგეშოთ, აცნობა მოხალისეთა ლაშქართან დანიშნულმა ამერიკის აღმირალმა Mr Cully-მ 6 თებერვალს 1920 წელს.

ეს დაშორება „ატლანტის იქეთ მდებარე დიდი რესპუბლიკისა“ ძველი ქვეყნის ოთხ მესაქე სახელმწიფოსთან იყო მხოლოდ ახალი და სამწუხარო ნიშანი, რომ მთლიანი პოლიტიკა „დიდებს“ არ მოეპოვებათ. პრაქტიკული მნიშვნელობა ამ უარისყოფას არ ჰქონია.

11 თებერვალს, 1920 წელს, „სამხრეთ რუსეთის ლაშქრის მთავარ-სარდლის მიერ ამიერ-კავკასიაში მოკავშირეთა სარდლობასთან დანიშნულმა წარმომადგენელმა“ პოლკოვნიკმა

---

\*) იხ. The Times, Feb. 17, 1920. შეადარე The New Russia v. 1, 126-7.

\*\*) საქართველოს დელეგაციამ პარიზში ეს ცნობა მიიღო კონფერენციის სამდივნოდან 7 თებერვალს 1920 წელს.

დ ე ნ მ ა აცნობა ე. პ. გეგეჭკორს ტფილისში, რომ „მთავარი სარდალა... გენერალი დენიკინი სცნობს ფაქტიურ არსებობას საქართველოს, აზერბაიჯანისა და სომხეთის მთავრობებისას“. სამწუხაროდ ეს ცნობა (აშკარაა აქ „მოკავშირეთა სარდლობისადმი“ დათმობას აქვს ადგილი) იმ დროს და იმ პირობებში მოხდა, რომ მას უსათუოდ შესუსტებული ჰქონდა მორალური ფასიცი და პოლიტიკური მნიშვნელობაც: მოხალისეთა ლაშქარი სრულ გაცამტვერების საზღვარზე იდგა.

---

## თავი მეოცდაათე.

### უმადლესი საბჭო ლონდონში.

(თებერვალი — მარტი 1920)

77

მობალისეთა ლაშქრის სულის დაფვა გრძელდებოდა 1920 წლის გაზაფხულამდე; საბჭოთა ხელისუფლების წარმატება იყო განუწყვეტელი და საკმაოდ მტკიცე — თუმცა არც ისე ელვისებური, როგორც ეს ეხატებოდათ პარიზსა და ლონდონში იანვრის შუა-რიცხეებში (იხ. ზემოთ). ევროპის უმთავრეს კაბინეტებს დრო მიეცათ, რომ უფრო კარგათ (ვიდრე 1919 წლის დეკემბერში) ჩამოეყალიბებიათ ახალი პოლიტიკა რუსეთის კითხვაში, რომელიც შედეგი იყო რუსეთის საქმეებში პირდაპირი თუ არა პირდაპირი ჩარევის და თეთრების ჯარების დახმარების მარცხისა.

„მოკავშირეთა“ ამ ახალი პოლიტიკის ხასიათი ირკვევა იმ ცნობაში, რომელიც გამოქვეყნებული იყო ლონდონში 24 თებერვალს, 1920 წელს (უმადლესი საბჭოს მორიგი სესიის დროს). აქ ნათქვამია, რომ მოკავშირეთათვის შეუძლებელია დიპლომატიური ურთიერთობის დაკერა საბჭოთა მთავრობასთან, სანამ იგი არ მიიტოვებს ტერორს და სხვა; თანაც, რომ ისინი მზათ არიან ყოველგვარათ ხელი შეუწყონ ვაჭრობას რუსეთსა და ევროპის შორის. ერთა ლიგის საბჭოს მიმართავდენ მოწოდებით, ხელში აეღო მას პირუთვნელი შესწავლა რუსეთის ცხოვრების ნამდვილი პირობებისა იქ განსაკუთრებული კომისიის გაგზავნით \*).

\*) როგორც ცნობილია, ეს აზრი არ განხორციელებულა.

განაპირა სახელმწიფოებს, რომელთა დამოუკიდებლობა ცნობილი იყო სახელმწიფოთა მიერ, ურჩიის, თავი შეეკავებინათ საბჭოთა რუსეთის მიმართ შეტევითი მოქმედებისაგან; იმ სახელმწიფოებს კი, რომელნიც საომარ განწყობილებაში იყვნენ საბჭოებთან, აუხსნეს, რომ მოკავშირეთა მთავრობებს არ შეუძლიათ ურჩიონ ამომის გაგრძელება (და თან ჩასჩურჩულებდნენ: „შეკარით ზავი!“).

მაგრამ, თუ საბჭოთა რუსეთი შემოესია განაპირა რესპუბლიკებს მათ კანონიერ საზღვრებში, მოკავშირეები ყოველგვარ დახმარებას გაუწყვევენ უკანასკნელთ, \*) ე. ი. ცნობის იმედის ფერადებში („თუ“ და სხვა) და ლლოპიდ-ჯორჯის სავაჭრო შეთანხმებაში წინანდებურად ბრკვეიალებდა „მავთულიანი ჯებირი“.

ყველაფერს ამას დეკორატიული ხასიათი ჰქონდა. მაგრამ არა ორქოფულათ იყო განცხადებული, რომ განსაზღვრულ პირობებში ყოველ ცნობილ განაპირა სახელმწიფოს შეუძლია უზრუნველჰყოს ნაძღვილი დახმარება თავდაცვის ორგანიზაციაში. ამ პირობების გარკვევას დიდი მნიშვნელობა ჰქონდა განსაკუთრებით რუსეთ-პოლონეთის განწყობილების გამო 1920 წლის დამდეგს. პრაქტიკულათ დახმარების მიღება შეიძლებოდა, რა თქმა უნდა, მხოლოდ დახმარების მიმღებ „განაპირა“ მთავრობისა და დახმარების მიმცემ სახელმწიფოს გარკვეულ ურთიერთ განწყობილების ნიადაგზე. სხვაგვარად არც შეიძლებოდა. ასეთი მზრუნველობის (ბოლშევიკები რომ არ შესეოდნენ) პოლიტიკური მოტივები შეიძლებოდა სხვადასხვაგვარი ყოფილიყო. მაგალითად, ბუქარესტში და ვარშავაში შეეძლოთ მტკიცე იმედი ჰქონოდათ საფრანგეთის დახმარებისა, რადგან პოლონეთი და რუმინეთი შეადგენენ მნიშვნელოვან ნაწილს ევროპის ახალი საერთაშორისო წეს-რიგისას. ბალტიის სახელოვან რესპუბლიკების მიერ 1919—1920 წლებში საბჭოთა ჯარებისაგან თავდაცვისათვის ინგლისისაგან მიღებული დახმარება კიდევ უფრო ნათლად ადასტურებს, რომ ყოველ ცალკე შემთხვევაში ზემოთ მოყვანილ 24 თებერვლის მემორანდუმის სქემატიურ წინადადებაში ნაგულისხმევი ან მოსალოდნელი იყო რთული, შეუწყვეტელი, ერთმანე-

---

\*) ეს მემორანდუმი სათაურით: მოკავშირეთა პოლიტიკარულეთში. უმაღლეს საბჭოს მიერ 24 თებერვალს 1920 წელს მიღებული დადგენილებები მაშინვე იქნა გამოქვეყნებული პარლამენტის პალატებში.

თის ნდობაზე დამყარებული მუშაობა განსაზღვრული მთავრობისა და მისი ხელის შემწყობი დიდი სახელმწიფოისა \*).

შესაძლებელი იყო თუ არა სხვა გზით თავისთავის უზრუნველყოფა იმ შემთხვევაში, თუ შემოგვესეოდა ისეთი საშიშარი, შედარებით ძლიერი და ყოველ შემთხვევაში დახელოვნებული მტერი, როგორც იყო საბჭოთა ხელისუფლება მოსკოვში?

ამიერ-კავკასიის სამი რესპუბლიკის de facto ცნობის გარემოება გვიჩვენებდა, რომ დახმარების იმედი მათ უნდა ჰქონოდათ მხოლოდ ინგლისისაგან; მაგრამ ასეთი დახმარების მიღების გარდუეალ პირობას შეადგენდა მეგობრული თანამშრომლობა ამ რესპუბლიკებისა, რომელთა თვით ცნობა შეიძლება ითქვას იყო „ჯგუფობრივი“; ამიერ-კავკასიის სახელმწიფოებისადმი კეთილ-განწყობილი, შომქმედი პოლიტიკა არ შეადგენდა ინგლისის მთელი მთავრობის გაერთიანებულ პროგრამას, არამედ უფრო სწორი იქნება ვთქვათ, რომ იგი შეესაბამებოდა მხოლოდ ერთ-ერთ მიმდინარეობას, რომლის წარმომადგენელი იყო კოალიციურ კაბინეტში ლლოპიდ-ჯორჯი.

მაგრამ ფაქტი თვალ წინ იდგა: ამიერ-კავკასიის რესპუბლიკების მისწრაფებას დამოუკიდებლობის განმტკიცებისადმი ხელს უწყობდენ; ხოლო ამ ხელის შეწყობის გაუართობება და გამაგრება დამოკიდებული იყო თვით რესპუბლიკებისაგან. ინგლისის ინიციატივა საბჭოთა რუსეთთან სავაჭრო ურთიერთობის დამყარების შესახებ იმედს იძლეოდა, რომ ინგლისს გაუადვილდებოდა მომავალში რუსეთსა და ამიერ-კავკასიის რესპუბლიკებთან შორის მშვიდობიანი შეზობლობის დამყარებისათვის შუამავლის როლის ასრულება. (mutatis mutandis ეს იქნებოდა 1920 წელს 1918 წლის გერმანიისა და 1919 წლის ინგლისის „დემარკაციული ხაზის“ პოლიტიკის თავისებური გაგრძელება!).

ასეთი როლი, რა თქმა უნდა, 1920 წლის პირობებში მეტათ გაძნელებული იქნებოდა, თუ ინგლისს ამიერ-კავკასიაში არ ექნებო-

---

\*) მე სამწუხაროთ მოკლებული ვარ საშეალებას ამ წიგნში მოვიყვანო პირობები და ანალოგიები ბალტიის ხალხების განმტკიცების ისტორიიდან. ზეჟრი რისამე თქმა შეიძლება იმიოდა ასახსნელად, თუ რატომ შეიქნა 1921 წლის დამდეგიდან საქართველოსა და ესტონეთ-ლატვიის ბედი ასე სხვადასხვაგვარი. ჯანაპირა ქვეყნების ამ ორი „კარიფრის“ შესახებ საერთო კარგი მიმოხილვა იხილეთ, მაგალითად, ბრიტანეთის ენციკლოპედიის ახალ ორ ტომში (1922), ბარონ ა. მეჰინდორფის წერილები.

და ფეხ-დასაყრდნობი ადგილი (ბაზა). ასეთი ადგილი იყო ბათომი, რომელიც ფორმალურათ 1919 წლის 17 ოქტომბრიდან ექირა ბრიტანეთს. 1919 წლის დამლევს გამოვიდა ცნობა, რომ განზრახვა აქვთ ბათომიდან ბრიტანეთის ჯარები გაიყვანონ (ლლოჰიდ-ჯორჯის განცხადება თემთა პალატაში 18 დეკემბერს 1919 წ.) 1920 წლის თებერვალში მცირე ყოყმანის შემდეგ ბრიტანეთის გარნიზონის გაყვანა უარყოფილ იქმნა (23 თებერვალი 1920 წ.).\*) ეს, საფიქრებელია, რომ მოხდა რუსეთის ყოფილი განაპირების დაცვის 24 თებერვალს განზრახული პოლიტიკისა და უსათუოდ აგრეთვე აღმოსავლეთის კითხვის მოსალოდნელ (როგორც მაშინ ფიქრობდნენ) გადაწყვეტის გამო. ინგლისელები ბათომში დარჩნენ.\*\*)

78

ეგრედ წოდებულ „რუსეთის კითხვის გადაწყვეტისათვის“ კონფერენციას ხელი მაინც არ მოუქიდნია. ახლო ხანში მისი დასმის ყოველივე იზეიდი ჰქრებოდა.

სამაგიეროთ ჯერი მოვიდა სწორედ ამიერ-კავკასიის რესპუბლიკებისათვის პირველხარისხოვანი მნიშვნელობის კითხვაზე: კითხვა ოსმალეთთან ზავისა და ახლო-აღმოსავლეთის „მოწყობისა“. ამ თემის გამო დიდი სახელმწიფოები კიდევ უფრო მეტ ყურადღებას აქ-

---

\*) 10 თებერვალს ახალი განცხადება ლლოჰიდ-ჯორჯისა „სასწრაფო ვეაკუატიის“ შესახებ; 13 თებერვალს ნახევრათ ოფიციალური ცნობა ვეაკუატიისზე; 18 თებერვალს თემთა პალატაში განმარტება საზღვაო საქმეთა პირველი ლორდისა; „ვეაკუატია დაიწყო, მაგრამ დამთავრებული არ არის“; 22 თებერვალს შეშფოთებულად დეპეში კონსტანტინოპოლიდან The Times-ში, რომ ბათომიდან წასვლა დროსთან შეუფარდებელია, რადგან სწორეთ ესლა მშვიდობიანათ ეწყობა საქართველოს, სომხეთის და აზერბაიჯანის ურთიერთობა და სხვა; 23 თებერვალს—ცნობა ვეაკუატიის მოხსნის შესახებ.

\*) ინგლისელების მიერ (1918 წლის ნოემბრიდან 1920 წლის ივლისამდე) ბათომისა და მისი ოლქის დაქერის ხანის ისტორია წარმოადგენს საქმაო ინტერესს და ღირსია მონოგრაფიული გამოკვლევისა. საქართველოს მთავრობა ცდილობდა, რაც შეიძლება მალე შემოერთებია ბათომი საქართველოსთვის; რუსები ამას ხელს უშლიდნენ და ამტკიცებდნენ, რომ ბათომი—რუსეთის შექმნილია (თითქოს საქართველო არ ყოფილიყოს ნაწილი იმ რუსეთისა და იმ რუსეთში პაის მქონე!). ქართველების აზრით, ინგლისელები საქართველოს საზიანათ მე-

ცევდენ ჩვენს რესპუბლიკებს, როგორც მოსაზღვრეებს, ამ შემთხვევაში არა რუსეთისას, არამედ ყოფილი ოსმალეთის იმპერიისას.

უმალეს საბჭოს კონფერენციაზე ლონდონში (თებერვალი—მარტი 1920 წ.) ამ კითხვას გულმოდგინეთ იკვლევდენ. სამი რესპუბლიკის დელეგაციები ამ ხნის განმავლობაში პარიზიდან ლონდონში გადავიდენ.

სომხეთი გულის ფანცქალით ელოდა თავისი ბედის გადაწყვეტას. მაგრამ საქართველო და აზერბაიჯანიც ძლიერ დაინტერესებულნი იყვნენ საერთოდ ოსმალეთის ზავის მზადებით და განსაკუთრებით კი სომხეთის სტატუტის შემუშავებით, რადგან ასეთი მუშაობის დროს გვერდს ვერ აუვლიდენ ამიერ-კავკასიის რესპუბლიკების ურთიერთ შორის საზღვრების კითხვასაც. შემდეგ ნათქვამიდან გამომდინარე, რომ ოსმალეთთან საზავო ტრაქტატის (სევრის მომავალი ხელშეკრულება) დამზადების დროს დიდი სახელმწიფოები, თუმცა გადაკვრით, მაგრამ მაინც შეეხენ საქართველოს: ამ საქმისთვის ჩვენმა დელეგაციამ ყოველი ლონე იღონა, რადგან მეტად მნიშვნელოვანი იყო, რომ მისი კითხვის საერთაშორისო გადაწყვეტა, ე. ი. საქართველოს ფორმალური ცნობა მიღებული ყოფილიყო თუნდაც აღმოსავლეთის კითხვასთან დაკავშირებით.

---

ტათ კარგათ ეპურობოდენ რუსებს! რუსები კი ფიქრობდენ, რომ რუსეთის უფლებებს სავსებით არ იცავდენ ინგლისელები და სხვა. საქართველოს პოლიტიკურ ცხოვრებაში ზანილი: „გაუმარჯოს საქართველოს ბათომს!“ განსაკუთრებით მოხალისეთა დაცემის შემდეგ „საყოველთაო, სახალხო“ შეიქმნა, და მთავრობა, რომელმაც ამ მხრივ გააღიზინა „ქუჩა“, თვით გახდა ქუჩისაგან დამოკიდებული (ასე ემართებოდათ სხვა მრავალ კითხვაშიაც).

ყოველდღიურ ბრძოლასა და ხმაურობაში, და ინგლისის მართვა-გამგეობის სხვადასხვაგვარი ნაკლის მიუხედავად, საკმაოდ ნათლად და ღრმად ჰქონდათ თუ არა შეგნებული საქართველოს მთავრობას, რომ ბათომში ინგლისელების ბაზის შენარჩუნება, ნაკარნახევი იქნებოდა საქართველოს ინტერესების სრულიად ელემენტარულ წინდახედულობითა და მზრუნველობით? ეს საეჭვოა. საქართველოს ყველა ნაწილების, და განსაკუთრებით კი ესოდენ მათთვის მნიშვნელოვან ჭათომის, თავისი ძალა-უფლების ქვეშ დაჩქარებით შეერთების ცდუნება უფრო ძლიერი გამოდგა, კიდრე მომავლის, თუნდაც უახლოესი მომავლის, წინათგაპერტა.

ბათომის კითხვაში საქართველოს მთავრობის პოლიტიკა, რომელიც ზრდილობიანათ ეუბნებოდა ინგლისელებს („იმპერიალისტებს“, „გარეშე ძალას“); „გაგეშორდით ბათომიდან“ ამბარებდა ინგლისში ბათომის დაჩქარებით დატოვების მომხრეებს.



მომავალი სომხეთის საზღვრების გამოსარკვევად, კონფერენციასთან შეადგინეს ინგლისის, საფრანგეთის, იტალიის და იაპონიის წარმომადგენლებისგან განსაკუთრებული კომისია \*).

კომისიის შესასწავლ საგანთა შორის იყო ფრიად მნიშვნელოვანი კითხვა—სომხეთისათვის ზღვაზე გასავალი გზის, ე. ი. სწორეთ შავ-ზღვაზე გასავალი გზის უზრუნველყოფა \*\*).

სომხეთის დელეგაციის აზრით, გასავლელი გზა უნდა მისცემოდა სომხეთს ტრაპიზონის ვილაპიტში, და თან სომხეთს უნდა მართებოდა მცირე აზიის სანაპიროები ტირებოლიდან (ტრაპეზონის დასავლეთით მდებარეობს) ხოფამდე (ე. ი. თითქმის რუსეთ-ოსმალეთის 1914 წლამდე ყოფილ საზღვრამდე). ამგვარათ, მომავალ სომხეთში შევიდოდა თითქმის მთელი ლაზისტანის სანჯაყი, რომელზედაც თავის უფლებები განაცხადა საქართველომ პარიზის კონფერენციის წინაშე 1919 წელს (როცა ბერძნებმა წამოაყენეს პროექტი ცალკე პონტოსის რესპუბლიკის დაარსების შესახებ) და რამოდენიმე ხნის შემდეგ, კონფერენციისადმი წარდგენილ ძირითად შემორანდუმში.

25 თებერვალს ჩვენ მიგვიწვიეს ზემოთ მოხსენებულ კომისიაში, რომ განმარტებები მიგვეცა ლაზისტანისა და ბათუმის ოლქის შესახებ.

---

\*) მონაწილეებიდან დავისახელებ ზ. ბ. ვანსიტარტს (ინგლისი) და კამპერერს (საფრანგეთი), აგრეთვე ბრიტანეთის სამსახურის პოლკოვნიკს გრიბბინს (საზღვრავი დეპარტამენტის მთავარი შტაბის ასოლო-ადმოსავლეთის განყოფილების უფროსი). პოლკოვნიკი შარდინი, რომელიც ჯერ კიდევ დიდი მთავრის ნიკოლოზ ნიკოლოზის-ძის დროს შედიოდა კავკასიაში ყოფილ საფრანგეთის სამხედრო მისიის შემადგენლობაში და თფილისში დაბრუნდა 1918 წლის დამლევს, აგრეთვე მიწვეულ იქმნა ლონდონში, როგორც მკოდნე პირი.

\*\*) რადგან წინასწარ ფიქრობდენ, რომ შესაძლებელია საფრანგეთმა აიღოს მანდატი კილიკიაზე (რომელიც საერთოდ გამორიცხეს მომავალი სომხეთის საზღვრებიდან), კითხვა ხმელთა-შუა ზღვაზე (ალექსანდრეტა) გასავალი გზის მიცემის შესახებ სულ სხვაგვარათ ისმებოდა. ცოტა ხნის წინათ კილიკიაში მოხდა სომხების დარბევა. ამ შემთხვევის გამო თვით სომხების დელეგაციის თავმჯდომარემ აგარონიანმა განუცხადა რეპიტერის კორარესპონდენტს, რომ ოსმალეთის მავნებლობისაგან თავის დასაღწევად და დანარჩენი აზიის მისგან ჩამოშორებისათვის ერთად-ერთი საშვალეობა იმაში მდგომარეობს, რომ კილიკია შეინდოს საფრანგეთის მზრუნველობას, როგორც მანდატარს, და რომ მანდატის გავლენის წრე აღწევდეს თვით დიდ სომხეთის საზღვრამდე. იხ. The Times, 23 თებერვალი, 1920 წ.

საქიროა ავხსნათ, რომ საქართველოს პრეტენზიები ლაზისტანის სანჯაყზე (ტრაპეზონის ვილაჰიეტი) და ბაიბურთის (ერზერუმის ვილაჰიეტი) სანჯაყის ნაწილზე ემყარებოდა ისტორიისა და ეთნოგრაფიის გარკვეულ ცნობებსა და ქართველ საზოგადოებაში გავრცელებულ შეხედულებებს; იგი წამოყენებული იყო თავიდანვე პირობითად იმ აზრით, რომ იგი დამოკიდებული იყო აღმოსავლეთ ანატოლიაში ოსმალეთის ხელისუფლების მოშლისა და ახალი სომხეთის დაარსებისაგან. თუ კი ზოგიერთი ტერიტორია ყოფილი ოსმალეთის იმპერიისა სამართლიანობისა და მიზანშეწონილების მიხედვით იქნებოდა განაწილებული, და საქართველო-სომხეთს შორის საზღვარი დადებულ იქნებოდა ქოროზ-შავი-ზღვის მიდამოებში, მუსლიმანურ პროვინციების ფარგლებში, მაშინ ბუნებრივი ხდებოდა მოთხოვნილება, რათა სწორეთ საქართველოს შემოერთებოდა ლაზისტანის სანჯაყი, რომელიც ბათომის ზღვისპირების პირდაპირი გაგრძელებას წარმოადგენს თავისი თუმცა მეტათ გამახმადიანებულ, მაგრამ სისხლით და ენით საქართველოს, განსაკუთრებით სამეგრელოს, ახლობელ მონათესავე მოსახლეობით. აგრეთვე ბუნებრივი იყო გვეთხოვნა, შეესწორებინათ საზღვრები შუა ქოროზზე, და გადაეტანათ საზღვარი ისპირის ცოტა დასავლეთით. საქართველოსთვის გამოთხოვნილ ყოფილ ყარსის ოლქის დასავლეთის ორ ნაწილთან (არდაგანის და ოლთისის) ერთად ეს გეგმა ნიშნავდა, თუ იგი განხორციელდებოდა, მთელი სამუსლიმანო ანუ ოსმალეთის საქართველოს შემოერთებას.

კომისიის თავმჯდომარეთ მყოფმა, ბ. კამერერმა საკმაოდ დამაჯერებლათ ჩასთვალა სხდომაზე წარმოთქმული ჩემი დასაბუთება, მაგრამ აღნიშნა, რომ ლაზებს სრულიადაც არ განუცხადებიათ სურვილი შეუერთდნენ საქართველოს, და მაგალითად, 1918 წელს ოსმალეებმა ბათომი დაიპირეს სწორეთ ლაზების დახმარებით. (ბ. კ. დაიმოწმა სხდომის მეორე მონაწილე, პოლკოვნიკი შარდინი). ჩემი პასუხი არსებითად შეიცავდა იმას, რომ, სანამ ამ მხარეში ისტორიული ბრძოლა წარმოებდა რუსეთისა და ოტტომანთა იმპერიების შორის, არა თუ ლაზების, არამედ, შესაძლებელია, ყოფილი რუსეთის ყველა ქართველი მუსლიმანის სიმპატიები ეკუთვნოდა მათ თანამორწმუნეთ. ეხლა კი, როცა დიდმა სახელმწიფოებმა გადასწყვიტეს შექმნან დამოუკიდებელი სომხეთი, და ოსმალეთის ხელისუფლება მის სამფლობელოს ამ ნაწილში არ იქნება შენახული, დგება კითხვა, ვის უნდა მიეკუთვნონ სამართლიანობის მიხედვით ლაზები, და ვისთან შეერთებას ირჩევენ ისინი: დამოუკიდებელ საქართ-

ველოს თუ სომხეთს?—კითხვის ასე დაყენება—უკვე ნიშნავს მის გადაწყვეტას.

უდიდესი ყურადღება კომისიამ მიაპყრო ბათომის კითხვას. „კომისია იმ დედა-აზრზე სდგასო,—სთქვა ბ. კამმერერმა—რომ არც ერთი ახალი სახელმწიფო არ უნდა იყოს მოკლებული ზღვაზე მიმავალ თავისუფალ გზას; როცა ექმნით დამოუკიდებელ სომხეთს, ჩვენ იგი უმეკელად უნდა უზრუნველყოთ გასავალი გზით; მეორეს ზნობით, ანგარიში უნდა გაუწიოთ იმასაც, რომ ბათომს დიდი მნიშვნელობა აქვს დასავლეთ ევროპის სახელმწიფოების სპარსეთთან სატრანზიტო ვაჭრობისათვის. ბათომი არის აგრეთვე ბაქოს ნავთის ნაწარმოების გასაზიდი ნავთსადგური და სხვა. ამიტომ ბათომის კითხვა უნდა გადასწყდეს ყველა ჩამოთვლილ მრავალფერ ინტერესებთან შესაფერისადო“.

კომისიის წინაშე მე დაწვრილებით განვმარტე საქართველოს აზრი ბათომზე და ბათომის ოლქზე, როგორც საქართველოს მიწაწყლის განუშორებელ ნაწილზე, და საქართველოს სრული თანხმობა ყოველგვარი საჭირო გარანტია დასდოს, რომ მეზობელ რესპუბლიკების ინტერესებსა და საერთაშორისო სატრანზიტო ვაჭრობის მოთხოვნილებებს ბათომში იგი საესებით უზრუნველჰყოფს. ბ.-ბ. კამმერერი და ვანსიტარტი განსაკუთრებულ ყურადღებას აქცევდენ, რომ ქალაქ ბათომის მოსახლეობა არეულია, რომ იქ ქართველობა უმრავლესობას არ შეადგენს და სხვა; ჩემთან ერთად სხდომაზე მყოფმა ჩხეიძემ, რომელიც კარვით იცნობდა ბათომს, ჩემის თხოვნით, ამ საგნის შესახებ დაწვრილებითი ცნობები მოგვცა.

ადვილად შეემჩნეოდა, რომ ინგლისისა და საფრანგეთის წარმომადგენლები იქვის თვალთ უყურებდენ ბათომზე საქართველოს ხელისუფლების ცნობის შესაძლებლობას; ასეთი მათი პოზიცია სხვათა შორის დაკავშირებული იყო ზრუნვასთან, მიეცათ სომხეთისთვის ზღვაზე გასავალი თავისუფალი გზა. რომ ასეთი გასავალი წარმოდგენილი ჰქონდათ, როგორც სოხეთის რკინის გზა,—ყარსი-ართვინი-ბათომი,—ამის შესახებ 25 თებერვლის სხდომაზე არაფერი ყოფილა თქმული.

1 მარტს ჩვენ ნოტიო მიემართეთ უმაღლეს საბჭოს, რომელშიაც 1) ჩვენ მოვითხოვდით ბათომის ოლქის საქართველოზე შემოერთებას; 2) ვამბობდით, რომ მზათა ვართ მეზობელ რესპუბლიკებთან შეთანხმება დავდვით, რომლითაც საკმაო გარანტიების მიცემით უზრუნველყოფილი

იქნებოდა ან არა მარტო აზერბაიჯანი და სომხეთი (რომელიც დაინტერესებულნი იყვნენ თავისუფლად ეწარმოებინათ თავისი ვაჭრობა ბათომიდან \*) არამედ თავისუფალი საქართაშორისო ტრანზიტის; ვ) ვადასტურებდით, 25 თებერვალს კომისიაში გამოთქმულ რწმენას, რომ საქიროა საქართველოს სასარგებლოდ შესწორებული იქნეს საზღვრები, ე. ი. ლაზისტანის სანჯაყი და ქოროხის ზოგიერთი სანაპირო ადგილები მიეკრას საქართველოს; დასასრულ ალვნიშავდით, რომ საზღვრების შესწორების კითხვას, ჩვენ ვაყენებთ ტრაპეზონის ვილაჰიეტში შავ-ზღვაზე სომხეთის გასავალი გზის მოწესრიგებასთან დაკავშირებით.

ერთის სიტყვით, ჩვენ მარტო ბათომის კითხვის გადასაწყვეტ საშვალებას კი არ ურჩევდით (უპირველესად ყოვლისა ამიერ-კავკასიის სამი რესპუბლიკის შეთანხმება უნდა მომხდარიყო ბათომისა და ბათომის ოლქის საქართველოს ნაწილათ ცნობის ნიადაგზე), არამედ ერთმანეთს უკავშირებდით სომხეთ-საქართველოს გამიჯვნასა და სომხეთის შავ-ზღვაზე გამოსვლას.

79

უმალესმა საბჭომ გაიზიარა თავისი კომისიის აზრი, და მოიწონა სრულიად სხვა გეგმა ბათომთან დაკავშირებულ მრავალგვარ ინტერესების შერიგებისა.

გახზრახული იყო: ბათომში დაეწესებიათ არა მარტო პორტო-ფრანკო (თავისუფალი ვაჭრობა), არამედ ბათომი თავისუფალ ქალაქათ გამოეცხადებიათ და გარდა თვით ბათომისა, მისთვის გადაეცათ ერთი (მცირე) ნაწილი გარემო ტერიტორიისა; ბათომის ოლქის დანარჩენი ნაწილი უნდა გაეყოთ სომხეთსა და საქართველოს შუა; სახელდობრ საქართველოს შეუერთდებოდა ჩრდილო და აღმოსავლეთი ნაწილი ოლქისა, სომხეთს კი მიეცემოდა სამხრეთში, ართვინის რაიონი. სომხეთ-საქართველოს დანარჩენი საზღვრების გამიჯვნა რჩებოდა ამ რესპუბლიკების საკუთარ საქმეთ. ლაზისტანი ცხადდებოდა ავტონომიურ ერთეულათ, სომხეთის სუვერენიტეტის ქვეშ.

---

\*) შემდეგ (პარიზში და სენ-რემოში) ინგლისმა ამიერ-კავკასიის კითხვის ზოგადად გადასაწყვეტად სწორედ ეს საშვალეობა, — ე. ი. სამი რესპუბლიკის შეთანხმება — წამოაყენა.

უნდა დაეწესებიათ თავისუფალი ტრანზიტი ამიერ-კავკასიაზე. ბათომს დაიპყრენ შერეული რაზმები (ინგლისი-საფრანგეთი-იტალია). იქ უნდა ყოფილიყო ბინა საერთაშორისო კომისრისა, რომელიც, როგორც ემჩნეოდა, უნდა დაენიშნა ერთა ლიგას.

ბათომის კითხვის ამ გვარად გადაწყვეტაზე (თავისუფალი ქალაქი), როგორც მაშინ მატყობინებდა ცნობის მომცემი, გავლენა იქონია ამ ნავთსადგურში თავმოყრილმა რუსეთისა და საერთაშორისო საზღვაო ფართო ინტერესებმა.

ადვილი ასახსნელი ხდებოდა ბათომის ოლქის სამ ნაწილად დაყოფაც: ამ შემთხვევაში შესაძლებელი ხდებოდა მომავალი ყარსი-ბათომის რკინის გზის (სომხეთის გასასვლელი გზა შავ-ზღვაზე!) ლიანდაგი საქართველოს მიწა-წყალს ასცდნოდა, რადგან ყოფილი ბათომის ოლქის საზღვრებში გზა იგი ჯერ გაივლიდა სომხეთის ნაწილზე (ართვინის რაიონი) და შემდეგ ბათომისკენ წავიდოდა თავისუფალი ქალაქის ტერიტორიაზე (ესე იგი ქოროხის შესადენის რაიონზე).

ყარსი-ართვინი-ბათომის ვარიანტზე იმიტომ შეჩერდენ, რომ ერზერუმ-რიზეს მიმართულება წინანდელი გამოკვლევების თანახმად, თითქოს განუხორციელებლად ეჩვენებოდათ.

ამ სქემის უმთავრეს ღირსებას,—გარდა ნუგეშისა, იმ ფაქტით, რომ უმაღლესმა სამსჯავრომ ამ კითხვისთვისაც ბოლოს მაინც მოიკალა,—ჩემის აზრით, შეადგენდა ბათომში ნამდვილად საერთაშორისო კონტროლის დაარსება, და ამიერ-კავკასიის საქმეებით ნამდვილი საერთაშორისო დაინტერესება. ერთა ლიგის მფარველობა პრაქტიკულად უზრუნველყოფდა ჩვენი რესპუბლიკების დამოუკიდებლობის თანამგრძნობ სახელმწიფოების მხურვალე ხელის შეწყობას ამიერ-კავკასიისადმი; ამავე დროს ამ თვალსაჩინო შედეგს აღწევდენ ისეთის ფორმით, რომ შეუძლებელი ხდებოდა ერთი რომელიმე დიდი სახელმწიფოსთვის რაიმე ანგარების ბრალი დაედოთ.

მეორეს მხრით კი, არაფერიც რომ არ ითქვას ისეთი გადაწყვეტილების აშკარა არა ბუნებრივობაზე, როგორიც არის „ლაზისტანი სომხეთის ხელდების ქვეშ“, მაინც საშიში იყო, რომ ბათომის ოლქის განზრახული დაყოფა, სომხეთისთვის ქოროხის მარცხენა ნაპირის ქალაქ ართვინიანათ დათმობა, საქართველოსაგან ბათომის ჩამორთმევასთან და მუსლიმანური მოსახლეობის ახალ-

ჯგუფებზე სომხეთის ხელისუფლების გავრცელებასთან დაკავშირებით, დააბრკოლებდა სომხეთისა და მის მეზობლებს შორის მეგობრული ურთიერთობის განმტკიცებას.

ხოლო თუ სამ რესპუბლიკათა შორის არ დამყარდებოდა მუდმივი და მტკიცე შეთანხმება, როგორც საზღვრების, ისე ბათომის შესახებ, მაშინ არავითარი იმედი არ იყო, რომ გადაწყდებოდა ამიერ-კავკასიის კრიზისი ანდა რომელიმე დიდი სახელმწიფო დახმარებას გაიღებდა!

მაშასადამე; საჭირო იყო ჩაფიქრება, თუ როგორის უფრო შესაფერისის საშუალებით შესრულებულიყო უმაღლესი საბჭოს მიერ დაყენებული კეთილი მიზნები.

არ შეიძლებოდა უმთავრესის დავიწყებაც, რისთვისაც არსებითად უმაღლესმა საბჭომ ესლა ლონდონში თავისი ყურადღება მიაქცია ამიერ-კავკასიის რესპუბლიკებს; ეს იყო სახელდობრ მკიდრო კავშირი, რომელიც აქვს „ჩვენს“ კითხვებს. აღმოსავლეთის მშვიდობიანობის საქმესთან, და დამოუკიდებელი სომხეთის დაარსება: ოსმალეთთან ზავის პროგრამის მართლაც განხორციელებისათვის მეტად მნიშვნელოვანი იყო, გაემაგრებინათ ამიერ-კავკასიის რესპუბლიკების პოლიტიკური და სამხედრო მხარეები. მხოლოდ ამგვარად შეიძლებოდა შეექმნათ „შუაქედელი“ საბჭოთა რუსეთისა და მუსტაფა-ქემალის ოსმალეთის შორის; მხოლოდ ამ პირობით შეიძლებოდა უზრუნველყოფა კავშირისა ევროპასა და სომხეთს შორის, და ბათომი გახდებოდა დასაყრდნობ ნიადაგათ, რომ აღმოსავლეთიდან გავლენა მოეხდინათ ანატოლიაზე.

ამ მოსაზრებათა გამო. საქართველოს დელეგაციამ, ჩემის წინადადებით, ბათომის კითხვის შესახებ, მიმართა უმაღლესს საბჭოს ახალის ნოტით (16 მარტი), რომლის მუხლების მოყვანას ჩემს თავს ნებას მიეცემ.

1. ბათომის ოლქი, ბათომის და ართვინის მაზრების შემადგენლობით, რომლის მოსახლეობის უმრავლესობა ქართველი მუსლიმანები არიან, უნდა შეუერთდეს საქართველოს რესპუბლიკის ტერიტორიას.

2. ბათომის ოლქის დაყოფა, და რომელიმე მისი ნაწილის სხვა, და არა საქართველოს სახელმწიფოს შემადგენლობაში შეტანა უსათუოდ გამოიწვევს უღრმესს უთანხმოებას და გაამწვავებს ურთიერთობას ამიერ-კავკასიის მეზობელ ხალხებთან შორის.

3. თუ იქნება დამტკიცებული, რომ გეოგრაფიული, ტოპოგრაფიული თუ სხვა რაიმე პირობების გამო ზღვაზე გამოსავალმა სომხეთის გზამ უსათუოდ უნდა ჩაიყოლიოს იმ ტერიტორიის ნაწილი, რომელსაც ქართველი ხალხი თავის ეროვნულ კუთვნილებათ სთვლის და რომლის მიღებას ამ საბუთით სცდილობს,—ქართველი ხალხის უფლებები უნდა იქნეს შეწყნარებული. ზღვისაკენ ზემორემოხსენებული გასავალი, ე. ი. სომხეთის რკინის გზების მიბჯენა შავ-ზღვაზე განზრახულ გასავალზე შესაძლებელია მოეწყოს სპეციალური შეთანხმებებების საფუძველზე, და ვნება არ მიეცეს ამ ტერიტორიების მიმართ საქართველოს სუვერენობას.

4. ბათომის ავტონომიური რესპუბლიკის დაარსება, რომელშიაც შევა აგრეთვე ბათომის ოლქის ნაწილი, აუცილებლად გამოიწვევს ამიერ-კავკასიის სახელმწიფოთა შორის ისედაც საკმაო რთულ ურთიერთობის კიდევ მეტს გართულებას. ეს გადაწყვეტილება სასოწარკვეთილებას მოჰკერის ქართველ ხალხს, რომელსაც ჩამოართმევენ მისი საუკეთესო ნავთსადგურის მფლობელობას; სრულიად არ არის იგი აუცილებელი არც საქართველოს მოსაზღვრე ქვეყნების ვაჭრობისა და ეკონომიური მოთხოვნილებების თვალსაზრისით, არც საერთაშორისო სავაჭრო ტრანზიტის საჭიროებით, განსაკუთრებით სპარსეთთან; ვინაიდან ყველა ეს ინტერესებო, რომელთა მნიშვნელობას საქართველოს მთავრობა სავსებით აფასებს, შესაძლებელია დაკმაყოფილდეს, და საჭირო გარანტიები უზრუნველყოფილი იქნეს სპეციალური შეთანხმებებით, რომელსაც შეკრავენ დაინტერესებული მხარეები უშვალთ, ანდა უმაღლესი საბჭოს ან ერთა ლიგის დახმარებით.

ამ საფუძველზე აგებული ბათომის ნავთსადგური, საქართველოს ხელდების ქვეშ, მართლაც გახდებოდა ამიერ-კავკასიის სამი რესპუბლიკის გასავალათ (deboachir) და ამიერდროს საერთაშორისო სავაჭროების საწყობ ადგილათ,—ამ შემთხვევაში ქალაქი ხელოვნურად არ იქნებოდა თავის Hinteland-ს (შიდა ქვეყანას) ჩამოშორებული და საქართველოს უფლებები ბათომზე არ იქნებოდა დარღვეული.

5. საქართველოს მთავრობა ადასტურებს თავის წინანდელ პრეტენზიებს... ყარსის ოლქის ორ ნაწილზე: არდაგანისა და ოლთისისაზე.

6. შესაძლებელია, რომ საერთო პოლიტიკის მოსაზრებით და სამშვიდობო ხელშეკრულებების შესრულების უზრუნველსაყოფად დიდი სახელმწიფოები შესაფერისად ჩასთვლელიან იქონიონ ბათომის ნავთსადგურში სამხედრო და საზღვაო ბაზა. ამ მიზნისათვის ხელისშეწყობა უზრუნველი უნდა ჰქონდეს

დიდ სახელმწიფოებს და ყველაზე უფრო ადვილი გზა კი არის საქართველოსთან საჭირო შეთანხმებების და კონვენციების დადება.

მე მგონია, რომ ზევით მოყვანილი ამონაწერი საკმაოდ ნათელს ყოფს საქართველოს დელეგაციის ოფიციალურად გამოთქმულ შეხედულებას ბათომის კითხვაზე და სომხეთის შავ-ზღვისთან რკინის-გზით მიმოსვლაზე. „საერთაშორისო მოცულობით“ ეს კითხვები ეხლა ხდებოდენ ამიერ-კავკასიის პოლიტიკის საცად-ქვათ.

## 80

საქართველოს დელეგაციამ გამოიჩინა ინიციატივა, როცა მან წამოაყენა სამი მეზობელი რესპუბლიკის შეთანხმება, როგორც საფუძველი ბათომის ფუნქციის—ზღვისკენ საერთო გასავლის—უზრუნველყოფისა და როცა ამტკიცებდა, რომ ადვილათ შესაძლებელია სომხეთს უზრუნველ ეყოს რკინის-გზის გასავალი შავ-ზღვაზე ბათომით, ბათომის ოლქის გაუნაწილებლად, და თუნდაც ბათომზე საქართველოს სუვერენობა იქნეს ცნობილი.

ეს თემები, როგორც შემდეგ დავინახავთ, წარმოადგენდენ ზღურბლს, რომლის ირგვლივ ტრიალებდენ მოლაპარაკებები ამიერ-კავკასიის რესპუბლიკებსა და ინგლისის მთავრობის შორის, სერვის ხელშეკრულების საბოლოო პროექტის შემუშავების ხანაშ.

ეხლა მოკლეთ შევეხები, თუ რა ურთიერთი განწყობილება არსებობდა ლონდონში (მარტი, 1920 წ.) სამი რესპუბლიკის დელეგაციებს შორის დასმული კითხვის გამო; ეს მით უმეტეს საჭიროა, რომ მაშინ დაიწყო აზრთა მართებული გაცვლა-გამოცვლა, რომლის დაბოლოვებას ადვილი ჰქონდა უკვე სენ-რემოში (1920 წლის აპრილის დამლევს).

დელეგაციათა მუშაობაში რაიმე შეთანხმების მიღწევა მეტად ძნელდებოდა, რადგან პოლიტიკური მათი ამოცანები, ყველაზე უფრო სომხეთსა და აზერბაიჯანს შორის, ერთმანეთს არსებითად არ ეგუებოდა. აქ საქმე ეხებოდა არა მარტო საზღვრებზე უთანხმოებას, რაც არ უნდა რთული ყოფილიყო იგი; ბევრათ უფრო დიდი მნიშვნელობა ჰქონდა ანტაგონიზმს (შეურიგებლობას) ძირითადს, ურყევს, მეტ წილად ქვე-შეგნებიდან გამოსულს, რომელიც საფუძველად ედვა მრავალხლართიან, ხანგრძლივ ბრძოლას, და რომლის სხვა-



დასხვა გამოხატულება უკანასკნელ ათეულ წლებში მთლიანათ, ერთ-მანეთთან დაკავშირებით უნდა განიხილოს. სომხების ელექტა ოსმალეთში; სომეხ-თათართა „ხოცვა“ (ორთავიანი არწივის კალთის ქვეშ!), რომელიც არსებითად იყო სახელმწიფოებრივ მოუწყობელ ხალხების „მცირე ომი“, სომხების როლი მსოფლიოს ომში (მოკავშირეთა მხარეზე) და სისხლიანი რეაქცია მათ წინააღმდეგ ოსმალეთში; სომეხ-ოსმალური და სომეხ-თურქული რეპრესიები ომის ასპარეზზე ოსმალეთში, ამიერ-კავკასიაში სხვადასხვა შეერთებით, ომის ბედის ცვალებადობით, პოლიტიკური წეს-რიგის შეცვლით და სხვა — ყველაფერი ეს ნაწილებია ერთი და იმავე დრამის: სომხეთის ერის ბრძოლისა თავის მიწა-წყალზე არსებობისათვის და საკუთარი სახელმწიფოს შექმნისათვის—და ოსმალეების ბრძოლისა დაპყრობილის შენარჩუნებისა და ბატონობის სფეროს გაფართოებისათვის მოსახლეობით მონათესავე კასპიის ზღვის მიდამო ტერიტორიისაკენ.

მოკავშირეთა გამარჯვების შემდეგ, 1918 წლის დამლევიდან, სომხებმა ისევ, როგორც 1914 წელს, მთელი თავისი მომავლის ბედი დაამყარეს ოსმალეთის პოლიტიკურათ განადგურებაზე (იხ. ზემოთ თავი XIX). 1920 წლის დამდეგს ისინი უკვე იძულებულნი შეიქმნენ ბევრი რამ ჩამოეკლათ თავის მოთხოვნილებებისათვის. მაგრამ იმედი არათუ თავისი ძლიერი, ფართო სომხეთის დაარსებისა, არამედ ოსმალეთის საკმაოთ გაძაგვისა მაინც შერჩათ. წინათ მოყვანილ განცხადებებში (გვ. 317) სომხეთის დელეგაციის თავმჯდომარე ავეტიის აგარონიანი მწუხარებასთან ერთად, რომ გადაწყდა ოსმალეები არ გარეკონ კონსტანტინოპოლიდან, ამტკიცებდა, რომ ოსმალეების დატოვება არ შეიძლება არც კილიკიაში და არც სხვაგან, სადაც ცხოვრებენ ქრისტიანები. „ახალგაზრდა თურქების“ მიზანს შეადგენს სომხეთის მოსპობა და ოსმალეთის აზერბაიჯანის საზღვართან დაახლოვება. ამიტომ აუცილებელია სომხეთში ერზინჯანისა და ერზერუმის შეტანა და ოსმალეების შეჩერება, რომ ისინი არ შევიდნენ ყარაბახის მთიან ნაწილში, საიდანაც ადვილათ ჩამოვლენ ერევანშიო.

სომხების ასეთს დავალებას აზერბაიჯანლები პირნათლათ იხდიდნენ: თავის ინტერესებსაც არ უთმობდნენ, და სომეხთა მოთხოვნილებებიდან ოსმალეთის დაცვასაც არ ივიწყებდნენ. ასეთი იყო ნამდვილი, ძირითადი, დედა-აზრი მათი მისწრაფებისა აზერბაიჯანთან დაეკავშირებით და მასში გამოეხატათ ამიერ-კავკასიის ყველა მუს-

ლიმანური ნაწილები. 1919 წელს, შესაძლოა, მათ თავში გაურბინა აზრმა „ვილსონის მუხლების თანახმად“ ე. ი. მუსლიმანთა თვით გამორკვევის მეოხებით მიეღოთ ის, რაც ოსმალეთმა მიიღო ბოლშევიკებისაგან 1918 წელს და, რაც დაჰკარგა იმავე წლის დამლევს. პარიზის კონფერენციის წინაშე წარდგენილ მემორანდუმში აზერბაიჯანმა თავის საზღვრებში მოათავსა ამიერ-კავკასიის ყველა მუსლიმანური პროვინცია, — ბათომის ოლქიც კი არ გამოუკლია! უმკველია, რომ, როცა ამ მოთხოვნილებას არდგენდა, აზერბაიჯანი არ ფიქრობდა მარტოოდენ თავის თავზე!

ამ განზრახვის შესრულება არ იყო მთლად ადვილი საქმე, და პრაქტიკულათ მისი დაცვა 1919 წელს არ შეიძლებოდა.

აზერბაიჯანის დელეგაცია ახლა (ლონდონი თებერვალი-მარტი 1920 წ.) პრინციპიალურათ საწინააღმდეგოს არაფერს ამბობდა, რომ სომხეთისთვის მიეცათ ოსმალეთის ზოგიერთი ტერიტორია, ხოლო უსამართლოდ და არა სასურველათ სთვლიდა (მუსლიმანთა მოსახლეობის ინტერესების თვალსაზრისით), რომ ბათომის ან ყარსის ოლქების რაიმე ნაწილი შესულიყო სომხეთის შემადგენლობაში. ჭეს გამოაშკარავდა საქართველოსა და აზერბაიჯანის დელეგაციის მიერ უმაღლეს საბჭოსადმი წარსადგენ პროექტის ერთად განხილვის დროს; საქართველოს დელეგაციის აზრით იმ პროგრამას უნდა ეცნობებია უმაღლეს საბჭოსათვის, რომ ორივე მოკავშირე რესპუბლიკა მიზანშეუწონლათ სთელის ბათომის ოლქის დანაწილებას, და რომ აზერბაიჯანი წინააღმდეგი არ არის ბათომის ოლქი ქალაქი ბათომით შევიდეს საქართველოს საზღვრებში; საქართველო თავის მხრით სავსებით უზრუნველყოფს აზერბაიჯანის ინტერესებს ბათომში (როგორც ზღვაში გასავალი ადგილისას).

ეს განცხადება, რომელსაც საქართველოს დელეგაცია დიდს მნიშვნელობას მიაკუთნებდა ბათომზე საქართველოს უფლებების დაცვის დროს, ვერ წარედგინა უმაღლეს საბჭოს, რადგან აზერბაიჯანის დელეგაცია დაჟინებით მოითხოვდა, რომ განცხადებაში შევეტანა მოთხოვნილება, რათა საქართველოს შეერთებოდა ყარსის მთელი ოლქი. \*) ჩვენ კი, აშკარაა, ვერ ვახერხებდით ასეთი მოთხოვნის წარდგენას, რადგან ძირითად მემორანდუმში (1919) მოვითხოვ-

\*) აზერბაიჯანელების შეხედულებით, რადგან ეს პროვინცია შეუძლებელი შეიქნა ოსმალეთის ყოფილიყო, უფრო სასურველი გახდა იგი არა სომხეთის, არამედ საქართველოს შემადგენლობაში შესულიყო.

დით ყარსის ოლქის ოთხი მაზრიდან მხოლოდ ორს (არღაგანისას და ოლთისისას), რომ არაფერი ვთქვათ ასეთი მოთხოვნის დირითადათ ჩვენთვის მიუღებლობის შესახებ.

ასეთივე უნაყოფო გამოდგა ცდა წინ წაწეულიყო საერთოდ კითხვა სამი რესპუბლიკის ურთიერთ შორის გამიჯვნისა; ეს კითხვა დაისვა (ლონდონში 1920 წლის მარტის დამლევა), რადგან კონფერენცია შეუდგა სომხეთის კითხვის გარჩევას. ერთხელ როცა აგარონიანი დაუბრუნდა ძველ თემას, მეზობელ რესპუბლიკათა შორის საჩქაროთ მიჯნების დადების შესახებ, მან წინადადება მოგვცა გამიჯვნის საქმე გადმოეტანათ აქ, ევროპაში და მიენდოთ დელეგაციებისთვის, რადგან ადგილობრივ ვერავითარ შედეგს ვერ მიაღწიეს. ეს აზრი უსათუოდ ყურადღების ღირსი იყო. ჩვენ იგი გულდასმით განვიხილეთა ბოლოს ნუბარ-ფაშასთან და სხვა სომეხ დელეგატებთან ერთად, აგრეთვე აზერბაიჯანლებთან. სომხები, ჩვენთან ლაპარაკის დროს, სასტიკ განსხვავებას კპოულობდენ საქართველოსა და აზერბაიჯანს შორის: პირველთან ადვილია უთანხმოების მოსპობა, მეორის მოთხოვნისება კი ყოვლად შეუთანხმებელია სომხების მოთხოვნისებასთანო! ისინი ფიქრობდენ, რომ მათთვის შეუძლებელია ენდონ აზერბაიჯანს, მას მერმე, რაც გამოქვეყნდა ცნობები აზერბაიჯანსა და ოსმალეთს შორის ვითომღა შეკრულ საიდუმლო, სამხედრო კონვენციის შესახებ. \*) ამიტომ სომხები არავითარ მნიშვნელობას არ აძლევდენ სამ რესპუბლიკათა შორის აღძრულ დავის გადაწყვეტის წეს-რიგის თფილისში (1919 წ. ნოემბერი) ხელმოწერილ შეთანხმებას (იხ. ზემოთ გვ. 297); აზერბაიჯანლები კი ფიქრობდენ, რომ გამიჯვნის მთელი კითხვის ევროპაში გადმოტანის სურვილი სომხებს მხოლოდ იმიტომ აქვთ, რომ დარწმუნებული არიან კონფერენციის მათდამი კეთილ განწყობილებაში; რომ აქ, დიდ ცენტრებში ისინი, სომხები, უფრო ძლიერნი არიან ჩვენზე საშვალებითაც, ნაცნობობითაც, რიცხვითაც, მაშინ როდესაც კითხვის იქ, ადგილობრივ, განხილვის დროს სომხების მტკიცების უსამართლობა და გადაჭარბება ყოველთვის ადვილათ აშკარავდება. ამიტომ აზერბაიჯანლებიც ან ქართველებიც უნდა დაეინებოთ მოითხოვდენ, რომ დავა გადაწყვეტილ იქნეს ამიერ-კავკასიაში რესპუბლიკების საკუთარი ძალებით, და არა პარიზში ან ლონდონში.

\*) ამის შესახებ ცნობები იხ. 20 მარტის 1920 წ. The Times-ში.

რადგან სომხებს აზერბაიჯანლებთან ამ კითხვის უშვალთ გარჩევა არ სურდათ, საქართველოს დელეგაცია ცდილობდა უთანხმოება თავიდან აეცილებინა, და ამ მიზნით წინადადება მისცა მათ თფილისში, ბაქოში და ერევანში სამივე დელეგაციის სახელით გაეგზავნათ დეპეში, რომლითაც მთავრობებს მოიწვევდნენ დაუყოვნებლივ დაენიშნათ კონფერენცია გამიჯვნის, საარბიტრო კომისიის დაარსების და სხვა კითხვების გასარჩევათ, და თუ კონფერენცია უნაყოფო გამოვიდოდა, ან მის მოწვევას შეუძლებლათ ჩასთვლიდნენ, საქმე გადაეცათ დელეგაციებისთვის. დეპეშის ტექსტი სომხებმა მოიწონეს; აზერბაიჯანლებს არსებითად საწინააღმდეგო არაფერი უთქვამთ, მაგრამ ისინი ფიქრობდნენ, რომ ყოველი დელეგაცია თავისუფალი უნდა იყოს „სასწრაფო გამიჯვნის“ შესახებ ფორმისა და აზრის გამოთქმის არჩევაში. ამიტომაც, განზრახული ნაბიჯი არ ყოფილა გადადგმული.

მომყავს ეს ეპიზოდი, რომ აღვნიშნო, თუ რა სიძნელე აფერხებდა დელეგაციების ურთიერთ განწყობილებას. მაგრამ სიძნელე არ იყო გადაულახავი, რასაც შემდეგი დაგვანახებს.

---

## თავი მეოცდათერთმეტი.

### ამიერ-კავკასიის რესპუბლიკები და სენ-რემოს კონ- ფერენცია.

(აპრილი 1920 წელი).

81

13 აპრილს 1920 წელს საქართველოს დელეგაციის თავმჯდომარე თათბირზე მიიწვიეს ბ. რობერტ ვანსიტტარტთან Campbell's Hotel-ში. მე და ჩხეიძე ერთად წავედით. ასეთივე მოწვევა მიეღოთ აზერბაიჯანისა და სომხეთის დელეგაციებს, ისე რომ დიდი ბრიტანეთის მთავრობის წარმომადგენელთან შეხვედრას ჩვენთან ერთად დაესწრენ: ალი-მარდან-ბეგ თოფჩიბაშევი, ბოლოს-ნუბარი და ავეტის აგარონიანი.

რ. ვანსიტტარტმა მოგემართა შემდეგის განცხადებით: „ჯერ კიდევ ლონდონში ვეძიეთ, მაგრამ თქვენ უკვე წასულიყავით: მაშინ მე თავს ვიდევ ჩემზე მონდობილ ამოცანის ასასრულებლათ ჩამოვსულიყავ პარიზში, რომ აქ შეგხვედროდით და თქვენთან კერძოთ, მეგობრულათ მომელაპარაკნა თქვენს ზოგიერთ საერთო საქმეზე; ნება მიბოძეთ, როგორც ადამიანს, რომელიც კარგათ იცნობს თქვენ ქვეყნებს და რომელსაც თქვენთვის კეთილი სურს, გულახდილი ვიყო.

უმადლესი საბჭოს წრეებში ბევრი იმ შეხედულობის არის, რომ ამიერ-კავკასიის რესპუბლიკებს არაერთგვაროვანი მომავალი არ აქვთ, რადგან მათ სრულიად არ აქვთ შეთანხმების რაიმე უნარი, და ერთმანეთთან ჩხუბში სისხლიდან იცლებიან... მართლაც, ბევრი რამ ამტკიცებს ასეთს დაფასებას. ჩვენ მაგალითად, ვიცით, რომ ბ ა თ ო მ ი ს

მომავლის კითხვა ამიერ-კავკასიის სამ რესპუბლიკას სულ სხვადასხვაგვარათ წარმოუდგენია. სადავო კითხვა სხვაც ბევრია.

ცოტა ხნის წინათ, როცა გავეცანი ბ. თოფჩიბაშევის მიერ ლონდონში წარდგენილ მემორანდუმს, მე ვიფიქრე, რომ იქ არის სახელმწიფო მოღვაწის შესაფერი დედა-აზრი, სახელდობრ, აზრი დაარსებულ იქნეს სადაო ტერიტორიებზე ამიერ-კავკასიის რესპუბლიკების საერთო კონტროლი“...

ვანსიტტარტის მიერ გადმოცემულმა უკანასკნელმა ცნობამ გამოიწვია გამოკითხვა და აზრთა გაცვლა-გამოცვლა: გამოირკვა, რომ თოფჩიბაშევის აზრი არ იყო მართებულად გაგებული. მაგრამ ეს იყო გზის წუთიერი ახვევა.

მე ვისარგებლე, რომ ბ. ვანსიტტარტმა ბათომი მეზობელთა შორის განხეთქილების მიზეზათ დასაბა, და განვაცხადე, რომ ასეთი შეხედულება არ არის სწორი: არც აზერბაიჯანლები, არც სომხები არ უარყოფენ საქართველოს უფლებას ბათომზე და ბათომის ოლქზე. „ადარწმუნებელი ვარ — დავძინე მე—არც აზერბაიჯანის დელეგაციის თავმჯდომარე და არც ბბ. სომხეთის დელეგატები, რომელნიც აქ არიან, უარს არ იტყვიან დაადასტურონ ჩემი მტკიცების სისწორე.

თოფჩიბაშევემა, აგარონიანმა და ბ.—ნუბარმა გადაჭრით სთქვეს, რომ საქართველოს უფლებებს ბათომზე და ბათომის ოლქზე ისინი სადაოთ არ ხდიან. ეს მათი განცხადება, რომელსაც ლონდონში ვერ ველირსეთ, შემდეგი მოლაპარაკებისათვის მშვენიერი შესავალი გამოდგა.

„შეურიგებლობის უფრო ნათლად გამომჩინარე ილლიუსტრაციები, უფრო ღირსშესანიშნავი მაგალითები „განხეთქილების მიზეზისა“ შეიძლება—განვავრძნობდი მე—გვენახა ამიერ-კავკასიის სხვა რაიონებში; მაგრამ ტერიტორიალურ ყველაზე უფრო მწვავე კითხვების გადასაწყვეტათაც ჩნდება გამოსავალი. რაც შეეხება ბათომს, საქართველოს სუვერენობის ცნობა, მეზობელთა ინტერესების ბათომის ნავთსადგურში მტკიცეთ დაცვის პირობით ისეთი ფორმულაა, რომელიც ყველასათვის მისაღებია, და რომელსაც შეუძლია საძირკველათ დაედვას შეთანხმებას“. \*)

\*) როგორც მაშინ სხვითა შორის შენიშნა ბ. ვანსიტტარტმა ბათომზე საქართველოს სუვერენიტეტის ცნობას ძლიერ ცოტა შანსი ჰქონდა.

დაიწყო ამ თემებზე აზრთა გაცვლა-გამოცვლა; საერთო თანხმობით გადაწყვეტილ იყო დაუყონებლივ ხელი მოგვეკიდნა ჩემ მიერ წამოყენებულ კითხვებისათვის: 1) ბათომი და ბათომის ოლქი ამიერკავკასიის რესპუბლიკების ეკონომიურ ინტერესებთან დაკავშირებით, 2) ამ რესპუბლიკათა შორის ტერიტორიალურ დავის გადაწყვეტის საშვალეები. ეს იყო სამშაბათს; შეეთანხმდით ისევე შევკრებილიყავით ბ. ვანსიტტარტთან ხუთშაბათს დილით (15 აპრილს) და მზადდებულ დებულებებით.

გამოთხოვების დროს მე ველაპარაკე ბ-ნ. ვ—ს, თუ შეთანხმების რა ელემენტები მოიპოვება კავკასიაში, რომელნიც ჩამოყალიბების პროცესში იმყოფებიან, როგორც მასვე შეეძლო შეენიშნა; რომ საჭიროა ამის დახმარება და რამდენათ კეთილშობლურია და საინტერესოა მისი ამ საქმეში მონაწილეობა.

დაუყონებლივ დაიწყო ზევით მოყვანილი ორი კითხვის შესწავლა სამი დელეგაციის შეერთებულ სხდომებზე (უფრო ხშირათ ჩვენთან). თავიდანვე შეფერხებას წაეაწყდით, როცა ვარკვევდით, თუ რა გარანტიები უნდა შეგვექმნა საქართველოს მეზობლების, განსაკუთრებით სომხების მიერ ბათომის ნავთსადგურის სარგებლობისათვის. ამიტომ ჩვენ გადავედით მეორე (არბიტრაჟის) კითხვაზე, მხოლოდ აღვნიშნეთ, რომ არც წესი და არც შინაგანი მკიდრო კავშირი კითხვებისა ამითი არ ირღვევა და არც იცვლება.

როგორც პირველის, ისე მეორე საგნის მსჯელობის საფუძვლათ დადებული იყო ჩემ მიერ შედგენილი პროექტები. სისტემატიურათ განვიხილეთ პროექტი, რომ არბიტრაჟი მიგველო ტერიტორიალური დავის გადაწყვეტის საშვალეათ. უთანხმოება, როგორც იქნა დავძლიეთ და შეთანხმებას მივალწიეთ. •

რაც შეეხება ბათომის კითხვას, თუმცა დიდ ბრიტანეთის დელეგატთან დაპირებული შეხვედრა გადიდვა ხუთშაბათიდან პარასკევზე (16 აპრილი—დღე, როცა ინგლისის დელეგაცია უნდა გამგზავრებულყო სენ-რემოში) ჩვენმა დელეგაციებმა ჩემი პროექტი. სავსებით მაინც ვერ განიხილეს და უთანხმოებანი ვერ შეთანხმეს.

მიღებული იყო შესავალი, § ბათომის ოლქზე საქართველოს სუვერენობის ცნობის შესახებ, და § ამ სუვერენობის ბათომზე ცნობის შესახებ იმ პირობით კი რომ სომხეთისა და აზერბაიჯანის ინტერესები უზრუნველ ყოფილიყვნენ. თვით უზრუნველყოფათა აღნუსხვამ გამოიწვია აზრთა სხვადასხვაობა. პირველი, ჩვენ არსებითად არ

შეგვეძლო დავთანხმებოდით სომხეთის სახელით გაბრიელ-ეფენდი ნარაღუნგიანის \*) მიერ ამ კითხვების გამო წამოყენებულ ხუთი მუხლის ზოგიერთ ნოთხოვნილებას; (სახელდობრ, რომ სომხეთს გადაცემოდა ბათომის ნავთსადგურის ნაწილი, და რომ, როგორც ეს ნაწილი, ისე სომხეთის რკინის-გზისთვის საჭირო ზოლი ბათომამდე, ცნობილი ყოფილიყო ექსტერიტორიალურად). მეორე, თავიდანვე ჩვენ აღვნიშნავდით, რომ უმჯობესია მიღებულ იქნეს პრინციპიალური, დეკლარატიული შეთანხმება; რაც შეეხება ტეხნიკურ წერილმანებს, ისინი შესწავლილი იქნებოდა შემდეგ, როცა დადებულ საფუძვლებზე დაიწყებდნენ სპეციალურ შეთანხმებებისა და კონვენციების შეკვრას; ამას მე ვაძლევდი განსაკუთრებულ მნიშვნელობას, რადგან ჩვენი მოლაპარაკება უნდა დამთავრებულიყო სასწრაფოთ, რომ მიგვეღწია მიზანს ე. ი. უმაღლეს საბჭოს წინაშე დაუყოვნებლივ გამოგვექვეყნებია. ჩვენი შეთანხმება. გარდა ამისა, ოდნავ სპეციალური კითხვის გარჩევადლიერ ფერხდებოდა ჩვენი შემადგენლობის მოუქნელობით (რჩევაში მონაწილეობას იღებდა სამივე დელეგაციის ყველა წევრი, რაც იწვევდა მრავალ რიცხოვანობას, სხვადასხვაობას, აფორიაქებას!), დროის უქონლობით და მონაწილეთა უმრავლესობის მოუშინებლობით.

რადგან ზევით აღნიშნული უთანხმოების თავიდან მოშორება პარასკევისთვისაც (16 აპრილისთვისაც) ვერ მოხერხდა, ჩვენ გადავეცით ცნობები მიღწეულ შეთანხმებისა (ტერიტორიალური დავის გადაწყვეტის წეს-რიგისა) და ბათომზე „გარანტიების“ კითხვაში დარჩენილ უთანხმოების შესახებ ბ. ვანსიტტარტს, როცა იმავე დღეს მას შევხვდით. პირველათ ბოლოს-ნუბარმა გამოთქვა, თუ როგორ წარმოედგინათ კითხვა სომხურის თვალსაზრისით; შემდეგ მე დაწვრილებით განვმარტე მოლაპარაკების მდგომარეობა, აღვნიშნე რომ სამ რესპუბლიკათა დელეგაციებს შორის მიღწეულია პრინციპიალური თანხმობა, როგორც ბათომის და მისი ოლქის საქართველოზე გადაცემის, ისე საერთოდ მეზობლების გარანტიების შესახებ; მე მივაქციე ბ. ვანსიტტარტის ყურადღება, რომ საჭიროა ამ ხანად

---

\*) დიდათ გამოცდილი, ოსმალეთის კანონებში დახელოვნებული, ოტტომანთა იმპერიის მიერ დიდებულ ტრაქტატებ-ს ცნობილ კრებულის რედაქტორი. 1914—1918 წლების ომამდე ოსმალეთის ადმინისტრაციაში მას უმაღლესი ადგილები ეკურა. იყო სეგარეო სექმეთა მინისტრათა.



მთელ ჩვენს შეთანხმებას მიეცეს ზოგადი, დეკლარაციული და არა ტექნიკური ხასიათი.

დიდი ბრიტანეთის მთავრობის წარმომადგენელმა სიხარული გამოთქვა სავალდებულო არბიტრაჟზე შეთანხმების გამო და ერთხელ კიდევ გაგვახსენა, რომ ჩვენი ერთმანეთისადმი დათმობისა და შეთანხმების ყოველი უნარის გამოჩენა საშვალებას აძლევს ჩვენს მეგობრებს დაიცვან ჩვენი დამოუკიდებლობის ინტერესები უმაღლეს საბჭოში. „ნუთუ თქვენთვის აშკარა არ არის—მეუბნებოდა იგი—რომ, მაგალითად, იარაღისა და სამხედრო სურსათის \*) თქვენდამი გადმოგზავნა შეფერხდა სწორეთ თქვენი უთანხმოების გამო? იყო შიში, რომ იარაღს თქვენ მოიხმარდით ერთმანეთთან დავის დროს; პირიქით, თქვენი ერთმანეთში მორიგება თქვენთვის დიდს სასარგებლო ნაყოფს გამოიღებს. განსაკუთრებით ქართველებმა უნდა გვიჩვენონ მაგალითი დათმობისა და ლიბერალიზმისა მეზობლების საარსებო ინტერესების უზრუნველყოფაში, რადგან წინააღმდეგ შემთხვევაში, შეუძლებელი გახდება მათი მისწრაფების — ბათომზე და მის ოლქზე საქართველოს სუვერენიტეტის — სისრულეში მოყვანა“.

ამ განცხადების პასუხათ მე წაუკითხე ჩემ მიერ ქართველი დელეგაციისთვის შედგენილი და მის მიერ დადასტურებული სქემა ბათომის კათხვის შესახებ შეთანხმებისა; ბ. ვანსიტტარტმა იგი საესებით მოიწონა და დაბეჯითებით გვირჩია სწორეთ ამ საფუძველზე შევთანხმებულიყავით. მისი აზრით, მართლაც არ მოიპოვებოდა რაიმე საპირობება უფრო დაწვრილებით აღნიშნული ყოფილიყო, თუ რა უფლებები უნდა მინიჭებოდა სომხეთსა და აზერბაიჯანს ბათომში, რადგან ამ რიგის კითხვები გადაწყდებოდა ამიერ-კავკასიის ყველა რესპუბლიკების საკეთილდღეოთ „თავისუფალი ნავთსადგურის“ წესდებით, რომელსაც გადაწყვეტილია ყოველ შემთხვევაში დაუქვემდებარონ ბათომი. პირადათ თვითონ ლორდ კერზონის რწმუნებულმა დასძინა ერთი რჩევა: ერთა ლიგის წინაშე აღგვეძრა კითხვა, რომ ბათომში დაარსებული ყოფილიყო ნავთსადგურის ზედამხედველის (ერთა ლიგის დანიშნით) თანამდებობა, რომელიც თვალყურს ადევნებდა საერთაშორისო წეს-რიგის კანონიერ ასრულებას ნავთსადგურში, და დაგვეარსებია სავალდებულო არბიტრაჟი ჩვენი შეთანხმების შესრულების დროს ყოველივე წარმომდგარი უთანხმოე-

---

\*) რაც დაპირებული გვქონდა 1920 წლის იანვრიდან.

ბის გასარჩევად.\*) ბ. ვანსიტტარტმა გაგვაფრთხილა—ეს იყო უმთავრესი—რომ შესაძლებელია ყველა ჩვენთან დაკავშირებული კითხვაზე უმაღლესმა საბჭომ იქონიოს მსჯელობა ს.-რემოს პირველსავე სხდომაზე და გვთხოვა, ჩვენი შეთანხმება სათანადო ხელის მოწერით დამტკიცებული, დიდი ბრიტანეთის დელეგაციას ს.-რემოში მიეღო არა უგვიანეს სამშაბათისა, ე. ი. 20 აპრილისა. შემდეგი ჩვენი შეხვედრა უნდა მომხდარიყო უკვე ს.-რემოში.

იმავე დღეს (ე. ი. 16 აპრილს) დელეგატები ისევ ერთმანეთს შეხვდნენ, ეხლა კი ბოლოს-ნუბარ-ფაშასთან, Avenue Prèsident Wilson-ზე.\*\*\*) პირველათ არბიტრაჟის შეთანხმების საბოლოოდ შემუშავებას შეუდგენი და კიდევ დავამთავრეთ. შემდეგ ბათომის შესახებ შეთანხმების პროექტზე გადავედით. ბ.-ნუბარ-ფაშამ იგი აქვე, ჩემის კარნახით, ჩასწერა; მეტათ სასწრაფო მუშაობის გამო მე ასლიც კი არ მქონდა ამ პროექტისა, რომელსაც ეხლა მიემატა საერთაშორისო ზედამხედველის, არბიტრაჟისა და სომხეთის რკინის-გზის სისტემის ბათომთან შემადგენელი ცალკე შტოის პრინციპიალურათ მიღების მუხლები; უკანასკნელი შეეთანხმებოდა არა მარტო სომხების მოთხოვნილებას, არამედ ლონდონში ჩვენს საკუთარ განცხადებასაც (იხ. გვ. 323).

მაგრამ უთანხმოებამ თავი იჩინა უკვე პირველი მუხლის გამო, რომელიც შეეხებოდა სომხებისა და აზერბაიჯანელების მიერ „ბათომის ოლქზე, ბათომისა და ართვინის უბნების მოცულობით“, საქართველოს სუვერენიტეტის იდეის მხარის დაქერას. სომხები ამტკიცებდნენ, რომ საქართველოსადმი გადასაცემ „ბათომის ოლქში“ ისინი ყოველთვის გულისხმობდნენ ტერიტორიას მდინარე ქოროხამდე. (მართლაც, ნუბარ-ფაშამ რაღაც ასეთი აზრი გამოსთქვა წინათ); ამიტომ სომხებმა განაცხადეს, რომ ისინი თუმცა სცნობენ საქართველოს სუვერენიტეტს ბათომსა და ბათომის ოლქზე, მაგრამ უნდა შეიტანონ განმარტება, რომ საქართველოსა და სომხეთს შორის საზღვრათ მიღებულ იქნეს მდინარე ქოროხი. ჩვენის მხრით შეტანილ იქნა განცხადება, რომ შეუძლებლად მიგვაჩნია მდინარე ქოროხის მარცხენა ნაპირის სომხეთისათვის დათმობის შესახებ ლა-

---

\*) ეს დედა აზრები ჩვენ წინათაც გამოვთქვით.

\*\*) დავესწარი: ბ.—ნუბ.არი, აგარონიანი, ჩხეიძე, თოფჩიბაშვი, ნარადუნ-გიანი და მე.

პარაკიც კი. ამ სხდომაზე უთანხმოების თავიდან მოშორების ყოველივე ცდა უნაყოფოთ დაჩა. აშკარა შეიქნა, რომ შეუძლებელია ჩვენი შეთანხმების ჩამოყალიბება სენ-რემო მდე, სადაც ჩვენი დაპირებისამებრ, იგი უნდა მიგვეტანა დამზადებული და ხელმოწერილი!

მეორე დღეს (17 აპრილს) მე ვცდილობდი დამეჯერებინა საქართველოს დელეგაცია გვეცნო, რომ სომხეთის განმარტება ქოროხის მარცხენა ნაპირის შესახებ, თუმცა საწყენი და უადგალოა, მაგრამ იგი ვერ ჰქმნის ისეთს მდგომარეობას, რომელიც სპობდეს ჩვენი პროექტის განხილვის გაგრძელების შესაძლებლობას. ასეთი განმარტება—ვამტკიცებდი მე—არ ნიშნავს ბათომის ტერიტორიის ნაწილზე სომხეთის უფლებების ცნობას. პირიქით, სომხებს განმარტება სწორედ იმიტომ შემოაქვთ, რომ დანარჩენი ორი დელეგაცია საქართველოს ერთნაირად აკუთვნებს ქოროხის მარჯვენა და მარცხენა ნაპირებს. დასასრულს, შეთანხმებაზე ხელისმოწერასთან ერთად ჩვენ აუხსნით უმაღლეს საბჭოს, რომ დაბეჯითებით მოვითხოვთ მთელი ოლქის საქართველოზე შეერთებას (რაც ჩვენ ლონდონშივე გვქონდა განცხადებული). კითხვას პრაქტიკული მნიშვნელობა მიეცემოდა შავი-ზღვის პირათ საქართველო-სომხეთის საზღვრების გამორკვევის დროს, და იგი გადაწყდებოდა არბიტრაჟის საშვალებით.

მაგრამ საქართველოს დელეგაციის წევრები იმ აზრს ადგენენ, რომ სომხების „განმარტებას“ შეუძლია ისეთი შთაბეჭდილება შექმნას, თითქოს ჩვენ, მაინცა და მაინც არ ვეწინააღმდეგებოდეთ, სომხეთს დაეთმოს ქოროხის მარცხენა ნაპირი (ბათომის ოლქში!). არავითარი საშვალეა არ იყო მათთვის დაგვემტკიცებინა, რომ ეს შემცდარი აზრია! ამიტომ საჭირო შეიქნა მეორე წინადადების მიცემა, სახელდობრ: „შეთანხმების ტექსტში „ბათომის ოლქი, ბათომისა და ართვინის უბნების მოცულობით“ შეგვეცვალა სიტყვებით—„ბათომზე მიკრული ტერიტორია“. ამ შემთხვევაში (ფეიქრობდი მე) სომხებს აღარ დასჭირდებათ მათი „განმარტება“, რომელიც ემყარებოდა უმაღლეს საბჭოს (ლონდონში) თებერვლის განზრახვას (იხ. ზემოთ)—ბათომის ოლქის დაყოფასა და სომხეთთან ქოროხის სწორეთ მარცხენა ნაპირის შეერთებას!

ახალი წინადადება დელეგაციამ მოიწონა. მაგრამ პროექტის განხილვის გაგრძელება, რომ ისევ პარიზში მომხდარიყო შეთანხმება, რომლის პოლიტიკური მნიშვნელობა და დაჩქარების საჭიროება

ყველა ჩვენგანს საკმაოდ არ ჰქონდა გათვალისწინებული—შეუძლებელი შეიქნა, რადგან ამიერ-კავკასიის რესპუბლიკების დელეგაციები პარიზიდან სენ-რემოში უნდა გადასულიყვნენ.

82

მოლაპარაკება სამ დელეგაციათა შორის ბ. ვანსიტტარტის თანდასწრებით განახლდა ს.-რემოში, სადაც ჩვენ ჩავედით სამშაბათს, 20 აპრილს, სალაჰოთი. ოფიციალური ცნობებიდან ჩვენ შევიტყვეთ რომ უმაღლესი საბჭო ამ დროს უკვე არჩევდა, სხვათა შორის, ბათომის კითხვასაც.

დელეგაციების მოლაპარაკება ინგლისის მთავრობის წარმომადგენელთან დანიშნული იყო 21 აპრილს სალამოსთვის. დღისით ჩვენ განვაგრძობდით დავას ქოროხის მარცხენა ნაპირის შესახებ სომხეთის მიერ წარდგენილ შენიშვნაზე. ვსინჯეთ, ბათომის ოლქის ტერიტორიალურ შემადგენლობის დაწვრილებით აღწერაზე უარი გვეთქვა, რომ უთანხმოება როგორმე თავიდან აგვეცდინა (იხ. ზემოთ). ჩვენ უჩვენებდით სომხებს, რომ მათი ახალი ტერიტორიალური მოთხოვნილება მოულოდნელი და დაუსაბუთებელია. თუმცა ისინი აქაც გვეკამათებოდნენ, მაგრამ ეტყობოდათ, რომ ამ მოთხოვნილებას ისინი მაინცდამაინც არ ჩასჭიდებდნენ ხელს, და რომ მათი ყურადღების ცენტრს ეხლა შეადგენდა სომხეთის ბათომში (ბათომის ოლქზე) გასასვლელი რკინის-გზის გარანტიების კითხვა. ამ სხდომაზე ჩხეიძემ, ჩემთვის მოულოდნელათ, დაიწყო დაცვა გარანტიების ისეთი ფორმისა, რომელიც გულისხმობდა სომხეთის შავ-ზღვაზე გასასვლელი გზის ორგანიზაციის მხოლოდ იმ გვართ მოწყობას, რომ ესარგებლათ უკვე არსებული ხაზით (ყარსი-(ერივანი)-თფილისი-ბათომი), ე. ი. სომხეთიდან ქვედა ქოროხზე ბათომამდე ახალი ლიანდაგის გაუყვანელათ. ამაზე სომხები, რა თქმა უნდა, ვერ დათანხმდებოდნენ; ქართულ დელეგაციის წრეში მე აღვნიშნავდი, რომ პრინციპიალურათ ჩვენ ჯერ კიდევ ლონდონში თანხმობა გავნაცხადეთ (იხ. ზემოთ გვ. 323) სომხეთის შავ-ზღვასთან შემაერთებელი განსაკუთრებული რკინის-გზის გაყვანაზე და შემდეგაც სომხებთან პარიზში შეხვედრის დროს საწინააღმდეგო არაფერი გვითქვამს. \*) უმთავრესი ხომ ის

\*) გარდა ამისა მხედველობაში მისაღება. რომ ყარსი-ბათომის ლიანდაგის დაგება სჩანდა საერთოდ ყოველ მხრივ სასურველათ, სომხეთის მიმართ კი—სამართლიანათ.

არის, რომ უმაღლეს საბჭოს მიერ სომხეთს ზღვაზე სა უთარი გასასვლელი გზა უკვე დაპირებული აქვს!

ბ. ვანსიტტარტთან თათბირი მოხდა გვიან ღამით ბ. ბოლოს ნუბართან, Royal Hotel-ში. ვანსიტტარტმა პარიზში ნათქვამის ზოგი რამ გაიმეორა და გვაცნობა, რომ, როგორც წინათაც მოელოდა და როგორც ჩვენ გაგვაფრთხილა, უმაღლესმა საბჭომ თავიდანვე ჩვენი რესპუბლიკების კითხვას მოჰკიდა ხელი. სამშაბათს (20 აპრილს) დაპირების მიუხედავად ჩვენ ვერ მიუტანეთ მას ხელმოწერილი შეთანხმებების ტექსტი. იგი სრულიად გულახდილად გვეუბნება, რომ: თუ ეხლავე არ მოხდა შეთანხმება ამიერ-კავკასიის რესპუბლიკათა შორის, როცა ამას უმაღლესი საბჭო მოეღის, პასუხისგება შედეგების გამო მხოლოდ ჩვენ უნდა მივიღოთ თავის თავზე. ჩვენი შეთანხმებული, მეგობრული მოქმედება განსაკუთრებით ეხლაა საჭირო, როცა საშიშროება გვემუქრება ჩრდილოეთიდან. ყოველი წუთი ძვირფასია: გაივლის ცოტა ხანი, და უმაღლესი საბჭო ჩვენთვის ველარ მოიცილს!

„მართალია—განაგრძობს ბ. ვანსიტტარტი—მე არ მაქვს მონდობილი გადავწყვიტო კითხვები, მაგრამ ვფიქრობ, რომ ჩემს უფროსებთან ნდობა მაქვს დამსახურებული, და ჩემი აზრი მათთვის უმნიშვნელო არ უნდა იყოს. და თუ ეხლავე არ განხორციელდა, რასაც ვცდილობ, მე უნდა გამოვტყდე ჩემს სისუსტეში და გამოვითხოვო, რომ გამანათავისუფლონ ჩემზე დაკისრებულ ამოცანისაგან. მე ხელს დავიბან და განზე გავდგები...“

თქვენ უეჭველია მოგეხსენებათ, რომ თავის დროზე უმაღლესმა საბჭომ მოიწონა ბათომის კითხვის გადაწყვეტის ისეთი გეგმა, რომლითაც ბათომი და მისი მცირე ზოლი ნეიტრალურათ ცხადდებოდა, ოლქის ერთი ნაწილი ეძლეოდა სომხეთს და მხოლოდ დანარჩენი მესამედი უერთდებოდა საქართველოს. პირადათ მე ასეთი გეგმა უსამართლოდ და უმართებულოთ მეჩვენებოდა; და თუ ეხლა მოხერხდება საქართველოს სუვერენიტეტი მთელ ოლქზე და ქალაქზე შეგუებულ იქნეს საქართველოს მეზობელთა ინტერესებთან, მე ვკისრულებ, უმაღლეს საბჭოს ყურადღება მივაქცევინო ამ ახალ გეგმაზე. მე იმედი მაქვს, რომ ასეთ გეგმას მოიწონებენ. ამით ყველაზე უფრო დაინტერესებული უნდა იყოს საქართველო, რადგან ყველაზე მეტს ამ შემთხვევაში მოიგებს იგი.

პირდაპირ ვამბობ: მე ვერ გამიგია, გადაჭრით უარს ვამბობ ოდესმე გავიგო, რატომ ამდენს ხანს ვერ შეთანხმდით ისეთ მარტივ, ასე გარკვეულ კითხვაში! რა ამბავია? რატომ არ გინდათ ერთმანეთს დაუთმოთ, როცა ამ დათმობის ნაყოფი თქვენთვის ესოდენ ძვირფასი და კეთილი უნდა იქნეს? ერთხელ კიდევ, უკანასკნელათ მოგმართავთ ასეთის რჩევით, მერწმუნეთ, იგი მეგობრობით არის ნაკარნახევი!“

ჩვენ დავპირდით... რომ „ვეცდებით“ მოხდეს შეთანხმება—და დავიშალენით.

22 აპრილს საქართველოს დელეგაციამ მოიწონა სომხეთის ბათოთან სარკინისგზო ყმაღ-აღებული შეერთების ძირითად დებულებათა ჩემი შედგენილი პროექტი (ამ კითხვამ, როგორც ზევით ნათქვამი იყო, ეხლა მიიღო განსაკუთრებული მნიშვნელობა). იმ შემთხვევისთვის, თუ პროექტი დიდ დაბრკოლებებს შეხვდებოდა, მე დამზადებული მქონდა სრულიად მოკლე, წმინდა პრინციპიალური მოსაზრებანი ამ გზის შესახებ.

შემდეგ დელეგაციის საერთო სხდომა შეიკრიბა აზერბაიჯანლებთან და შეუდგა წარდგენილი ტექსტის გასინჯვას, რომლის შესახებ ყველა საჭირო განმარტება იყო მიცემული. სომხები ეხლა აღარ მოითხოვდენ „ქოროხის მარცხენა ნაპირს“; ასეთი მოთხოვნების უნიადაგობის გარდა, მათ დაინახეს, რომ ბათომის ოლქის „დაწეწის“ იღვა უკვე მოძველდა და საექვოა, რომ ვინმემ მხარი დაუჭიროს უმაღლეს საბჭოში; საქართველოს მხრივ დაშვებული იყო, ეხლა უკვე გადაჭრით, სომხეთის რკინის-გზის გაყვანა ბათომისაკენ ქოროხის ველზე. კინკლაობა მიებჯინა რკინის-გზის ლიანდაგისთვის დატოვებულ ზოლზე „სუვერენიტეტის“ კითხვას. დიდი კამათისა და განმარტების მიცემის შემდეგ, რომ კითხვა ეხება მხოლოდ სამოქალაქო და სისხლის სამართლის იურისდიქციას, პოლიციას და სხვა, სომხები, როგორც იქნა, დათანხმდენ დაეტოვებინათ აღნიშნულ ზოლზე საქართველოს სუვერენიტეტი. მათ მიერ წარმოდგენილ შეთანხმების პროექტში შესაფერისი შესწორება შეიტანა ბატონმა ნარაღუნგიანმა.

მით უფრო მეტის დაჟინებით მოითხოვდენ სომხები ტექსტში აღნიშნას, რომ საკუთრების უფლება რკინის გზაზე, ლიანდაგზე, მოწყობილობაზე და სხვა მინიჭებული აქვს სომხეთს. დავა კიდევ უფრო გაამწვავა სომხების მოთხოვნილებამ, რომ მათ მისცემოდათ უფლება რკინის-გზის შტოს გაყვანისა შელავათიან პირობე-

ბით საქართველოს ტერიტორიაზე ლაზისტანის სანაპიროებამდე (ეს უსათუოდ იქნებოდა რიზე), სადაც სომხეთს ექნებოდა საკუთარი ნავთსადგური. ამ მოთხოვნილებამ გამოიწვია პასუხი, რომ მოლაპარაკება სწარმოებდა სომხეთის ბათომთან შეერთებაზე, რომ კითხვა ეხებოდა ზღვებზე ერთს და არა ორს გასაავალს და სხვა. ჩხეიძემ კატეგორიულად განაცხადა რომ ჩვენ მიერ წარდგენილ პროექტში ნათქვამი არის მაქსიმუმი იმისა, რაზედაც საქართველოს შეუძლია დასთანხმდეს.

იმავე დღის საღამოს (ე. ი. 22 აპრილს) ისევ შევხვდით ბ. ვანსიტტარტს და შევატყობინეთ ჩვენი უთანხმოებანი. ის მეტად შეძრწუნდა და უარს ამბობდა საერთოდ გაეგო დელეგაციების მოქმედება. ნუთუ ვერ ხედვენ რამდენად ვნებენ თავიანთ თავს? რატომ არ თანხმდებიან ქართველები მცირე მსხვერპლი გაიღონ, როცა ამდენს მოიგებენ შედარებით იმ პირველ პროექტთან, რომელიც განზრახული ჰქონდა უმაღლეს საბჭოს ბათომის მოწყობის შესახებ? „მართალია, საქართველო უნდა დასთანხმდეს ბათომზე გავრცელებული იქნეს თავისუფალი ნავთსადგურის რეჟიმი (წყობილება), რომელიც აგრეთვე სავსებით უზრუნველყოფს ბათომში აზერბაიჯანის ინტერესებსაც; მერწმუნეთ, რომ იგი რეგლამენტი (წესდება) მისაღები იქნება ყველასათვის!“ და ბ. ვანსიტტარტმა აქვე გავვაცნო საერთაშორისო მნიშვნელობის ნავთსადგურების დებულებანი, რომელნიც შემდეგ სევრის ხელშეკრულებაში შევიდნენ \*)—დარჩა კითხვა რკინის გზის შესახებ. თქვენ გაქვთ ორი ტექსტი ქართული და სომხური: სომხებმა გამოსთქვან, თუ რა არის მათთვის მიუღებელი ქართულ ტექსტში და პირიქით, ქართველებმა აღნიშნონ, თუ რა არის მიუღებელი სომხურ ტექსტში. შევეცადოთ ეს ტექსტები შევათანხმოთ“. რა შეიძლებაოდა ყოფილიყო ამ წინადადებაზე უფრო მარტივი და გონიერი? მაგრამ იგი, რა თქმა უნდა, არ იქმნა მიღებული. ბატონმა დელეგატებმა აირჩიეს განეახლებიათ უსარგებლო კამათი ტერმინებზე და საგნებზე, რომელთა შესახებ ბევრ მათგანს საკმაოდ ნათელი წარმოდგენაც არ ჰქონდა.

დელეგაციები რომ გამომეყვანა იმ ქაობიდან, რომელშიაც კისრამდი ჩაეფლენ, და რადგან მათ შორის ოდნავ არსებითი უთანხმოება არ მოიპოვებოდა, მე წინადადება მივეცი მსჯელობის საფუ-

\*) მუხლები 335—345.

ძვლად მიეღოთ სრულიად მარტივი ტექსტი, რომელიც შეიცავდა საქართველოს მეზობლებისადმი ბათომში მიცემულ გარანტიების მუხლის შემდეგ განმარტებას (სხვა მხრივ ეს მუხლი დავას არ იწვევდა):

„აქ ნაგულისხმევია, რომ ზემო მოყვანილი გარანტიები შეიცავენ აგრეთვე სომხეთის მთავრობის მეოხებით საქართველოს სუვერენიტეტის დაურღვევლად აშენებულ რკინის გზას, რომელიც შეაერთებს სომხეთის რკინის გზებს ბათომთან საქართველოს ტერიტორიაზე, ბათომის ოლქის საზღვრებზე გადარებით“.

ბ. ვანსიტტარტი დაჟინებით ურჩევდა დელეგაციების თავმჯდომარეებს—ბ. ბ. აგარონიანსა და ჩხეიძეს (უთანხმოება მათ შორის იყო) ამ ტექსტზე შეთანხმებულიყვნენ.

რადგან წინათ თავს იჩენდა უთანხმოება და მომავალი კინკლაობიდან გამკურნელი საშუალების ძიებაში, საერთო თანხმობით, გადაწყვეტილი იყო, წარმოდგენილ ტექსტს დამატებოდა, რომ, თუ რკინის გზის გამო აღიძრება რაიმე უთანხმოება და დავა, სავალდებულოა ერთა ლიგისადმი მიმართვა \*).

ეხლა სომხებმა მოითხოვეს მხოლოდ ტექსტში აღნიშვნა, რომ რკინის გზა შეადგენს მათ სრულ საკუთრებას. მხოლოდ ამ პირობით თანხმდებოდნენ ისინი. ტექსტში დარჩენილიყო საქართველოს სუვერენიტეტის დადასტურება. თუმცა აღნიშვნა „შეადგენს სრულ საკუთრებას“ (*en tonte propriété*) არაფერს მატებდა უფლებათა მოცულობას, რომელიც ისედაც მინიჭებული ჰქონდა სომხეთს, და, მაშასადამე ამ სიტყვების აღნუსხვით ადვილად შეიძლებოდა საქმის გათავება, მაგრამ, რადგან ამ შესწორებას მოითხოვდნენ სომხები, არ იყო არაფითარი საბუთი—ჩემის აზრით—უარი გვეთქვა სომხეთის დელეგაციისათვის ჩემ მიერ წარდგენილ ტექსტს მიმატებოდა ეს სიტყვები („სრული საკუთრების უფლებით“): მაგრამ ნ. ჩხეიძემ (სრულ-უფლებიანი რწმუნებული იყო მხოლოდ ის) განაცხადა, რომ იგი არ დაუშვებს წარდგენილი ტექსტის სულ მცირე შეცვლასაც კი.

---

\*) ამ მიზნით აქვე შენდგა და ყველამ მოიწონა შემდეგი მუხლი: „თუ ორ მთავრობათა შორის არ მოხერხდა შეთანხმება რკინის გზის ზოლისა და მისი ექსპლოატაციის პირობების შესახებ, ეს კითხვები გადაწყვეტილი იქნება ადგილობრივ კომისიის მიერ, რომელსაც დანიშნავს ერთა ლიგა. აგრეთვე ყოველივე დავა, რომელიც კი შეიძლება აღიძრეს ამ შეთანხმების მთელი მოცულობის განმარტებისა და გამოყენების დროს, გადაწყვეტილი იქნება საარბიტრაჟო კომისიის მიერ, რომელსაც დანიშნავს ერთა ლიგა“.



ამის შემდეგ დიდი ბრიტანეთის წარმომადგენელმა განაცხადა, რომ მას გულმოდგინება დაეკარგა, იგი იბანს ხელს და შორდება ამ საქმეს.

თათბირი გათავდა გვიან, ღამით. რამდენათ სამწუხარო არ იყო, როცა უცქეროდი და ვრწმუნდებოდი, რომ უნაყოფო და ამოა ჩემი მრავალგვარი და განუწყვეტელი ცდა\*), როგორათაც ნათელი არ იყო ჩემთვის, რომ გამოუყვებელია და სულის შემხუთველია ჩვენი დელეგაციების მიერ დაშვებული შეცდომები, მაინც შეუძლებელი გახდა გონებაში არ აღმებეჭდა უკანასკნელი ტრაგიკომიკური სცენა ამ თავისი უთავბოლოებით იშვიათი მოლაპარაკებისა, რომელშიაც ვითომცდა პროფესიონალი „პოლიტიკოსები“, რომელთაც გონება არ ჰყოფნიდათ, რომ შეეგნოთ და დაეფასებიათ დროის სწორედ პოლიტიკური მნიშვნელობა, იბნეოდნენ, უნაყოფოთ და სასოწარკვეთით სიტყვებზე და წინადადებებზე კინკლაობაში, რომელთა ნამდვილი მნიშვნელობა არც კი ესმოდათ.

ამ სცენის შუაში სდგას ბ. ვანსიტარტი და იმეორებს პონტოელი პილატეს პოზას. სახეზე ეტყობა დაღლილობა, მოწყენა და განცვიფრება, რომ თორმეტიოდე სმოკონგში გამოწყობილი კაცი, სამი სრულიად ზედმეტ, მაგრამ უვნებელ სიტყვისთვის—*en toute propriété*—ვერ შეთანხმებულა კითხვაზე, რომელიც არსებითად აღარ იწვევს მათ შორის უთანხმოებას! მის გვერდით ჩხეიძე, თავაღერილი, თვალები გადმოვარდნაზე აქვს, სახეზე სისხლ-მოწოლილი—მისთვის არა სავსებით გასაგები ფრანგული ტექსტებისა და ფორმულების სრიალით გაცოფებული, მოთმინებიდან გამოსული; წონასწორობა-დაკარგული, სდგას, ვით მიყრუებული უბნიდან გამოსული პოლონელი შლიახტიჩი (აზნაური), რომელიც შლის სეიმის მნიშვნელოვან გადაწყვეტილებას! ჩხეიძის პირდაპირ—აგარონიანი: იგი უდრეკათ მოითხოვს თავის „სრულ საკუთრებაში“, და არარატის ყველა ღრუბლები იკრიბებიან მის სახეზე. ოთახის კუთხეში ნუბარ-ფაშა სრულიად მოქანცული, სახეზე თავდაუღწევი სასოწარკვეთილების გამომეტყველება; დაღალვისაგან ფეხები ეკეცება, და ვერსად გაქცევა, ვერ დამალვია საქართველოს დელეგატის (სოც.-რევოლ.)

---

\*) ყველაზე უფრო შესაბამო ის იყო, რომ სენ-რემოში საქართველოს დელეგაციამ უარყო სწორედ ის, რასაც 1918 წლის დამლევადან ლონდონში და პარიზში საქართველოს სახელით სისტემატიურად ვამტიკებდით და მოვითხოვდით.

იოსებ გობეჩიას ეულკანიურ შემართებას, რომელიც განუმარტებს ეგვიპტის დიდებულს საერთაშორისო საქმეებში ხალხის ნებისყოფის მნიშვნელობას. გობეჩიას თვალები ცეცხლს აფრქვევენ, და გაქალაჩავეებული გრძელი თმა ამდგარა ყალყზე ან გამდგარა განზე. აზერბაიჯანელები ხმის ამოუღებლივ, დინჯათ, ნამდვილის მუსლიმანურის თავდაპერილობით შესცქერიან ამ ქარიშხალს. მთელი რიგი ნილაბებისა, სხვადასხვაგვარათ რომ გამოხატავენ ამ ამბების გაუგებრობას, სრულყოფენ სცენას.

---

შაბათს, 24 აპრილს—საქართველოს, აზერბაიჯანისა და სომხეთის დელეგაციები მიიწვიეს ბ. ვანსიტტარტთან Hotel Royal-ში. ერთმანეთს შეეხვდით საღამოს 10 1/2 საათზე. დამსწრეთ მოისმინეს ბრიტანეთის წარმომადგენელის შემდეგი განცხადება:

„მე ყველაფერი ვცადე, რომ თქვენს შორის მომხდარიყო შეთანხმება, რომ შეთანხმება იგი თავის დროზე მოხსენებოდა უმაღლესს საბჭოს. ჩემმა მეგობრულმა რჩევამ ვერ გამოიღო ნაყოფი. მე იძულებული შევიქენი დამებანა ხელი და განზე გავმდგარიყავი. ეხლა, თუმცა ეს ჩემთვის მეტად საძნელოა, უნდა განვაცხადო ლორდ კერზონის სახელით, რომლის თქვენი ქვეყნებისადმი მეგობრობა თქვენ იცით და რომელიც იანვარში ესოდენ დაგეხმარათ თქვენი de facto ცნობის საქმეში, რომ სომხეთისათვის ბათომის ოლქზე რკინის გზისა და მისი დასავლეთის შტოს სრულ საქუთრებათ გადაცემის შეთანხმება, მისის აზრით, უნდა იქმნეს ხელმოწერილი; და თუ ეს ეხლავე არ იქნა შესრულებული, შედეგების პასუხის მგებლობა თქვენ უნდა იღვათ თავზე. მე ამ შემთხვევაში მიემართავ საქართველოს დელეგაციას.

რასაც მე გამოვსთქვამ, ეს არის ბრიტანეთის მთავრობის შეხედულება, მაგრამ, მგონია, რომ ამავე შეხედულებას დაადგება უმაღლესი საბჭოც. ეხლა დაგტოვებთ, და დანარჩენი თქვენგან არის დამოკიდებული“.

ბოლოს-ნუბარის წინადადებით ჩვენ ერთმანეთს დავპირდით, მეორე დღეს დილით შევეკრებილიყავით აზერბაიჯანის დელეგაციის ბინაზე.

საერთო კრება, რომელიც დანიშნული იყო კვირას, 25 აპრილს 11 საათისათვის, იძულებული შევიქენით გადაგვეტანა 4 საათამდე. დილით კი, ჩვენ ვეთათბირეთ აზერბაიჯანელებს. „საერთო კრებამდე“ საქართველას დელეგაციის სხდომაზე, მე უკანასკნელად შევეცადე დამერწმუნებია ჩხეიძე, რომ საქართველოს ინტერესების დასაცავათ საჭიროა სომხებთან შეთანხმებას ხელი მოვაწეროთ. რა ენერგიული ზომები არ მივიღე, რომ მორალური ზედგავლენა მომეხდინა ჩხეიძეზე, მაგრამ მან საბოლოოდ გადასწყვიტა ერთი ასოც კი არ შეეცვალა მიღებულ ტექსტში და მოეცაღნა, თუ რა ინსტრუქციები მოვიდოდა ტფილისიდან. ამ დამლუპველ ჯიუტობაში ჩხეიძეს მხარი დაუჭირა საქართველოს დელეგაციის ყველა დანარჩენმა წევრმა \*).

ამის შემდეგ სენ-რემოში უკანასკნელად შეხვდა ერთმანეთს სამი დელეგაცია. შეხვედრამ მშვიდათ, მეგობრულად ჩაიარა. ჩხეიძემ განაცხადა, რომ იგი მზათ არის ეხლავე ხელი მოაწეროს შეთანხმებას იმ მუხლებში, რომელიც წინად იყო მიღებული; რაც შეეხება იმ მუხლს, რომელიც იწვევდა უთანხმოებას („სრული საკუთრება“ და „დასავლეთის შტო“) მოითხოვდა მიეცათ მისთვის საშვალეობა—დაკითხებოდა საქართველოს მთავრობას, მაგალითად, გაეგზავნა დელეგაციის რომელიმე წევრი ტფილისში. ყველაფერი ეს არათერს საინტერესოს არ წარმოადგენდა, რადგან „მომენტის“ პოლიტიკურ ამოცანას ის კი არ შეიცავდა, თუ რა და როგორ იქნებოდა ნათქვამი რკინის გზის შესახებ შეთანხმებაში (მით უმეტეს, თვით რკინის გზაც ხომ პრობლემატიური რამ იყო!), არამედ უმალეს საბჭოს წინაშე ამიერ-კავკასიის რესპუბლიკების სოლიდარობის გამოქვლავნება, და გამოქვლავნება სწორეთ ეხლა, ამ წუთში და არა მაშინ, როცა ჩხეიძე ტფილისიდან მიიღებდა მისთვის თავსამტკრევ კითხვებზე პასუხს! \*\*).

---

\*) ე. ი. დ-რმა გვარჯილაძემ, გობეჩიამ და გენერალმა ოდიშელიძემ.

\*\*) მთელი ეს დრო მე ვცდილობდი დამეთანხმებია ნ. ჩხეიძე მეტ დამოუბაზე; ვარწმუნებდი რომ, რაკი ჩვენ თანხმობა განვაცხადეთ სომხეთის რკინის გზის გაყვანაზე განსაზღვრული პირობებითა და საერთაშორისო დედასტურებით, „საკუთრებაზე“ დავის დაკარგული იქვს მნიშვნელობა.

პარასკევს, 23 აპრილს, აზერბაიჯანის დელეგაციასთან ერთად, ჩვენ წარუდგინეთ უმალდეს საბჭოს წერილობითი მოხსენებები მთელი ჩვენი მოლაპარაკების მიმდინარეობის შესახებ, რომ გამოგვეაშკარავებია, რომ ჩვენ მზათ ვართ ყოვე-

ერთის სიტყვით შეთანხმების ხელის მოწერა შეუძლებელი შეიქნა და ვერაფერი, რაზედაც შემდეგ კრებაზე იყო ლაპარაკი, ვერ იმოქმედებდა ამ გარემოებაზე. სომხებს, რომელთაც ჯერ კიდევ სწამდათ, რომ ოსმალეთი უსათუოდ და საბოლოოდ იქნება დანაწილებული (ქალაღმწევეს ეს უეჭველია მზადდებოდა) და რომელნიც გულდამწვრთვით უცქეროდნენ, თუ ჩხეიძე (ინტერნაციონალისტი! სოციალისტი! დემოკრატი!) როგორი შეურიგებელის, მოკლე ჭკუის მქონე არსების რეპუტაციას უკეთებდა საქართველოს, სომხებს არ ესმოდათ, რომ მოსალოდნელი შეთანხმების ხელმოწერა გარდაუვალად იწვევდა ინგლისის გულის გაგრილებას და ინტერესის დაკარგვას ამიერ-კავკასიისადმი, და, მაშასადამე თვით სომხეთისადმი.

ნარადუნგიანი განაგრძობდა განწყობულ კრიტიკას სუვერენიტეტის „წარღვნის დროინდელ“ ცნებისას, რომელსაც ასე მხურვალეთ ეკიდება საქართველოს დელეგაციაო. მე უპასუხე, რომ სომხეთის დელეგაცია არ ჩამორჩენია საქართველოს დელეგაციას, როცა იგი მოითხოვს არა ნაკლებ წარღვნის დროინდელ „სრულ საკუთრებას“. მაგრამ იგი გამოთქვამდა თავის გულწრფელ მწუხარებას, რომ არ შესდგა შეთანხმება; მით უმეტეს რომ, როგორც იგი ამბობდა, მას ჯიბეში დამზადებული ედვა სომხეთსა და მის ორ მეზობელთა შორის საკავშირო ხელ-შეკრულების პროექტი.

ბოლოს-ნუბარმა საჭიროდ დაინახა განეცხადებია, რომ ეხლა ისინი იძულებული არიან დაუბრუნდნენ ქოროხის მარტენა ნაპირის წინანდელ მოთხოვნას. („რათ გინდათ? ის ნაპირი ქვა და კლდეა“ — შევნიშნე მე გელიოპოლისის მშენებელს).

ჩხეიძემ განაცხადა, რომ მეტად დიდია ავტორიტეტი ლორდ კერზონისა, უმაღლეს საბჭოსა და სხვ..., მაგრამ ჩვენ გვიხდება ანგარიში გაუწიოთ საზოგადოებრივ აზრს, მკვიდრთა სურვილებს და

---

ლივე მოვიმოქმედოთ „ზღვაზე გასავლელი გზის“ საქმეში. რა თქმა უნდა, ასეთს მარტო ქალაქით მოქმედებას არავითარი პრაქტიკული მნიშვნელობა არ ჰქონდა. საქართველოს დელეგაციაში ჩვენს კერძო ბაასის დროს, ჩემს მოსაზრებებს, რომ ზეტის-მეტი შეურიგებლობა ზიფათს უმზადებს მთელს ჩვენს საქმეს, რომ ეხლა უკვე ჩვენი სომხებთან უთანხმოება სრულიად უმნიშვნელოა, ყოველთვის წინ ედობებოდა ჩხეიძის ღრწ-მიხილი დებულება (რას იტყვის საქართველოს მთავრობა? რას იტყვიან ბათუმის ოლქის მცხოვრებლები? არ იფიქრებენ; რომ ისინი „სომხებს მიჰყიდიან“?).

სხვა. ამ საუბედუროთ ნათქვამმა სიტყვამ თოფჩიბაშევს საშვალება მისცა სიტყვა ჩამოეგდო, რომ საქართველო ვალდებულია ყურადღება მიაქციოს ბათომის ოლქის მუსლიმანური მოსახლეობის აზრს, რომელსაც წარმოადგენს ადგილობრივი მეჯლისი. (აგარონიანი: „ეს ჩვენთვის სრულიად ახალი ამბავია“).

პოეტი არშაკ ჩობანიანი მოგვიწოდებდა, მიუხედავად დღევანდელი უთანხმოებისა, მიუხედავად ყველაფრისა, მეგობრობის, სოლიდარობისა და კეთილ მეზობლობისაყენ.

გობეჩია ჩვეულებრივის აღზნებით ლაპარაკობდა, რომ უმაღლესი საბჭოს გადაწყვეტილებები მერყევი და სათუთა, რომ ხალხური მოძრაობაა სტიქიური, და რომ სწორეთ ხალხის ნების-ყოფას აქვს უმთავრესი მნიშვნელობა. (აგარონიანი: „თქვენ რატომ არ გაუწიეთ ანგარიში ხალხის ნების-ყოფას ლორეში და ახალქალაქში?“).

აშკარათ სჩანდა, რომ მოლაპარაკება ჩვენი დასრულდა. ჩემ მიერ დამზადებული ორი შეთანხმებიდან (ბათომსა და რკინის გზაზე; ტერიტორიალური დავის გადაწყვეტაზე) არც ერთი არ იქმნა ხელ-მოწერილი.

„ჩხეიძეს ეშინია თავს იღვას პასუხისმგებლობა, და ამას ვერაფერს მოუხერხებ. ასეთს გრძნობას პატივისცემა მართობს“—კერძოთ მითხრა მე ნარადუნგიანმა, რომელიც მეტათ კეთილად აფასებდა მუშათა და ჯარის-კაცთა დეპუტატების საბჭოს ყოფილი თავმჯდომარის უძღურებას. სხდომა გათავდა, ჩვენ ერთმანეთს ჩამოვართვით ხელი, და სრულიად მეგობრულათ დავშორდით ერთმანეთს.

ორშაბათს, 26 აპრილს (ეს იყო სენ-რემოს კონფერენციის უკანასკნელი დღე) რომიდან ჩამოვიდა საქართველოს საგარეო საქმეთა მინისტრის ამხანაგი კ. საბახტარაშვილი, რომელიც ეხლა ბრუნდებოდა თფილისში და სენ-რემოში შემოიარა, რომ მიეღო ცნობები ჩვენი მოლაპარაკების შედეგების შესახებ. ამათ ვცდილობდი ამ ახალგაზდა კაცისთვის მეგრძნობინებინა შეშფოთება, რომელიც ჩემში გამოიწვია მომხდარმა ამბებმა. მაგრამ იგი დაუყონებლივ წავიდა, რომ განეგრძო გზა საქართველოსკენ ირაკლი წერეთელთან ერთად, რომელიც ამავრებდა საქართველოს პროლეტარიატის კავშირს იტალიის პროლეტარიატთან და ჰებლა დროებით ბრუნდებოდა თფილისში.

რაც შეეხება კავკასიის ყელს, აქ მოსკოვმა და ანგორამ თავიანთი საქმე მოიგეს.

ამგვარათ, უნაყოფო გამოდგა ეს პირველი, და არსებითად ერთად-ერთი ცდა დასავლეთ ევროპის სახელმწიფოებისა წესრიგში სერიოზულათ დაესვათ ამიერ-კავკასიის რესპუბლიკების სახელმწიფოებრივი და საერთაშორისო მომავალის კითხვა და გადაეწყვიტათ იგი მათი დამოუკიდებლობის საფუძველზე.

ვცადოთ თანამიმდევნობით აღვუხსოთ მაშინ განზრახული პოლიტიკის საფუძველები.

ამიერ-კავკასიის ახლად აღმოცენებული სახელმწიფოების გამაგრების საკიროებამ, რომელიც წარმოიშვა, როგორც ენახეთ 1920 წლის იანვარში, მხოლოდ ეხლა სენ-რემოში მიიღო მოფიქრებული, ხელშესახები ფორმა...

დახმარება საქართველოს, აზერბაიჯანსა და სომხეთს, განსაკუთრებით გარეშეთა თავდასხმისაგან დასაცავათ შესაძლებელია მიეცეს მათ მხოლოდ იმ შემთხვევაში, თუ მათ შორის არსებობს მტკიცე მშვიდობიანობა და სოლიდარობა—ასეთია ძირითადი, დასავლეთის „იმპერიალისტების“ მიერ წამოყენებული დებულება; ეს დებულება უცვლელი რჩება, სიტყვა შეეცება ამიერ-კავკასიის ჩრდილოეთისაკენ მიმართულ ფრონტს (ასე იყო 1920 წ. იანვარში, პარიზში; იხ. ზემოთ თავი XXIX), თუ როგორც ეხლა, სენ-რემოში, მორიგ მნიშვნელობას დებულობს (იქ სახელმწიფოთა თვალში, რომელნიც ემზადებოდნენ ოსმალეთთან ზავის შესაქრავათ) ამიერ-კავკასიის ის ფრონტი, რომელიც მიმართულია სამხრეთ-დასავლეთით, ანატოლიის მხრით.

მაგრამ აქაც, როგორც წინათ, განზრახულია მხოლოდ იმისი გამაგრება, რაც არსებობს.

კითხვა სომხეთის საზღვრების შესახებ ოსმალეთის მიმართ ჯერ გადუწყვეტელი რჩება. მით მეტს ყურადღებას იპყრობს ურთიერთი განწყობილება სომხეთსა და ამიერ-კავკასიის მეზობელ რესპუბლიკათა შორის; მაგრამ ამასთან დაკავშირებულია უფრო ზოგადი მნიშვნელობის საერთაშორისო ინტერესები.

სომხეთი არ შეიძლება ზღვას მოწყვეტილი იქნეს; მისავალი უნდა ჰქონდეს... ამ ხანად ბათომში; და ეს ნავთსადგური, საქართველოს ბუნებრივი კუთვნილება, ესოდენ მნიშვნელოვანი აზერბაიჯანისთვისაც, ხდება თითქოს სიმბოლო სამი რესპუბლიკის ერთობისა. ეს კიდევ ცოტაა. ბათომი დასაწყისი ადგილია

ევროპიდან სპარსეთში და სპარსეთთან ევროპაში თავისუფალი ტრანზიტისა. მას უდიდესი პოლიტიკური და კომერციული მომავალი აქვს. აქ იქნება ახლო აღმოსავლეთის ამ ნაწილისა და დასავლეთის სახელმწიფოების შემაერთებელი კვანძი; და საერთაშორისო ინტერესები, რომელნიც დაკავშირებულნი არიან ბათომთან, უნდა დაეცულ იქმნენ ერთა ლიგის საშვალებით.

სომხეთ-ოსმალეთის საზღვრები მალე იქნება დადებული: უმთავრესად სომხების საქმეს შეადგენს დასავლეთის დახმარებით, იმ პროვინციების მტკიცეთ დაქერა, რომელსაც მას დაუთმობენ. მაგრამ ესეც, როგორც სომხეთის ზღვისკენ გასავალი გზა მხოლოდ მაშინ არის შესაძლებელი, როცა ამიერ-კავკასიაში სუფევს მშვიდობიანი, მეგობრული განწყობილება.

როცა წყდება ოსმალეთის კითხვა, სტამბოლისა და ანგორის მონათესავე აზერბაიჯანი განსაკუთრებულ მნიშვნელობას ღებულობს, სწორეთ ეს დაახლოვება სომხეთთან და საქართველოსთან ... სამთა შეთანხმება — განამტკიცებდა აზერბაიჯანის ორიენტაციას „დასავლეთზე“ და უზრუნველყოფდა სომხეთის ზურგს, როცა ირკვეოდა სომხეთ-ოსმალეთის საზღვრები. „დასავლეთზე“ მიმხრობა აზერბაიჯანისა ასეთს გარემოებაში უდრდა მის ერთგულებას ეგრედ წოდებულ კავკასიის ორიენტაციისადმი (რაც წინათ იყო გამოთქმული საქართველოსთან 16 ივნისს 1919 წელს დადებულ ხელშეკრულებაში) წინააღმდეგ ოსმალეთისა და საბჭოების ცდუნებისა.

რა თქმა უნდა, კავკასიაში შექმნილი მდგომარეობა, 1920 წლის დამდეგს, საჩი რესპუბლიკის ფაქტიური ცნობის შემდეგ, შეუძლებელი იყო. დაეცვათ და განემტკიცებიათ, თუ ერთგვარი მშვიდობიანი და მეზობლური განწყობილება არ დამყარდებოდა რუსეთის საბჭოთა სახელმწიფოსთან. ეს ამოცანა — საესე სიძნელით და ხიფათით, არ უნდა ჩაითვალოს საესეებით შეუსრულებლათ 1920 წლის აპრილის ვითარების მიხედვით. რუსეთი იძულებული იყო ყველა ძალები მოეკრიბა დასავლეთის საზღვრებზე ბრძოლისათვის, სამხრეთიდან კი ამავე დროს საბჭოებს ემუქრებოდა ვრანგელი; მოსკოვი ხომ სწორეთ ამ დროს დაადგა ინგლისთან ვაქრობის მოლაპარაკების გზას — ამას მოსკოვი სხვადასხვა მიზეზის გამო მეტად ენერგიულათ ცდილობდა. ყველაფერი ეს და გარდა ამისა ის, რომ „სლავიანთა ტომების ერთმანეთში დავის დროს“ ინგლისი, წინააღმდეგ საფრანგეთისა, უფრო თანაგრძნობით ეპყრობოდა რუსეთს, ვიდრე პოლონეთს, აძლევდა სწორეთ ინგლისის მთავრობას

საშვალებას, თუკი სენ-რემოს პოლიტიკა განხორციელდებოდა, დიპლომატიური დახმარება გაეწია საბჭოთა რუსეთისა და ამიერ-კავკასიის რესპუბლიკების შორის რაიმე *modus vivendi*-ს შექმნაში.

ამ შესაძლებლობას უეჭველია აძლიერებდა ინგლისის ფაქტიური ბაზის ბათომში არსებობა. ბათომის კითხვის ისეთი გადაწყვეტა, რომელიც ჩვენ მოგვაწოდეს, შესაძლებლათ ხდიდა, პრინციპიალურათ, დასავლეთის ფაქტორისა და ამიერ-კავკასიის რესპუბლიკების ისეთს თანამშრომლობას, რომლის მეოხებით მხოლოდ იმედი უნდა გვექონებოდა საერთოდ ჩვენი დამოუკიდებლობის შენარჩუნებისა და განმტკიცებისა.

მაგრამ ეს მიზანი მოითხოვდა ამიერ-კავკასიის რესპუბლიკების მთელი ძალის დაძაბრვას და უპირველესად ყოვლისა, მათი პოლიტიკის განსაზღვრულ შეთანხმებას. მაგრამ, როცა სენ-რემოს საუკეთესო პირობებში გამოააშკარავეს ასეთი შეთანხმების უნარის უქონლობა, ამით ამიერ-კავკასიის რესპუბლიკებმა თვით განაცხადეს უარი იმაზე, რაც ბუნებრივათ გამომდინარეობდა 1918 წლიდან დაწყებული მათივე მხურვალე ცდებიდან.

---



## თავი მეოცდათორმეტე

### მკროპის წასვლა და რუსეთის დაბრუნება.

84

ამიერ-კავკასიის დელეგაციებმა ვერ მოასწორეს სენ-რემოდან პარიზში დაბრუნება, როცა მოვიდა ცნობა, რომ დაეცა აზერბაიჯანის მთავრობა, ბაქოში გამოცხადდა საბჭოთა წყობილება და იგი დაიკავა წითელმა ჯარმა. ეს მოხდა 28 აპრილს, 1920 წელს. 1918 წლის დამლევიდან „ევროპის ორიენტაციის“ სასარგებლოთ კავკასიაში შექმნილი ზეგავლენის წონასწორობა ძირითადად ირღვეოდა. საბჭოთა რუსეთმა ისარგებლა დიდი სახელმწიფოების ზოზინით, სამი რესპუბლიკის შინაგანი უთანხმოებით და ძლიერის დარტყმით — როგორც ეტყობა, უსისხლოთ — დაიკავა ამიერ-კავკასიის (და საერთოდ ახლო-აღმოსავლეთის) ერთი უმნიშვნელოვანესი ადგილი; ამგვარათ, რუსეთმა მარჯვენა ფრთით შემოუარა კავკასიის ჯგებირს, რომლის მოდარაჯეობა მხოლოდ საშვალებას აძლევდა ამიერ-კავკასიის რესპუბლიკებს მოეწყობათ თავისი დამოუკიდებელი სახელმწიფოებრივი ცხოვრება.

ბაქოს აღება გააადვილა იმ თავდავიწყებულ გაცოფებამ, რომლითაც სწორედ 1920 წლის გაზაფხულზე ერთმანეთს მიესიენენ სომხები და თურქები ტერიტორიალური დავის გამო (ყარაბალში); მასვე ხელი შეუწყო ბაქოს წარმოების მრავალრიცხოვანმა პროლეტარიატმა და ნავთის სატახტო ქალაქის გეოგრაფიულმა მდებარეობამ კასპიის ზღვაზე. მაგრამ, აღნიშნულ გარემოებას, მგონი ნაკლები მნიშვნელობა ჰქონდა, ვიდრე აზერბაიჯანის ოსმალეთისადმი მასსიურ თანაგრძნობას, რომელიც საერთოდ ბევრათ უფრო ძლიერი და ცოცხალი იყო, ვიდრე მისი „ევროპის ორიენტაცია“. აზერ-

ბაიჯანი თითქოს ცოცხალ შემაერთებლად შეიქნა იმათ შორის, ვისაც ისტორია საკმაოდ მოულოდნელად აკავშირებდა ე. ი. რუსეთსა და ოსმალეთს შორის:

ეს არ არის გადაჭარბება: 1920 წელს აზერბაიჯანის ოსმალეთისაღმე სიყვარულმა—წინააღმდეგ 1918 წლისა—მიიღო ფორმა.... რუსეთის სიყვარულისა; ამან გაუადვილა საბჭოთა ხელისუფლებას ბაქოს დაქერა!

„დიდი სახალხო ყრილობის“ ოსმალეთი საბრძოლველად იწვევდა დასავლეთის ყველა დიდ სახელმწიფოს; მოწვეულ განსაცდელის დროს ოსმალეთს ხვალინდელი იმედი უნდა დაემორჩილებია საღლეისო მოთხოვნებისათვის და მსხვერპლად შეეწირა ახლობელი, მაგრამ ჯერ კიდევ სუსტი მონათესავენი შორებულ და შემთხვევით, მაგრამ მომქმედ მოკავშირეებისათვის! „შორებელი“ ხომ მახლობელი ხდებოდა: ბაქოს დაქერა მხოლოდ პირველი ნაბიჯი იყო რუსეთისა და ოსმალეთის უშვალო მეზობლობის აღდგენაში. დასავლეთთან ბრძოლაში მომავალი მეზობლები ერთმანეთს ამეგრებდენ.

დასასრული მოელოდა პოლიტიკას, რომელიც კავკასიას უყურებდა, როგორც შუა კედელს ან და „ახლად დაარსებულ ბუფერულ სახელმწიფოებს“. ბაქოს დაცემა თავის თავად ჯერ კიდევ არ ნიშნავდა ამ დასასრულს. წინად ყოფილი მდგომარეობის აღდგენა, უეჭველია, კიდევ შეიძლებოდა, თუ ამიერ-კავკასიის რესპუბლიკები გამოიჩინდენ ნიქს სოლიდარული პოლიტიკა ეწარმოებიათ, და, თუ მრავალგვარი დეკლარაციების, შეთანხმებების და სხვათა მაღალი ფრაზები არ იქნებოდენ წინათგაქვრეტის, სიმტკიცისა და მამულიშვილობის უქონლობის მხოლოდ ნიღაბნი!

საქართველო-აზერბაიჯანის სამხედრო საკავშირო ხელშეკრულება გამოდგა უბრალო „ქალაქის ნახევრი“. ასეთივე გამოდგა სომხეთ-აზერბაიჯანის 1919 წლის დამლევის შეთანხმება მშვიდობიან გამიჯვნის შესახებ და სხვა.

ბაქოს დაცემა და სენ-რემოში ჩენი მოლაპარაკების სავალალო დასკვნა არსებითად იყო აშკარა და თითქმის ერთდამივე დროს გამომქლავებული დამტკიცება, რომ დამოუკიდებლობის დედა-აზრი, რომელიც თითქოს საერთო იყო ამიერ-კავკასიის სამივე რესპუბლიკისათვის, სრულიად არ შეესაბამება მათ მთავრობათა ნამდვილ პოლიტიკას. და სანამ სომხეთი თავის იმედებს ამყარებდა ატლანტის აქეთა და იქეთა მხარის გულჩვილ მოსარჩლეებზე, და სა-

ნამ საქართველო არწმუნებდა თავის-თავსა და სხვებს თავის შუმ დემოკრატიზმში,—საბჭოთა იმპერიამ დაიკავა ბაქოში მთელი ამიერკავკასიის დასაპყრობათ საქირო მეტათ ხელსაყრილი „გამოსავალი მდგომარეობა“, და ნავთით გამდიდრებული უღარესად გაძლიერდა 1920 წელს ინგლისთან „კომმერციულ“ მოლაპარაკებაში.

1

სენ-რემოს შემდეგ საქართველოს დელეგაციას აღარ შეხვედრია ოდნავ რთული ამოცანა. მე პირადათ სრულიად აღარ მაინტერესებდა მისი შემდეგი მუშაობა და, ბოლოს, ვემზადებოდი თფილისში დასაბრუნებლათ. მაგრამ სწორეთ ამ დროს მე დამნიშნეს საქართველოს რესპუბლიკის განსაკუთრებული ეკონომიური მისიის წევრათ, რომლის ამოცანებზე მე ვმუშაობდი 1920 წლის მაისის დამდეგიდან ნოემბრამდე ლონდონში, პარიზში და რომში. ამ მისიას სათავეში უდგა საქართველოს ფინანსთა მინისტრი კ. კანდელაკი, მის შემადგენლობაში კი შედიოდა სახელმწიფო კონტროლიორი ფ. გოგიჩაიშვილი; ორივე მრავალი სათნოებით შემკული პიროვნება, მაგალითად, თავმდაბლობითა და შრომის მოყვარეობით, რაც იშვიათია საქართველოს მოხელეების მალალ ფენებში.

ეკონომიურმა მისიამ თავისი ამოცანა საკმაო წარმატებით შეასრულა. უმთავრესი იყო ლონდონში მრავალმხრივ საინტერესო სესხის მიღება. იტალიის კაპიტალს, რომელიც მაშინ გაცხარებით ეძებდა სათბობ მასალას, დაეთმო კონცესია სოხუმის ოლქში, ზღვის პირათ, ტყვარჩელის ქვანახშირის დასამუშავებლათ. \*) საფრანგეთის კაპიტალისტების ჯგუფთან ხელშეკრულება დაიდვა საქართველოში მებარეშუმეობის გასაფრცელებლათ გეგმიანი თანამშრომლობისა და პარკის საფრანგეთში გასაღების შესახებ და სხვა.

მაგრამ ჩემს ამოცანას არ შეადგენს ამ მისიის მოღვაწეობის აქ აღწერა. მე მხოლოდ დამრჩა მოვიხსენიო რამდენიმე ფაქტი, რომელნიც შეეხებებიან საქართველოს დამოუკიდებლობას, ფაქტები არა ეკონომიურის, არამედ პოლიტიკურის ხასიათისა.

\*) ახირებული შემთხვევათ, დავა სამთო-მადნო უფლებების შესახებ ტყვარჩელის აგარაკში (მეტათ რთული) უკანასკნელი საკმე იყო, რომელიც 1917 წელს მომანდო მე, როგორც მოხსენებელ-სენატორს, უმართებულესმა სენატმა.

ბაქოს დაკავების შემდეგ მალე გამოირკვა, რომ მთელმა აზერბაიჯანმა „შეითვისა“ საბჭოთა მთავრობის ფორმა. საქართველოს მთავრობა დაადგა „ბოროტების არა წინააღმდეგობის“ გზას. 30 აპრილს 1920 წელს საქართველოს მთავრობის თავმჯდომარე ყორღანია დამფუძნებელ კრებაზე ნათქვამ სიტყვაში განმარტავდა, რომ... „თუ თვით ხალხი (აზერბაიჯანლები) თანაუგრძნობს უცხო ძალის მის ქვეყანაში შემოსევას, მაშინ ამ ძალის წინააღმდეგ ჩვენი გალაშქრება იქნებოდა ამ ხალხის უფლების დარღვევა (sic) და ამასთანავე გამოიწვევდა ჩვენ მიერ იქ გაგზავნილი ჯარის დაღუპვას.\*) ვისაც „კანდიდი“ წაუეთხავს, უეპკელია, მას, ამის გამო, გაახსენდება დოქტორი პანგლოსი!

ცოტათი უფრო გვიან მოვიდა ცნობები საქართველო აზერბაიჯანის საზღვრებზე შეტაკებებისა და საბჭოთა აზერბაიჯანთან და რუსეთთან საქართველოს მოლაპარაკების შესახებ.

იქვს არ იწვევდა, რა თქმა უნდა, რომ საერთოდ საპიროა მოსკოვის მთავრობასთან საჩქარო შეთანხმება. „შეთანხმებას“ გვიჩვენდა, როგორც წინათაც ვნახეთ (იხ. გვ. 313), დიდი სახელმწიფოები. ინგლისი ყველაზე უფრო ემხრობოდა 1920 წელს რუსეთის ყოფილი განაპირებისა და მოსკოვის შორის საკომპრომისო მშვიდობიანი მეზობლობის დამყარებას. თავის მხრით საქართველოს დელეგაციამ ჯერ კიდევ ლონდონში 1920 წლის მარტში სთხოვა ინგლისის მთავრობას დახმარება ასეთი კომპრომისისათვის.

მაგრამ, აშკარაა, ეს საქმე უპირველესად ყოვლისა ეხებოდა თფილისის მთავრობას. გამონახავს იგი მოსკოვის დიქტატორებთან საერთო ენას? საქართველოს სოციალ-დემოკრატიის მეთაურებს უპირდათ თუ უძნელდებოდათ დენიკინთან და ინგლისის გენერლებთან შეთანხმება, ბოლშევიკებთან ხომ მათ ბევრი რამ იდებურათ აახლოვებდა, რომ არათფერი ვთქვათ, ყოფილ თანამებრძოლთა პირად ნაცნობობაზე.

ვალთარებ, სენ რემოში მე ზოგჯერ მეგონა, რომ ჩხეიძის მიერ მაშინ დაქერილ პოზიციას (დაუშვებელსა და უაზროს იმ პოლიტიკის მიხედვით, რომელსაც ევროპაში ვაწარმოებდით 1918 წლიდან

---

\*\*) ამ სიტყვის ტექსტი იხ. წიგნში: Paul Gentizon. La Résurrection Géorgienne. P. 1921 დამატება მე-4. წიგნი შედგენილია წერილებიდან, რომელნიც დაბეჭდა ავტორმა გაზეთ „Le Temps“. ავტორი სპეციალურათ იყო გაგზავნილი საქართველოში 1920 წელს.

დაწყებული საქართველოს სახელთა და მისი დამოუკიდებლობის ინტერესებისათვის) შესაძლოა საფუძვლათ ჰქონდა საილუმო, ჩემთვის უცნობი, თფილისიდან მოსული ინსტრუქცია, რომელიც დაკავშირებული იყო სწორეთ რუსეთ-საქართველოს შეთანხმების რაიმე გეგმასთან. ნამდვილათ კი ასეთი რამ სრულიად არ ყოფილა. მაგრამ უეჭველია, რომ, რაკი სენ-რემოს შემდეგ შეუძლებელი გახდა ევროპისგან რაიმე მიზანშეწონილი დახმარების მიღება, დარჩა ერთი-ლა გზა-უშვალთ რუსეთთან და ოსმალეთთან შეთანხმებისა. გზა იგი იყო ძნელი, საეჭვო, მაგრამ აუცილებელი. საქართველოს მთავრობის მოვალეობას შეადგენდა ამ გზით გადაედგა საქირო ნაბიჯები.

... მე სისწორით არ ვიცი, თუ რა ხდებოდა რუსეთ-საქართველოს მოლაპარაკების კულესების უკან; შედეგი კი ის იყო, რომ უკვე 7 მაისს 1920 წელს (მოსკოვში) დაიდვა ხელშეკრულება საქართველოსა და საბჭოთა რუსეთის შორის; ცოტათი უფრო გვიან (16 ივნისს 1920 წ.) საქართველოსა და საბჭოთა აზერბაიჯანის შორის; როცა ტექსტებს გავეცანი, გასაცვიფრებელი იყო, რა ადვილათ, რა სისწრაფით იცნო საქართველოს მთავრობამ ბაქოში მომხდარი სახელმწიფოებრივი გადატრიალება და, მაშასადამე, უარი განაცხადა 1919 წელს დადებულ საქართველო-აზერბაიჯანის ხელშეკრულებაზე, განსაცვიფრებელი იყო, როგორის სიჩქარით მოიწვია მან საბჭოთა ხელისუფლება საბჭოთა აზერბაიჯანთან საზღვრებზე დავის მოსამართლეთ. \*)

საქართველო-რუსეთის ხელშეკრულების ყველაზე უფრო დამახასიათებელი დებულება ის იყო, რომლის ძალითაც საქართველო კისრულობდა „მიელო ზომები, რათა განედევნა თავის, ამ ხელშეკრულების მეოთხე მუხლით განსაზღვრული, ტერიტორიიდან ყოველი ჯარი და ჯარის ნაწილები, რომელნიც არ ეკუთვნოდენ საქართველოს ეროვნულ ჯარს“ (მე-V-ე მუხლის § 5); დღეიდან აღეკრძალათ მათთვის საქართველოში ცხოვრება (§ 6); ამ ჯარში შემავალ ცალ-

\*) რუსეთ-საქართველოს 1920 წლის ტრაქტატის ტექსტი იხ. საბჭოთა მთავრობის მიერ დადებულ ხელშეკრულებათა ოფიციალურ კრებულში. ამ ხელშეკრულების ფრანგული თარგმანი და აკრეთვე თარგმანი 14 ნოემბრის 1920 წლის შეთანხმებისა საქართველოსა და საბჭოთა რუსეთსა და აზერბაიჯანს შორის ტრანზიტისა და ვაქრობის შესახებ გამოცემული იყო ცალკე წიგნათ პაროზში 1922 წელს.

კე პირებისთვის აღეკრძალათ შესულიყვნენ საქართველოს ჯარში. რაიმე ადგილზე, სხვათა შორის მოხალისეთ (მე-V მუხლის § 7).

ამგვარათ, საქართველო თავის თავს პირდაპირ ვალდებულათ ხდიდა ხელი შეეწყო, რათა ბათომსა და ბათომის ოლქში მოხსნილიყო ინგლისის ოკუპაცია, და წინდაწინვე უარს უტყუებდა, რომ ვინმე დახმარებოდა მას შეიარაღებული ძალების მოწყობაში. ეს იყო. აშკარა ცნობა მოსკოვის მთავრობის პოლიტიკური გავლენისა და უპირატესობისა, და პრაქტიკულათ ნიშნავდა „ევროპის ორიენტაციაზე“ უარის თქმას. რითი აიხსნება ასეთი შებრუნება? საქართველოს მთავრობის სოციალისტური გრძნობებით, რომელნიც სძლევედნენ „დასავლეთ-ევროპის დემოკრატიებისადმი“ მიმზიდველობას მათი იმპერიალისტური მთავრობებით? შესაძლებელია. ყოველ შემთხვევაში საქართველოს მთავრობის მეთაური 7 მაისის ხელშეკრულების დადების გამო მოსკოვის კომისრებისადმი მიმართულ ტელეგრამაში რაღასაც ამბობდა „სოციალიზმის დასამყარებლათ“ საერთო მუშაობის შესახებ. ან და შესაძლებელია წითელი ჯარების მიერ 1920 წლის ზაფხულზე პოლონეთის დანგრევისა და შემდეგ „ბურჟუაზიულ“ ევროპაში წითელი ჯარების შესვლის მოლოდინში, საქართველოს მთავრობა წინდაწინვე იმზადებდა შესაფერ პოზიციას?

ყოველ შემთხვევაში, რაღაც შინაგანი შეთანხმება სჩანდა სენ-რემოში ჩხეიძის თავდაპერილობასა (მან უარყო პრაქტიკულათ დაემთავრებია საქართველოს პოლიტიკის ევროპაში ორი წლის მხურვალეცდა) და 7 მაისის 1920 წლის საქართველო-რუსეთის ხელშეკრულების ძირითად ტენდენციის შორის. უფრო სისწორით რომ ვთქვათ, აღნიშნული ხელშეკრულება სპობდა შესაძლებლობას განეგრძოთ ცდები იმ პროგრამის შესასრულებლად, რომელიც, როგორც პირადათ მე შეგონა, შედგენილი იყო საქართველოს ინტერესებისა და მისი მთავრობის სურვილების მიხედვით, და რომლის უმთავრეს მხარეს შეადგენდა: ამიერ-კავკასიის სამი რესპუბლიკის კავშირი თავდაცვისათვის, მათი გამაგრება დასავლეთის დიდი სახელმწიფოების შემწყობით, „ინტერნაციონალიზაცია“ ბათომისა, და იქ მოკავშირეთა ჯარების დროებით შენარჩუნება.

ესლა, ამიერ-კავკასიის ბლოკის იდეის ჩაშლისა და კავკასიის მთავრეხილის იქეთ საბჭოთა ჯარების გადასვლის შემდეგ, ბათომში

მოკავშირეთა (ე. ი. ბრიტანიის) საგუშაგო რაზმის დარჩენის კითხვა მალე გადაწყდა. არავინ ემზადებოდა ამიერ-კავკასიის რეპუბლიკების დამოუკიდებლობისათვის საბჭოებთან საომარი შეტაკება გაემართა. და, რადგან ეს რესპუბლიკები მოახლოვებულ საფრთხის წინაშე შეერთებულის ძალებით შეთანხმებულ, მტკიცე თავდაცვის სურვილს ვერ იჩენდენ, და რადგან სენ-რემოში ლორდ კერზონის პოლიტიკა კავკასიის შესახებ დამარცხდა, ბათომსა და ბათომის ოლქში ინგლისის ჯარების დაყოვნება ზედ-მეტი გახდა; ჯარები გადაიყვანეს; ამასთანავე საქართველოს მთავრობის მოუთმენელმა ცდამ, რომ ბათომი ოლქითურთ მალე ჩაეგდო ხელში, ძლიერ გაუადვილა ინგლისელებს ამოცანა, სახელოვნათ გასულიყვნენ ბათომიდან. ეს წასვლა აღარ ჰგავდა დაქერილი იმპერიალისტური პოზიციის ვისიმე ძალდატანებით დაცლას, არამედ დროებით დაქერილის მეპატრონისათვის კუთვნილებისამებრ დაბრუნებას. თავისი ფორმით ეს იყო არსებულ მდგომარეობიდან საესებით მოქნილი გამოსავალი. ბათომის დატოვებას თანაც მოითხოვდა ლონდონში ეკონომიის ყველა მომხრე, რომელთაც უხაროდათ კიდევ ერთი ოკუპაციის მოხსნა; ამ ზომას იწონებდა საერთოდ ყველა ამიერ-კავკასიაში ინგლისის აქტიური პოლიტიკის მოწინააღმდეგე (ე. ი. კერზონის მოწინააღმდეგენი და ლლოპიდ-ჯორჯის მომხრეები). გადატრიალებამ აზერბაიჯანში თავის მხრით ხელი შეუწყო იმ გადაწყვეტილებას, რომელიც მხედველობაში ჰქონდათ უკვე 1920 წლის მაისის დასაწყისში.

11 ივნისს ჩვენ (საქართველოს ეკონომიური მისის წევრებს) ლონდონში საიდუმლოთ შეგვატყობინეს, რომ ინგლისის მთავრობამ დაადგინა დასტოვოს ბათომი, და მთელი ოლქი გადასცეს საქართველოს მთავრობას. გადაცემის ფორმალობისა და აგრეთვე ზოგიერთ მნიშვნელოვან „თანდაყოლილ“ კითხვების გამო (მაგ., „დენიკინელების“ ბათომიდან ყირიმში გადაგზავნა) საქართველოში იგზავნებოდა პოლკოვნიკი სტოკსი, დიდი ბრიტანიის ახალი კომისარი; ინგლისის მთავრობის თხოვნით, სტოკსს თან უნდა გაჰყოლოდა დ. ლამბაშიძე.

ბათომის ოლქის შემოერთება დიდ ზნეობრივ და პოლიტიკურ დაკმაყოფილებას აძლევდა საქართველოს. მაგრამ ამასთანავე ეს იყო, თუ გნებავთ, დანაელების საჩუქარი.

ბათომის ოლქის შემოერთება ხომ არ დაასუსტებს საქართველოს შემოსევისათვის გაშლილ აღმოსავლეთის საზღვარზე? მოახერ-

ხებს საქართველო გაუმკლავდეს ოსმალეთის ნაციონალიზმს, რომელიც უეპველია თავს იკავებდა ბათომში ინგლისელების ყოფნის გამო? აი რა იქვები იზადებოდა უნებურათ და რატომ იყო, რომ ამიერ-კავკასიიდან ევროპის წასვლა, რაც ბუნებრივი შედეგი იყო სენ-რემოში ჩვენი უთანხმოებისა, და რაც კიდევ უფრო დაჩქარდა უკანასკნელი ამბებით, მე სრულიადაც არ მომწონდა. იმ მოსახრებებით, რომელთაც აქ არ გავიმეორებ, მე ვფიქრობდი, რომ ძლიერ უნდა დაგვეფასებია... „ინგლისის მოსახლეობის“ ბათომში ყოფნა. \*)

... ეს იქვები და შეშფოთება, რა თქმა უნდა, ვერ გაფანტა ცნობამ, რომ 4 ივლისს 1920 წელს საქართველოს ჯარი ზემოთ შევიდა ბრიტანიის საგულშაგო რაზმის მიერ დატოვებულ ბათომში, რომ ბათომის სიმაგრეებზე აღიმართა საქართველოს ბაირადი და სხვა \*\*).

მოვლენათა „ფილოსოფია“ მეტად მარტივი იყო: საქართველო განცალკევებული დარჩა მიყრუებულ ჯვარედინზე, ევროპისა და აზიის შუა, უშვალო მენობლათ საბჭოთა რუსეთისა და ოსმალეთისა: ეს ორი ფილაკვანი ემზადებოდა საფუძვლიანათ ამოგდლოთ კავკასიის შუაყედელი.

---

ეხლა რამოდენიმე სიტყვა სევრის ხელშეკრულებაზე, — დასავლეთ ევროპის თვითმპყრობელობითი კოლექტიური აზრის ყველაზე უფრო ბოროტებით სავსე ნამოქმედარზე.

ოსმალეთის სულთანის რწმუნებულებს იგი წარედგინა 9 მაისს და ხელ მოწერილი იქმნა 10 აგვისტოს 1920 წელს; ამ ხელშეკრულებამ არა თუ შექმნა დამოუკიდებელი სომხეთი, არამედ ევროპის

---

\*) ინგლისის ჩანაკმა, რომელმაც 1922 წელს თითქმის კონსტანტინოპოლის კარებთან შეაჩერა მუსტათა ქეშალის ძღვეამოსილი და იერშით მიმავალი ჯარი, დამიმტკიცა სისწორე ჩემი დაუახებისა ბათომის კითხვისა და იქ ინგლისელების ყოფნის შესახებ.

\*\*) ინგლისის ჯარები ბათომიდან წავიდნ 10 ივლისს. გამოსათხოვარი ბანკეტი საუცხოვოთ ჩატარდა. ბათომის გადაცემის ხელმოწერილ ოქმში საქართველოს მთავრობა თანხმობას აცხადებდა ყარსი-ბათომის რკინის გზის გაყვანაზე, რასაც უკვე არავითარი მნიშვნელობა აღარ ჰქონდა.



საერთაშორისო სამართალში პირველად შეიყვანა, როგორც ფორმალურად ცნობილი პირი, საქართველო და აზერბაიჯანი.

პროექტის მე-92 მუხლი წინააღმდეგ იღებს მხედველობაში სომხეთსა და მის მეზობელ აზერბაიჯანსა და საქართველოს შორის საზღვრების დადების წეს-რიგს. საზღვრები ორივე მხარის თანხმობით უნდა იქმნეს დადებული. თუ ეს არ მოხერხდა იმ დროისთვის, როცა დაიდება საზღვარი ოსმალეთსა და სომხეთს შორის, ამ შემთხვევაში სამიჯნო ხაზი სომხეთსა და საქართველოს, აგრეთვე აზერბაიჯანს შორის, დადებულ იქნება უმთავრეს მოკავშირე სახელმწიფოთა მიერ (ე. ი. ინგლისის, საფრანგეთის და იტალიის მიერ), რომელნიც აგრეთვე იზრუნებენ ადგილობრივ გაიყვანონ იგი.

ბათომი ცხადდებოდა საერთაშორისო მნიშვნელობის ნავთსადგურათ, რომელიც ღია იქნებოდა თავისუფალი ვაჭრობისათვის და ერთა ლიგაში შემავალ ყველა სახელმწიფოს ბაიარაღებისათვის. თავისუფალი ნავთსადგურის წესდება (რეჟიმი) ლიგის ზედამხედველობით, რომელიც აწერილია სევრის ხელშეკრულებაში (მუხ. 335-346) შეეხება ბათომს ისე როგორც კონსტანტინოპოლს, გაჰიდარ-ფაშას, სმირნას, ალექსანდრეტას, ხაიფას, ბასრას, ტრაპიზონს. მაგრამ ბათომის შესახებ არის განმარტება „პირობების შესახებ, რომელნიც შემდეგში იქნებიან დაწესებული“ (მუხ. 335).

კითხვა სუვერენიტეტის შესახებ რჩება გადუწყვეტელი (ib.). მე-351 მუხლის რედაქციას („თავისუფალი მისასვლელი შეზღუდვებ ბათომის ნავთსადგურის საშუალებით ეძლევა საქართველოს, აზერბაიჯანს და სპარსეთს, და აგრეთვე სომხეთს“) ჯერ კიდევ ლონდონელი იდეები (თებერვალი—მარტი 1920 წ.) ეტყობა, რომელნიც საქართველოს აშორებდნენ ბათომს. ასეთივე „ჩამორჩენილი“ მუხლი 352, რომელიც შეეხება სომხეთის ტრაპიზონზე გასავალს. ყველაფერ ამაში ბევრია დაუმთავრებელი და ბუნდოვანი, რაც აიხსნება სენ-რემოში ჩვენი მოლაპარაკების უნაყოფობით \*\*).

---

\*) თანახმად მე-89 მუხლისა ამერიკის შეერთებული შტატების პრეზიდენტს დაეკისრა გადაეწყვიტა კითხვა საზღვრების შესახებ ოსმალეთსა და სომხეთს შორის ერზერუმის, ტრაპიზონის, ვანის და ბითლისის ვილაიაეებში. პრეზიდენტმა ვილსონმა ეს დაეძალა შესარულა 22 ნოემბერს 1920 წელს.

\*\*) ამიერ-კავკასიის რესპუბლიკების შეთანხმების პროექტი ხელმოწერილი რომ ყოფილიყო, იგი არსებითად სევრის ხელშეკრულების რამოდენიმე მუხლის ნაშვლი დაბატება იქნებოდა.

10 აგვისტოს, 1920 წელს, ავეტის აგარონიანმა, სომხეთის სახელით ხელი მოაწერა სევრის ხელშეკრულებას, რომლითაც, როგორც იქნა, მოინათლა სომხეთის სახელმწიფოს დამოუკიდებელი არსებობა. რა უთანხომო ნაბიჯის წინ გადადგმა არის 1878 წლის ბერლინის ტრაქტატის ცნობილ მე-61 მუხლთან შედარებით! სამწუხაროთ, ეს გამარჯვება იყო მხოლოდ ქალაქზე, მხოლოდ სიტყვიერი! ტყუილად კი არ არის სევრის სახელი მისი ნაწარმოები ფაიფურის სისუსტესთან მკიდროთ დაკავშირებული!

1920 წლის 10 აგვისტოსთვის საქართველოსა და სომხეთის პასუხისმგებელმა გამგებმა და რწმუნებულმა წარმომადგენლებმა, რაც კი შეეძლოთ, ყოველივე მოიმოქმედეს, რომ ამიერ-კავკასიის მხრით უზრუნველყოთ სევრის ხელშეკრულების საწინააღმდეგო რუსეთ-ოსმალეთის ოპოზიციის გამარჯვება. არც სენ-რემოში, არც თფილისში, არც ერევანში, ბაქოზედაც რომ არაფერი ვთქვათ, ვერ გამოიჩინეს ვერც ერთობის უნარი, რომელიც საჭირო იყო ამიერ-კავკასიის ბლოკის შესაქმნელად, ვერც მისი საჭიროების შეგნება, თუნდაც იმ აზრით, რომ იგი ერთობა საჭიროა, როგორც სევრის ხელშეკრულების განხორციელების ერთ-ერთი პრაქტიკული პირობა. სამაგიეროთ რუსეთმა და ოსმალეთმა იმდენათ შეუთანხმეს ერთმანეთს თავიანთი მუშაობა, რომ რამდენიმე თვის განმავლობაში აღარაფერი დარჩა ამიერ-კავკასიის „ფრონტიდან“. დიდი სახელმწიფოების უთანხმოებამ, საბერძნეთის საქციელმა, შეერთებული შტატების სომხეთის დახმარებაზე გადაჭრილმა უარმა საქმე მიიყვანეს ახლო აღმოსავლეთში ისეთს ცვლილებებამდე (1920 — 3 წ.) რომელნიც უდრიდენ სევრის სუსტი ქმნილების სრულს განადგურებას.

საქართველოში ბათუმის ოლქის საქართველოს მთავრობაზე გადაცემა უკანასკნელის დიდ გამარჯვებათ ჩასთვლეს ამაში პოულობდენ იმპერიალიზმზე დემოკრატიის გამარჯვებასა და სხვა.

1920 წლის შემოდგომაზე, როცა საბჭოთა რუსეთი ოსმალეთთან ერთად გამოდიოდა ამიერ-კავკასიის საქმეებში გადამწყვეტ ფაქტორათ, დასავლეთის დიდმა სახელმწიფოებმა კი, უმთავრესად ინგლისმა, უარი განაცხადეს აქ მომქმედი პოლიტიკის წარმოებაზე, ე. ი., როცა ამიერ-კავკასიაში ომი და მყუდროება და ამიერ-კავკა-

სიის რესპუბლიკების მომავალი დამოკიდებული იყო არა ლონდონსა და პარიზისაგან, არამედ მოსკოვსა და ანგორისაგან, საქართველოს მთავრობა ყურადღებას არ ათხოვებდა ანგორა-მოსკოვს და თავის უმთავრეს ძალებს თავს უყრიდა დასავლეთში: სამი მინისტრი (გეგეჭკორი, გოგიჩაიშვილი, კანდელაკი) და დამფუძნებელი კრების თავმჯდომარე (ჩხეიძე), განსაკუთრებული, განსხვავებული, უნივერსალური რწმუნებული (წერეთელი) იღვწოდნენ დასავლეთ სახელმწიფოთა სატახტო ქალაქებში მაშინ, როცა საერთო ვითარებაში, რომელმაც საქართველოსადმი წუთით კეთილ-განწყობილი სახე შიპარუნა, ეხლა კი ზურგი უჩვენა საქართველოს. ასეთი მოქმედება დემონსტრაციის შთაბეჭდილებას სტოვებდა, თითქოს საქართველო ახლო იყო დასავლეთ სახელმწიფოებთან, რაც სრულიად არ შეეფერებოდა სინამდვილეს, და საბაბი ეძლეოდა მოსკოვის თვალთმაქცურ შიშს „ევროპის ჩარევის ბაზის“ შესახებ, რასაც აგრეთვე ადგილი არ ჰქონდა სინამდვილეში.

მდგომარეობასთან სრულიად შეუფარდებელ დიპლომატიურ პოზიციის სიყალბეს ემატებოდა საუბედურო და უდროვო ჩარევა საქართველოსა, როგორც ვითომდა სოციალ-დემოკრატიული რესპუბლიკისა, სოციალ-დემოკრატიულ და კომუნისტურ ინტერნაციონალთა ბრძოლაში.

„საქართველო, ოდესღაც „ღეთის-მშობლის ხვედრი“ ეხლა ხდებოდა მე-2 ინტერნაციონალის ხვედრათ. 1920 წლის სექტემბერში „ადგილობრივად საქართველოს დათვალეობა“ მე-2 ინტერნაციონალის მოღვაწეების მიერ (რ. მაკდონალდი, ვანდერველდე, ქ-ნი ე. სნოუდენი, რენოდელი, კაუცკი, გიუსმანსი და სხვები) ღებულობდა რაღაც იდეური დემონსტრაციის მნიშვნელობას, რომელიც მიმართული იყო მე-3, ე. ი. კომუნისტური ინტერნაციონალის წინააღმდეგ: ევროპიელ ცნობილ სოციალისტების ამ მოგზაურობას (მათ შორის მე-2 ინტერნაციონალის სამი სტატს-დამა ქ-ნი კაუცკისა, ვანდერველდესა და სნოუდენისა, რომელნიც ლორწეტებით ცნობის მოყვარეობით უცქერდნენ „ამ ტურფა სურათოვან საქართველოს“), რომელსაც საქართველოში შეხვდნენ ოფიციალური პატივდებით და რასაც ისინი სამშობლოში არც თუ ისე იყვნენ მიჩვეული, დიდი მნიშვნელობა ჰქონდა მათ გონებაში საქართველოს დამოუკიდებლობის და მისი, როგორც დემოკრატიული „ოაზისის“, ჩასანერგათ.\*)

\*) ამ მოგზაურობის სახსოვარია 1921 წელსი პარიზში გამოცემული წიგნი: „L'Internationale socialiste et la Géorgie“.

„ჩვენი დროის გაჭირვებულ მდგომარეობაში“—in the strenuous conditios of our time—ამ დამოუკიდებლობის განსამტკიცებლათ კი ექსკურსიას, რა თქმა უნდა, არავეითარი მნიშვნელობა არ ჰქონია; მან გამოიწვია ან გააძლიერა მეტად უდროოთ ილლიუზიები შესახებ „დასავლეთის დემოკრატიის დახმარებისა“, სრულიად აურია ანგარიში ხალხს, რომლისთვისაც, რა თქმა უნდა, გაუგებარი დარჩა ნამდვილი მიზეზი ბათომიდან ინგლისელების წასვლისა, ისე როგორც გაუგებარი იყო მისთვის, შედარებითი მნიშვნელობა საქართველოს დამოუკიდებლობისათვის 1920 წელს „მოკავშირე დიდი სახელმწიფოების უმაღლესი საბჭოსი“ და „ამსტერდამის ინტერნაციონალისა“. მაგრამ ამ მხრივ, ე. ი. გაუგებრობის მხრივ, სამწყსო და მწყემსები ერთსულოვანი იყვნენ.

ამ დროს საქართველოს მეზობლათ საბჭოთა მთავრობა არა თუ მტკიცეთ გამაგრდა აზერბაიჯანში, არამედ ამზადებდა სომხეთის იარაღის დაყრევინებასაც წინადადებით, რომ იგი მთავრობა სომხეთს დახმარებას გაუწევს შევიწროებულ მდგომარეობაში და „კოორიდორის“ პოლიტიკით ყარაბაღის გზით დაახლოვებს მას ოსმალეთთან. 1920 წლის ზაფხულში რუსეთ-პოლონეთის ომისა და ბათომში ინგლისელების ყოფნის გამო, ბოლშევიკებმა ზედ-გავლენა მოახდინეს სპარსეთის და არა შავი-ზღვის მიმართულებით.

თვით თფილისშიაც საბჭოთა მისიის წინასწარი მუშაობა დაჩქარებით მიდიოდა: გარდა აგიტაციისა და სოციალ-დემოკრატიასთან კომმუნისმის იდეური ბრძოლისა, შეუმჩნევლად სწარმოებდა დაზვერვა და „შინაგანი გაშუქება“ ძველის საშვალეებებითა და გამოცდილი სპეციალისტების მიერ.

ხოლო ევროპაში მყოფი საქართველოს დიდი კაცები იმაზე მსჯელობდნენ, თუ როგორ მოეწყოთ საუკეთესოდ საქართველოს სამზღვარგარეთ წარმომადგენლობა (პარიზის დელეგაცია უნდა გაუქმებულიყო 1920 წლის ოქტომბრის დამლევადან); საგარეო საქმეთა მინისტრი, რომელსაც დაეტოვებია საქმეები შემთხვევითი პირების მზრუნველობაზე, დროს ჰკარგავდა იმაზე რომ, დელეგაციის გაკვალული გზით, განაგრძობდა „ჩამორებას“ საქართველოს იურიდიული ცნობის გამო. ლონდონში მას ლაპარაკი ჰქონდა ბათომის შესახებაც—მაგრამ 1920 წლის აპრილიდან ამ კითხვას დაეკარგა პრაქტიკული მნიშვნელობა; მაზე კიდევ ლაპარაკობდნენ, რადგან „შედგენილი იყო“ შესაფერი „საქმე“.

ხოლო საქართველოს ფორმალურად ცნობის კითხვა ეხლა თავის თავად მიდიოდა გათელილ გზაზე-იგი თან მიჰყვებოდა ბალტიის რესპუბლიკების ცნობის კითხვას.

რუსეთ-პოლონეთის შეტაკება დამთავრდა რუსეთის დამარცხებით, მას შემდეგ, რაც რუსეთი თითქმის გამარჯვებული სჩანდა.

საბჭოთა მთავრობის უმთავრესს ამოცანას ეხლა შეადგენდა ზღვაში გადაეგდო გენერალ ვრანგელის ჯარი: ეს იყო ევროპის რუსეთში უკანასკნელი „ფრონტი“.

ინგლისმა საბოლოოდ აირჩია რუსეთთან ვაქრობის განახლებაზე მოლაპარაკების გზა და ემზადებოდა რუსეთისთვის მიენებებია ამიერ-კავკასიის რესპუბლიკებში თავისუფალი მოქმედების საშუალება. ინგლისმა საფრანგეთს დაუთმო საბჭოთა ლაშქრის შემოტევის საწინააღმდეგო პოლონეთის გამაგრებაზე ზრუნვაც, გენერალ ვრანგელის მარცხით გამოწვეული მწუხარებაც და საერთოდ საბჭოთა მთავრობის მოწინააღმდეგეთა ამა თუ იმ ფორმით პატრონობა.

მაგრამ საფრანგეთს არც მდგომარეობა და არც მისი ინტერესები საშუალებას არ აძლევდენ ეფიქრა ამიერ-კავკასიაში აქტიური პოლიტიკის წარმოებაზე. საბჭოთა იმპერიის ძალდატანების საწინააღმდეგო ძალის აქ პოვნა აღარ შეიძლებოდა: სომხეთი და საქართველო დღეიდან უკვე განწირული იყვნენ.

---

## თავი მეოცდაცამეტე.

ერთა ლიგა ანუ „დასტოვით ყოველი იველი“.

87

1920 წლის ნოემბრის დასაწყისში სამშვიდობო კონფერენციასთან მყოფმა საქართველოს პოლიტიკურმა დელეგაციამ, ავროპეე განსაკუთრებულმა ეკონომიურმა მისიამ, შესწყვიტეს თავისი არსებობა: უკანასკნელმა მუშაობის დამთავრების გამო, პირველმა კი, რადგან საქართველოს მთავრობამ გადაწყვიტა მისი განსაკუთრებული წარმომადგენლით შეცვლა. უკანასკნელის მოვალეობას დროებით, სანამ პარიზში ჩავიდოდა სპეციალურათ დანიშნული პირი, ასრულებდა საგარეო საქმეთა მინისტრი გეგეჭკორი.

ეხლა ჩემს საზრუნავ საქმეთ დარჩა საქართველოს შესვლა ერთა ლიგაში, რომლის პირველი საერთო კრება მოწვეული იყო 1920 წლის 15 ნოემბრისთვის. კრების სამუშაო პროგრამაში შედიოდა ავრეთვე მთელი რიგი სახელმწიფოების შუამდგომლობის გარჩევა ერთა ლიგაში მიღების შესახებ, იმ სახელმწიფოებისა, რომელნიც ჯერ არ ითვლებოდენ ლიგის წევრებათ \*).

---

\*) ლიგის დამფუძნებელი აქტის ძალით (იმათი იწყება ყველა ტრაქტატი, რომელიც 1919 წლიდან, ვერსალის ხელშეკრულებიდან დაწყებული, პარიზის ირგვლივ იქმნა ხელმოწერილი) ლიგაში შედიან, პირველი, ძირითადი წევრები, რომელნიც დასახლებული არიან აქტის დამატებაში (რიცხვით—მეხუთე; ესენი არიან 1914-1918 წლების ომში გამარჯვებული მოკავშირენი, რომელთაც ხელი მოაწერეს ვერსალის ხელშეკრულებას); მეორე, სახელმწიფოებო, რომელნიც მიიპატიჟეს განსაზღვრულ დროში გაეზიარებიათ ლიგის აქტი (იმავე დამატებაში არიან დასახლებული) და რომელთაც ისარგებლეს ამ უფლებით (ეს არის 13 სახელმწიფო, რომელთაც ომის დროს დაიცვეს ნეიტრალიტეტი). და-

ერთა ლიგის პირველ საერთო კრებას ყველა დიდის ცნობის მოყვარეობით ელოდა, თუმცა ამ ახალი საქმით გამოწვეული აზრები და გრძნობები სრულიად არ იყო გარკვეული და ერთგვარი. დაუსწრებლობა შეერთებული შტატების წარმომადგენელისა იმ საქმეში, რომელიც პრეზიდენტ ვილსონის ქმნილებათ ითვლებოდა, ახდენდა საკვირველ, თითქმის კომიკურ, შთაბეჭდილებას. რუსეთის, გერმანიის და ოსმალეთის დაუსწრებლობასთან ერთად ეს ამბავი უკარგავდა ამ დაჯგუფებას მისთვის საჭირო მსოფლიო ხასიათს.

მაინც გასაგებია ერთა ლიგისადმი ინტერესი, რომელიც გამოიჩინეს რუსეთის ტერიტორიაზე დაარსებულმა ახალმა სახელმწიფოებმა. როგორ არ მიექციათ ამ მხრისკენ თავისი გაუბედავი იმედები?

ისინი არც თუ გადაჭარბებულის ნდობით უცქეროდნენ ლიგის ცნობილ მე-10 მუხლს, რომელიც შესახედავთ ესოდენ დამამშვიდებელი იყო ყველა ლიგაში წევრათ შებავალ, სუსტ, ძლიერი და გაუმძღარი მეზობლებით გარშემორტყმულ სახელმწიფოებისათვის: „ლიგის წევრები თავის თავს მოვალედ ხდიან პატივით მოეპყრან და ყოველივე გარეშე თავდასხმისაგან დაცვან ტერიტორიალური მთლიანობა და სახელმწიფოს ეხლანდელი დამოუკიდებლობა ლიგის ყველა წევრისა. თუ ადგილი ექნა თავდასხმას, მუქარას ან თავდასხმის საშიშროებას, საბჭო მოისაზრებს იმ საშვალეებს, რომელნიც უზრუნველყოფენ მიღებულ მოვალეობის სისრულეში მოყვანას“.

ლიგის მოწყობის პირობებისა და ევროპაში პოლიტიკური ურთიერთობის გამო, ეს მუხლი, თავისი შინაარსით ესოდენ მნიშვნელოვანი, თავიდანვე ბევრათ მეტ დაპირებას იძლეოდა, ვიდრე ლიგას ნამდვილად შეეძლო მიეცა, რაც 1920 წლის დასასრულისთვის საკმაოდ გამოირკვა.

მაგრამ, თეორეტიული შესაძლებლობა ერთა ლიგისაგან დახმარების მიღებისა, პრინციპიალური ღირებულება ასეთი ფართო საერთაშორისო ერთობისა, მისი მნიშვნელობა, როგორც საშვალეებისა, შეეძინათ და გაეფართოვებიათ ახალი სახელმწიფოებისათვის მნიშვნელოვანი კავშირი, პერსპექტივა უცხო ერებთან თანამშრომლობისა სხვა მრავალმნიშვნელოვან სახელმწიფოებრივ დარგებში,—

---

ნარჩენ სახელმწიფოებისათვის, დომინიონებისა და კოლონიებისათვის უაწესებელი განსაკუთრებული რიგი ლიგის საერთო კრების მიერ არჩევისა (ხმების ორი მესამედით).

ყველაფერი ეს ლიგისაკენ იზიდავდა რუსეთის განაპირებზე ახლად დაარსებულ სახელმწიფოებრივ ორგანიზმებს. უმთავრესი და უშვალო მიზეზი კი ლიგის წევრათ ჩაწერის სურვილისა იყო, რა თქმა უნდა, სურვილი განემტკიცებიათ თავიანთი საერთაშორისო მდგომარეობა, დაეჩქარებიათ ევროპის სახელმწიფოების მიერ მათი დამოუკიდებლობის ფორმალურათ ცნობა და ყველა სახელმწიფოების, დამოუკიდებელ ერებთა მთელი ფართო „ოჯახის“ ყურადღება მიექციათ თავიანთ დამოუკიდებლობისათვის.

ერთა ლიგის საერთო კრების პირველი სესხია მეტად საინტერესო იყო სიმრავლით და სხვადასხვაობით მაშინ ენენევაში მყოფ სახელმწიფო მოღვაწეებისა და კრების ირგვლივ შექმნილ ატმოსფერით, რომელშიაც ერთმანეთში ირეოდა ზოგიერთის ალტაცებული მოლოდინი, ზოგის კეთილგანწყობილი სკეპტიციზმი და ზოგიერთის აწონ-დაწონილი სიფრთხილე.

მაგრამ მე არ მაქვს განზრახვა აქ დავასურათო ეს ისტორიული „საერთო კრება“, რომლის ცხოვრებასაც ჩვენ, უცნობი სახელმწიფოების წარმომადგენლებს, შეგვეძლო დაწვრილებით თვალყური გვედევნებია. არც იმაზე ვილაპარაკებ, თუ როგორ მომზადდა ლიგის სამდივნოსთან მოლაპარაკებით, საქართველოს კითხვის დასმა ამ პირველ სესხაში. დაკმაყოფილები მხოლოდ საგანის „გარეგანი ისტორიის“ გადმოცემით, რომელსაც საფუძვლათ დაუდებ საქართველოს მთავრობისადმი ჩემ მიერვე 20 დეკემბერს 1920 წელს გაგზავნილს მოხსენებას \*).

ლიგის წევრობაზე განცხადებულ კანდიდატურის გასარჩევათ შეადგინეს საერთო კრების განსაკუთრებული კომისია (მე-5), 36 პირისაგან შემდგარი, ჩილის დელეგატის Don Antonio Huneeus-ის თავმჯდომარეობით. კითხვა საქართველოს შესახებ : (აგრეთვე სომხეთის, აზერბაიჯანის, უკრაინის და კოსტა-რიკასი) გადაეცა მე-3 ქვეკომისიას, რომლის თავმჯდომარეთ იყო ფ რ ი ტ ი ო ფ ნ ა ნ ს ე -

---

\*) გვეგეკორისა და ჩემ მიერ ხელმოწერილი ერთა ლიგის წინაშე წარდგენილი შემორანდუმი საქართველოს კანდიდატურის შესახებ დამატებებით (რომელშიაც შევიდა: 1919 წელს პარიზის კონფერენციისთვის წარდგენილი ძირითადი შემორანდუმი საქართველოს დელეგაციისა, მოხსენება უმაღლესი საბჭოსათვის სპაში და სხვა საუბრები) დაბეჭდილია ლონდონში გამოცემულ კრებულში შემდეგი სათაურით: Documents présentés par le Gouvernement de la République de Géorgie à la première Assemblée de la S. des N. etc. Londres. ასეთივე გამოცემაა ინგლისურ ენაზე.



ნი, ხოლო წევრებათ: პროფ. ტომა იონესკუ (რუმინეთი), ე. დ. მილ-  
ლენი (ავსტრალია), ე. დე პელასიოსი (ესპანია), ნ. პოლიტისი (სა-  
ბერძნეთი), სპალაპიკოვიჩი (სამხრეთ სლავია) და ტსან-ტსაპი-ფუ  
(ჩინეთი).

ქვე-კომისიას ევალეზობდა ლიგის მოსახსენებლად შეესწავლა  
ყველა კანდიდატურა შემდეგი კითხვების თვალსაზრისით:

ა) ფორმალური კანონიერება ლიგაში მიღების შუამდგომ-  
ლობისა;

ბ) შუამდგომლობის აღმძვრელი მთავრობა ცნობილია თუ არა  
de jure ან de facto და სახელდობრ რომელი სახელმწიფოს მიერ;

ც) კანდიდატი არის თუ არა მტკიცე მთავრობისა და გარ-  
კვეული საზღვრების მქონე ერი? მდებარეობა და მოსახლეობა;

დ) თავისუფალი მართვა-გამგეობა აქვს სახელმწიფოს თუ არა?

ე) როგორია მისი განწყობილება თანახმად აქტებისა და დე-  
კლარაციებისა: 1) საერთაშორისო მოვალეობისადმი და 2) ლიგის  
შესაძლებელ დადგენილებებისადმი შეიარაღების შესახებ.

25 ნოემბერს მე და თ-დმა მ. ა. სუმბათაშვილმა მივეციით ამ  
ქვე-კომისიას განმარტებები. აქ ბ. პოლიტისმა (საბერძნეთის საგა-  
რეო საქმეთა მინისტრმა ვენეზილოსის მთავრობაში, რომელიც სწო-  
რედ ამ დროს ეცემოდა) იჩიელა, რომ საქართველოს მთავრობამ  
თამბაქოს მრეწველობაში და ვაჭრობაში დაარღვია უცხო სახელმ-  
წიფოთა ქვეშევრდომების უფლება. მას მხედველობაში ჰყავდა სო-  
ხუმის მეთამბაქოები და ბერძენი—ვაჭრები. განსაკუთრებული მნი-  
შვნელობა ამ გარემოებას არ ჰქონია.

ქვე-კომისიის მოხსენება კეთილგანწყობილი გამოდგა საქართ-  
ველოს კანდიდატურისადმი. საქართველოს მთავრობა მტკიცე მთავ-  
რობათ იქნა ცნობილი და სხვა. აღნიშნული იყო მხოლოდ უქონ-  
ლობა საბოლოო საზღვრებისა აზერბაიჯანსა და სომხეთთან.

კომისიის წინასწარ სხდომაზე (2 დეკემბერს), ნანსენისა და  
შანგების ცდის მიუხედავად, საქართველოს ლიგაში მიღების კეთილ-  
განწყობილმა დასკვნამ ვერ მოიპოვა უმრავლესობა. ფიშერის (დ-  
დი ბრიტანეთი) წინადადებით გადაწყდა, კითხვა საქართველოს შე-  
სახებ გაერჩიათ ყოფილი რუსეთის იმპერიის დანარჩენ სახელმწი-  
ფოების კითხვასთან ერთად. ამიტომ 1-ლ ქვე-კომისიას (თავმჯდო-  
მარე—პულლე, ბელგია) დაავალეს, გამოენახათ სპეციალურათ სა-  
ქართველოსა და ბალტიის სამი რესპუბლიკის მდგომარეობისათვის

შესაფერისი ფორმულა: გადაედვთ ამ სახელმწიფოების ლიგაში მიღება, მაგრამ იმავე დროს ხელი არ ეკრათ მათთვის, არამედ ეხლავე მოეწვიათ ლიგაში პრაქტიკული თანამშრომლობისათვის.

მე-5 კომისიამ ეს ფორმულა მიიღო შემდეგი საბოლოო სახით: „კომისია ურჩევს კრებას, შეატყობინოს საქართველოს მთავრობას:

a) რომ მისი შუამდგომლობა განხილულ იქმნა თანაგრძნობით (avec faveur—with sympathy), მაგრამ მდგომარეობა (sic) კრებას ნებას არ აძლევს გამოიტანოს საბოლოო დადგენილება.

b) რომ კრების შემდეგი გადაწყვეტილებების მოლოდინში ამ სახელმწიფოს შეუძლია მონაწილეობა მიიღოს ლიგის საერთო მნიშვნელობის ტექნიკურ ორგანიზაციებში.

ასეთი იყო ძირითადი მუხლები დასკვნისა, რომელიც წარედგინა ასსამბლეას განსახილველად.

ასსამბლემ ბალტიის სახელმწიფოებისა და საქართველოს კითხვა გააჩნია 1920 წელს, 16 დეკემბერს, სალამოს სხდომაზე. იმავე დღეს, დილით, სომხეთის მიღება უარყოფილ იქმნა 21 ხმით, წინააღმდეგ 8 ხმისა (მას შემდეგ, რაც მიღებულ იქმნენ ავსტრია, ბულგარეთი, კოსტა-რიკა, ფინლიანდია და ლიუქსემბურგი).

კამათი, რომელიც წინ უძღოდა ოთხი კანდიდატის—რუსეთის ყოფილი განაპირების—კენკის ყრას, იყო მეტათ ვაცხარებული. კოლუმბიის დელეგატი რესტრეპო ეკამათებოდა კომისიის დასკვნას: „ეს სახელმწიფოები—განაცხადა მან—აკმაყოფილებენ ყველამოთხოვნილებას, რომელთაც ჩვენ წარუედგენტ ხოლმე ახალწევრებს; თვით კომისია სცნობს ამას! იგი კომისია ემყარება რალაც „მდგომარეობას“, რომელიც ხელს უშლის ამ კანდიდატების მიღებას. მაგრამ ლიგის ხელშეკრულებაში არ არის დაშვებული მიუღებლობა „მდგომარეობის“ გამო. მიუღებლობა იქნება ლიგის სისუსტის დამტკიცება!“

პორტუგალელი შაგასი მოითხოვდა კანდიდატების მიღებას და თან ყოველი სახელმწიფოსათვის თავისუფლების დატოვებას, ეცნოთ ან არ ეცნოთ ლიგის ახალი წევრები de jure დამოუკიდებლათ.

სპარსეთის დელეგატი ზოკა-ედ-დაულე მხურვალეთიცავდა მიღებას და განსაკუთრებულის ყურადღებით ეპყრობოდა საქართველოს...

პადერევესკის სიტყვით, პოლონეთის სიმპატიები, რა თქმა უნდა, კანდიდატების მიღების მხარეზეა, მაგრამ... პოლონეთში იცის, ვისი მადლობელი უნდა იყოს, რომ თვითონ გახდა დამოუკიდებელი; პოლონეთი ხედავს, რომ მათ მიღებას ნაადრევად სთვლიან. ამიტომ პოლონეთი იძულებულია ხმის მიცემაზე თავი შეიკავოს.

იმავე აზრს გამოსთქვამს რუმინეთის დელეგატი პროფესორი იონესკუ.

ვივიანმა (საფრანგეთი) პირდაპირ აღნიშნა, რომ უხერხულია რუსეთთან დაკავშირებული კითხვების ნაწილობრივ გადაწყვეტა (!) და რომ ლიგას მეტად გაუძნელდება, ახალი წევრების ტერრიტორია, თანახმად ლიგის ხელშეკრულების მე-10 მუხლისა, თავდასხმებისაგან უზრუნველყოს \*).

ბრანტინგს (შვეიცია) იგივე სიძნელეები ჰქონდა მხედველობაში, როცა ღრმა თანაგრძნობით მოიხსენია ბალტიის სახელმწიფოები, მაგრამ მაინც წინადადება შეიტანა მათი მიღება გადაედოთ შემდეგ კრებამდე (1921 წ.).

ამის შემდეგ მომხდარ კენჭის ყრის დროს, რ. სესილისა (სამხრეთი აფრიკა) და ნანსენის (ნორვეგია) წინადადებით \*\*) საქართველოს კითხვა გამოყოფილ იქმნა.

---

\*) აი ვივიანის ნამდვილი სიტყვები: „ლიგის ხელშეკრულებაში არის ერთი მუხლი, რომელზედაც ბერს ლაპარაკობენ და რომელსაც მე-10 მუხლი ეწოდება. ეს მუხლი ვალდებულად გვბღის დამხმარეთ ამოუდგეთ გვერდში იმ ჩვენს თანაწევრს, რომელიც ჩავარდება საფრთხეში—თანახმად მე-10 მუხლის ფორმულისა,—მაშინვე, როგორც კი ამას გაეფეხბო. და რადგან ყველაზე უეარგისი პოლიტიკა იმაში მდგომარეობს, რომ ხელი შეუწყო ხალხთა გონებაში სიცრუისა და მოტყუების განმტკიცებას, რომ ხალხი დაარწმუნო, თითქოს მას დაეხმარებიან, მაშინ როდესაც მათ ვერ დაეხმარებიან—ამიტომ, ვინც ეთქრობს, რომ არ შეუძლია თავისი დახმარება მიაწვდინოს ევროპის განაპირას, იგი ისე მისცემს ხმას, როგორც მისცა საფრანგეთმა და როგორც მე მივცემ ეხლა, ე. ი. კომისიის პროექტის თანახმად, ეს სახელმწიფოები დაშვებულ იქმნენ მხოლოდ ტენიკურ ორგანიზაციებში“. ერთა ლიგის პირველი კრების მე-27 წინასწარი სხდომის ანგარიშიდან.

\*\*) პირველთან კავკასიის საქმეების შესახებ ჩვენ შემთხვევა გვქონდა დაწვრილებით გვებაასნა ჯერ კიდევ 1918 წლის დეკემბერში. რაც შეეხება ნანსენს, მე და მ. სუმბათაშვილმა ადვილათ მოვიზრდეთ ამ კეთილშობილი მოღვაწის, თავისი სამშობლოს სისახლოდ და ყველასთვის საყეთილდდგეთ კაცთმოყვარეობისათვის ენერგიულად მებრძოლის სიმპატიები საქართველოს საქმეებისადმი.

ესტონიის, ლატვიის და ლიტვის მიღების მომხრე აღმოჩნდა ზუთ-ზუთი ხმა, წინააღმდეგ—27, 24, 24 ხმისა. ეს სახელმწიფოები ლიგაში არ ყოფილან მიღებული.

ამის შემდეგ საქართველოს დაშვებისათვის მეტათ გულმხურვალეთ ილაპარაკა ნანსენმა; მან აღნიშნა, თუ რა დიდი მნიშვნელობა აქვს—არა მარტო საქართველოსთვის, არამედ თვით ლიგისათვის—საქართველოს ხელის შეწყობას. სიტყვა დიდის სიძლიერით წარმოთქმული იყო ინგლისურათ. ნანსენის შემდეგ, იმავე აზრის დასაცავად, გამოვიდა ლორდი რობერტ სესილი, რომელმაც კრებას განსაკუთრებული ყურადღება მიაქცევინა იმ მნიშვნელობაზე, რომელიც ექნება საქართველოს ლიგაში მიღებას, იმ ვალდებულებების თვალსაზრისითაც, რომელიც ლიგას ნაკისრები აქვს სომხეთის მიმართ \*).

ამ სიტყვების გათავებისთანავე დაუყონებლივ სიტყვა ისევ მოითხოვა ფიშერმა (დიდი ბრიტანია), რომელმაც განაცხადა, რომ რასაც ნანსენი და სესილი ამტკიცებენ, სწორია, მაგრამ სიძნელე საქართველოს დაცვისა (გარეშეთა თავდასხმისაგან) რჩება სიძნელეთ; რომ ვივიანის მოსაზრებანი ვერ შეარყიეს; რომ არ არის საფუძველი საქართველოს მიენიქოს უპირატესობა ბალტიის სახელმწიფოების წინაშე; რომ არ არის სასურველი გრძნობით გატაცება, არამედ უნდა განვსაჯოთ, როგორც შეპყვრის სახელმწიფოს პასუხისმგებელ პირებს \*\*).

---

\*) ერთა ლიგა სწორედ ამ დროს ეძებდა საშვლებას შუამავლობა მოეწყო სომხეთსა და მუსტაფა-ქემალის შორის, რომლის ჯარებმა დაიკავეს ყარსი და ალექსანდროპოლი.

\*\*) ინგლისის სახალხო განათლების მინისტრის ამ სიტყვიდან მოვიყვან მხოლოდ შემდეგს: ჩემ სეროიზულად ვთხოვ ამ კრების დელეგატებს, რომელთაც მოელისთ სეროიზული კენჭის ყრა, დაუფიქრდენ, მზათ არიან ისინი თუ არა, მართლაც ურჩიონ თავთავიანთ მთავრობებს. გაუგზავნონ მატერიალური დახმარება ამ გულად, პატარა სახელმწიფოს რუსეთის განაპირაზე, თუ უამი განსაცდელისა მოუახლოვდა მას. წინააღმდეგ ლორდ რ. სესილისა და ნანსენისა, რომელნიც ვერ პოულობენ ლიგისათვის საშიშროებას საქართველოს მიღებაში, ფიშეი ფიქრობდა, რომ საჭიროა ნგარიში გაუწიოთ საქართველოს მდგომარეობის საშიშროებისო. რაც შეეხება საქართველოს შესახებ საქებარ სიტყვებს, ნათქვამს ფიშერისა („this gallant small State“) და ნანსენის („a splendid small nation“) მიერ, რომელი სიტყვებიც შეესაბამება ამ წიგნის 122

მთელი დარბაზი გაფაციცებით ადევნებდა თვალს; საესე იყო ტრიბუნები; დაიწყო ხმის მიცემა. ხმას აძლევდა სულ 24 სახელმწიფო. არჩევისთვის საკირო იყო ხმების ორი მესამედი, ესე იგი 16 ხმა.

მიღებისათვის ხმა მისცა 10; წინააღმდეგ—13; ამგვარად, საქართველო არ იქმნა ლიგის წევრათ არჩეული. \*)

მოულოდნელი აქ არაფერი იყო, რადგან ისეთი პოზიცია დაიჭირა ინგლისმა და საფრანგეთმა; განსაკუთრებით პირველმა (რაც აუცილებლათ გამომდინარეობდა მისი პოლიტიკის შებრუნებიდან სენ-რემოს შემდეგ და ლლოპიდ-ჯორჯის კერზონზე გამარჯვებიდან.)

როგორც აგვიხსნა მე და სუმბათაშვილს კუბის დელეგატმა აგუერომ, რომელიც დიდ როლს ასრულებდა ყოველგვარ კენჭის ყრის მომზადებაში, „შუა და სამხრეთ ამერიკის რესპუბლიკებს, რა თქმა უნდა, შეეძლოთ თავისი ხმების რაოდენობით ლიგაში მიელოთ საქართველო და ბალტიის მხარის სახე-მწიფოები, რასაც მოითხოვდა სამართლიანობა! მაგრამ თქვენ კარგათ იცით, რომ ასეთი საქმეებს სწყვეტს არა სამართლიანობა! ამერიკის რესპუბლიკებისთვის უხერხულია წინააღმდეგობა გაუწიონ ევროპის დიდ სახელმწიფოებს იმ კითხვაში, რომელიც უფრო მნიშვნელოვანია ქვეყნიერების სწორეთ ამ ნაწილისათვის! ინგლისმა და საფრანგეთმა, მართო ინგლისმა მოგცესთ ხმა, ჩვენ, როგორც ერთი კაცი, შეუერთდებით მას“.

კენჭის ყრის უარყოფითმა შედეგმა გულწრფელათ შეაწუხა ყველა, ვინც ფიქრობდა, რომ ერთა ენევის „ასსამბლეა“ ხალხების ცხოვრებაში ახალ თავს იწყებს. ასეთები მრავლათ იყო ბეკე-

---

გვერდზე მოყვანილ კიულმანის ნათქვამს,—ეს რეპუტაცია ვერ გაამართლეს მაშინ (ე. ი. 1921 წლის დამდეგს). მაგრამ ბევრი რამ შეიძლება ითქვას იმის შესახებ, თუ ვინ და როგორ ქმნიდა ამ სახელს და ვინ აქარწყლებდა მას. მაგრამ ამის შესახებ ის წინასიტყვაობა.

\*) საქართველოს მიღებისათვის ხმა მისცა 10 სახელმწიფომ; ესენი არიან: სამხრეთ-აფრიკა, ბოლივია, კოლუმბია; იტალია, ნორვეგია, პარაგვაი, სპარსეთი, პორტუგალია, შვეიცარია და ჩილი. წინააღმდეგ ხმა მისცა ცამეტმა: ავსტრალია, კანადა, კუბა, დიდი ბრიტანია, ესპანია, საფრ-ნგეთი, საბერძნეთი, ინდოეთი, ახალი ზელანდია, ნიდერლანდები, სამხრეთ-სლავია, ჩეხო-სლოვაკია, დანია. თავი შეიკავა და არ დაესწრო 18 სახელმწიფომ; თავშეკავებულთა შორის: ბელგია, პოლონეთი, რუმინეთი, შვეცია.

დითი სიტყვის წარმომადგენელთა (განსაკუთრებით ანგლო-საქსთა და ნეიტრალურ ქვეყნებიდან) და კრების დერეფნებში მყოფ საერთაშორისო დამოკიდებულებაში კეთილ-სინდისიერების მრავალრიცხოვან მომხრეთა შორის:

მეორეს მხრით, დიდმა ყურადღებამ, რომელიც მიიპყრო საქართველოს კითხვამ 40 სახელმწიფოს დელეგატების ყრილობაზე, ყრილობაზე, რომელსაც თვალყურს ადევნებდა მთელი მსოფლიოს ბეჭდვითი სიტყვა, დიდი პროპაგანდა გასწია საქართველოს დამოუკიდებლობის იდეის გასაერთოებლად. ერთა ლიგაში საქართველოს კანდიდატურის წამოყენება კარგ საშვალებათ გამოდგა, რომ ეს, უმრავლესობისათვის სრულიად ახალი, იდეა აღბეჭდილიყო მთელი მსოფლიოს სახელმწიფო მოღვაწეთა პოლიტიკურ შემეცნებაში \*).

ამ ისტორიის პოლიტიკური მორალი სრულიად ძალდაუტანებლივ გამოდიოდა; მაგრამ ხომ იმასვე გვიკარნახებდნენ ენევის კრებაზე გაბატონებული სახელმწიფოები, სახელდობრ, რომ, თუ საქართველოს გარედან ვინმე თავს დაესხა, არც ერთა ლიგა, არც მისი ნილაბით მომქმედნი სახელმწიფოები, არ დაიცავენ და მათ არ შეუძლიათ დაიცვან საქართველო. ასე განაცხადა საფრანგეთმა, ასე განაცხადა ინგლისმა: მათი ხმა უფრო დამაჯერებელი იყო, ვიდრე ნორვეგიისა და სამხრეთ აფრიკის წარმომადგენლების მოწოდება.

## 88

რომ ეს დასკვნა უფრო აშკარა ყოფილიყო, და რომ არაფერი იქვი არ დარჩენილიყო, მსოფლიო ისტორიის უსახელო რეჟისორმა ისე მოაწყო, რომ ერთა ლიგის პირველი საერთო კრების სხდომის დროს, სომხეთის დამოუკიდებლობას მიაყენეს ყველაზე უფრო მწვავე ტკივილი. მუსტაფა-ქემალის ჯარებმა დაიკავეს ყარსი და აღექსანდროპოლი 1920 წლის ნოემბრის დამდეგს. „დაშნაკუტიუნის რევოლუციონური ფედერაციის“ ერევნის მთავრობა, რომლის წარმომადგენელმა ხელი მოაწერა სევრის ხელშეკრულებას, დაეცა; მის მაგიერ დაარსდა სომხეთის საბჭოთა მთავრობა, და მოსკოვის

\*) თანახმად მაშინვე, 16 დეკემბერს, მიღებულ რეზოლუციისა, საქართველოს და ბალტიის რესპუბლიკებს, საშვალება მიეცათ დაუყოვნებლივ მიეღოთ მონაწილეობა ლიგის პრაქტიკულ ორგანიზაციებში (როგორცაა კონფერენციები და კომიტეტები ფინანსიური და ეკონომიური კითხვებისა, საერთაშორისო სანიტარიისა და ჰიგიენის კითხვებისა; მიმოსვლისა და ტრანზიტისა; შრომის ბიუროსა) საერთო დებულებით ლიგის წევრ სახელმწიფოებთან ერთად.

მთავრობამ ენერგიულად დაიწყო ოსმალოებთან მის მორიგების საქმეს, ე. ი. იმ საქმეს, რომლის ხელის მოკიდება სურდა სწორეთ ერთა ლიგას. მართლაც, 22 ნოემბერს საერთო კრებამ ვივიანის წინადადებით მიანდო ლიგის საბჭოს, დაეწყო მოლაპარაკება მთავრობებთან რომელიმე სახელმწიფოზე შუამავლობის დაკისრების შესახებ, რაც აუცილებლად საქირო იყო ქემალისტებსა და სომხეთს შორის საომარ მოქმედების შესწყვეტად.

ამ ჩიხში შეგნებულად მიმართული ლიგის კაცთმოყვარე გატაცება, რა თქმა უნდა, უნაყოფო გამოდგა. ყველა მთავრობისადმი მიმართვასა და საპასუხოთ მოცემულ ზოგიერთის გაკვირვებულ კითხვებს, მაგალითად, ავსტრალიისას, თუ რა სურთ მისგან და როგორ გადაარჩინოს მან სომხეთი, ანდა სალვადორისა და გონდურასის „მორალური დახმარების“ დაპირებას კომიკური ელემენტი შექონდათ სრულიად ტრალიკულ მდგომარეობაში.

1 დეკემბერს უმაღლესმა საბჭომ პრეზიდენტ ვილსონისაგან ტელეგრაფით მიიღო ცნობა, რომ კონგრესის ნება-რთვის უქონლობის გამო, შეერთებულ შტატებს არ შეუძლია სომხეთს დაეხმაროს ჯარით ან მატერიალური საშვლებით. ვილსონი მხოლოდ აღუთქვამდა თავის პირად შუამდგომლობას—თავისი წარმომადგენელის საშვლებით—სომხეთის წინააღმდეგ საომარი მოქმედების შესაწყვეტათ, იმ პირობით, რომ დიდი სახელმწიფოები დიპლომატიურსა და მორალურ დახმარებას გაუწევენ, და ერთა ლიგა უჩვენებს, თუ ვის და რა გზით მიმართოს შემრიგებელი წინადადებებით. ამავე დროს ლიგას მოუვიდა ესპანიისა და ბრაზილიისაგან გულკეთილი შემწეობის წინადადებები. არავის იქვს არ იწვევდა, რომ ეს მიწერ-მოწერა და პროცედურა უიმედოა. \*)

უენევაში იყენენ ისეთი პირებიც, რომელთაც სერიოზულათ უნდოდათ სომხეთს დახმარებოდნენ. მათ წინამძღოლათ ითვლებოდა.

---

\*) პირველი საერთო კრების ჟურნალ-დღიურში და მისთვის დაბეჭდილ საბუთებში მოიპოვება ყველა დეპეშა და მასალაჲი შესახებ სომხეთის დახმარებისათვის ერთა ლიგის მიერ გაწეულ სავალალო ცდების ისტორიისა.

კერძოთ იხ. Soc. des Nat. Situation en Arménie Tel. reçus et envoyés par le Conseil. გარდა აღნიშნულ Journal de la première Assemblée de la S. d. N (სულ 36 №-№) არსებობს სხლობების ანგარიშები.

რ. სესილი. ნანსენმა კიდევ სცადა, საერთო კრებაში დაესვა კითხვა სამხედრო ექსპედიციის გაგზავნის შესახებ. მისი სიტყვით საჭირო იყო მხოლოდ 60.000 კაცი და ამდენი და ამდენი გირვ. სტერლინგი! ამ აზრს განვითარება არ ღირსებია; და რ. სესილსა და ბელგიელ სენატორის ლაფონტენის წინადადებით არჩეულმა სპეციალურმა კომისიამ \*) ვერ მოახერხა, გამოენახა პრაქტიკული საშუალება დავაში ჩარევისა, რომელშიაც ეხლა საბჭოთა რუსეთსაც ეჭირა განსაკუთრებული მდგომარეობა.

ნანსენთან ჩვენს ერთ-ერთ ბაასის დროს ლაპარაკი ჩამოვარდა, რა განწყობილება არის მოსალოდნელი საქართველოს მთავრობის მხრით საკითხისადმი, თუ სომხეთს მართლაც გაუწიეს დახმარება. ხოლო 26 ნოემბერს სომხეთის საქმეების „ექვსთა კომისიის“ მდივანმა ლუიჯი ვილარიმ (ცნობილმა იტალიელმა ჟურნალისტმა) შეგვატყობინა, რომ მეორე დღეს ჩვენთან სადარბაზოდ მოვა ინგლისის გენერალი სერი ფრედერიკ მორისი \*\*), რომელსაც „სურს მოგველაპარაკოს ამიერ-კავკასიის შესახებ ზოგიერთ კითხვებზე“. გენერალი, ვილარის თანხლებით, მოვიდა ჩვენთან Gd Hotel de la Paix-ში და ლორდ რობერტ სესილის სახელით დაგვეკითხა, მისცემს თუ არა საქართველოს მთავრობა ერთა ლიგას საშუალებას დახმარება გაუწიოს სომხეთს საქართველოდან? ასე ვთქვათ, იქნება თუ არა ამ საქმისათვის გაღებული კარი საქართველოში?

ჩემი პასუხი იყო, რომ საქართველოს მთავრობა ყოველთვის, რამდენათაც კი შეეძლო, დახმარებას უწყევდა სომხებს მათი უბედურების დროს; ეხლაც ერთა ლიგას შეუძლია დარწმუნებულნი იყოს, რომ საქართველო ყოველგვარათ ხელს შეუწყობს ლიგის ჰუმანურ

---

\*) ლიგის საერთო კრებამ 22 ნოემბრის სხდომაზე მიიღო ორი წინადადება: ბ. ვივიანის, ლიგის საბჭოს მისცემოდა დავალება მოეძებნა სომხეთისა და ქემალისტებს“ შორის სახელმწიფო-შუამავალი (იხ. ზემოთ ტექსტში) და ლორდ რ. სესილისა და ლაფონტენის, აერჩიათ კომისია 6 კაცისაგან შემდგარი, რომელიც მოახსენებდა საერთო კრებას იმ ზომების შესახებ, რომელიც შეიძლება მიღებულ იქნეს, სომხეთსა და ქემალისტებს შორის სამტრო მოქმედების შეწყვეტის მიზნით“. ამ ექვსთა კომისიის“ ამოცანა, ამგვარათ, იყო ბევრათ უფრო ფართო, ვიდრე საბჭოზე დაკისრებული ამოცანა. კომისიაში შევიდა: ლორდი რობერტ სესილი, ნანსენი, ბელგიის სენატორი ლაფონტენი; არგენტინის მინისტრი პერრედონი (Pueyrredon), იტალიის მინისტრი შანცერი და რ. ვივიანი.

\*\*) მწერლობაშიაც მოღვაწეობდა.



დახმარებას სომხეთის ტანჯულ მოსახლეობისადმი (სურსათი, ლტოლვილნი, ობლები, საექიმო დახმარება, და სხვა). თუ საქმე სამხედრო დახმარებას, თუნდაც დაფარულს, შეეხო, მაშინ საქართველომ კითხვა უნდა განიხილოს, როგორც რუსეთისა და ოსმალეთის მიმართ ნეიტრალურმა ქვეყანამ.

„თუ ერთა ლიგა უზრუნველგყოფთ „ქემალისტების“ ბათომზე თავდასხმის საფრთხისაგან?“—იკითხა გენერალმა.

„ეს ძლიერ კარგი იქნებოდა. მაგრამ საქმე მარტო ბათომს არ შეეხება—კითხვა უფრო რთული და ფართოა“.

შემდეგ მუსაიფში სერ ფ. მორისმა შენიშნა. რომ ამ საქმეში ლიგის ხელის შეწყობა საქართველოს გაუადვილებს ლიგის წევრათშესვლას.

მე უპასუხე, რომ საქართველო თავის მოვალეობას (იმ ფარგლებში, რომელნიც არ წარმოადგენენ ქვეყნისათვის საფრთხეს) დატანჯულ მეზობლისადმი შეასრულებს იმის და მიუხედავად, მიიღებენ მას ლიგაში თუ არა.

მაგრამ, რადგან ასეთი კითხვების შესახებ ლაპარაკის რწმუნებულება მე არ მქონდა, მე დასასრულ განუცხადე გენერალს, რომ ამ კითხვების გადაწყვეტა ყველაზე უკეთ შეიძლება ლონდონში, სადაც სწორეთ იმ დროს მიმდინარეობდა „დიდი მოკავშირეების“ მორიგი კონფერენცია, და სადაც იყო საქართველოს საგარეო საქმეთა მინისტრი გეგექკორი.

როგორც ამ ახირებული მუსაიფიდან სჩანს, 'სომხეთის საქმეებზე მზრუნველათ ასსამბლეს მიერ არჩეულ კომისიას კიდევ მქონდა იმედი, რომ შესაძლებელია სომხეთისთვის მოეწყოს სამხედრო დახმარება, თუნდაც „გარიბალდის“ წესით. მაგრამ გარეშე სამი დიდი სახელმწიფოსა, რომელნიც ლონდონში თათბირობდენ, და შეერთებული შტატების გარეშე (1 დეკემბრის მათი პასუხი უდრიდა უარს) ლიგა უმწეო იყო; იგი უმწეო გამოდგა, რადგან სახელმწიფოებმა სომხეთის სასარგებლოთ საქმეში ჩარევა, შეუძლებლად ჩასთვალეს; კერძოდ, გადაწყდა სომხეთისთვის უარი ეთქვათ ლიგაში მიღებაზედაც, რაც მორალურ დახმარებაზე უარის თქმას უდრიდა, და რამაც ძლიერ გააკვირვა სომხეთის მეგობართა მრავალრიცხოვანი წრე ევროპაში.

ამ ამბების გამო მაგონდება კიდევ ერთი შემთხვევა: 4 დეკემბერს ჩვენ გვეწვია ბელგიის დელეგატი, „ექვსთა კომისიის“ თავმჯდომარე, სენატორი—სოციალისტი ლაფონტენი. მან აღელვებით

განაცხადა: „სომხების დელეგატებმა შემატყობინეს, რომ საქართველოს ჯარებმა დაიკავეს ნეიტრალური ზოლი ბორჩალოს მაზრაში და ძირითად სომხეთშიაც კი შეიჭრენ. მე—თქვენი მეგობარი ვარ, მაგრამ თუ ეს ამბავი მართალია, მე უნდა გამოვიდე საქართველოს ლიგაში მიღების წინააღმდეგ.“ რადგან არ მქონდა გარკვეული ცნობა ნეიტრალური ზოლის სომხეთთან (ე. ი. უკვე დაცემულ მთავრობასთან) შეთანხმებით საქართველოს მთავრობის მიერ დაკავების შესახებ, მე ვცდილობდი დამემშვიდებია პატივცემული სენატორი, როგორათაც კი შემეძლო \*). ლიგაში სომხეთის მიღება მისთვის უეჭველი რამ იყო. როცა ჩემგან გაიგო, რომ საფრანგეთმა და ინგლისმა ეს კითხვა უარყოფით გადასწყვიტეს, ლაფონტენი ისე აღელდა, რომ სრულიად დაავიწყდა საქართველოს ჯარების მიერ სომხეთის ტერიტორიის დაკავება და აღშფოთებას გამოსატყვამდა დიდ სახელმწიფოების მიმართ.

ეს სახელმწიფოები კი, მართალი რომ ვთქვათ, ჩავარდნის ისეთს შდგომარეობაში, რომელიც ნაკლებათ შეეფერებოდა მათ „სიდიდესს“. ბრიტანიის მთავრმა დელეგატმა ბალფურმა თავის სიტყვაში 22 ნოემბერს ხმა-მალლა გამოაცხადა მუსტაფა-ქემალის „შეკავშირებულ ყაჩაღთა ბრბოის მეთაურათ“, რომელთანაც „რა შუაშველობა უნდა შეიძლებოდეს“! ერთი სიტყვით, ინგლისს თითქოს ეს ამბავი აღარ ეხებოდა. საფრანგეთსა და იტალიას კი არაერთადი ჭურვილი არ ჰქონდათ დაეცვათ სევრის ხელშეკრულება, განსაკუთრებით „სომხეთის შესახებ“ ნაწილში—პირიქით.

პრეზიდენტმა ვილსონმა სწორეთ ეხლა—1920 წლის 22 ნოემბერს—მოხაზა სომხეთის საზღვარი ტრაპიზონის, ერზერუმის, ბითლისისა და ვანის ვილაჰიეტებში; მაგრამ ეს იყო მისი საკუთარი ძღვენი, ახლო-აღმოსავლეთის გეოგრაფიაში შეტანილი! საქმით ოსმალოები ისხდნენ ყარსსა და ალექსანდროპოლში; სომხეთის კითხვა ეხლა გადავიდა ყოფილ რუსეთის სონხეთში, და რუსეთის ჩარევამ ოსმალეთ-სომხეთის დავაში მიიღო პრაქტიკული მნიშვნელობა არა მარტო იმიტომ, რომ რუსეთის მეზობლათ, აზერბაიჯანში, ჰყავდა თავისი ჯარი, არამედ იმიტომაც, რომ სევრის ტრაქტატის პოლიტიკამ შექმნა სიმპატიები მოსკოვსა და ანგორას შუა, და აქედან მოსალოდნელი იყო, რომ სომხეთს იმედი მიეცემოდა რუსეთის დახმარებისა.

---

\*) თვით ამ ახალ „ბორჩალოს ისტორიას“ შეიძლება აქ არც კი შევხვით.

აქვეართ, მუდროსის კაპიტულიაციის შემდეგ, ოსმალოე-  
ბი დაბრუნდნენ ყარსში: ბრესტ-ლიტოვსკმა საესებით გაიმარჯ-  
ვა სევრზე!

შუამავლის როლი რუსეთმა თავის თავზე მიიღო, რაც ჩიჩე-  
რინმა ტელეგრაფით შეატყობინა კრასინს ლონდონში 11 ნოემბერს  
სწორედ იმ დროს, როცა დიდმა სახელმწიფოებმა აღარ იცოდნენ  
რა ექნათ სომხეთისთვის; ამ ამბავმა ზოგიერთ სახელმწიფოს აგრძ-  
ნობინა ტვირთის შემსუბუქება, რასაც თან ერთვოდა იმედი, რომ  
„საბჭოთა იმპერიალიზმი“ შეეკვლად შეეტაკება, თუნდაც ყარსის  
გამო, მუსტაფა-ქემალის „ნაციონალიზმს“, — ეს კი სევრის პროგრა-  
მას დიდ სარგებლობას მოუტანდა. ასეთი იმედი არ გამართლდა.  
მაგრამ საომარი მოქმედება ოსმალეთსა და სომხეთს შორის მართ-  
ლაც შეწყდა (ოსმალოებმა წაიღეს ყველაფერი, რასაც იჩემებდნენ).  
ერევნის რესპუბლიკა დაუბრუნდა რუსეთის პოლიტიკის კალაპოტს  
— ეხლა უკვე „ნამგლისა და ჩაქუჩის“ ნიშნით. რუსეთის დახმარე-  
ბის იმედი ისეთივე ამაო გამოდგა, როგორც ამერიკისა და ინგლის-  
საფრანგეთის დაპირებების შესრულების რწმენა.

ასეთი აუცილებელი შედეგები იქონია პოლიტიკურმა თავ-  
დავიწყებამ, რომელიც სომხეთს უკარნახებდა ტერიტორიალურ  
მოთხოვნილებებს, განზრახულ მიზნებსა და საკუთარ ძალთა შორის  
შეუსაბამობამ და მოვლენებისა და გარემოების დაფასებაში საბე-  
დისწერო სიბეცემ.

---

## თავი ოცდამეთოთხმეტე.

### საქართველოს DE JURE ცნობა.

89

1920 წლის დასაწყისში ყოფილი რუსეთის განაპირა ადგილების დამოუკიდებლობის ფორმალური ცნობის კითხვა ე. ი. დამოუკიდებლათ გამხდარ ესტონიის, ლიტვის, ლატვიის და საქართველოს რესპუბლიკების ცნობა საკმაოდ მომზადებული შეიქნა, არა მარტო ამ ქვეყნებში დაარსებულ მთავრობების სიმტკიცისა და წარმატებით მოქმედების გამო, არამედ იმედის დაკარგვითაც, რომ რუსეთში საბჭოთა წეს-წყობილება მალე დაეცემა და მის მაგიერ იქ<sup>1</sup> გაიმარჯვებს ძალა, რომელსაც შეეძლება უკანვე „მოითხოვოს“ ეს განაპირები, როგორც ვითომცდა კანონიერი საკუთრება.

ჩრდილო ამერიკის შეერთებული შტატები კიდევ წინანდებულის შეურხეველობით იმ შეხედულობას იზიარებდა, რომ საჭიროა დაცულ იქმნეს რუსეთის მთლიანობა. ნოტაში, რომელმაც დიდი მითქმა-მოთქმა გამოიწვია და რომელიც შეიცავდა რომში ამერიკის ელჩის კითხვის პასუხს (აგვისტო 1920 წ.), სახელმწიფო მდივანი ბენბრიჯ კოლბი ამბობდა, რომ მეგობრობისა და პატივისცემის გრძნობათა გამო აუცილებლათ უნდა იქნეს გადადებული ყველა გადაწყვეტილება, რომელთაც სასიცოცხლო მნიშვნელობა შეიძლება ექნეთ რუსეთისათვის, კერძოდ, ყველა გადაწყვეტილება, რომელიც შეეხება ყოფილი რუსეთის იმპერიის ტერიტორიალურ სუვერენიტეტს. აი რატომ არის, ამბობდა ნოტა, რომ ამერიკის მთავრობა ჯიუტათ უარს ამბობს იცნოს ბალტიის სახელმწიფოები რუსეთისაგან დამოუკიდებელ ცალკე ერებათ. გამონაკლისს ამერიკის მთავრო-

ბა აკეთებს მხოლოდ ფინლანდიის; ეტნოგრაფიული პოლონეთისა და სომხეთის შესახებ. \*)

„გამონაკლისებზე“ ლაპარაკით ამერიკის მთავრობამ, რა თქმა უნდა, შეარყია თავისი თვალსაზრისის სიმტკიცე, ჰაგრამ საერთოდ ასეთი შეხედულება ევროპის საერთაშორისო პოლიტიკის განვითარებაზე ჩამორჩენილი იყო, და როგორც სიტყვებს პრეზიდენტ ვილსონის მთავრობისას, რომელსაც უთავდებოდა რწმუნებულობის ვადა, აღარ ჰქონდა ყოფილი ავტორიტეტი.

პოლონეთისა და რუსეთის გამიჯვნა სრულიადაც არ მომხდარა ეროვნული საზღვრით. ეს ახალი საზღვარი-რივის ზავის საზღვარი-ღებულობდა დიდ მნიშვნელობას როგორც ხაზი, რომელიც ჰყოფდა საბჭოთა დიქტატურისა და კლასობრივი ტერრორის სფეროს, კერძო საკუთრებისა და წარმომადგენლობითი წყობილების მომხრე ქვეყნებიდან. ამ საზღვრის მარცხენა ფრთაზე უდიდეს მნიშვნელობას ღებულობდა ბალტიის სახელმწიფოთა ჯგუფი; მისი გაურკვეველ მდგომარეობაში დატოვება შეუძლებელი იყო, თუნდაც ზემოთ დასახელებულ ხაზის სიმტკიცისათვის, რომ არათფერი ვთქვათ ოდესღაც გაგერმანელებულ ბალტიის მხარეში დაბანდულ ინტერესებისა და იქ ვერსალის ხელშეკრულების შესრულების შესახებ, ან და ბალტიის ზღვაში საზღვაო ინტერესებზე. ბესსარაბიაზე რუმინის ხელისუფლების მოსალოდნელ ცნობასთან ერთად (1923 წ.)—იმევე ხაზის მარჯვენა ფრთაზე-აქ იქმნებოდა ახალი ევროპის ერთი იშვიათი „არხიტექტურული ანსამბლი“, რომელიც წარმოადგენდა აზრის

---

\*) ამერიკის ნოტაში ერთგვარის აგლებით ნახსენები არ ან „ეგრედ წოდებული რესპუბლიკები აზერბაიჯანისა და საქართველოსა“. დიდ სახელმწიფოთა მთავრობების წინაშე წარდგენილ მემორანდუმში საქართველოს დელეგაციამ ამ შემთხვევის გამო მისცა განმარტება, რომ „საქართველოს მთავრობამ მიიღო ხელისუფლება წარმომადგენლობითი ყრილობიდან, რომელიც იყო რეგულიარული არჩეული მთელი მოსახლეობის საყოველთაო კენჭის-ყრით; ყოლა საჯარო თავისუფლება, მათ შორის ბეკედის თავისუფლება უზრუნველყოფილია საქართველოში; მართლმსაჯულება, ადგილობრივი თვითმმართველობა, ნაციონალურ უმცირესობათა პრივილეგიები იქ მოწესრიგებულია ფართო ლიბერალურ საფუძვლებზე; ერთის სიტყვით, ყველაფერი, რის უქონლობას აყვედრიან რუსეთის საბჭოთა რეჟიმს სავსებით განხორციელებულია საქართველოს დაწესებულებებში. ყველგან, მთელ ქვეყანაში ის ფორმა და სახელმწიფოებრივი სისტემა, რომელიც მოქმედებენ საქართველოში, ცნობილია, როგორც რესპუბლიკანური. იხ. 1920 წელს ერთა ლიგისადმი საქართველოს შესახებ წარდგენილი საბუთების კრებული. Documents etc. p. 51).

ერთგვარ მთლიანობას და რომლის ღირებულება და სიმტკიცე დამოკიდებულია საერზოდ თვით ამ „ახალ ევროპის“ ღირებულებიდან.

მეორეს მხრით, ინგლის-რუსეთის შეთანხმების 1921 წლის დამდეგს მოსალოდნელი ხელის მოწერა, აიძულებდა სახელმწიფოებს დაეჩქარებიათ, წინასწარ ეცნოთ ახალი რესპუბლიკები, რომელთაც გადაიტანეს 1917—1921 წლების ყველა ქარიშხალი.

ბალტიის ახალ სახელმწიფოებთან ერთად საქართველოს მდგომარეობა იყო თავისებური. ისიც გამოდიოდა კავკასიის შესაძლებელ „ანსამბლის“ ნაწილათ, რომელსაც უნდა დაეფარა ანატოლია და სპარსეთი „სარმატთა ველების“ გრიგალისაგან. ევროპის დიდი კონცერტის არევამ და სპეციალურათ კავკასიის კონცერტის უთანხმოებამ დაშლა ის, რაც ერთ დროს შესაძლებლათ სჩანდა. დაბრკოლება მრავალი იყო; მათ დასაძლევათ ადგილობრივმა ენერგიამ არ იქმარა; „მოკავშირე სახელმწიფოთა უმაღლეს საბჭოს“ კი არც ღონე ჰქონდა და არც სურვილი განსაზღვრულ მერიდიანის უფრო აღმოსავლეთით გაეკეთებია რამე, ან მხურვალეთ დახმარებოდა ასეთს კეთებას.

კავკასიის რესპუბლიკებიდან მხოლოდ საქართველომ მიაღწია *de jure* ცნობის დღეს. მთიულთა რესპუბლიკა ფაქტიურათაც არ ყოფილა ცნობილი. აზერბაიჯანი და სომხეთი ეზიარენ კომმუნისმის მადლს, იცხეს საბჭოთა მირონი, და ევროპის თვალსაზრისით 1920 წელს წყობიდან გამოვიდენ.

საქართველოს, რომელიც საბჭოთა რუსეთის მთავრობის მიერ ფორმალურათ იყო ცნობილი (7 მაისის 1920 წლის ხელშეკრულება) და რომელმაც 16 ნოემბერს რუსეთთან და აზერბაიჯანთან დადვა ხელშეკრულება ტრანზიტის შესახებ, რაიც უკანასკნელებს საშვალეებას აძლევდა ბათომში თავისუფლად ვაჭრობისას, თითქოს არაფერი ემუქრემოდა. ჟენევაში საქართველოს ლიგაში მიღების ყველა მომხრე სწორეთ 7 მაისის ხელშეკრულებასა და მოსკოვის მთავრობის მიერ საქართველოს დამოუკიდებლობის ცნობას ეყრდნობოდა, როგორც ძლიერ საბუთს, რომ საქართველო უნდა იქმნეს ერთა ლიგაში მიღებული. უფრო გამოცდილნი იქვით აქნევდენ თავს („და მაინც რომ თავს დაესხენ... მაშინ?“).

საერთოდ ჟენევაში ყველა იმ აზრს იზიარებდა, რომ საქირაო სასწრაფოთ იყოს ცნობილი *de jure* ოთხი რესპუბლიკა, რაც თავის მხრით ხელი შეუწყო ამ ცნობის დაჩქარებას.

ეს მოხდა დიდი სახელმწიფოების მორიგ კონფერენციაზე 26 იანვარს 1921 წელს, პარიზში. ესტონია და ლატვია საეხებით და უპირობოთ იცნეს de jure დამოუკიდებლათ. ლიტვის შესახებ კითხვა (პრინციპიალურათ დადებითი) გადადებულ იქმნა, სანამ ენათა ლიგა გადაწყვეტდა ვილნოს კითხვას. რაც შეეხება საქართველოს „კონფერენცია“ 27 იანვარს გაზეთში გამოქვეყნებული ოფიციალური ცნობის მიხედვით, საეხებით კეთილგანწყობილათ შეხვდა საქართველოს იურიდიულათ ცნობას, თუ საქართველო შემოიტანს ფორმალურ თხოვნას. ამის შესახებ დაუყოვნებლივ შეეკითხებთან საქართველოს წარმომადგენელს პარიზში“.

„თუ საქართველო ფორმალურათ შემოიტანს თხოვნას“... ეს წინადადება (გაზეთ Times-ის შენიშენით გულუბრყვილო) ჩამაფიქრებელი იყო. 1919—1920 წლის განმავლობაში აღძვრა და განმეორება შუამდგომლობისა de jure ცნობის შესახებ შეადგენდა ჩვენი პარიზში მყოფი დელეგაციის უმთავრეს საქმეს. 1920 წლის დამლევს გეგექკორი განაგრძობდა ამავე მუშაობას“.

27 იანვარს საქართველოს მისიის ბინაზე იგი ვნახე ისეთივე განცვიფრებული, როგორც ვიყავი მე. ბუნდოვანათ იყო საგრძნობი, რომ ფორმალურ ცნობაში იმალებოდა რალაც საშიშროება საქართველოსთვის, ყოველ შემთხვევაში იმის ან იმათ თვალში, ვისაც აზრი გამოიხატებოდა კონფერენციის ცნობებში. კითხვა მაინც სასწრაფოთ უნდა გადაგვეწყვიტა; აღგვეძრა თუ არ აღგვეძრა ასეთი „ფორმალური თხოვნა“? ყოყმანს რა თქმა უნდა, ადგილი არ ექნებოდა: არ ცნობა, ან და ცნობის გადადება არ გვიხსნიდა საფრთხისაგან, ხოლო ფორმალური ცნობა საქართველოს დამოუკიდებლობისა, ყოველ შემთხვევაში იქნებოდა ფასდასადები მიღწევა. გეგექკორმა მაშინვე გაუგზავნა უძალდეს საბუქოს „ფორმალური თხოვნა“ და დიდ სახელმწიფოთა მიერ დადგენილ იქმნა იურიდიული ცნობა საქართველოს დამოუკიდებლობისა იმავე დღეს ე. ი. 27 იანვარს 1921 წელს (14 იანვარი ძველ. სტილ. მოციქულთა სწორის, წმ. ნინოს დღე—ეროვნული უქმი ქრისტიანულ საქართველოსა), რის შესახებ გეგექკორმა მიიღო კონფერენციის თავმჯდომარის არისტიდ ბრიანის ხელმოწერილი ქალაღდი.

როცა 1920 წლის დამდეგს ლორდ კერზონის წინადადებით კავკასიის სამი რესპუბლიკა de facto დამოუკიდებლათ იყო ცნო-

ბილი, ამ ცნობასთან დაკავშირებული იყო განსაზღვრული პოლიტიკური გეგმა, რომელიც დაწერილებით ზემოთ მოყვანილ მიზეზების გამო არ განხორციელდა. ეხლა, როცა საქართველოს დამოუკიდებლობის საქმე ფორმალურათ მთავრდება ლლოპიდ ჯორჯი (ზემოთ მოყვანილი შენიშვნა: „თუ შემოიტანს“... და სხვა კონფერენციას ურჩია ინგლისის პრემიერმა) განსაკუთრებულის მზრუნველობით ცდილობს მოიმზადოს პოზიცია, რომ, თუ საჭიროება მოითხოვს, რასაც ის შესაძლებლათ სთვლის ან მოელის, უთხრას საქართველოს: *vous l'avez voulu George Dandin!*

არსებობს გადმოცემა, რომლის სისწორის შემოწმება ძნელია, მაგრამ რომელიც ცხადყოფს იმასაც რაც ზემოთ არის ნათქვამი და რაც შემდეგ მოხდა, თითქოს ლონდონში მოლაპარაკების დროს, კრასინს შეამჩნევინეს, რომ ბაქოს ნავთი, დახლზე გადმოდებული მისი უმთავრესი საქონელი, ძლიერ ჰკარგავს ფასს. თუ სრულ განკარგულებაში არ ექნება ნავთსადენი და ბათომი. ამავე დროს—წინააღმდეგ წინანდელი (ლორდ კერზონის) პოლიტიკისა, და თანახმად ლლოპიდ ჯორჯის გამარჯვებულ პოლიტიკურ განზრახვებისა, ინგლისმა იწყო გამომჟღავნება, რომ მას პოლიტიკურათ არ აინტერესებს ამიერ-კავკასიის რესპუბლიკები. ძნელი არ იყო დასკვნა გამოეყვანათ, რომ საქიროა „საქონლის“ შეკეთება. დასკვნას მოჰყვა მოქმედება, რომელსაც, რა თქმა უნდა, ამოძრავებდა სხვა ყველასათვის ცნობილი მისწრაფებებიც.

*de jure* ცნობით დაგვირგვინდა და ფორმალურათ დამთავრდა საქართველოს დამოუკიდებლობისათვის და ევროპაში მისი ინტერესების დაცვისათვის მუშაობა.

ცნობის შემდეგ საქართველოს მთავრობას საშვალეება მიეცა რეგულიარული დიპლომატიური წარმომადგენლობა მოეწყო ევროპის დედა-ქალაქებში, და დააჩქარა უმთავრესს სახელმწიფოებში ელჩათ დაენიშნა აკაკი ჩხენკელი, რომელიც 1921 წლის თებერვლის შუა რიცხვებში პარიზში ჩამოვიდა, და 20 თებერვალს უკვე დაჩოქილი გვირგვინს ადებდა გამარჯვების თაღთან „უცნობი ჯარისკაცის“ საფლავს.



ამ დროს დაიწყო ტელეგრამებმა მოსვლა წითელ რაზმებთან, განსაკუთრებით საქართველოს სამხრეთ საზღვარზე, შეტაკებების შესახებ. 1920 წლის უკანასკნელ თვეებში და შემდეგაც არა ერთხელ მოვიდა ცნობა ბათომის, თფილისის და ცემაზე და სხვა — ეს იყო მოახლოვებულ ამბების თითქოს წინ ნასროლი ჩრდილი. ეხლა, 20-სა და 21 თებერვალს, სიტყვა ეხებოდა ნამდვილ ფაქტებს. ცოტა უფრო გვიან, მოვიდა ცნობა თფილისთან ქართველების გამარჯვებისა და თითქმის ერთდა იმავე დროს ცნობა ართვინისა და ბათომის ოსმალთაგან დაქერის გადაწყვეტილების შესახებ. ეს იყო „ტაქტიური“ გარს შემოვლა საქართველოსა, მას შემდეგ, რაც პოლიტიკურათ იგი გარიყული და შიგნით მოუმზადებელი შეიქმნა.

25 თებერვალს 1925 წელს საქართველოს ელჩი, მესტუმრეთუხუცესის თანხლებით, ელისეს სასახლის ეტლში, ზეიმით გაემგზავრა, ცხენოსანი საპატიო რაზმით გარს შემორტყმული, საქართველოს მისიის ბინიდან საფრანგეთის პრეზიდენტის სასახლისაკენ, რომ მიერთმია ბ. მილიერანისათვის რწმუნების სიგელი.

საელჩოს წინ, ხალხში გარეული, მე უტკერდი პარიზისთვის ჩვეულებრივსა, და საქართველოსთვის ესოდენ მნიშვნელოვან სანახაობას, ვიმეორებდი ჩემს „აწ განმისვენეს“... მაგონდებოდა, თუ ორასი წლის წინათ, მეფე ვახტანგ მე-VI-ის ელჩი, თავადი საბასულხან ორბელიანი, ლიუდოვიკ მე-XIV-ის მიერ ვერსალას სასახლეში მიღებული, როგორ გამოითხოვდა საქართველოსთვის დახპარებას. \*) მის ცდას არ გამოუღია ნაყოფი: მზე-მეფე (მზე თითქმის უკვე ჩასული) სრულიად უძლიერი გამოდგა რაიმე გაეკეთებია.

იმავე დღეს, 25 თებერვალს 1921 წ., საბჭოთა ჯარები შედიოდნ თფილისში; წინ მიუძლოდა წითელი ბაირალით ხელში, თეთრ ცხენზე მჯდომი, ერთი ქართველ-კომისართაგანი. მას გვერ-

---

\*) ეს მოხდა 1714 წლის მაისში. ორბელიანის მიერ წარმოტყმული „კომპლიმენტი“ დაბეჭდილია Nouveau Journal Asiatique-ში T. IX P. 1832. იქვეა სხვა ცნობები მის მისიაზე. საბასულხანი — ცნობილი ქართველი მწერალი და ლექსიკოგრაფი — გარდაიცვალა მოსკოვში. სხვადასხვა „ორიენტაციების“ ცვალებადობამ აიძულა მრავალი ქართველი თავშესაფარი რუსეთში ეძებნათ; ეხლა მათ უხდებათ რუსეთისაგან სადმე თავი დაიფარონ.

დით უხილავათ მოჰყვებოდა, გაძვალტყავებულ ჯახრიკაზე, ძონძებში გახვეული ჩონჩხი, და გასისხლიანებულ თითებში ეჭირანგრევის ცელი.

საქართველოს დემოკრატიის მთავრობა გაიქცა ევროპაში მას შემდეგ, რაც ეროვნული კატასტროფით დაამთავრა მოღვაწეობა იმ ქვეყანაში, რომელმაც მას ყველაფერი ანდო, რომელიც მას ერწმუნა საეცებით.

მაგრამ მეხსიერება დაშორდეს პიროვნებებს; დავიწყების ფერფლით დაიფარება მათი შეცდომები... ცოცხალის წყლით ნასხურები აღსდგა ძველი საქართველო, და მისი ჩაკვლა შეუძლია მხოლოდ მისი შვილების სულმოკლეობას.

დასასრული.

---

## ს ა თ ა შ რ ი .

	გვერდი
საყურადღებო წიგნი—შ. ელიაშა	VII
Post-Scriptum, წინასიტყვაობის ნაცვლად .	7
შესავალი . . . . .	21
თავი I. — რუსეთთან ერთად!	
1. თავისუფალი საქართველო თავისუფალ რუსეთში . . . . .	23
2. რუსეთის ფედერალიზმის ისტორიისათვის	25
3. დროებითი მთავრობის დროს . . . . .	28
თავი II. — ქართ. კომიტეტი პეტროგრადში.	
4. ოჯახური საქმეები	30
5. სამხედრო საქმეები . . . . .	31
6. ზოგი-რამ ბრესტ-ლიტოვსკის ზავის შესახებ .	33
თავი III. — სანიტარული მატარებელი № 133.	
7. მისი გამარჯვება	36
8. გაჭირვება . . . . .	38
9. დასვენება პიატიგორსკში	43
თავი IV. — კავკასიაში.	
10. ისევ გზაზე . . . . .	45
11. საქართველოს სამხედრო გზაზე . . . . .	47
12. ტფილისში 1918 წლის გაზაფხულზე . . . . .	48
თავი V. — ბათომში ოსმალოებთან.	
13. როგორ მოხდა . . . . .	52
14. „დელეგატების“ მატარებლით	56
15. გრძნობები და პიროვნებანი	58
თავი VI. — ბათომის კონფერენცია.	
16. 11 მაისის სხდომა	64

17. ოსმალეთის წინადადებები	66
18. როგორ მოვიქცეთ?	67
19. მელნით ომი .	70
თავი VII. — ამიერ-კავკასიის დაშლა.	
20. ისტორიის მუხრუჭში	73 <sup>ა</sup>
21. ბათომის დღიურიდან	75
22. რუსეთი სადღაა? .	77
თავი VIII. ახალი გზა.	
✓ 23. საქართველოს დამოუკიდებლობა	79 <sup>ა</sup>
24. გადაწყვეტის დღეები	82
თავი IX. — გეზი გერმანიაზე.	
25. ბათომიდან ფოთში . . . . .	90
26. 28 მაისის 1918 წ. ფოთის შეთანხმება .	92
თავი X. — Quo vadis Georgia?	
27. ფოთიდან ბერლინში	98
28. ჩვენი ამოცანები	102
თავი XI. — ბერლინში 1918 წლის ზაფხულში.	
29. პირველი შეხვედრები . . . . .	106
30. მიღწევები, დაბრკოლებანი .	114
თავი XII. — ოსმალეთი ზეიმობს.	
31. 4 ივნისის 1918 წლის ბათომის აქტები	124
32. ბერლინში მათი ძირის გამოთხრა . . . . .	129
33. სამკუთხედში: ბერლინი—მოსკოვი—კონსტანტინოპოლი .	132
თავი XIII. — გერმანიის იმედით.	
34. „გერმანიის ორიენტაციის“ საფუძვლები .	134
35. „შავ-ქვაზე“ . . . . .	139
36. 1918 წლის 27 აგვისტოს გერმანია-რუსეთის შეთანხმება .	144
37. ოსმალეთის ხლართი	147
თავი XIV. — სიფრთხილეს თავი არ სტკივა.	
38. ლუწი თუ კენტი?	150
39. ქრისტიანიაში .	152

	გვერდი
თავი XV. — მოსახვევე ში.	
40. თალათ-ფაშა ბერლინში . . . . .	158
41. საქართველო - გერმანიის ხელშეკრულების გეგმა	162
42. გადატეხა	165
თავი XVI. — ნგრევის შუაში.	
43. უკანასკნელ „ბალკანეთის მატარებლით“ .	168
44. კონსტანტინოპოლი, 1918 წ. ოქტომბერი	173
45. „შუა ევროპის“ ნანგრევებზე .	187
თავი XVII. — „გერმანიის ორიენტაციის“ დასასრული.	
46. ბერლინში, ნოემბერი 1918 წ.	196
47. მუდროსის დროებითი ზავი	199
თავი XVIII. — გეზი დასავლეთზე!	
48. ბერლინ-ლონდონი . . . . .	203
49. ახალ ლიანდაგზე	206
თავი XIX. ძველი თემის ახალი ვარიაცია.	
50. ამიერ-კავკასიის დავიდარაბა	211
51. დიდი სომხეთის გეგმა . . . . .	215
52. ბუფერული სახელმწიფოს თეორია	217
თავი XX. — ლონდონში პარიზის კონფერენციის წინა-დღით.	
53. ევროპა და კავკასია . . . . .	220
54. ყალბი კანდელი	222
თავი XXI. — კონფერენციის მზეზე.	
55. პირველი სიხარული . . . . .	226
56. პრინციპო . . . . .	229
57: ჩხეიძე და წერეთელი	231
თავი XXII. რუსეთის აჩრდილი.	
58. საქართველოს დელეგაცია პარიზში	238
59. ერთობლივი რუსეთი და განაპირები . . . . .	241

60. დიდი სახელმწიფოები და ერთობლივი რუსეთი	248
თავი XXIII. — საქართველო და მოხალისეთა ლაშქარი.	
61. ცუდ მშენებლობიანობიდან კეთილ შეტაკებამდე . . . . .	248
62. „სადემარკაციო ხაზი“ . . . . .	252
თავი XXIV. — ინგლისი რუსეთსა და კავკასიის შუა.	
63. ყველას თავისი . . . . .	258
64. ინტერნაციონალი და იმპერიალისტები . . . . .	261
თავი XXV. — სამი მუზობელი.	
65. საქართველო, აზერბაიჯანი, სომხეთი . . . . .	264
66. ბორჩალოს კითხვა ინტერნაციონალის სამსჯავროს წინაშე . . . . .	268
თავი XXVI.—მანდატარის (ხელმძღვანელის) ძებნა ში.	
67. მანდატი და დამოუკიდებლობა . . . . .	271
68. ინგლისი? . . . . .	276
69. იტალია? . . . . .	278
თავი XXVII. — ამერიკის მირაჟი.	
70. იმედები და განზრახვები . . . . .	283
71. გენერალ ხარბორდის მისსია . . . . .	287
თავი XXVIII. — წლის დასასრულს (1919).	
72. უკანასკნელი იქვები . . . . .	293
73. ცნობის წინა-დღით . . . . .	295
თავი XXIX. — „ფაქტიური“ ცნობა (იანვარი 1920 წ.)	
74. უმაღლესი საბჭო და ამიერ-კავკასიის რესპუბლიკები . . . . .	298

	გვერდი
75. „წითელ“ საშიშროების წინაშე	303
76. მოხალისეთა ლაშქრის მიერ ცნობა. .	308
თავი XXX. — უმაღლესი საბჭო ლონდონში.	
77. დიდი სახელმწიფოების „რუსული პოლიტიკა“ (თებერვალი-მარტი 1920 წ.)	312
78. სომხეთის საზღვრების კომისიაში .	316
79. ბრძოლა ბათომის გამო და სომხეთის ზღვაზე გასავალი გზა	320
80. მეზობელთა შორის	324
თავი XXXI. — ამიერ-კავკასიის რესპუბლიკები და კონფერენცია სენ-რემოში.	
81. პარიზის წინასიტყვაობა . . . . .	328
82. ინგლის-კავკასიის მოლაპარაკება და კავკასიის შეთანხმებულობის გამოცდა .	336
83. ბრიტანეთის გეგმის ჩაფუშვა .	346
თავი XXXII. — ევროპის წასვლა და რუსეთის დაბრუნება.	
84. ბაქოს დაცემა; საქართველო-რუსეთის შეთანხმება . . . . .	349
85. საქართველოს ბათომი და სევრის ხელშეკრულება . . . . .	354
86. დასავლეთზე ოცნებები და აღმოსავლეთის სინამდვილე	358
თავი XXXIII. — ერთა ლიგა ანუ „დასტოვებთ ყოველი იმედი“.	
87. „ხალხთა პირველ ასსამბლეაზე“ (ნოემბერ-დეკემბერი 1920 წ.)	362
88. სომხეთის დაცემა .	370

	გვერდი
თავი XXXIV. — საქართველოს de jure ცნობა (იანვარი 1921 წ.)	
89. „აწ განუტევე მონა უენი“ .	376
90. საქართველოს დაცემა .	380
<b>ხ ა თ ა უ რ ი .</b>	<b>383</b>
<b>წიგნში დასახელებულ პირთა სია</b>	<b>389</b>
<b>შეცდომების გასწორება</b>	<b>400</b>

---



## ვინ სად არის მოხსენებული.

აბაშიძე ივანე (კიტა)	27, 28
აბაშიძე ზია-ბეგი . . .	149
აბდულ-აზიზი, სულთანი . . . . .	178
ავალიშვილი ზურაბ	VII-XIII 21, 118-9-20
ავგუსტოსი . . . . .	8
აგარონიანი ავეტისი . . . . .	175, 183, 268, 291, 317, 325-7-9, 330, 4, 340-1-5, 358
აგუერო . . . . .	969
ალექსეევი გენერ. . . . .	249, 250
ალლენბი გენერ.	159
ანდერსი კონ.	90
ანდრიულო დ. . . . .	281
ანდრონიკაშვილი თ-დი ი. შ..	57
არნაევონი	227
ახმეტელი ლადო . . . . .	98
აფხაზი თ-დი კონსტანტინე	298
ბალლეტი (Bullit)	229, 258
ბალფური ა. . . . .	204, 374
ბამმატი გაიდარ-ბეი	64-5, 174, 178
ბიჩი . . . . .	250
ბაჰსტი ედმონდი . . . . .	153-4-6, 203
ბარათოვი ნ. გენ.	253
ბისმარკი . . . . .	106, 167
ბერნშტეინი ერ.	110
ბენუა . . . . .	35
ბეჟანიძე ახმეტ-ბეგი	92
ბარტოლდი . . . . .	35
ბიტტი აღმირალი	304 5-6

ბოდუენ დე კურტენე	26
ბრანტინგი .	367
ბრიანი არისტოილი	379
ბუტკოვი	127
ბუშე ფ.	115
გაბაშვილი	XI
გაბბა პოლკ. . . .	279
გაჯიბეკოვი ჯეიხუნი . . . . .	293
განჯინსკი მაჰომეტ-ჰასანი	56, 62, 77, 79
128, 298	
განი კ. . . . .	8, 114
გარდენი მაქსიმოლიანი	120
გვაზავა გიორგი . . . . .	116, 124, 173
გვარჯალაძე კონსტანტინე . . . . .	343
გემეჰკორი ვეგენი . . . . .	49, 54-5, 71, 116-7, 197, 209, 213, 214, 233, 250, 265, 296, 300, 311, 359, 364, 373-9
გედევანიშვილი გენ.	265
გელლატი დ-რ . . . . .	26
გელოვანი. ვარლამი	26, 27
გენდერსონი ა. . . . .	269
გეპერტი დ-რ . . . . .	106, 110, 115, 141, 162, 198
გეპერტი დ-რი უფროსი . . . . .	141
გენტიცენი პაული . . . . .	352
გერტლინგი გრაფი ფონ.	109, 164
გესენი ი. ვ. . . . .	26
გინდენბურგი ფონი . . . . .	109, 167
გინცე ფონი . . . . .	146, 156, 164, 173
გიუსმანსი კ. . . . .	269, 270, 359
გიტლერი . . . . .	61
გლაზბერგი ნ. ბ. . . . .	35
გლაზენაპი ფონი . . . . .	114
გობეჩია იოსები . . . . .	342-3-5
გოგიჩაიშვილი ფილიპე . . . . .	351-9
გოგოლაშვილი იოსები . . . . .	91
გოლოვინი ფ. ა. . . . .	28, 29
გოლუშევი . . . . .	180-1
გრიბზინი პოლკოვნიკი . . . . .	317

გრაგოლ ხანძელი	83
გრობერი . . .	122
გუნეუსი ანტონიო	364
გუსტავე-ადოლფი	305
დავით აღმაშენებელი	9
დავიდ სოც.-დემოკრ. . . . .	. 107, 122
დენიკინი გენერ. . . . .	241-3-7-8, 251-2-3-4-5-8, 261-4-5, 277, 286, 296-9, 300-9, 352
დენ პოლკოვ.	311
დოლჰი ანჯელო . . .	185
დრაგომიროვი გენერ.	254
დუბროვინი ნ. . . .	21
დუნსტერვილი გენერალი	104
ეკატერინე მე-III-ე	127; 146
ენვერ-ფაშა	60, 148, 176
ენუქიძე აბელი . . .	82
ერცებერგერი მ.	107
ესპერე დე გენერალი	191-3
ესსად-ფაშა . . . . .	114
ვაგნერი რიჰარდ	61
ვანდერველდე ე.	359
ვანდერველდე ქ-ნი	359
ვანსიტტარტი რობერტი . . . . .	305, 317, 319, 329, 330, 331-2-3-4-6-7-8-9, 340-1-2
ვარანდიანი მიქაელი	268-9, 270
ვახტანგ მეექვსე, მეფე	381
ვეიცი . . . . .	98
ვეზენდოკი ოტტო ფ.	61, 85, 98, 100, 110
ვეზენდოკი მათილდა . . . . .	61
ვეჰიბ-ფაშა . . . . .	60, 65, 71, 76, 87, 90, 114, 126, 128
ვერნერი დ-რი	122
ვესტარპი . . . . .	122
ვეშაპელი . . . . .	XI
ვივიანი რენე . . . . .	367, 372
ვიზიროვი ფარუხ-ბეგი	186

ვილლარი ლუიჯი	372
ვენეზილოსი	365
ვილჰელმ მეორე	106, 108, 120, 166-7, 175, 187, 195
ვილსონი პრეზ.	182, 252, 262, 273, 284, 287, 290, 326, 363, 371-4-7
ვილსონი, სერ გენრი	304-5-6
ვოლფი თეოდორე	120
ვორონცოვები	62
ვრანგელი გენ.	361
ზელინსკი	35
ზოკა-ედ-დაულე	366
ზოპრაბი	77
ზურაბოვი არშაკი	98
თალათ-ფაშა	60, 158-9, 160-1-5, 172-3
თეფფიკ-ფაშა	172, 179
თამარ	9, 47
თაყაიშვილი	XI
თოფჩიბაშევი	176, 247, 293, 302, 306, 329, 330-4, 345
იბნ-მისანი	9
იზზეთ-ფაშა	175, 181-2-3
ირაკლი მეორე	126, 146
იოჰანნესი	110
იონესკუ თომა	365-7
იოფფე	107, 132, 146
იუდენიჩი, გენერალი	299
კალგუნა	241
კამინკა ა. ი.	26
კამბონი ჟიული	302-3-6-10
კამბონი პოლი	227-8, 301
კანმერერი	317, 8-9
კანდელაკი კონსტანტინე	351-9
კაროლი	193
კარსავინი	35

კაჩაზუნ რუბენი	56, 62, 88, 128
კაუცკი კარლოსი	359
კაუცკისა ქ-ნი .	259
კვინიტაძე გიორგი	85
კედია სპირიდონი	41, 114
კერენსკი ა. ფ.	27
კერზონი ლორდი	301-6-8, 333, 342-4 355, 369, 379, 380
კერრი ფილიპე	302-3
კოანდა გენერალი	192
კობახიძე	XI
კოლბი ბენბრიჯ	376
კოლტორპი არტური	200
კოლჩაკი, ადმირალი	241-3-4-5-6-7, 253-5, 280-1, 296, 299, 309
კორნილოვი	38
კო რ ი გენ.	251
კრასინი .	375, 380
კრუპპი ფრიდრიხი	140
კლემანსო ეორკი .	262, 286, 306-7
კრესს ფ.-კრესსენშტეინ, ბარონი	109, 116, 120, 144, 190, 198
კრიგე დ-რ	107-8, 110, 117-8-9-20, 145, 162, 167
კიულმანი რ. ფონი	106, 110-1-2, 120-3, 131-2-3, 144, 151, 173, 309
ლაბანდა პროფ.	112
ლაჯი (Lodge) სენატორი	202
ლაფონტენი სენატორი	372, 373-4
ლანგი უ.	304
ლერუა-ბოლიე .	62
ლენიციკი ა. ი.	26
ლენბახი	106
ლენინი	9, 55
ლესტი არტური	86
ლერმონტოვი	47
ლიმანი ფ. სანდერსი	109, 159

ლისტი პროფ.	145-6
ლლოპიდ-ჯორჯი . 229, 230, 262, 299, 302-6-8, 313, 314-15, 355, 369, 380	
ლონგე ჟანი .	269
ლოსსოვი ფ. გენ. . VIII, 61, 79, 80, 82, 86, 90, 92, 93, 96-7-8, 100-1, 106, 108-9-10, 114, 117, 120, 129, 175, 183, 185	
ლიაცკი ე. ა.	85
ლიუდენდორფი .	61, 109-10, 120, 187
ლიუდოვიკო მეთოთხმეტე	381
ლორდი პროფ.	245
ლუტკევიჩი დე	247
ლუშერი მინისტრი	XII
მაგერამოვი მაპომეტი	293, 302-6-7
მაზნიაშვილი გიორგი	250
მაკდონალდი რამზვი	269, 359
მაკინდერი გენერ.	300
მალვი	152
მალლეტი სერ-ლუისი.	209, 277
მარრი აკადემ.	47
მაჩაბელი გიორგი თავ.	110, 112
მაჭუმუდ-ფაშა	179
მდივანი სისიკო	XI, 214
მეხმანდაროვი გენერ.	265
მეჰიენდორფი ა. ბარონი	314
მეჰიეროვიცი	247
მეხტიევი მირ-იაკუბი	293
მილიერანი	381
მილენი	365
მილნი გენერ.	260
მირბახი გრაფი .	78
მიტრიდატი ევპატორი	8
მონზი, დე	294
მონტენი .	16
მორისი, ფრედ. გენერ.	372-3
მორგილომანი	192

მუსსოლინი	282
მუსტაფა ქემალი	288, 356, 368, 370, 374-5
მუციუსი ფონი	156
ნაბი-ბეი	182
ნაბოკოვი ვ. დ.	29
ნანსენი ფ.	364-5-7-8, 372
ნარადუნგიანი გაბრიელი ეფენდი	332-4, 344-5
ნაუმანი ფ.	107
ნიკოლაძე ნიკოლოზ	XI, 56, 62, 77, 82, 83-4, 86-7, 92, 98-9, 110, 112, 114, 116, 120, 134, 139, 143, 152, 160-1
ნიკოლოზ მეორე	250
ნიკოლოზ ნიკოლოზის ძე დიდი მთავარი	99, 211, 317
ნიკოლოზ მიხეილის ძე დიდი მთავარი	111
ნიტტი ფ.	281, 306
ნინო წმინდა	279
ნოლდე ბარ. ბ. ე.	33
ნორრეგორი ბ.	157
ნუბარი ბოლოსი	215, 222, 327, 329, 330-2-4, 340-1-2-4
ნური-ფაშა	176
ნუსრეტ-ბეი	65, 91
ოვეიპ ე.	154, 203
ოგანჯანიანი ამზასპი	98, 161, 269
ოდიშელიძე ილია	84, 86, 88, 116, 124, 128, 343
ოქსენშტიერნი გრ. აქსელი	305
ორბელიანი საბა-სულხანი	235-6, 381
ორხან-ბეი	64, 126
პადერეესკი	367
პაიჭერი ფონი	142
პაპაჯანოვი მიხეილი	28, 128, 175
პელასიოსი	365
პეპინოვი	83

პერევერზევი პ.	27
პერრედონი	372
პეტრე პატრი	185
პიიპი .	26
პიო პატრი .	175, 188
პიშონი ს.	156, 221, 220, 294-5
პოლიტიისი ნ.	365
პოსკა	247
პრენსიაკოვი	35
პულლე	365
ქორდანია ნოე . . .	50, 55, 81-2-3-4, 88, 144, 172, 211, 214, 233, 260, 279, 352
რაგგი (Raggi) სალვაგო	279
რაიკროპტი გენერ.	214
რამიშვილი ნოე	XI, 88, 90-1-2, 124-5, 129, 214, 233, 250
რასულ-ზადე მაჰომეტ-ემინი .	56, 63, 128, 174, 177
რაუფ-ბეი	184, 199
რახმი-ბეი	184
რეი (Rea) პოლ.	296
რენოდელი პიერი	269, 359
რესტრეპო	366
რეშად-ხიკმეტი	182, 200
როზანოვი	64
როზენბერგი ფონი	106, 110, 115
რორბახი პ.	116
როსტოვევი	35
რცხილაძე გრიგოლი	124
საბახტაოაშვილი კონსტანტინე	345
საგატელიანი გენ. გ. დ.	264
საზონოვი ს. დ. .	226
სანდერსი ლიმან ფონ	109, 159
საფიკურდსკი . . .	83
სესილი ლორდ-რობერტი	367-8, 372
სიდორენკო	247



სიმონსი დ-რ	IX, 110, 112-3
სნოუდენი ქ-ნი ე.	359
სპალაპიკოვიჩი	365
სოკოლოვი კ. ნ.	254
სომოვი	35
სოლოვიოვი ელადიმერი	238
სტოკსი პოლკ.	355
სტრუვე პ. ბ.	22
სუმბათაშვილი მიხეილი თავ.	197, 365-7
სულკევიჩი	265
სურგულაძე პეტრე	83-4, 91
ტაკი-ზადე	107
ტეფეიკ-ფაშა	172, 179
ტემპერლეი (Temperley)	270
ტიგრანოვი, ლ. ფ. გენერ.	31-2
ტიგრანი, სომხეთის მეფე	56
ტისსა-გრაფი	189
ტისსენი ფრიცი	140
ტომსონი გენ.	259, 279
ტორრეტა მარკიზი	279, 302
ტუნდუტოვი თავ.	99, 106, 108
ტსან-ტსაჰი-ფუ	365
უორდროპი სერ ოლივერი	154, 204-5, 253, 296, 301
უორდროპი მარჯორი	204
უსუბეკოვი ნასიბ-ბეი	83, 296
ფარმაკოვსკი	35
ფარრუხი ეფენდი	160
ფერდინანდი ბულგარელი	169, 171
ფინდლეი სერ. მ. კ.	153-4-5-6, 203
ფიშერი	365-8
ფოში	152, 306
ფრანკენშტეინი ბარონ-ფონი	115
ფრიდრიხი, კრონ პრინცი	108

ქორქია ალექსანდრე .	30
ლამბაშიძე ვახტანგი	: 90, 126
ლამბაშიძე დავითი	140, 204, 206, 209, 224,
232, 287, 355	
ყორღანოვი გაბრიელი	81
შაგასი	366
შამილი .	178
შანცერი	372
შარდინი პოლკ.	214, 317-8
შეიდემანი .	107
შეიხ-ულ-ისლამ-ზადე-აგბერი	293
შერვაშიძე კადირ ბეგი	149
შონაიხ-კაროლატი	122
შტეინი ბარ. ფონი	114, 140, 142
შულენბურგი გრაფი	. 61, 65, 90-1-2
შულგინი ვ.	250
ჩერქეზიშვილი ალექსანდრე	30
ჩერმოევი აბდულ-მეჯიდ ბეი	64, 247
ჩერჩილი უ.	304-6
ჩიჩერინი სახ. კომ.	79, 375
ჩობანიანიანი არშაკი	345
ჩხეიძე ნიკოლოზი XI, 225, 228, 232-3-4-6, 240, 247,	
268, 274-5-6-9, 306, 319, 329, 334-6, 340-1-3-4-5,	
352-4-9	
ჩხენკელი აკაკი VIII, XI, XII, 28, 46, 50, 55-6-7, 61-2-5, 71,	
74, 76-7, 83-4-5-6, 88, 90-1-2-3, 98, 100, 107,	
110, 114-5-6-7-8, 120, 142, 145, 152, 161-2, 164,	
185-7, 197, 224, 262, 380-1	
ცაგარელი პროფ.	236
ცელი ენრიკო	281
წერეთელი ირაკლი X, 54, 225, 228, 232-3-4-5-7, 240,	
255, 269, 274-6, 302-6-7, 359	

წერეთელი მიხეილი	110, 112, 116, 122, 197
კავკავაძე გარსევანი თ-ლი	298
კავკავაძე ილია თ-ლი	298
ხალილ-ბეი	60, 64-5, 76, 87-8, 114,
125-6, 129	
ხარბორდ გენ.	287-8-9-10
ხარლამოვი	28
ხასმამედოვი ხალილ ბეგი	83, 186
ხატისიანი ალექსანდრე	56, 62, 77, 88, 128, 296
ხაუზი (House) პოლკოვ.	252, 284
ხელთუფლიშვილი მ.	21
ხოისკი პატალი-ხანი	83
ხოშტარია აკაკი	40
ჯავახიშვილი ივანე	24
ჯაფარიძე	XI
ჯაფაროვი მამელი	28, 83, 265
ჯემალ ფაშა	60, 76-7, 109
ჯუღელი ვალიკო	51
პაეტესი	7, 9
პასკელი პოლკ.	285
პელმლოლცი	61
პერცენი	62

---

## შემჩნეული უმთავრესი შეცდომების გასწორება.

გვერდი	სტრიქონი	დაბეჭდილია	უნდა იყოს
	ზევიდან—ქვევიდან		
9	21		დაახლოვებით
14	2		კარაბაზე
17	14		კავკასიური რუსულ
„	19		სექ.
24		1	თავმჯდომარეთ
„		8	ასეთი
25		11	თათბირის
		16	შეიძლება
„		18-19	ნასკვის
27		9	რევოლუციონური
„		11	წარმომადგენელი
37		4	საბჭოთა
45		16	ეშელონები
48	13		შემოტევის
60		8	დამპყრობელებს
69	12		შეექმნათ
„	13		საფუძვლები (წერტილი)
70		6	თქვენ
75	17 და 18	შუა	21
78		4	მოსკოვში , (მძიმე)
„		12	მიმთვისებელია
79	12		კლიტე
82		7 და 8	შუა 24
87		4	ბეისაგან
88		13-12	უხერხემალო, ვეებერთელა, რბილკანიანი.

გვერდი	სტრიქონი	დაბეჭდილია	უნდა იყოს
	ზევიდან—ქვევიდან		
91	5		იურისკონსულტა
92	4		ჩამოკიდებულ
96		10	კონფედერაცია, და ამ კონფედერაციაში
98	3 და 4 შუა		27
100		9	შეაჩქროს
103	5		ბათომში.
„	14	ალიარება	ცნობა
106	2	იანვარი	ივნისი.
„	2-3	გაშვებულია	29
107	4		დაეცემა
	12		ფ. ნაუმანი
„	20		იოფყე (წერტილი)
108	7		ტუნდუტოვი.
109		1	ინგლისელებისაგან
110	3		როგორ
	17		Deutsche
„		1	მინისტრი
114		21	მოსანელებელ
115	4		ბაქოსაგან
116		8	ოდიშელიძე
117	6	არ	(!ამოადდეთ!)
	18		დავიწყეთ
	23	უფლებების	სამართლის
„		8	თავლიდან
119		2	უფლება
126		2	არის, არის
127		15	მუსლიმანთა
128		12	სომხეთიდან
134		14	დაბოლოვება
147	7		გაუსწრებ
151	15		თვალუწვდენ
155		7	აუცილებელი
157		3-4	სასწრაფოთ
158	4		ბერლინს

გვერდი	სტრიქონი	დაბეჭდილია	უნდა იყოს
	ზევიდან—ქვევიდან		
168	9		სამსახურს
„	13-14		რეზადის
170	5		ნიშიდან
175	2	ad	აკ
176	4		ნიშში
182		7	აწ უკვე გადაცვლებულ
183	4		აგარონიანიც
186	7		განსხვავება არის
„		5	კიდევ
190		17	გამოვედი
192		8	რუმინიას
196		5	ავსტრო-
197	2		გამარჯვებულ
211		6	კავკასიის
213	12		მოითხოვეს
215		1	სპარსეთის
„		2	მივიღებთ
218		5	იყო უმთავრესი
220		12	თავდასხმისაგან
„	3-4 შუა		წგ
232	15		უანექსიო
235		9	სებასტიანესთვის
236	4	ვიმღერებ	ვიყივლებ
242	6	იმსი	(!ამოაგდეთ!)
248		19	თავდასხმისაგან
250	16	ხლაფორთის	დავიდარაბის
256	15		ამბობდა
265		12-11	საქართველოსა
268		9	ოსმალეთის
„	14		საჩივრის
270	11		გიუსმანსმა
281		5	მოსკოვის
298		3	მაისში
323		11	Hinterland
333		16	კობხვის
337	1		საკუთარი
344		2	რას
„		19	მწუხარებას

გვერდი	სტრიქონი	დაბეჭდილია	უნდა იყოს
	ზევიდან — ქვევიდან		
378		4	დაესხან
380	4		მთავრდება,
„	11		იმასაც,
381		10	უძღური
XI		15	უცვლელნი

ყველგან უნდა იყოს სხვადასხვა, ტრაპიზონი, უშუალოდ...

